




M

Ex Bibliotheca
majori Coll. Rom.
Societ. Jesu

4.6.13.

I





VITA
FRANCISCI
BORGIAE

Tertij Societatis IESV Generalis


A
P. RIBADENEIRA

Hispanice scripta; Latine
vero ab

AND. SCHOTTO ANTVERP. *insix*

utroque eiusdem Societatis Sacerdote.

Accesserunt nunc primum pia Opuscula —
FRANCISCI BORGIAE.



ANTVERPIAE,
B Typographeio Ioach. Troгнаесij.
CLD. LD. XCVIII.

Cum Gratia & Privilegio.

Collegio Societatis IESV Romano

And. Schottus presbyter

D. M.

FRANCIS
BORGES

S V M M A
P R I V I L E G I I
ERNESTI PRINCIPIS
ELECTORIS, EPISCOPI
Leodiensis, &c.

PRIVILEGIO *Celsitudinis*
eius cautum est, ne quis abs-
que consensu IOACHIMI
TROGNAESII, Typo-
graphi Antuerpiensis, Vitam FRAN-
CISCI BORGIAE, Tertij Societatis
IESV Generalis a R^{do} P. AND.
SCHOTTO Latine scriptam intra
decennium imprimat, aut alibi impres-
sam in Dioecesim Leodiensem importet,
venalemve habeat, sub poena in Di-
plomate constituta. Datum Arens-
pergij, 4. Decembris, 1597.

Signatum

Ernestus.

APPROBATIO.

VITAM R^{di} Patris FRANCISCI
BORGIAE, Ducis Gandiae, & So-
cietatis IESU Praepositi Generalis
Tertij, nec non eiusdem libellos, seu
tractatus sex approbo, praeloque di-
gnos iudico. Datum Antuerpiae,
Nonis Nouemb. 1597.

SILVESTER PARDO, S. Theolo-
giae Licentiatus, Cathedralis
Ecclesiae Antuerp. Canonicus,
librorumque Censor.

AD ILLVSTRISS.

CAR. BORGIAM

GANDIAE DVCEM,

LOMBAIAE MARCHIONEM,

ET

OLIVAE COMITEM

ANDREAS SCHOTTVS

Societatis IESV Sacerdos.



ITAM FRANCISCI
BORGIAE, proau-
tui, CAROLE Dux,
qui Societatis no-
stræ tertius ab Igna-
tio familiam duxit, Gandiae, te
hortante, Latine scribere ingres-
sus, Romae ad exitum adduxi, &
in tuo nomine, duabus potissi-
mum de caussis, apparere volui.
Primum, Superiorum iussu, qui

*

3

hanc

hanc qualemcunque exstare vo-
luerunt grati animi testificatio-
nem erga gentem Borgiam: e
qua FRANCISCVS Societatem
recens tunc ortam, accessione
sua mirifice illustravit. Deinde,
quod in eam spem venerim, fo-
re, vt, cum magna sit in omnem
partem ad bene, beateq; viuen-
dum vis exemplorum; maiorem
tibi, Sociisq; nostris fructum
domestica exempla sint allatura.
Tibi quidem, quod, vt in atriis
maiorum tuorum mutas imagi-
nes, & signa spectare soleas, hanc
ipsam proavi tui spirantem pae-
ne, ac loquentem effigiem, ea te
animi alacritate accepturum con-
fidam, qua me olim de Principis
officio,

officio, c M. Tullij, Philosopho-
rumque libris quotidie differen-
tem audire consuevas. Sociis vero
nostris, haec ipsa exempla non
mediocre credantur emolumen-
tum allatura: quod ea Parentis
optimi expressa pietatis vestigia
intuebuntur, quibus dum insi-
stere volent, velle autem debent,
minime degenerasse a maioribus
videri possint. De me, illud affir-
mare licet, lacrymas mihi per-
saepe scribendo manasse: dum
me tacitus ipse tanti exemplo viri
castigo. Quin & ad alios, vt con-
iuges, vt nobiles viros, hinc est
peruentura, cupio quidem certe,
vtilitas. Legendis enim nostris,
obseruabunt rerum humanarum,

honorumq; despicientia, veram
animi tranquillitatē, atque adeo
voluptatem contineri: quas ar-
tes veterum Philosophorum na-
tio inuestigando quaesivit; sed
quaesivit tantum; Christiana ve-
ro disciplina, atque Religio, in-
uenit, ac possidet. His & illa causa
accessit. Cum Ignatij Loiolae, &
Francisci Xauerij, innocentissi-
morum virorum, res domi, fo-
risq; sancte gestas, Latine a tribus
Societatis nostrae disertis homi-
nibus, Ribadeneira, Maffeio,
ac Tursellino scriptas viderem;
meas esse partes duxi, licet cona-
tu impari, pari tamen voluntate,
quae de FRANCISCI vita, legen-
do praeclara Petri Ribadeneirae
monu-

monumenta, sciscitandoq; pri-
dem didicissem, Latino posteris
sermone transcriberem: quod in
iis Edetanorum, Consentano-
rumque locis diu, multumque
versatus essem, quibus ille, abdi-
catis iam honorum, bonorumq;
titulis, penitus abdens se diuinæ
Philosophiæ primum consecra-
rat. Latine vero scribendum du-
xi: quod cum Hispana lingua
suis finibus continetur, Latina
ab omnibus prope gentibus le-
gatur, intelligaturque: & res ab
illo praeclare gestæ, dignæ pla-
ne sint, quæ ab omnibus genti-
bus cognoscantur. Stylum vero
studio sic temperavi, ut pij, &
Religiosi viri res gestas, histo-
riamq;

riamque Ecclesiasticam scribi a
me perpetuo meminissē: Sal-
lustianam quidem breuitatem
secutus; sed obsoletis, & nimis
antiquis vocibus, quas e M. Ca-
tōnis Originibus ille hauserat,
valere iussis: legi simul & intel-
ligi exoptans. Doctis certe ne
sermo agrestis taedio esset, sedu-
lo caui; semidoctis vero ne mo-
lestiam obscura dictio pareret,
operam dedi. In interpretando
M. Tullij, & Horatij regula sum
usus, ne verba annumeranda, sed
sententias modo, nihil ut omit-
terem, appendēdas existimarem.
Ad veritatis autem fidem omnia
retuli, non ad pompam, osten-
tationemq; ingenij: ut militares
olim

olim conciones solent; in quibus Sallustium, Liuiumque Sex. Pópeius Trogus apud Iustinum, quod Historiae modum excefferint, reprehendit: vel denique funebres laudationes; quibus iidem Cicero, & Liuius factam esse Historiam mēdosioremerito queruntur. Habes quid sim secutus. Iam hoc agamus; & a pueritia, de more, paullo altius ordiamur.

INDEX

INDEX CAPITVM

QVAE LIBRO PRIMO.

CAP. I. NATALES, & educatio.	pagina 1
II. Adolescens patrio solo egreditur	5
III. in Italiam Caesarus proficiscitur	10
IV. vxore ducta liberos sustulit	14
V. Exercitationes animi, & corporis.	16
VI. Vita, & obitus Mariae Gabriellae Francisci amae.	22
VII. Isabellae Augustae mors.	26
VIII. Gothaliniae Prorex a Caesare creatur	32.
IX. Orationis, & Paenitentiae in imperio studium	37
X. De frequenti Eucharistiae vsu consultus Ignatius.	41
XI. Ioannis Ducis Gandiae mors	43
XII. Obitus Leonorae vxoris	46
XIII. Gandiae Societatis IESV Collegium, Academiamque constituit.	48
XIV. In nouo vitae genere suscipiendo Socie- tatem IESV delegit	50
XV. In Societatem ab Ignatio recipi cupit	53
XVI. Rem domesticam componit	56
XVII. Romam anno saeculari sacro cogitat	58
XVIII. Romae comiter a Pontifice, & Ignatio accipitur	60
XIX.	

- XIX.** *Ad Caesarem de bonis abdicandis mit-*
ti, Cardinalatus honorem fugit 64
XX. *Pace Caesaris titulus sese abdicat* 69

LIBRO SECVNDO.

- CAP. I.** *Abdicatis Fortunae bonis quae gesserit* 72
II. *Nauarrorum Regnum ingreditur* 76
III. *Ludouici Principis Lusitaniae, & Fran-*
cisci litterae 78
IV. *Francisci exemplum complures secuti* 83
V. *Cardinalium Collegio Franciscum Iulium*
tertius adscribere vult 86
VI. *Ognato digressus, variis in locis quae ges-*
serit 90
VII. *In Lusitaniam proficiscitur* 94
VIII. *Pintiae in Regia quae gesserit, & concio-*
nandi ratio 99
IX. *Commissa Francisco Hispaniarum, In-*
diarumque Societatis provincia 102
X. *Collegiorum Placentini, & Hispalensis*
origo 105
XI. *Caesari Carolo imitae Societatis ratio-*
nem reddit 110
XII. *Septimaniae Tiocini domum instituit*
 114.
XIII. *Reginam litteris cōsolatus, in Lusitaniam*
proficiscitur 119
XIV. *Caesaris obitus, & funebri Francisci*
laudatio 122
XV.

- XV. Quae in Hispania Societati aduersa ac-
ciderunt 124
- XVI. Mittit Socios Catechistas in Asturum
agros Hispaniae, & in Medaurum
Africae 126
- XVII. In Lusitaniam reuersus, Prouincia obita,
lustrat, fundatque Collegia 128
- XVIII. Portuensis Collegij Societatis initia 131
- XIX. Romam a Pio Quarto Pontifice euocatus,
proficiscitur 133
- XX. Bis Societatis Vicarius renunciatus 134

LIBRO TERTIO.

- CAP. I. Praepositus Generalis Societatis renun-
ciatur 136
- II. Rem Societatis publicā gerere coepit 140
- III. Pij Quinti Pont. Max. ad Aethiopiae Pa-
triarcham litterae 142
- IV. Cetera in Societatem Pontificis beneficia
146
- V. Pestilenti lue Romae grassante quae ges-
serit 150
- VI. Primus Sociorum in Occidentis Indiam
aduentus. Nouem Socj in Florida in-
sula necati 153
- VII. Socj Peru Indiarum prouinciam, & no-
uam Hispaniam ingressi 158
- VIII. Poloniae Rex Societatem Regno accipit:
Collegium Pultroniae exstruitur 161
- IX. PA-

IX.	<i>Varia item variis in Prouinciis constructa Collegia</i>	163
X.	<i>Socij vndequadraginta in Brasiliam Indiae proficiscentes ab haereticis interempti</i>	168
XI.	<i>Duodecim rursus Socij ab haereticis iugulari</i>	178
XII.	<i>Collegia Societatis passim aedificata</i>	183
XIII.	<i>Summo se magistratu abdicare conatur Franciscus</i>	188
XIV.	<i>Profectio in Hispaniam, Galliamque Pij Quincti Pont. iussu suscepta</i>	191
XV.	<i>In Lusitaniam, post in Galliam proficitur</i>	199
XVI.	<i>Morbus Francisci, et iter Romam versus</i>	202
XVII.	<i>Francisci obitus</i>	205
XVIII.	<i>Corporis forma, & mores</i>	208
XIX.	<i>De scriptis ab eo editis</i>	210

LIBRO QVARTO.

CAP. I.	<i>Animi demissio, atque modestia</i>	213
II.	<i>Paupertatis studium</i>	223
III.	<i>Singularis Obedientiae documenta</i>	227
IV.	<i>Orandi frequens studium, & praedictiones</i>	232
V.	<i>De Paenitentia effectus, suaeque victoria</i>	244
VI.	<i>Affinium amore quatenus restinxerit</i>	251
VII.	<i>De Pietate, morumque facilitate</i>	258
VIII.	<i>De Prudentia eiusdem</i>	263

FINIS.

FRANCISCVS BORGIA III.
A te, quid volui super terram?



P. FRANCISCVS BORGIA, Ex Duce Gandia,
Societatis IESV Præpositus Generalis tertius. Obijt Romæ,
pridie Kal. Octob. anno Christi MD. LXXII. Etat. LXII.

BORGLA, maiores vere pietatis honore
Præstinguis, stellas Sol veluti exorients.

DE VITA
FRANCISCI
BORGIAE


Societatis IESV Praepositi Ge-
neralis ab Ignatio Tertij

LIBER PRIMVS

ANDREA SCHOTTO Societatis
eiusdem interprete.

CAPVT I.

Natales, & educatio.

VI illustrium virorum res,
domi, forisque gestas, lite-
rarum monumentis con-
signarūt, ij fere maiorum
stirpes a capite arcessere
solent. Equidem breuiter,
etsi felicitatē his non me-
tiam, FRANCISCI BORGIAE, patre,
auo, maioribus clarissimi, natales recense-
bo: quando ad laudem permagni interesse
existimant, domi nobilem, virtutis via ad
Pietatis culmen peruenisse; contemptisque
maiorum imaginibus, & honorum titulis,
CHRISTO sese crucifixo consecrassē.

A Igitur

1510. Igitur FRANCISCUS BORGIA,
 Gandiensium Dux quartus, post Societatis
 IESU sacerdos, & Praepositus Generalis
 tertius, filius fuit primogenitus Ioannis
 Borgiae Gandiensium Ducis tertij. Natus
 matre Ioanna Aragonia, Alphonsi filia, eius
 qui Ferdinandi Regis Catholici filius fuit:
 Idque Gandiae, quod in Consentanis ter-
 tio lapide, *Leucas* Hispani vulgo appellant,
 à Sucronis fluminis ostio, nono vero Va-
 lentia situm est oppidum: ante diem v.
 Kal. Nouembris, qui dies Simoni & Iudae
 Apostolis, anniuersario ritu sacer est: anno
 reparatae salutis decimo supra millesimū,
 & quingentesimum: Iulio secundo Ponti-
 fice Maximo Ecclesiae Romanae clauum
 tenente, Imperij vero Maximiliano I. Cae-
 sare: cum apud Aragoniam Regnum ob-
 tineret Ferdinandus Rex, cui Catholici
 cognomentum merito tributum, FRAN-
 CISCI nostri proauus: quique Castellae
 tum regna administrabat Ioannae filiae
 nomine, & Caroli nepotis; qui post & Hi-
 spaniarum Rex, & Imperator eius nominis
 quinctus fuit. Borgia vero gens, Hispanas
 inter familias clara in primis, & nobilis; ex
 qua meri Principes prodierunt: Pontifices
 duo, Calixtus tertius, & Alexander Sextus;
 Cardinales, & Duces plurimi. Mater gra-
 uida,

uida, cum vteri doloribus angeretur, & Religioſorum hominum preces ſacrificiaque adhibuit, & pauperibus multa eleemoſynis elargita eſt, vt felicem partum ederet: tum Beatum Franciſcum, cui addiſta maxime, dum viueret, appellauit. Partui vicina, eius cingulo ex Diuæ Claræ coenobio oblato, feliciter enixa, & ex voto parens, FRANCISCI nomine partum honeſtauit.

Hic iam ſumma cura diligentiaque ab vtroque parente educatus, primis ſtatim fidei Chriſtianæ rudimentis imbutus, vna cum lacte ea virtutis ſemina imbibit, quæ in omnem ætatem adhaeſerunt. Cauerunt diligenter, ex Platonis præcepto, ne tenera ætas ineptis nutricum fabulis inficeretur. Orationibus pro capti ætatis, Deum frequenter precabatur, flexis etiam genibus, vt à parentibus edoctus; libentius etiam ſua ſponte: quod indolis optimæ, virtutiſque argumentum viſum eſt. Diuum Iacobum inter ceteros colere; aras domi erigere, imaginibus Sanctorum placari, ſi vel, vt in tenera ætate, excandefceret, vel lacrymas funderet. Erat & ſolemne familiæ Borgiæ veterè inſtituto, vt e Diuorum numero aliquem quotannis ſorte educeret. Seruabat religioſe hunc morem puer etiam tum FRANCISCVS: (quem etiam

*Lib: 2. de
Repub:*

4 DE VITA FRANC. BORGIAE
in Societatem induxit, prius quam familiam ducere coepit.) Diui nomen cui obuenisset, is profesto die duos mendicos vicatim collectos alebat; festo vero, binis bini mares, feminis feminae, ad mensam ministrabant. Mores candidi, suaues, sine fastu, neque, vt in hac aetate plerumque, difficiles: sic fiebat, vt carus omnibus, quibus vteretur, acceptusque esset. Septimum iam aetatis annum attigerat, cum praecptori Ferdinando, Theologo insigni, negocium parens dedit, vt primis Latinae linguae praeceptis erudiret accurate, & scribendi rationem traderet. Morum item praefectus, vir nobilis, vt cultos additus, qui aulicis moribus imbueret; salutandique comiter, & agendi officium doceret. Hi inter se, non contentione, inuidiaque dissentiebant; sed honesta potius, & ab Hesiodo laudata aemulatione, suum quisque munus sedulo obibat. Neutri perdifficilis ad formandam primam illam aetatem provincia fuit, quod docile ingenium puer natus esset, & obsequens, nec ad parendum peruicax. Decimum agebat annum, cum Verbi Dei praecones in templis libenter audiret: qui si forte, vt disertis homines, actione placuissent, eorum venuste gestus exprimebat, sententias memoriter recitabat.

bat. Concionari ab auia, & amita puer iustus, ea tum de CHRISTI assertoris nostri cruciatibus verba fecit, supra quam ab ea aetate expectari posset: ut non pueri, sed Spiritus Sancti vocem audire se, qui aderant, affirmarent. Matrem decennio maior morte amisit, anno post natum Christum, millesimo quingentesimo vicesimo. Aegrotantis salutem à DEO, si ita placitum esset, postulare, lacrymas fundere, obtestari. Ad haec in cubiculum sine arbitris secedere: flagellis in se ipse saeuire; sua ne sponte, an a piis hominibus edoctus, non habeo dicere: illud tantum; praeclare iam tum iecisse fundamenta, initiumque fecisse austerioris vitae. Matris obitum luxit, quoad aetas illa patiebatur, & constanter tulit. Consilia, viraeque praecepta piae matronae ad extremum vsque spiritum retinuit, religio-seque seruauit.

1520.

CAPVT II.

Adolescens patrio solo egreditur.

TVMVLTVATVM ea tempestate 1521,
in Hispania ciuili seditione, absente
Carolo Rege, qui tum in Germania, Imperator
appellatus, versabatur. Plebs enim
secessione arma aduersus Optimates in-
duerat. Quiritando libertatem inclamare,

A 3

& ad

& ad pileum etiam seruitia vocare. quæsta a diuitioribus, potentioribusque oppressam se, aegre vitam tolerare, grauem seruitutem seruire. Tempore, vt fit, paruis e principis orta seditio huc demum euaserat, vti castris locatis signa conferrent, neque a nobilium caede inflammatum vulgus temperaret. Non eius expers calamitatis (saeculum enim in omnes maiorum gentium familias) Borgia gens. Iam enim Palmam inter, & Gandiam patentibus campis coniurati cum Prorege, omnique adeo nobilitate manus conferere ausi, superiores euaserant: turbati, fugatique nobiles terga verterant. Gandia praedae cessit, direptaque confestim: vti vix matrem Ioannes Dux, sororem, & filias, Virgines DEO ad Diuæ Clarae consecratas, emittere potuerit. FRANCISCVS filius fuga salutem, admissio equo, inuenit; Dianium, qui quarto inde lapide portus est, delatus. Inde cum pariete, & Prorege, nauigio in arcem rupi impostam venit: quæ rupes a forma *Paeninsula* ab incolis vocatur. Hinc Caesaraugustam eum parens deduxit: ipse tranquillatis rebus, caesis ad internecionem, fugatisque a Segobrigensium Regulo rebellibus, domum tandem reuertit. FRANCISCVS in auunculi Ioannis Aragonij Archiepiscopi Caesaraugustæ

Caesaraugustani contubernio haesit. Is artibus, quas liberum scire aequum est adolescentem, Grammaticis, Musicis, & equestri disciplina, ab optimis doctoribus imbuedum curauit. In his tamen FRANCISCVS pietatis studium minime negligendum duxit. Audierat tum, verni temporis ieiuniis, cum de rebus diuinis ad populum sermones haberi solent, familiae Diui Hieronymi disertum hominem, de vltimo Vniuersi Iudicio vehementer, firmisque lateribus perorantem: iterumque de Christi passi cruciatibus. Pupugit nimirum adolescentis animum Dei verbum, ancipiti gladio acutius: illinc timor tribunalis illius seueri, vbi omnes sisti nos oportet; hinc commiseratio dolorum in Cruce, sui redimendi gratia, susceptorum. Quibus rebus adductus, fastidire praesentia, & iam tum de perfectioris vitae ratione, in aliqua piorum hominum familia transigenda, animo agitare: sed quia annis minor, neque integra res ei, qui nondum sui iuris esset: illud saltem commodi accepit, vti res omnes prudentius, quoad aetas ferret, ne transuersum animum agerent, administraret. Caesar-Augusta Baëzam (vt incolae Granatensi in regno situm oppidum appellant) officij gratia in viam se dedit, inuitatus a lectissi-

ma femina Maria Luna, proauia, vxore
 Henrici Henriquez, qui Ferdinandi Regis
 Catholici patruus, & Praetorio praefectus,
 magnus item Legionensis militiae Magi-
 ster erat. Huc etiam auia Maria Henriquez,
 illius filia, cum amita, sororibusque ciuili
 illa secessione, pedestri itinere fuga dila-
 psae peruenerant. Quarum conspectu, etsi
 delectatus FRANCISCVS, in morbum
 post tamen, itinerum forte incommodis,
 incidit. Sex ipsos menses lectulo affixus,
 iacuit. Mox cum meliuscule haberet, ecce
 tibi terraemotus; periculosus iuxta, & diu-
 turnus. Igitur quadraginta dies sub dio, &
 pellibus, lectica vsus, egit; haec illi tectum,
 lectumque, periculo declinando, praebe-
 bat. Sanus iam, valensque, missus a parente
 Tordesillam (oppidum id *Turrim Syllanam*
 sine auctore quidam vocant) ad Catheri-
 nam, Principem Hispaniae, Ioannae Regi-
 nae filiam: cui de more seruiens, operam
 adolescens nauauit; priusquam ea Ioanni
 III. Lusitaniae Regi nuptum daretur. Cae-
 saraugustam post, vnde venerat, ad auun-
 culum redit: qui patrum sapiens, ne otio
 adolescens (quod vitiorum omnium semi-
 narium est) languesceret, ad Philosophiam,
 de more, appellere animum iuber: & dis-
 ferendi primum ratione imbuendum tra-
 didit

didit Gaspari Laxo, subtili tum Philo-
pho; sed, vt ea tempora erant, minime
diferto; quod aetatis potius, quam homi-
num vitio, Humanitatis ibi studia iacerent:
quibus caeterae artes, tanquam in bono
lumine collocatae, splendescunt. Diale-
cticam vero facultatem Borgia tractabat,
qua disputando, qua dictata euoluendo,
perinde atque lauream, Academiarum
more, accipere constitutum haberet. Per-
ceperat, radices scientiarum amaras, fru-
ctus ex se dulcissimos efferre. Animi vero,
quod caput est, pietatisque summam cu-
ram adhibuit, ne assiduo litterarum studio,
nimio sui neglectu siluesceret. Igniculos
itaque animo insitos identidem excitabat,
assiduo Sacramentorum Poenitentiae, &
Eucharistiae vsu. Si quod spiritui bellum
intestinum naturae fomes, & Daemon fa-
ceret, ad orationem, confessionemque,
tamquam ad anchoram confugere. Quibus
rebus fiebat, vt domesticas aulicorum, &
parasitorum blanditias, adulationis plenas,
& libidinem, casti Iosephi exemplo, effu- *Gen. 39.*
geret; Vlyssis denique more, obturatis cera
auribus, Sirenium voces praetereundo, ad
scopulos non adhaeresceret. Sacros adhaec
libellos de rebus asceticis, domi libenter
lectitâdo, (qui animos potius, quam oculos
A 5 pascunt)

pascunt) obfirmata mente virtutem amplectendam; vitia sibi fugienda persuascerat, illud Regij Vatis saepenumero vsur-

Psal. 118. pans: Iuravi, & statui custodire iudicia iustitiae tuae. His potissimum rebus ad sacrum coniugium, castum integrumque corpus attulit. Quod & in Nebridio, equite Romano, Sanctus Hieronymus mirifice praedicauit.

Epist. 9. ad Saluianum.

CAPVT III.

In aulam Caesaris proficiscitur.

VNDE VICESIMVM actatis annum agebat, cum Caesaraugusta domum, visendi parentis gratia, reuertitur humaniter ibi menses aliquot habitus, missionem deinde postulare coepit; liceret pace illius, cui semper dicto audiens fuisset, in aulam Caesaris migrare, vt in tanti se Principis clientelam daret, cui Christianum orbem multum esse merito debiturum augurabatur. Parens filij prudens consilium probare. *Amo te, inquit, de hac sententia, fili: & volo, vt vis: vnico te non inuitus carebo, dum e re sit optimi Principis. Maeste igitur animi, & quo tua te virtus, & maiorum exempla vocant, perge.* Familiam hinc proficiscenti adornat, qua honeste stipatus in Vaccaeos venit. Hic Pintia, quae hodie Vallisoletum, Caesaris tunc sedes, nobilissimis omnium nationum

tionum viris abundabat. FRANCISCVS, vt in hoc aetatis flore pulcra erat, & imperio digna forma, facile omnium in se oculos conuertit. Hic igitur, Deo bene iuante, ita se comparauit, vt post paullo falsam eorum refellerit opinionem, qui dicerent, aulicum simul Christi, & Principum affeclam esse vix posse. Vt enim Carolo placere FRANCISCVS ex officio obnixè studuit; sic ad Christum respectum habuit, rerum omnium inspectorem, & Iudicem: vti nihil equite, & Christiano, quae laus summa est, indignum diceret, ageret, cogitaretue. Domesticis itaque ignauo otio, aleae ludo, libidine, obsceno sermone, & iurandi praua consuetudine, qua verbo, qua exemplo, interdixit. Quae mala, vt sunt, pestes palatii iuuenis appellabat. Qui lenocinium, impurum admodum vitium, profiterentur, suas sibi res habere iussit. *Aliis, inquit, voluptatem parasiti, Gnathones, Thrasones, & ollae amici assentando adferant; mihi, vt quod sentio dicam, non placent. Placent viri graues, & innocentes, qui verum dicere libere audeant.* Seruos aiebat, non tam dominis honorem stipando adferre, quam contra a dominorum bona existimatione decus mutuari. De aliorum fama detrahi, se praesente non sustinebat: sed vel modeste, cum

cum res daret, reprehendere, vel certe sermonem abrumpere solitus, tacite officij admonebat. Hisce artibus bonis, domi suis exemplo esse, & honestis sermonibus faciem praeferre. Aulicos voti sui in ambiendo compotes fieri, praemiaque a Principe accipere, tantum abest ut inuideret, ut etiam libentibus auribus acciperet, laudaretque factum; illis etiam gratularetur, cum bona spe, fore, ut sibi itidem decus & spatio honos aliquando haberetur. Equidem memoria teneo, cum diceret qui ab intimis illi cubiculis erat, vidisse se, quoties matronas nobiles, officij gratia, visere oporteret, hirsutum, pilisque asperum cilicium induere solitum: ut hoc tanquam clypeo munitus, tela Daemonis ignea, carnisque illecebras restingueret. Solet enim per oculorum fenestras ad animum mors penetrare; vulnerare etiam telo saepe letali. Sic Scyllam inter, & Charybdim, nauem saluam deduxit. Quin & coniuge domum ducta, quae illo natu grandior erat, cum & fores Regiae semper illi paterent, nihil unquam ferunt aut intemperans a FRANCISCO, aut leue dictum, f. etumue. Equestribus porro exercitationibus mirifice delectabatur, hausta illa ex Xenophonte Philosopho disciplina. Ludos igitur

Troia-

Troianos agere libenter, hastis concurre-
re, tela iacere, fuga Parthorum more ficta,
hostem ferire, auersa manu vulnerare,
tauros in arena laceffere, equum in gyrata
agere, cursu cum aequalibus contendere,
praemia nemini conc. dere; omnia deni-
que se digna dextre exsequi. Non fefellit
ea virtus, quae diu latere non potest, Ca-
rolum; sed, quasi in illustri loco posita, in
oculos incurrit, sermonemque passim de-
dit. Erat in comitatu Augustae, fidamque
illi operam pridem probarat, Leonora Ca-
stri, virgo nobili apud Lusitanos loco nata;
Aluari Castri, & Isabellae Menesiae Bar-
retae filia: candidis ornata moribus, & in
DEVM eximia pietate. Huic conditio dum
quaeritur, vnus FRANCISCVS Augustis
placuit, ob morū honestatem prope singu-
larem: missusq; ex templo Gandiam Petrus
Gundisaluus Mendosius, Augustae Oeco-
nomus: qui Caesaris nomine a Ioanne Du-
ce postularet, quaesiram filio vxorem, con-
iugiumque ratum esse vellet, iuberetque.
Nec abnuitt Dux: Caesari per litteras gra-
tias agit, quod filij rationem habuisset. Nec
FRANCISCVS matrimonium detre-
ctauit, ratus id, quod erat, Caesari, cui om-
nia deberet vitae ornamenta, simul & pa-
renti, cui vitam, morem esse gerendum.

CAPVT IV.

Vxore ducta liberos sustulit.

NVPTVM iam data Leonora in Borgiam familiam, FRANCISCVM Marchionis Lombayae titulo Caesar decorauit, Regioque equorum stabulo, quae summa fere dignitas est, praefecit. Mores vtrique coniugi concordēs, & omni bono de aliis merendo, pia quadam contentione certabant. Augustorum amicitiam, beneuolentiamque, non tam suā, quam inopum caussa affectabant. Quibus rebus fiebat, vt rerum parens, & effector DEVS, pauperum gratia illos vicissim proucheret in maius. Hinc constans valetudo, opes, clientes, honores, magistratus affluebant: quodque DEI benignitate accidere credimus, liberorum, & quidem optimorum, copia. Timentis enim DEVM (inquit Psalter Regius) *vxor, sicut vitis abundans in lateribus domus eius. Filij eius, sicut nouellae oliuarum, in circuitu mensae eius.* Sulcepti ex ea liberi octo: mares quinque, tres feminae. Natu maximus Carolus Borgia fuit: qui in honorum titulis parenti successit. Caroli Caesaris nomen, qui tum in Italia agebat, ei donauit Augusta vxor, cum Philippo Principe iuuentutis Hispanicae, Christi
anno

Psal. 126.

anno CIO. IO. XXX. Summa vir prudentia, & acerrimo iudicio, ex omni nobilitatis flore vnus ad Ligurum seditionem pacandam, a Philippo II. Rege Catholico missus anno CIO. IO. LXXV. Postquam in Regis potestatem venit Lusitania, idem militiae Imperator, summa auctoritate provinciam rexit. Huius natalem anno vertere Isabella excepit, Lermae Comes: Marchionis Dianij, Comitumque matronarum Lemosij, & Altamirae, Ioannis quoque Sandoualli mater. Tertius, Ioannes Borgia Belpouchij, Gothalaniae viconatus, cum vterque parens Caesarem conuentus Aragoniae regni agentem, secutus esset. Hic similiter Legatus a Philippo Rege in Lusitaniam missus: post, ad Maximilianum Augustum in Germaniam; nunc in curia Augustae Mariae, sororis Philippi, Praefectus maximus. Quartus, Aluarus, & ipse, Catholici Regis nomine arduis de rebus Romae apud Pontificem Legatus: post, vxoris dote, Alcanizij Marchio. Quinta soboles, Ioanna Aragonia: nuptum matura aetate data Alcanizij Marchioni. huius filia Aluaro, quem nominaui, auunculo in manum, Pontifice indulgente, conuenit. Sextus, Ferdinandus Borgia, Mariae Augustae & ipse curiae Praefectus. Hinc Dorothea
filia,

16 DE VITA FRANC. BORGIAE
filia, quae in tenera adhuc aetate, qua se
DEO ad Diuae Clarae virgo deuouerat,
vita abiit. Natorum vltimus, Alphonfus
Borgia, ipse quoque fratrum exemplo Au-
gustae curiae, dum vixit, praefuit.

CAPVT V

Exercitationes animi, & corporis.

TAMETSI prudenter antea rem fami-
liarem administrarat, vt cuius in aula
patrifamilias praecire videretur; nunc ta-
men cautius rem tueri domesticam coepit.
Rationes, & aera subducenda Leonorae
uxori mandata: publica ipse negotia cu-
rare; nihil praetermittere eorum, quae
Caesar in mandatis daret. Familiam elegit
optimam, ex frugi, non nequam, seruis.
Alea, & id genus ludis, longe quam antea
seuerius, interdixit: oculorum eam falsam
esse voluptatem dictitans. Interrogatus
etiam, quidnam causae esset, cur, quam
auide aulici amplectuntur alea ludendi cu-
piditatem, eam ipse formidaret? *Dementis,*
inquit, est nauem bene compactam, & mercibus
plenam, data opera, in scopulos velis, remisque im-
pellere. Scopulum recte vir prudens aleam
appellabat, ad quem, exiguum quidem cu-
bum, vi tamen magnum, plerique re lauta,
ac beati, nauem fregissent. Quattuor adhuc
rerum

rerum quantiuis pretij damna adferre solere: temporis, pecuniae, & pietatis ideturam fieri; conscientiae denique bonae religionem, periurio, ludorum comite, facile amitti. Melioribus itaque, valetudinis tuendae, exercitationibus animum relaxabat; vt Musicae symphonia: in qua sic excelluit, vt non canere solum suauiter, modulateque posset, sed & numeros ipse ex arte concinnaret, cantusque meditaretur, qui in Hispaniae templis hodieque, in re diuina, sacrisque, Gandiae Ducis titulo, accinuntur. Corpori vero exercendo aucupium adhibuit, falcone potissimum vsus, & accipitre. Qua quidem venationis forma, eo impensius delectatum narrant, quo gratior ea Carolo Caesari tum erat, quem singulari studio affectabatur. Verum non hic FRANCISCI industria substitit: altiora animo agiabat, vberioresque ex agrorum aspectu, venationeq; fructus tulit. Vt enim diuinum illum FRANCISCVM, cum pedibus se daret in viam, spectatis ruri fosculis, DEVM omnium effectorem laudare solitum accepimus: sic noster ex conditis rebus, agris, aubus, canibusque architectum DEVM assidue laudabat. Quas quidem pias meditationes, non a me excogitatas, sed ex illius ore acceptas, precium

operae erit referre. Magna, inquit, DEI existant in vtramque partem in me beneficia; agros etiam, siluasque oberrantem, feras insectantem, & praedam ex auibus agentem. Quo fit, vt interdum sapientiam illius admirabundus meditari soleam, qui hominum generi feras, & aues, ad rapinam comparatas, parere docuerit: quae quidem vinculis solutae, in caelum vsque eo subuolant, vt vel oculorum aciem effugiant. Homini quoque tantum tribuerit honoris, vt eius imperio aues, & vinculorum, & pristinae libertatis oblatae, sibilis, fictisque clamoribus obediant: vocatae redeant, memores manus, quae cibum praebere solet; & quamuis fero sint, agrestiq; ingenio, vsu tamen, & educatione mansuescant. Eaedem emissae ad capturam, tanquam milites ad explorandas hostium copias, fugandasque, reliquas aues, etiam maiores, vnguibus, rostrisque caedunt, sternunt, & ad humum affligunt. Mox parta victoria, praedam domino relinquunt, partem minimam patienter expectant. Pugnantes itidem in aëre cum spectarem, subiit ea mentem cogitatio, talem videri Daemonis pugnam, cum piorum animos ex insidiis

r. Petr. 5. aggreditur; dum, vt leo rugiens, circuit quae-rens, quem deuoret: & si quis paulo constantior existat, cumculis rationis arcem euertere studet. Frequentius vero pudorem mihi meditatio illa incutere solet, feram illam carniuoram, modicae escae gratia, agreste ingenium exuere, cicurem, atque mansuetam reddi, voce hominis accitam statim aduolare;

uolare; pati adhaec velari lumina, quibus nihil in
vita carius: Hominem contra rationis, & orationis
participem, & ad ciuilem societatem conditum, alis,
talaribusque, quibus diuinam vindictam effugere
possit, carentem, tot, tantisque beneficiis ornatum,
adeo ingratum aetatem agere, vt DEO vocanti
parere nolit. In canum vero venatione illud mira-
bar, quamuis famelicum, & in feram rabie quadam
actum animal, obsequi tamen hominum imperiis,
praedamque relinquere: Hominem contra, DEI
simulacrum, si quo se scelere obstrinxerit, aegre
auelli, surdis auribus degere, nec DEO appellanti
dicto audientem esse. Hisce meditationibus
FRANCISCVS, etiam agros lustrans, fru-
ctus capiebat vberrimos: dum non oculos
solum, corpusque, vt venatorum natio; sed
animum etiam caelestium rerum memo-
ria pasceret. Praedam ad haec vnguibus
saepius eripere, & manumittere solitus,
quam longo diei spatio quaesisset, vt vin-
cere sese ipse, animique sensum iam tum
assuesceret.

Mathematicis etiam disciplinis operam
dedit: iis praesertim, quas in optimo belli
imperatore requiri audierat, ad machinas,
molesque iaciendas, moenia munienda,
locum castris capiendum; caeli, solique
situm, & naturam inuestigandam. Quibus
artibus magnos saepe duces victoriam mi-

20 DE VITA FRANC. BORGIAE
liciae peperisse, metu etiam milites liberasse, acceperat. Calcar addebat & Caesaris, quo familiariter utebatur, exemplum, cur maiores in dies progressus facere vellet: cuius & Cosmographo, Sanctae Crucis cognomento, operam dedit, horis tamen diuersis. Carolus itaque libenter FRANCISCVM consulere, dictata exigere. Quae una re ad pristinam consuetudinem non parua accessio facta est. Ioca itaque & seria cum illo communia habebat omnia. Verum ne illis quidem animi studiis, Musicis, & Mathematicis, aut corporis exercitationibus, venatione, & aucupio, satis erat ad constantem corporis habitudinem tuendam comparatus: sed, ut plerumque fit, in hac vitae imbecillitate, morbis etiam interdum tentabatur.

Febri enim ardentissima debilitatus, didicit nihil esse in rebus humanis proprium, nihil perpetuum. Cum vero alterno, & nouercali die, igni medullae coquerentur, pia illa mentem pupugit meditatio, ecquae nam illo flammae vrerent, qui ob flagitia apud Inferos poenas aeternas penderent: quique purgante igni, cum futurae beatitudinis spe, expiarentur. Pro his igitur ex illo tempore & orare in dies ipse, & rem diuinam curare coepit. Illud etiam com-
modi

modi e morbo accessit, vt libris iam tum profanis nuntium remiserit, sacros assidue tractauerit, nouum praecipue Testamentum, Sanctorumque vitas, summa & voluptate, & vtilitate: impuros vero scriptores, vt vitiorum, libidinumque feminaria, ne nominari quidem sit passus. Lectica valetudini, gratia, dum in agros portaretur, Diui Pauli Epistolas, adhibito etiam sacro interprete, lectitabat: non secus atque Isāiae vaticinia Candaces Aethiopiae Reginae Eunuchus. Verum non multa, sed multum legere studium fuit. Si quid laudabile occurrisset, sustinens, ponderare ea, & exsequi cupiebat. Hinc piorum librorum lectionem, recte primum melioris vitae gradum esse dicebat.

Vix iam confirmatus, suscepta in eam Galliae partem, quae Prouincia Romanis est appellata, expeditione; arma tractans Caesarem secutus est, adicitis sociis, Rufio Gomefio Sylua, qui post Euoli Princeps; Georgio item Melo: quos vnice caros habuit, & in paucis, vt coniugis cognatos, dilexit. Affecto iam bello, missus a Caesare, qui Augustae vxori omnem belli euentum exponeret, deque valetudine sua securo esse animo iuberet.

Anno, qui est infecutus CLO. IO. XXXVII. 1537.

22 DE VITA FRANC. BORGIAE
 dum Segouiae in Carpetanis conuentus
 Ordinum haberentur, morbo item angi-
 nae decubuit, vt sanguine paene fauces
 obstruerentur; sed linguae licet vsum ami-
 fuisse videretur, mentem tamen in DEVM
 fixam tenuit: ad mortem obeundam ani-
 mo, quam vnquam alias, paratiore. Iam
 tum enim singulis mensibus pane illo cae-
 lesti, criminibus expiatis, victitabat. Prae-
 ter illa morborum incommoda, stimulos
 ad pietatem addidit tristis nuncius Gaudia
 de morte Mariae Gabrielae auiae allatus:
 quae lectissima femina, vita prius pie, in-
 nocenterque acta, post in Diuae Clarae
 coenobium sese abdiderat. De cuius vita,
 moribusque, quando locus manum inji-
 cere videtur, pauca de multis attingam.

CAPVT VI.

Vita, & obitus Mariae Gabrielae FRAN-
CISCI auiae.

INTER cetera felicitatis argumenta nu-
 merabat, auiam sibi pientissimam obti-
 gisse, Mariam Henriquez, Catholici Regis
 Ferdinandi patruelem, quam Ioannes Bor-
 gia Gandiensium Dux secundus, thalami
 consortem habuit. sed illo immatura mor-
 te praerepto, haec octauo decimo aetatis
 anno vidua relicta est; susceptis duobus

libe-

liberis, Ioanne, & Isabella: quae tenera adhuc aetate ad Diuae Clarae DEO sese votis obstrinxit; Ioannes vero natu maximus, in matrimonium Ioannam Aragoniam cepit, ex qua FRANCISCO, primo iam partu suscepto, ad Diuae Clarae Maria, filiae Isabellae exemplo, migravit. Nec, ut maxime optarat, praestare, citius licuit: quod, ut piam matronam decet, liberi antea parente orbatu recte educandi, prolesque ex iis propaganda esset. Cuius iam voti compos, in tot, tantisque vitae miseriis, nihil coenobij solitudine duxit antiquius. Ioannes Dux tertius factum illud heroicum, lacrymis deprecari, & dissuadere frustra tentavit: veritus ne quid vnico familiae, nominisque heredi FRANCISCO recens nato, humanitus accideret. At illa: *Ego vero hoc te, fili, metu libero. Natus enim tibi FRANCISCUS talis, tantusque evadet, ut multorum instar liberorum vnus sit. Huius itaque diuini beneficij nomine vtrumque gratias DEO quotidie agere, nisi ingrati esse volumus, necesse est. Equidem de me affirmare possum, quoties in Virginum DEO laudes canentium coetu versor, toties Angelorum choris interesse videor. Hanc cur mihi veram voluptatem, fili, inuideas, non video. Paruit his dictis Ioannes, inuitus tamen. Tertium itaque, & tricesimum aetatis an-*

24 DE VITA FRANC. BORGIAE
num attigerat, cum Maria, abdicatis aulae
titulis, Regum se maximo consecrauit:
corporis tamen ea imbecillitate, vt vel
annum superesse posse inter velatas Virgi-
nes, tam austeram vitae abstinentiam, nega-
rent medici. Atqui, DEO iubente, tres
iplos, & triginta annos in coenobio, summa
& religione, & disciplina, vixit, ceterisque
omnibus exemplo fuit, nulla dignitatis, &
natalium habita ratione. Iam enim Mariae
Gabrielae, vt sacrae solent Virgines, no-
men adsciuit. Filia; cum forte Abbatissae,
vt vulgo nominant, titulo virginibus prae-
esset, matri pro tunica attrita nouam tra-
didit, iussitque veterem sibi indumento
relinqueret. Certatum hic vtrumque offi-
ciose de attrita veste, dum neutra alteri
eam concedit. Cessit tandem mater filiae,
vt dignitate tum maiori, hoc addito, augu-
rij loco: *Habe tibi, nata, vestem meam, quam cu-
pide affectasti attritam: faxit parens ille Vniuersi
DEVS, qui nos nostraque respicit, tum demum
eam abijcias, cum in Carpetanorum Regno (vt post
euenit) nostrarum Virginum Diuae Clarae titulo
familiam institues.* Memorandum & illud, Igna-
tiam Corellam virginem nobilem, Con-
sentanorum Comitis filiam, a Maria sibi
carissima, morti vicina, (quod sine illa vi-
tam sibi acerbam fore putaret) obnixe ob-
testando

testando petiisse, vt defuncta a DEO impetraret, tibi in caelum subsequi statim vt morte liceret. Facturam se Maria recepit. Visum non longo post intervallo illius spectrum, iamque voti compotem factam nunciauit. Sic non diu post Ignatia feliciter vita decedens, subsecuta est. Nec minorem illud admirationem legenti pariet; pridie eius diei, quo vita migravit, mortem praesagiisse: *Cras, inquit, ad Mariam Iesu, Comitiss Dianij sororem, conuersta) Dei benignitate, hinc tanquam e diuersorio in caelum, vt spero & opto, euolabo. Interea febris ardentissima, vt antea vitae errata expientur, excoquar: nihil enim immundum sedes illas introibit. Sed in his ardoribus illud postremum morienti officium praesta; vt pace tua (erat enim vicaria auctoritate praedita) sitiienti mihi frigida porrigatur: nec enim nisi summa necessitate flagitabo. Vix dicendi finē fecerat, cum febris medullas occupat, adeo vehemens, vt flammis ardere videretur. Dux enim Ioannes, matrem exosculatus, matris benedictionem postulans, postremū iam Vale de more dicens, ignis se carbones, non hominis manum, contrectasse affirmavit. Franciscæ filiae, quae cum imperio praeerat, benedicens, id negotij dedit, vt simul extremum efflasset spiritum, hymnum illum, *Te Deum laudamus*, cum*

gratiarum actione a Virginibus decantari iuberet; quod DEI benignitate, tandem aliquando, veluti vinculis libera, migrasset. Fuit & illud sanctioris vitae argumentum: sito iam corpore, priusquam efferretur, auditas esse Angelorum voces, sacrae Virgines praedicarunt. Quibus etiam, cum Dux, Ecclesiasticis ordinibus stipatus, ad iustamatri persoluenda, funusque curandum, adesset, Sacerdotes sacris operaturi silentium imperarunt; quod in illarum odore, cantus symphonia audiretur. Neminem vero tum mortalem cecinisse compertum; creditumque diuinitus auditam vocem, ut saepe in beatorum hominum funere, Gregorius Pontifex accidisse commemorat. Hic matronae religiosissimae exitus fuit: cuius iactura FRANCISCUS, quod vitae magistram re, consilioque iuuantem amisisset, vehementer indoluit: patrocinio tamen, quod DEO potiretur, iam tum se foueri sensit. Cuius etiam precibus in Societatem IESU se, tanquam in portum post esse delatum, existimauit.

Lib. Dialogor. II.

CAPVT VII.

Isabellae Augustae mors.

1537. SEPTIMO, illa, & tricesimo, post CHRISTVM natum, supra millesimum,

mum, & quingentesimum gesta: haec, biennio post, non minus quam illa admiranda, acciderunt. Carolus Caesar Tolerti, quae Carpetanorum caput, Regumque sedes Gothicis temporibus, vt Hispaniae vmbilicus, fuit, omnium Ordinum conuentum agebat, magno & festorum ludorum apparatu, & nobilium, plebisque plausu. Sed, vt plerumque fieri solet, gaudia luctus contaminauit. Isabella enim Augusta, Caroli vxor, vita decessit, magno Caesari sui relicto desiderio. Erat enim foemina ob singularem pietatis cultum, & in egenos liberalitatem, omnibus cara: & vt illo, non peregrino, caelo nata, Hispanica ingenia cum nosset, moderabatur egregie. Decretum Caesaris auctoritate, vti Marchio Lombayae finus deduceret, Illiberim versus: quae vrbs hodieq; Granatensis Regni caput, templumque in ea sepulcris Catholicorum Regum, auium Isabellae, clarum. Qui Reges, maiorum memoria, eam urbem Mauris ereptā CHRISTI regno vindicarunt. Efferebatur insigni pompa cadauer, stipante FRANCISCO cum omni familia, & vxore. Hic nihil ad custodiam, decusque funeris, ac sumptus quod pertineret, praetermissum. Illiberitanis compositum corpus traditur, vti Regio sacello

cello maiorum monumentis inferretur: & in acta publica, tabellionis fide, & manu, referunt, Augustae hoc cadauer esse, quo tempore, cuius opera acceptum, conditumque. Nudata vero facie, vt agnosceretur, ne qua forte fraus commissae esset, adeo deformis apparuit, vt spectantibus terrorem incuteret; grani etiam odore, itineris comites fugaret: vt qui testificari auderet illam ipsam Augustam esse, repertus sit nemo. Moriens enim, qua erat matrona verecundia, nequis corpus tangeret, vel aromatibus condiret, mandarat. FRANCISCVS solus mansit, & quanquam iureiurando firmare non auderet, eandem illam toto terrarum orbe clarissimam Principem esse, quod adeo sui dissimilis appareret: illud tamen, sancte, & conceptis verbis affirmans, in acta referri iubet, ipsam Augustam videri; quod nihil eorum, quae ad fidam custodiam pertinerent, in illiberitano itinere, sciens, prudens, omisisset. Hic tacitus ille secum, & moestus, praesentia praeteritis committens, cogitare: *Haecine illa sunt lumina, quae omnium in se oculos conuerterant? haec venustas illa, quae aliarum formas exstinxerat? Tunc Isabella? Tunc Augusta? Fallunt oculi? aberrat mens? Sed non fallunt: Nimirum humanarum haec rerum vicissitudo est. I nunc, fragile*
illud

illud formae bonum admirare. Illud sane verum, certumque est, vno hoc, breuique aspectu cadaueris, adeo immutatum, sui que dissimilem redditū & ipsum FRANCISCVM, vt eundem esse negares. Iam tum enim diuina luce illustratus, longe diuersa meditabatur, animumque serro semel induxit, falsa haec, fluxaque bona, formam, diuitias, clientelas, honores, pro nihilo esse ducenda; vera illa, aeternaque sectanda; caelestia terrenis, diuina humanis anteponenda. Breuib. vitae curriculum spaciis, angustisque terminis circumscribi. Vnicum singulis animum caelitus infusum, qui, morte obita, corporisque vinculis liber, aut delictorum aeternas poenas dabit; aut virtutis praemia sempiterna consequetur. Nihil itaque procrastinandum ratus, meliora omnia, vbi primum potestas forer, animo agitare, DEO que religiose promittere. *Quid enim, inquit, mihi est in caelo, & Psal. 72.*
a te quid volui super terram? Quae utilitas in san- *Psal. 29.*
guine meo, dum descendo in corruptionem? Sito
iam rite in aede sacra cadauere, domum FRANCISCVS se contulit, & in cubiculum confestim, sine arbitris, pessulo ianuae obducto, se abdedit; humique prostratus, lacrymis gemitus miscens, in has fere voces erupit: Augustinum, credo, imitatus,
cum

Lib. 8. Confess. cap. 8.

Psal. 4.

cum & ille recens caelesti vulnere, cerui
 instar, ictus esset. O miseram vitae rationem! o
 fallaces hominum spes; & inanes nostras cogitatio-
 nes! Quousque tandem diligimus vanitatem, &
 quaerimus mendacium? Quousque veris neglectis,
 umbras consectamur? Regna, imperia, nobilitas, ho-
 nores, morte solvuntur; formae dignitas morbo, &
 morte amittitur: omnia denique cito ex laetitia, &
 voluptate; ad luctum, & lacrymas recidunt. En illa
 Augustarum pulcherrima, ut in funere deformata
 iacet! Expergiscere igitur anima mea, expergiscere
 tanquam e veterno. Sat Principi mortali datum.
 Te, te sequar immortalis. Illumina DEVS oculos
 meos, viamque commonstra; ut quod reliquum est
 vitae spatium, perbreue illud quidem, at quantum id
 est, recte, pieque transigatur. Sic fere FRAN-
 CISCVS, fusis vbertim lacrymis; re-
 petens identidem illud: Sat datum mortali
 Principi; deinceps immortalis seruiendum, si sapio.
 Transcribam igitur reliquum vitae tempus Regiae
 caelesti. Noctem, quae subsecuta est, anxiiis
 hisce cogitationibus insomnem traduxit.
 Postridie eius diei, facta re divina, paren-
 tatum est, iustaque rite persoluta. Mox
 Ioannes Auila, Ecclesiastes insignis, &
 quod scripta testantur, egregia sacrarum
 litterarum peritia, & pietate, pro concio-
 ne breuiter Augustae laudes perstrinxit:
 vehementer vero, & fusius, vitae mortalis
 condi-

conditionem, spes hominum inanes, miseriae, calamitatesque innumerabiles praedicauit. Nec pupugit solum FRANCISCI animum, qui diuinitus iam ictus esset; verum & gladium spiritus, DEI verbum, altius adegit. Sumpto itaque modico in meridie cibo, sacerdotem illum ad se accessendum curauit: vulnus aperit; mentem animi detegit; rogat, quae in rem futura existimet, audacter edisserat. Ille aulicorum tria potissimum vitia fugere iubet; ambitionem, inuidiam, libidinemque, tanquam animorum pestes, praesentiaque venena. Alter hic stimulus accessit. Redditae ea tempestate litterae amicae Franciscæ Iesu, quæ ad Diuæ Clarae Gandiæ velatis Virginibus praeerat. Narrat, visum sibi in oratione FRANCISCVM, dum in Illiberitana profectioe esset, tendere ad DEVM manus, supplicem: deinde manu diuina sublatum, ad optima quaeque subuectum. Augustae etiam animam a sacris Virginibus spectatam; e purgantibus flammis in caelum ab Angelis elatam. Quibus visis, tamen si summo iudicio, atque dilectu fides habenda; quod multae simplicitate deceptae mulierculae, graues etiam viros in errorem traxerint: illud tamen inficiari nemo potest, sanctissimis hominibus vera
facpe

32 DE VITA FRANC. BORGIAE
saepe visa, & simulacra apparuisse. Ma-
gnum certe FRANCISCVS, ex hac
litteris, vt Augustae funere, Ioannis item
Auilae concione, emolumentum cepit.
Adeo verum est illud sapientissimi homi-
nis consilium, *melius esse domum luctus, quam
conuiuij frequentare.* Quare in austerioris vi-
tae studio magis in dies confirmatus, ab
aula se domi colligere, priuatusque viuere
cum vxore, & liberis decreuit. Hoc am-
plius; si quid vxori, quod nollet, accideret,
& superstes ipse esset, fore, vt in aliquam
se religiosorum hominum familiam daret:
tum demum praeclare secum actum iri
existimabat, hancque vitae felicitatem ap-
pellabat. Quod quidem votum DEO rite
promisit, & tandem, data longioris vitae
vsura, re ipsa praestitit.

CAPVT VIII.

Gothalaniae Prorex a Caesare creatur.

ILLIBERI domum reuersus, Carolo rei
gestae curatique funeris rationem con-
stare voluit. Is collaudato officio, honori-
fice dimisit. Post non diu, ad se accitum,
Proregis, seu Praetoris cum imperio, legat
in Gothalaniam prouinciam: sic a Gothis,
& Alanis, qui ibi sedem, occupata Hispan-
nia, fixerunt, appellatam; vt & a Vandalis
Baeti-

Baetica, hodie *Andalusia* quasi *Vandalia*; & a *Longobardis* Insulbrum regio *Lombardia* est dicta. Quae quidem a Septentrione gentes, immanitate barbarae, & multitudine innumerabiles, in Italiam, & Hispaniam infusae, ducentos, & quod excurrit, annos imperium vi tenuerunt. *Cataluniam* incolae nominant. Sunt qui a Gotalaunicis Galliae campis *Catalauniam* deriuent. Caletanos esse Ptolemaeo, alij autumant. Sed hoc agamus. Tergiuersari primum Marchio coepit; munusque plenum quidem honoris, oneris tamen immensi esse affirmavit. Caesar contra sic virgere; illius ad hanc rem opus esse ingenio. Bonorum enim Principum vti vicaria potestate velle se, non eorum, qui quaestum ex imperio, dignitateq; ambirent. Vicit tandem Caroli, qui pro suo iure imperare posset, auctoritas. DEVM itaque venerans precatur, quando non studio quaesitos esse fasces, & titulos, nec ambitam a se prouinciam sciret, vires idem negociis pares, qui vnus & posset; & vellet, sufficeret. Proregis iam auctoritate in viam se, Barcinonem versus, dedit: sed Valentia primum, & Gandia profectus, vt parentem optimum de via salutaret. Abeunti, Caesar, Diui Iacobi Hispaniae tutelaris, Crucem rubeam, ensis

24 DE VITA FRANC. BORGIAE
forma pectori appositam, gestare iubet,
additis etiam annuis opimis praediorum
fructibus, & vectigalium. Is est inter mili-
tarés Hispaniae Ordines primus, in quem
nobilissimi dumtaxat, approbatis prius na-
talibus, optimeque de Repub. meriti, ad-
scribuntur. His multae in prouinciis, tum
in ea, quam ingrediebatur, immunitates a
Regibus datae. Barcinone publica ciuium
laetitia, festisque ludis exceptus, nihil duxit
antiquius, quam ut munus feliciter obiret:
DE I ante omnia, iustitiae auctoris, ope
implorata, vnde omnia rerum gerendarum
ducenda initia. Prima vero cura fuit, viam
regiam a latrociniis tutam reddere, ut mer-
ces vrbi opulentissimae commode, & im-
portari, & exportari possent. Erat omnis ea
tunc ora, Galliae vicina, latrociniis infam-
is, siue loci ingenio, syluis, montibusque
impediti; siue gentis vitio, incertum.

Hic FRANCISCVS nobiles quosdam,
latronum receptatores, factionesque alere
audierat. In hos primum, more maiorum,
animaduersum. Rumor erat quinquaginta
paene sicarios, agmine facto, vastatis agris,
vicisque direptis, agrestes abduxisse in oculis
paene Barcinonensium. Copiis itaque co-
actis, corporisque custodibus eductis, FRAN-
CISCVS bello eos persequi studet. Illi
terga

terga vertunt, in arcem se recipiunt. Meti-
culosi enim id genus homines, siue armo-
rum tractandorum imperiti, siue conscien-
tia stimulat. Marchio muris inclusos arma
deponere, & imperata facere iubet: ni pa-
reant, machinas aeneas admoturum. Sic ad
deditionem tandem compulsi, poenas de-
derunt. Alios in furcam toili: sectis corpo-
ribus, membra in viis publicis collocari,
quo ceteris exempla darent, iussit: alios
Regius triremibus, ad remigandum, ad-
scripsit. Formidinem ea seueritas fontibus
ceteris attulit. Obseruarunt & curiosi, cum
diceret, ex hac Sicariorum venatione, qui
vias obidentes in viatores incurrerent,
maiores cepisse voluptatem, quam dum
feras iuuenis consectaretur. Rem enim pu-
blicam corpori componebat: membra pu-
trida secari, & cauterio vri solere, vt reli-
qua salua permaneant: improbos a bonis
iudicibus ad mortem damnari, vt bonis in-
ter improbos tutis esse liceat. Vitia itaque,
non homines oderat, sed eorum vicem
miseratus deplorabat: cumque ad suppli-
cium raperentur, sacrificia singulatim tri-
ginta fieri suo aere iubebat. Iudicium quo-
que rationem habuit: cum vt ius ex aequo,
& bono administrarent: tum ne lites am-
pliando redderent immortales, litemque

36 DE VITA FRANC. BORGIAE
praeuaricando facerent suam; magno litigantium, quorum facultates exhauriantur, detrimento. Controuersias vero, partium consensu, saepe ad concordiam adigebat, ne lites ex litibus sererentur. Ditiores aes alienum inopibus dissoluere confestim iubebat. Pauperes quoque, de suo dissoluto aere, quod contraxerant (ne Praetoris Edicto creditoribus addicti seruirent) liberali causa, manu asserebat. His qui ludos litterarios aperirét, quibus prima aetas optimis informatur & litteris, & moribus, domum publice attribuit, & salarium. Seminaria enim rerum publicarum pueros esse, e quibus recte institutis, optimi ciues existerent, praedicabat.

Praesidia item diligenter inspexit, ut Reipublicae neruos. Militum dilectum habuit. Ignauos, & ad signa infrequentes exauكتورauit: Si quae copiae, ut solent, in Italiam illac transirent, iniuria agrestium abstinere iussit. Qui secus fecisset, damnum Tribunus militum pendere cogebatur. Barcinonem, qua mari alluitur, muiis nudam, cinxit, pariete continenter ducto: molemque iecit, cui, quod primum fundamentis lapidem iniecerit, FRANCISCI nomen adhaesit. Laboratum eo tempore annonae caritate, uti periculum esset, ne
fame

fame exhauriretur respub. Marchio vndique, terra marique, datis litteris, importandum frumentum curauit; viriūque distribuit. Quo factum est, vt Respub bono natus diceretur, & Patriae parens a ciuibus appellaretur. Magnam pecuniæ vim pauperum subsidio donauit. Clam alebat quos ex opimis Fortune bonis excidisse cognorat: quod his inopiam onus Aetna grauius esse, non ignoraret Pias Monachorum, Virginumque familias eleemosynis iuuat. Denique, vt ne tristem abs se praesidio indigentem vllum dimitteret, quod & de Tito Vespasiano Imperatore ferunt, diligenter cauit. *Sueton. c. 8.*

CAPVT IX.

Orationis, & Poenitentiae in imperio studium.

NEC Caesaris solum curanda negotia, remque publicam tractandam Marchio censuit; salutis suae maiorem rationem ipse duxit: ratus, quod res est, breui mortales occidere: tolli plerosque in medio cursu, falsos inani spe: nihil nos hinc efferre: vnam virtutem comitem esse. Animum itaque, cuius ea propria est, potissimum excolendum; quod a funere superfit. In mentem interdū reuocabat susceptum melioris vitae consilium, ne, vt fit, obli-

38 DE VITA FRANC. BORGIAE
uione, vel desidia languesceret. Dicere &
illud solius: mortem Augustae, vitam sibi
attulisse. Fixum itaque illud manebat, sac-
culi pompis nuncium aliquando remitten-
dum, quamuis ea res sermonem plerisque
datura esset: & quale tandem cumque alio-
rum de se iudicium foret, minimie labo-
randum. His quasi alte iactis solidae virtutis
fundamentis, quae in vulgi rumore, glo-
riaque contemnenda sita sunt, precationi
quotidie, & rerum caelestium meditatio-
ni, subsecuias aliquot horas dandas putauit.
Hanc vnam rerum prudenter, feliciterque
gerendarum anchoram, optimorum con-
siliiorum basim appellabat. Sacramento-
rum item vsum frequentandum duxit,
Poenitentiae, & Eucharistiae; quae nau-
fragij tabulas colligentibus nauem com-
pingant, & anteaetiae vitae errata expiando
restaurent. Cum itaque ex commendati
sibi tituli Crucis officio, recitare in dies
statis horis orationes Dominicas, saluta-
tionesque Angelicas teneretur; ad horas
Canonicas septem, meditationes totidem
salubres adiunxit passionis Christi: quibus
illum a monte Oliuarum, ad Caluariæ
vsque, hinc cum Spiritum Patri commen-
dasset, ad sepulcrum, officij gratia comita-
batur. Vt autem *septies in die cadere iustum,*
morta-

mortalium sapientissimum iudicasse: sic parentem illius, regium Prophetam, *septies Psal. 118.*

in die laudem dicere solum, medias inter regni occupationes, didicerat. B. Virgini preces quod die rite adnumerabat, mysteria animo vertans: ex quibus triplex capi emolumentum aiebat. Primum, immortales DEO pro tot, tantisque donis gratias agere: pudore deinde nos affici, quod ea adhuc contempserimus: denique ad eas ipsas virtutes, quae hic eminent, incitari. Harum meditationum usu, ad Pietatis maius in dies studium extimulabatur, maiora animo agitans. DEI itaque attributa, ineffabilem potentiam, qua condidit vniuersa; inscrutabilem sapientiam, qua gubernat omnia; bonitatem inexhaustam, qua pascit cuncta, ac vegetat, meditari: & misericordiam, atque iustitiam, Gloriam denique aeternae beatitudinis, pulchritudinemque contemplari. Quo, tanquam mari magno inuectus, altum tenebat, extraque se admirabundus rapiebatur. Hinc fiebat, ut lacrymae vberim fluerent, diceretque identidem illud: Domine, quis silice, aut rupe, immo adamante durius cor meum mollire potuit, nisi tu misericordiarum DEVS, qui de petra fontes aquarum eduxisti?

Qui potes ex hijs lapidibus, Abrahae filios excitare: *Matth. 3.*
cor denique saxeam, reddere carneum. Sic dilu- *Ezech. 11.*

40 DE VITA FRANC. BORGIAE
culo, quinas saepe horas flexis genibus
orando transigebat: diei reliquum publicis
negotiis impendens, ne suo ipse muneri
defuisse videretur. Ludis saepe inuitus ade-
rat, & spectaculis, aliud tamen agens; ut
quid gestum esset interrogatus, nihil re-
ferre aut posset, aut vellet. Haec quidem de
Oratione admiranda: nunc de Abstinencia,
& Poenitentia. Cenis sibi perpetuo inter-
dixit. Prandio ita parce victitabat, ut her-
bis, & leguminibus coctis tantum vteretur:
pane solum, & frigida contentus. Laetitias,
& eduliorum fercula respuebat. Piis ipse
sermonibus conuiuas, prolixè etiam nobi-
les viros, de more, accipiebat. Principum
enim virorum vocationes, quibus illac in
mediam Hispaniam iter esset, omittere ho-
noris gratia non potuit. Hac abstinencia
factum, ut cum obeso admodum corpore,
ventrèque esset, breui laxae nimis tunicae
essent, duplicarique indumenta possent.
Par austeritas in vigiliis, & cilicio, quibus
carnem domabat: flagellis item, & sui con-
temptu, atque victoria; quam Plato, vel
vrbium expugnatione maiorem esse, di-
cebat. Reprehendit fortasse non nemo, ni-
miam in Principe viro austeritatem: at non
abhorret a vero, DEO ita visum, atque im-
petu adeo vehementi, vas illud electum
cdolare

*Lib. 1. de
Legib. mi-
sio.*

edolare voluisse, expiandis prioris vitae peccatis.

CAPVT X.

De frequenti Eucharistiae vsu consultus Ignatius.

SACROSANCTVM Eucharistiae sacramentum, priuatim quidem octauo quoque die, publice vero anniuersariis festis, quo ciuibus exemplo esset, frequentabat. Verum frequens ille Sacramentorum vsus, sermonem plerisque dedit, variis varie sentientibus: quando imperitae plebis, quot capita, tot sententiae. In desuetudinem enim abierat, vetustissimus ille mos frequentius diuinis Eucharistiae epulis accumbendi: qui tamen, inde ab initio nascentis Ecclesiae, inualuerat. Non defuere itaque tum homines, cetera non indocti, qui maiorem dignitatis Sacramenti rationem haberi crederent, si raro admodum, vel semel quotannis, iuxta Ecclesiae praeceptum, panis ille Angelorū manducaretur. Ceterum alij nihilo illis inferiores, assidua Sanctorum Patrum lectione didicerant, ut indigne sumere nefas esse; ita utilissimum digne, frequenterque illum accipere: quod & frigidos incendat, & a vitiis deterreat. Optabat FRANCISCVS, in tam repugnantibus sententiis, cognitam verio-

obuiis vlnis amplecti. Venerat commodum Roma Barcinonem Antonius Araoz, Societatis Theologus, ab Ignatio Loyola missus. Hic officij gratia dum Marchionem salutat, inter varios de piis animi exercitationibus sermones, de Eucharistia etiam mentio incidit: quantumque in eo genere excelleret Ignatius, exposuit. Incessit Marchionem cupiditas, ad illum hac tota de re animi sentium referre. Datis itaque Romanam litteris, gratulatur primum Ignatio, de recens orta, opera ipsius, stirpe, Ecclesiae Catholicae emolumento: orare, quid de frequenti Sacramentorum communione sentiendum putaret, certiolem faceret. Redditis litteris Ignatius respondit, Societatis illud bonum, solidum esse DEI beneficium. *Paulus plantauit, Apollo rigauit, DEVS autem dedit incrementum.* Ad Eucharistiam quod attinet: inter eius commoda, vt plurima sunt, & illud non postremum videri; frequentiore eius. vsu, a vitiis homines auocari, rariusque impingere: sin, vt homines sumus, labi contingat, citius exsurgere, resipiscere, ad frugemque reuocari. Neque vna amussi ingenia omnia metienda: aliis rarius, frequentius aliis, ad diuinam mensam accedere, vtile videri. Suadere itaque, & hortari, prudentem aliquem, piumque e multis

2. Cor. 3.

multis deligeret, cuius potissimum consilio in pietatis studio vteretur. Assensus statim Marchio est, in eiusque sententiam libens iit; & iam tum Societatis IESV presbyteros, ad excolendum animum, consilioque regendum, libenter consuluit.

CAPVT XI.

Ioannis Ducis Gandiae mors.

HI S fere intentus, recte prouinciam administrabat, incolis acceptus, quod omnes officio adiungeret, laederet neminem: cum tristis e patria nuntius nec opianti allatus, Ioannem parentem vixisse. Percussit non leuiter FRANCISCI animum, tali se parente orbatum. Erat enim ob singularem animi facilitatem Ioannes, morumque integritatem, carus, acceptusque suis; tota vt in luctu, & squalore ditio Gandiensis, amisso communi parente, iaceret: lugerent vero potissimum inopes, quos, vt CHRISTI mēbra, fouit liberaliter. Vnum de multis exemplum seligā. Cum Praefectus Curiae pares eleemoynis non videri rationes expostularer, Ioannes respondit: *Cum ad meam ipse voluptatem, deliciasque splendide mea expenderem, conqueri minime solebas: nunc cum egentibus, quibus debentur, hac distribuo, deesse quereris? Verū ita statuo; mihi potius omnia vitae*

vitae necessaria deesse, quam CHRISTI membris, patiar. In DEVM quoque maxime pius exstitit: dum enim Gandiae corpus Dominicum per compita ad aegrotos viatici nomine, veteri consuetudine, deferabatur; facem ipse ardentem dextra gestare solitus, suis omnibus exemplo erat. Quin & venatum egressus, (quo studio mirifice tenebatur) si forte, vt iusserat, signũ daretur aere Campano, confestini retro domum, reducto equi freno, calcaribus etiam admotis, redibat, vt hoc officij de more praestaret. Valentiae quoque nobilibus viris praeiuit, vt ab aula, quae Diui Laurentij templo obiacet, ad Hieronymianorum vsque Diuo Michaeli sacram aedem, Regiam cognomento; longo admodum intervallo, ordines nobilium duceret: qui nobiles tãedis ardentibus, honoris gratia, Eucharistiam antecedeabant, & reducebant. Morte itaque parentis nunciata, FRANCISCVS ab Imp. Carolo, qui tum forte Barcinone in Italiam cogitabat, postulauit, vti ad suos redire, pace illius, remque tueri familiarem liceret. Impetravit, quamvis aegre, a Caesare: ea tamen lege, vt Philippi Hispanicae iuventutis Principis, (Romano more loquor) qui tum vxorẽ ducere parabat, Mariam Ioannis III.

Lusita-

Lusitanorum Regis filiam, Curiae Praefectus esset; sponsae vero a cubiculis Leonora vxor. Quae res tabulis etiam imperata, immatura Mariae morte, dirempta est. Igitur Gandiam magna omnium expectatione peruenit, anno *clo. lō. tertio*, & *1543.* quadragesimo: bene ominantibus suis, quod in illius humanitate, & beneuolentia, magnum sibi praesidium collocassent. Parentis famulos non dimisit, ne desertos sequerentur; tamen pridem familiam integre constituisse. Xenodochium ad hoc instaurandum curauit, & amplificandum; annua etiam pecunia attributa. Oppidum Mari nostro vicinum, quod piratarum incursionibus obnoxium esset, qui ex Africa in Hispaniae oras desilientes, captiuos abducerent, & pecora abigerent, munendum, murisque cingendum, qua parte nudum, censuit: tum ne praesidiis militum, qui fere impotenter agunt, & libidinose, inquilini perpetuo vexarentur. Aenea quoque tormenta recens conflata disposuit, moles iecit, fossas, & vallum duxit, excubias ordinauit: nihil ut ad elegantis oppidi speciem, decusque desiderari posset. Palatium etiam, membro exaedificato, auxit, posterorum commodo. pagos ad haec finitimos, suorum concordiae, & quieti, magno

46 DE VITA FRANC. BORGIAE
gno appenso aere, redemit, adiunxitque
Gandiensium ditioni. In vico Lombayae,
coenobium Diui Dominici familiae, a
fundamentis construxit: vasis aureis, ar-
genteisque templum ditauit; victui corpo-
risque cultui, quantum sibi esset, attribuit.
Maximam enim rationem habendam exi-
stimabat inopiae Religiosorum hominum.
Iudicabat item, reque ipsa praestitit, pau-
peres quidem iure alendos; tum vero iu-
stius eos, qui splendida olim fortuna vti,
gravi accepta calamitate, ad extremam
inopiam recidissent.

CAPVT XII.

Obitus Leonorae vxoris.

PARENTE optimo orbatus FRANCIS-
CVS, post non diu coniuge etiam vi-
duatus luxit. Qua quidem fidissima socia
plures annos vsus est; non solum tori, ve-
rum etiam piarum omnium exercitationum.
Erat enim matrona singulari in DEVM
pietate, & in egenos caritate. Et, tametsi
dissimili ingenio fuisset, mariti tamen do-
mestico exemplo frangi potuisset. Interro-
gata aliquando a nobilissima femina, cur
simplici adeo, paeneque attrita veste, nulla
dignitatis habita ratione, vteretur: *Mene,*
inquit, byssinis, sericis, aut purpureis indui vis,

cum dominum meum (sic enim virum appellabat) *cilicium gestare sciam?* Cum igitur annos ipsos duodeviginti, line querela, simul vixissent, prior illa, diuturno morbo confecta, tandem decessit. Lento nimirum dolore expiari crimina, si quae forte contraxisset, voluit DEVS. Affixit igitur & ille casus FRANCISCI, quauis constantem, animum: quod altera sui parte ipoliari se videret, liberorum matre, & dolorum, curarumque socia. Aegrotante illa orare frequentius, piorum etiam hominum precibus adhibitis, eleemosynis, atque ieiuniis. Solus aliquando conclaue, remotis arbitris, ingressus, obnix, lacrymis fuscis, obtestabatur DEVM, saluam coniugem, superstitemque vellet: cum ecce tibi vocem quandam internam clare audire visus est, vt post ipse retulit, quae diceret: *Vxorem si diutius superesse vis, arbitrato tuo fiat: at tibi non expedit.* Qua re turbatus, minime dubitauit DEI vocem esse. Parendum itaque: tacite enim redargui, quod, quid peteret, ignoraret. Rursus vero in lacrymas itit, hisce admistis vocibus: *Domine DEVS, vnde hoc mihi, vt arbitrato committas meo, quod in tua solius est potestate? Mea permagni refert, tuam sequi in omnibus voluntatem. Quis enim te nouit rectius, quid e re mea sit? tua itaque voluntas fiat:*
nec de

48 DE VITA FRANC. BORGIAE
*nec de vxore solū, sed de liberis etiam, statuas sup-
plex oro.* Obseruatum, coniugis morbum
statum quendam tunc tenuisse, vt dubita-
rent medici, meliuscule ne, an deterius
haberet; post has vero preces ad despera-
tionem laborare coepisse. Animam agenti
ad ceruical adfuit, & diuinis alloquiis con-
firmauit: mortem forti animo, DEI miseri-
cordiae innixa, obiret. Illa vero CHRISTI
de cruce pendentis imagine pie amplexa,
animā salutis auctori, spei plena, reddidit,
ante diem vj. Kal. Aprilis, anno redempti
orbis CIO. IO. quadragesimo sexto.

1546.

CAPVT XIII.

*Gandiae Societatis IESV Collegium, Aca-
demiāque constituit.*

MORTVA Leonora, Gandiam com-
modum venerat Petrus Faber, Allo-
brox, qui primus se ad Ignatij Loyolae
societatem Lutetiae Parisiorum applicuit.
Hunc ex Hispania Paulus III. Pont. Max.
euocandum curarat, vt in Theologorum
sedis Pontificiae numero, Tridētino Con-
cilio, Catholicae fidei causam, aduersus
recens ab inferis excitatas haereses, tuere-
tur, vna cum Iacobo Layne, & Alphonso
Salmerone Toletano, Sociis. Ignatius in
mandatis Fabro dederat, Gandia iter face-
ret,

ret, FRANCISCVM Duce[m], officij gratia, salutaturus; qui aedes Societati excitare animum induxerat: eoque paullo ante sacerdotes Roma, & Olyssipone, allegati. Incredibile dictu[m], quantum illius aduentu delectatus FRANCISCVS: vt animi parentem, & moderatorem, tum demum nactum se, DEI beneficio, praedicaret. Exercitationes enim Faber, quas Ignatius de CHRISTI rebus gestis, & morte dictarat, meditandas proposuerat. Asceticum hoc opusculum (sic enim, Basilij Magni auctoritatem secutus, appello, quas vulgo *Exercitationes spiritus*) post FRANCISCVS, vtilitatem reipsa expertus, Pauli III. Pont. Max. auctoritate, ratum haberi curauit. Diploma quoque vt in eam sententiam fieret, quod libello additum legimus, impetrauit: ad eorum opinionem minuendam, qui, quae non legerunt, temere damnant; aut si legerunt, fascinato inuidiae oculo, non recta ratione, dijudicant. Iacta collegij fundamenta, feliciter, ante diem iij. Nonas Maias, anni CLO. IO. XLVI. 1546. Primu[m] quidem lapidem Faber, sacris rite operatus, posuit; alterum Dux, postque, eius exemplo, liberi. Breui aedes constructae, ludique aperti humaniorum litterarum, diuinae item, & humanae Philosophiae.

50 DE VITA FRANC. BORGIAE
phiae. Quin & in Academiae formam,
Summi Pontificis, & Caesaris auctoritate,
euexit. Prima ea omnium Societati cre-
dita. Bibliotheca item exornauit. Faber,
salutato FRANCISCO, quammaximis ite-
neribus Romam peruenit. Mox Kal. Sexti-
libus, magno Sociorum luctu, occubuit.
1547. Insequenti anno Monsonium, in Celtibe-
riae finibus id oppidum, vbi trium regno-
rum haberi conuentus solent, Philippus
Hispaniae tum Princeps, FRANCISCVM
honorifice euocauit: quo nobilium animos
ad concordiam reuocaret. Memoria tene-
bat, parentem suum Carolum Caesarem,
quinto ante anno, fideli eiusdem opera
vsum. FRANCISCVS, quasi iam vltimum
id officium Principi praestaret, & immor-
tali se Regi compararet, quod ad patriae
commodum, nobilium emolumentum,
Regis ornamentum pertinere videretur,
nihil praetermisit.

CAPVT XIV.

In nouo vitae genere suscipiendo Societatem

I E S V delegit.

EX I N maiora animo agitabat; vti ad
summam vitae perfectionem contem-
deret, & Euangelij consilia, vinculis iam
coniugij liber, amplectenda duceret. Ro-
gare

gare itaque pios homines, quoties ad se adirent, precibus, Liturgiis, a DEO poscerent, salubria sibi consilia de optimo vitae genere deligendo, in quo sunt omnia, suggereret. Ipse quoque eleemosynas indies erogabat, plusque tribuebat temporis orationi, meditationi, atque vigiliis: ieiunia, & corporis verberationes intendebat. Diderat enim puer, deliberationem de vitae cursu ineundo, omnium esse difficillimam. *Cicero r. Offic.* Illud vero fixum, animoque obfirmatum, diuitiis, honorumque titulis abdicatis, CHRISTVM sequi; eiusque, Crucem tollendo, vestigiis insistere. Haec vero dubia, & impedita cogitatio, in duplici Religiosorum hominum via, vtram ingredi melius esset: eorum ne, qui caelestium rerum meditationi dediti, in solitudinem se, hominumque infrequentiam abdiderunt, & suae duntaxat saluti inuigilant; an qui eccellente animi magnitudine, proximos Christo, qua verbo, qua exemplo, lucrificare student: qualis Christi, & Apostolorum vita fuit. Et vero sunt arctissimo inter se vinculo, tanquam germanae, colligatae, quae in contemplatione, quaeq; in actione versatur vita; in Maria, & Martha sororibus, designatae. FRANCISCVS quidem solitudinis amantior videbatur, vt vni

sibi DEOque in solitudine commodius vacaret; ieiuniis, & abstinencia corpus in cremo maceraret: verum cum se ad orandum daret, eorum potius institutum sibi commendari, DEO inspirante, sensit, qui contemplationi etiam actionem, publico commodo, adiungerent. Sed in hoc ipso vitae genere, perplexum & illud, in tot, tantisque piorum hominum familiis, quam potissimum sequeretur. In primis, Diui FRANCISCI institutum ceteris praetulit; quod & tutelarem illum, iam inde a puero, nomenque adsciuiisset. Illic summam & inopiam, & vitae austeritatem, quas pridem artes bonas exoptarat, exerceri sciebat. At dum haec DEO saepe commendat consilia, aridum ab oratione, frigidum, & ieiunium exsurgere se sensit: rapi vero ad Societatem IESV; quod recens nata Religio, in vulgus etiam ignota esset; nullus denique hic ambitioni, dignitativae locus pateret. Fore itaque, ut ibi ignobilis, & inglorius falleret, ac lateret. Qua in deliberatione, rem ad Diui FRANCISCI pium, & eruditum sacerdotem, tanquam arcanum, retulit; DEI oraculum, illo interprete, & deprecatore, auditurus. Ille vero sacris operatus, narrat, vocari illum in Societatem IESV; ita Deo placitum: *Quod,*
inquit,

inquit, *tibi, Dux, & Ecclesiae vertat bene.* Victus tandem cessit FRANCISCVS, Societatemque inire certo decreuit. Haec dum agitat, orationi intentus, septem continuo diebus tiaram capiti imminentem clare vidit. Ecclesiasticam dignitatem designari putans, obtestari Deum, ac deprecari, ne, quos fugeret honores, quaesuisse alibi videretur. Cum post Societatis Praepositus renuntiatus esset, a Gaspare Fernandez interrogatus, illane tiara esset, iucunde respondit, eandem videri.

CAPVT XV.

In Societatem ab Ignatio recipi cupit.

IGITUR FRANCISCVS nihil ultra cunctandum ratus, domesticum ex templo cum litteris Romam ad Ignatium allegauit, qui tum Societatis familiam auctor ipse ducebat: rogat primum reliquis Sociis adscribendo, voti compotem faceret. De re omni familiari, liberis, annuo censu, redditibusque certiore facit: quae consilio regeret, moderareturque. Non exiguam, redditis litteris, Ignatius voluptatem cepit: quod recens ortam familiam, tanti viri accessione, illustratum iri confideret. Et vero pridem id praeuideret, DEO suggerente. Romam enim ex Hispania re-

54 DE VITA FRANC. BORGIAE
uerſo Fabro, vitæque mox deſuncto, cum
moëſtos videret Socios Ignatius, tanti viri
immaturo obitu, atque iactura: *Bene ſperare
iubeo, ait, minimeque lugendum cenſeo: quando
præclare cum illo agi non dubito. Spero item fore,
vt qui Fabrum nobis eripuit intempeſtiue, idem
aliū parē ſufficiat, Ducem Gandiæ tacite
vaticinans. Epistolam, qua reſpondit Igna-
tius, attexam: ſed mihi fraudi non ſit, verba
non eſſe adnumerata, cum ſenſum fide
bona redditum ſciam.* BENEDICTVS
DEVS, qui conſolatur nos in omnibus, cui quoniam
pro meritis gratias agere non poſſumus mortales,
laudent eum omnes Angeli, beatorumque ſpiritus,
quia te vineæ ſuæ excolendæ deſtinauit, atque
conduxit. Equidem te in ordinem noſtrum adopto,
recipioque libens; cum bona ſpe, vtilitati id fore Ec-
cleſiæ DEI, cuius honor quaeritur; tibi quoque
ſummæ conſolationi, Societati ornamento, omnibus
denique exemplo, & emolumento. Precabor itaque
DEVM, vt, qui velle dedit, det idem & perficere,
ad laudem, & gloriam nominis Filij ſui IEſu
Chriſti, in cuius Societatem, puſillum hunc gregem
vocare placuit. Venio ad ſingula epistolæ tuæ capi-
ta. De te, quando in noſtrum gregem admitti poſſis,
quaeris. Equidem in Domino ſic ſtatuo, rem primum
familiare, vt gnauum patrem familias decet, conſti-
tuas prudēter, & mature. Mature quidem, vt citius
voti compos ſias; prudenter vero, ne in vulgus efferri
prius

prius sanum id consilium patiaris, quam praestare, quod valde exoptas, commodo tuo possis. De filiabus matrimonio collocandis, dignitatis, & ordinis tui habendam rationem censeo. Marchioni quoque filio natu maximo vxor quaerenda. Fratribus reliquis tantum in bonis relinquis, quantum satis est, quo in Academiis disciplinarum studia persequi commode liceat. Caesarem praeterea eorum rationem habiturum, cum pro tuis in illum officiis, tum quia ita merebuntur ipsi, confido. Aedificia, si quae inchoata, ad tecta perducantur. Denique, vt semel dicam, absolui omnia quam maturrime, ad exitumque, quoad eius fieri potest, referri optarim: quo citius libero te, & expedito frui liceat. Interea loci, studia reuocanda omnino existimo; & virgenda serio est Theologia, sacerdoti necessaria, in qua etiam laurea te Doctoris insigniri velim in Gandiensi Academia. Cetera, vt se dabunt, ad me referas licet; equidem rebus tuis parentis posthac animo consulam: DEVMque precabor, te, tuaque sospitet, atque ad portum salutis aeternae perducatur. Romae.

Hisce lectis litteris FRANCISCVS gaudio paene exsiliit, quod e sua ipse potestate exisset, & Ignatio se, vt coepit, commisisset. Omnia itaque satagere ne longius fieret, quo citius sese vinculis expediret. Optabat iam tum Vota concipere, Religiosorum hominum ritu. Quam rem, litteris illius adductus Ignatius, a Pontifice

56 DE VITA FRANC. BORGIAE
Max. impetrauit. Anno itaque salutis CIO.
IO. XLVII. Votis nuncupatis solemnibus,
Sociorum numero adscriptus Gandiae est;
paucis tamen consciis, ne in vulgus prius
manaret, quam rebus omnibus compo-
sitis, Societati se adiungeret.

CAPVT XVI.

Rem domesticam componit.

IGITUR parendum in reliquis sibi Igna-
tij sanis consiliis duxit. Filio Marchioni
Lombaiae Carolo, familiae principi, vxor
data Magdalena Centellas, Francisci Cen-
tellae Comitis Oliuae, (id oppidum mille
passibus Gandiae adiacet) & Mariae Car-
donae filia. Filiarum trium natu minima
Dorothea, nondum amissa matre, Chri-
stum sponsi loco adsciuerat, in coeno-
biumque D. Clarae, puella admodum, se
abdiderat: ceterae nobilissimis viris col-
locatae. Isabella nuptum cessit Francisco
Rogio Sandoualio, Lermae Comiti, &
Marchionis Dianij heredi: Ioanna Arago-
nia Ioanni Henriquez, Alcanizij Marchio-
ni, in manum conuenit. Gener sane vter-
que, vt genere nobilissimus, sic & mori-
bus honestissimus. In quibus nuptiis illud
FRANCISCI Ducis consilium laudari vi-
deo. Alterum generū, Lermae Comitem,
ad ter-

ad tertium diem adesse iussit; pactus horam, tempusque, quo sacris rite peractis, sponsalia inirent: ne, vt saepe fit, non recte, ante Ecclesiae benedictionem conuenerent sponsi. Restabat alterum e mandatis, quod exsequi studio fuit simul & voluptati. Liberorum enim nuptiis expeditus, totum se sacrarum litterarum studio dedit. Ei rei in Societatis Collegio membrum domus, quod exstat, exaedificarat, quo se cum liberis studiorum gratia colligeret. Theologiae itaque partim mysticae, partim ei, quae in scholis tractari disputando, via, ac ratione solet, egregiam operam nauauit; Doctore vsus Magistro Peresio, quem Valentia Edetanorum, magno praemio, honore, atque stipendio, euocandum curarat. Hunc attente, assidueque audiuit, & legendo, disputandoque, ea industriae, atque doctrinae dedit argumenta, vt breui laurae titulo omnium suffragiis dignus haberetur. Magisterij itaque primum, mox Theologiae laurea, adhibitis prius & disputationibus, & examine, decoratus est. Operae pretium fortasse fuerit, horas, studiique rationem referre. Tribus horis solem anteuertebat, quas, & alteras tres, precationi tribuebat. Octaua diei hora, vt Hispani numerant, expiatis quotidie criminibus

58 DE VITA FRANC. BORGIAE
communicabat. Nona, Doctorem Theologiae attente auscultabat, dictata etiam calamo excipiens. Summa temperantia pransus, de rebus diuinis cum liberis agebat. Pomeridiani temporis reliquum, partim studiis, partim negotiis priuatis, publicisque dabat. Vergente ad occasum sole, SS. Patrum monumenta Scripturae lectioni adiungebat: horis item Canonicis temporis nonnihil tribuens. Somni enim parcissimi fuit, non lecto; sed tabulis ligneis, villosa tegmine intratis, vsus. Ante somnum seipse accurate excutiebat, apparitoris, lictoris, rei, & iudicis sustinere se personam fingens. Quo vitae genere factum est, vt fama disseminata, illius visendi gratia, dynastae aliquot Gandiam venerint: in his & Episcopus Carthagini Spartariae, Stephanus Almayda; datis etiam ea de re honorificis ad amicum litteris.

CAPVT XVII.

Romam anno saeculari sacro cogitat.

CESSE RAT dies, quem Pontifex rebus componendis FRANCISCO praefixerat, & decurso iam triennij studiorum spatio, annus saecularis sacer, qui hodie Iubilaeus, imminebat. Romam itaque proficisci decreuit, cum vt principum Aposto-

Apostolorum, quae tum rite vniuersa panduntur, limina frequentaret; tum Ignatii videndi studio: denique ne sua iterum opera Caesar in negotiis obeundis vteretur. Verebatur contra, ne Romae praesens cum esset, a Paulo III. contra Societatis institutum, Cardinalium Collegio inuitus adscriberetur: quod Alexander VI. gentis Borgiae, purpureo illum olim galero donasset. Auxerat quoque metum, quod FRANCISCI fratres duo, ab eo ipso Paulo Cardinales nuper creati fuerant. Sed comode cecidit, quod Paulus ex humanis exemptus, Iulio item tertio vacuum sedem Pontificiam reliquit. Conditis igitur testamenti tabulis, Carolum, familiae heredem, seuocat. *Postremum hoc te, inquit, Carole fili, forsitan alloquor. Romam iter adornari vides, anno saeculari sacro, vt Apostolorum limina exosculer. Societati IESV me volens addixi, bonis me, titulisque abdicaturus: quo viuam securius, aeternamque beatitudinem, DEO bene iuuante, consequar. Fratres itaque, ditionemque Gandiensem tuae committo fidei: tu vicissim da operam, ne eam tibi, familiae principi, commisisse nos aliquando poeniteat. Ius, & aequum imprimis tuere: consiliarios prudentes, fidosque adhibe, qui verum libere dicant; non assentando blandiantur. Ciuium potius, quam tuis commodis stude; & amari, quam timeri malis. Tria*
tibi

tibi coenobia, tamquam maiorum monumenta, in manus trado: Lombayae, Sodaliū S. Dominici; Gandiae, Sociorum, & D. Clarae Virginum, in quibus soror est, & amitae. Piorum enim hominum precibus, consilioq; respub feliciter geritur. DEVM, quod rei caput est, time, & religiose colito. Hunc inspectorem rerum humanarum in oculis gestato, & Iudicem exspecta. Salue, & Vale. Marchio lacrymis vbertim fufis, paucis optima quaeque pollicitus, dexteram parentis, more gentis, exosculatur. FRANCISCVS, ceteros ordine liberos complexus, valedixit; Ioanne tantum, natu secundo, patrem comitante: moxque vicinum Societatis Collegium ingressus, comites adsciuit Antonium Araoz, Franciscum Stradam, septem item alios Sacerdotes.

CAPVT XVIII.

Romae comiter a Pontifice, & Ignatio accipitur.

EQVIS consensu, Gandia discessit
 pridie Kal. Septembres anni sacri CLO.
 IO. L. Oppido egressus, sublatis in caelum
 oculis, manibusque, mixtis etiam prae lae-
 titia lacrymis, Dauidis illud alta voce reci-
 tauit: *In exitu Israel de Aegypto. mox etiam:*
Psalm. 123. Laqueus contritus est, & nos liberati sumus: cum
bona spe, & mente fixa, fore vt eodem
nunquam reuerti, patriumque solum reui-
sere

fere cogeretur, qui ad caelestem patriam properaret. Seruauit hoc religiose. Missus enim longo post temporis interuallo, a Pio v. Pont. Max. honorifica legatione, cum Alexandrino Cardinali in Hispaniam ad Regem Catholicum, Valentiamque ingressus, numquam sibi imperari passus est, vt Gandiae oppidum, quod vnus duntaxat diei itinere abest, inuiseret. Proficiscens orationi quotidie horas complures dabat. moremque, quem perpetuo tenuit, de peccatis quotidie confitendi, sacrisque epulis accumbendi, seruauit. In meridie tantum cibum capere solitus, etsi de via fessus langueret: in cena modico admodum contentus cibo vixit: flagellis etiam in se, licet in diuersoriis incommodum esset, saeuens. Colloquia diuina, quibus itinerum tedium leuari solet, sic partiebatur, vt precationi horas tribueret vicissim, & sermonibus diuinis, piisque meditationibus; nec ad aurium se voluptatem, sed animi vtilitatem potius compararet. Italiam simul attigit, ecce tibi nobilem virum cum litteris ab Hercule Estensi, Ferrariensium Regulo, FRANCISCI patruo maiore: orare, ad se vt de via diuertere non omittat: cupere, pro veteri necessitudinis vinculo, aspectu eius frui, quod sine vilo paene viae incommodo,

62 DE VITA FRANC. BORGIAE
modo, temporisque iactura fieret. Paruit,
vt decuit, FRANCISCUS, triduumque
Ferrariensi Duci tribuit, comiter acceptus:
biduum etiam cum Cosmo Medice, Etru-
riae Duce fuit, qui & ipse nullum officij
genus praetermisit. Mox ne longius fieret,
quo Ignatium videret, Romam festinauit.
Introductus honorifice in urbem, Cardin-
alium aliquot, Caesarisque Legati volun-
tate. Cauerant: enim ne, quod maxime
optabat FRANCISCUS, nocte intempesta
obscurus ingrederetur. Latere nimirum,
atque ignorari, qua erat modestia, malebat.
Sed & ipse Ignatius, Superiorum auctori-
tate victus, manu sua, horis aliquot ante-
quam Urbem iniret, significarat, aequi, boni
gratulationis pompam faceret, quam ille
probri, non honoris loco, duceret. Iulius
III. Pontifex Max. palatium illi laeta cum
gratulatione, quod expectatus venisset,
per Legatos obtulit, aediumque mem-
brum, si volenti esset, attribuit. Magnas ille
gratias agere: Societatis enim IESU hu-
mile domicilium delegerat. Hic pro fo-
ribus Ignatius praestolabatur, amplexus
Ducem amice, humoque reluctantem tol-
lens, quod pedes, manusque exoscularetur:
mistis etiam caritatis lacrymis, quod ma-
gno FRANCISCVM emolumento ampli-
ficandae

ficandae Ecclesiae DEI; Sociis quoque, re, & consilio, iuuandis; exemplo denique ad maiorem DEI gloriam vsui futurum prouideret. Fessus ille non nihil de via, vbi se modicum collegit, confirmauitque, nihil duxit antiquius, quam Pontificem Max. venerari, pedesque, more maiorum, exofculari. Hic in basilica Pontificia acceptus officiosus est, quam ceteri eius ordinis solent. Laudare factum Pontifex, gratumque id sibi accidisse, ab vltimis paene terris, hoc anni tempore, & aestu, qui nondum se fregerat, Romam religionis gratia aduolasse: vt beatorum Apostolorum sepulcra videret, & patefacta iam portae aureae limina oscularetur. *Vtinam, inquit, talium Principum magnam copiam haberemus: constantius se res Christiana haberet.* Aedes rursus suas patere illi coram testatus. At FRANCISCVS modeste abnuere, gratias agere; quod in Sociorum collegium diuerisset: satis fore, immo summi beneficii loco ducturum, si patientes interdum aures sibi daret, & benediceret. Sic honorifice domum reductus, redditus sibi videbatur. Cardinales tamen, quos necesse erat, officij gratia inuisit. His tandem salutationum curis expeditus, sacra Diuorum templa ordine lustrauit, adhibito, tanquam viae duce, & nomen-

64 DE VITA FRANC. BORGIAE
nomenclatore, Itinerarij libello: in quibus
templis, innumerabiles beatorum marty-
rum reliquiae, vt nusquam alibi plures,
asseruantur, & a piis hominibus frequen-
tantur. Quibus e commodis, copiosiores vt
fructus caperet, omnem anteaetae vitae
rationem reddendam Ignatio putauit; &
errata Sacerdoti confitendo, in Vrbe san-
cta, temporeque sanctissimo expianda ite-
rum censuit. Nec foris solum se, lustrandis,
obeundisque locis sacris, oblectabat; domi
etiam mirifice aspectu Patrum illorum,
principum Societatis, & familiae auctoris
Ignatij, recreabatur. Inter cetera vero plu-
rima Romae praeclare gesta, illud ad aeter-
nitatem memorabile, ab illo prima esse
Collegij Romani fundamenta iacta. Se-
minarium id omnium nationum quoddam
est, eritq; semper. Sed omnis ea laus Gre-
gorio XIII. Pont. vere Max. Societatisque
parenti optimo relictæ cessit, aedibus, au-
gustoque ludo exaedificato.

CAPVT XIX.

*Ad Caesarem de bonis abdicandis mittit, Car-
dinalatus honorem fugit.*

OPTABAT FRANCISCVS aetatem
Romae diutius agere, & nusquam
alibi libentius consensescere; tum ob loci
sancti-

sanctitatem, religionemque; cum ob Ignatij innocentissimi viri mores. Optimum itaque factum duxit, suis sese Fortunae bonis, titulisque exspoliare, quo pietati commodius operam daret. Igitur e domesticis vnum Gasparem Villalonum ad Caesarem Carolum, qui tum in Germania res gerebat, cum litteris seu supplice libello allegat: bona illius venia, filio natu maximo, Lombayae Marchioni, Gandiae ditionem concedere, titulosque liceret, rogat. Gratum id sibi, acceptumq; fore, qui colligere se ipse, & abdere vellet. Societatis I E S V familiam potissimum dilegisse, in qua reliquum vitae curriculum consumeret; nuperam quidem illam, sed vt ceteras, ab origine calidiorem, maioremque in dies futuram. Litterarum exemplum, vt cum voluptate simul & vtilitate legatur, adscribam. Quanto pridem opere exoptarim, Caesar Auguste, tuum in Italiam aduentum, vt quae nunc litteris absens coram postularẽm, vni DEO notum est: cui quando ita visum, ne merito meo voti compos fierem, ratam ipsius, vt debeo, voluntatem habeo. Et cum absentem me, non minus quam si praesens essem, sensa mentis explicaturum considam; idcirco, vt mentis interpret oratio est, & vicissim orationis scriptura, hac utar, quando illa, in tanto loci interuallo, non licet. De me sic habeto: peccatorem me ingenue

E confi-

confiteor, ceterisque offendiculo aulicis fuisse, cum in
 regia tua versarer; cuius delicti gratia nullam de-
 tracto poenam a DEO caeli Rege, nec abs te, qui in
 terris imperas. Ille misericordiarum parens, toties
 inferorum cruciatus meritis cum sim, ad hunc diem,
 incredibili patientia, mansuetudine, benignitate
 sustinuit me, quo resipiscerem, in viamque redirem:
 tempusque largitus est, ut quanta illius essent in me
 beneficia; quot, quantaque meae in illum iniuriae,
 tempestive animaduverterem. Haec ipse dum consi-
 dero, iam inde a coniugis morte Leonorae, quattuor
 ipsos annos, multisque, ea gratia, fusis a piis viris
 precibus ad DEVM, creuit vitae nouae cupiditas
 in dies, & quasi depulsa mentis oculis caligine, ter-
 rena omnia despiciatui ducere coepi. Nunc, licet in-
 dignus sim Dominicae vineae cultor futurus; prae-
 sertim cum tam sero accesserim, & vites olim, quas
 alij plantarunt, euellere studuerim; DEI tamen
 benignitate, Societatis IESV sacerdotes me in or-
 dinem suum, nullo meo merito, admiserunt. In qua
 quidem etsi iam pridem degere, & emori exopto;
 prohibitus sum tamen, dum boni parentis officium
 expleo, filiisque abunde consulo: qua cura post vnum,
 & item alterum mensem semel me expediam. Quam-
 obrem, maxime Caesar, bona tua venia, id mihi li-
 ceat, quia cliens tuus, & equestris D. Iacobi ordinis,
 rogo, ut quod reliquum est vitae spacium, perbreue
 illud quidem, at in lucro deputandum, ita transi-
 gam, quo antea vitae iacturam, dignis poeni-
 tentiae

tentiae fructibus, D.E O bene iuuante, sarciam;
 praeterita errata corrigam, praesentia pericula fu-
 giam, futura euitem. Et si quid in hac ipsa vitae
 melioris forma profecero, equidem dabo operam, vt
 sacris astant, altaribus, re diuina, atque ieiuniis assi-
 due pro imperij tui incolumitate vota faciam, & pro
 tua salute, a qua & multorum pender, DEVM
 precer: vt qui nuper de Turcis, & haereticis victo-
 riam tibi conceffit, det idem, vt te ipse vincas, quae
 sane vincendi ratio, vt difficillima, ita est & utilis-
 sima, maximeque laudabilis: denique amoris te di-
 uini ignibus inflammet, idque assidua meditatione
 cruciatuum CHRISTI; vt iure cum Apostolo
 dicere possis, Mihi absit gloriari, nisi in Cruce *Galat. 6.*
 Domini nostri IESV CHRISTI. Ille, qui
 crucis dolores pro nobis tulit CHRISTVS, te
 quam diutissime Reipub. Christianae seruet inco-
 lumem. Dat. Romae A. D. XVIII. Kal. Feb.
 CLO. IO. LI.

Dum Caesaris iussum expectat, spar-
 sum iam in vulgus erat, mutasse FRAN-
 CISCVM vitae statum in melius. Qua re
 cognita Pont. Iulius FRANCISCVM (quod
 antea metuerat, vt Romam idcirco profi-
 cisci cunctaretur) Cardinalium collegio
 adscribere cupiebat. Ille vero tristi nuncio
 tam exhorruit, quam cupide quidam ho-
 norem illum consecretantur, & captant.
 Itaque Ignatio visum est expedire subito

FRANCISCVM Roma discedere, vt Pontificis oculis subductus, fuga se honoribus eriperet. Igitur iisdem Sociis, quibuscum Romam ex Hispania venerat, cum vix quattuor menses in vrbe mansisset, in Hispaniam reuertit. Hic, vt erat solitudinis in primis amans, procul a vulgi strepitu agere cum vellet, Guipuzcoam, Cantabriae Prouinciam, sedem sibi delegit: cum quod pauciores eam oram haberent; tum quod Ignatij natale solū id esset. Hispanias itaque simul attigit, recta in Cantabriam tendit: domumque Loyoleam ingressus, locum percunctando studiose quaesuit, quo loco primum natus terram contigisset Ignatius. Hic terrae osculum, postibusque figere: DEO gratias agere, quod eo loci, tam vtilem orbi terrarum virum nasci voluisset, seque tanti magistri discipulum fecisset. Igitur re diuina audita, sumptaque Eucharistia, Ognatum discessit; oppidum id Loyolea domo tertio abest lapide. Hic Petrus Michaelius Araoz aedes aliquot Societatis collegio exaedificando moriens testamentum legarat. Hinc comitum nonnulli varie dimissi, in suas Prouincias remigrarunt: alij in FRANCISCI contubernio, cum Ioanne filio, haeserunt.

CAPVT XX.

Pace Caesaris titulus sese abdicat.

NEC diu factum est, cum Gaspar Villalonus e Germania redux, Caesaris litteras FRANCISCO attulit: quarum hoc exemplum est. Tuas mihi, Dux Borgia, reddidit Gaspar Villalonus, cliens tuus. Quamuis sanctum, piunque id consilium tuum, vitaeque institutum, quo secedere, ac te colligere vis, ut terrena caelestibus permutes: (quis enim nisi impius id negauerit?) angit tamen nonnihil nos, te carendum quod erit. Verum meae ipse morem gerere cupiditati, commodaque mea tuis anteponere, nec volo; nec, si velim, possim. Potestatem itaque facio libens, volensque, ut Carolo natu maximo, Gandiensi ditione, tuo arbitratu, cedas. De facto equidem sic sentio, plures aemulos, quam imitatores, reperturum: primum enim, atque proclive cuius alteri inuidere; paria praestare fuit, eritque semper difficile. Quod ceteros liberos deseras, id mihi oneris imponi facile patior, iis ut ipse pro virili consalam, & parentis in locum succedam. Effectum id dabo, cum officiorum gratia Leonorae matris, feminae lectissimae; tum parentis, qui & ipse bene de me, meisque meritis est. Illis damno non erit, utrumque parentem operam mihi dedisse. DEVS Opt. Max. consilia tua, Dux Borgia, ad exitum felicem adducat; quem, ut nos quoque, remque publicam, difficillimis hisce temporibus respiciat, precator.

70 DE VITA FRANC. BORGIAE
cator. Sic te seruet ille, & sospitet. Dat. Augustae
Vindelicorum. Idib. Feb. CLO. IO. LI.

His lectis gaudio paene triumphans
FRANCISCVS, conclaue statim ingres-
sus ad CHRISTI de Cruce pendentis ima-
ginem genibus accidit: Domine I E S V, in-
quit, cuius misericordiae non est numerus, tot,
tantaque cum exstent tua in me beneficia, nouis ta-
men cumulare non cessas. Gratiam quam possum ha-
beo, agamque, dum viuam. Nunc te vocantem sponte
sequor; & bonis Fortunae omnibus, quae liberali
manu donaras, me exuo, te vt cruci affixū, nudumq;
nudus promptius imiter. Abjicio libens omnia, mo-
dica illa quidem; sed & regna, atque imperia, si
suppeditent, eadem animi alacritate dimitterem, vt
tu probe, qui corda scrutaris & renes, nosti. Supplex
igitur rogo, obtestorque, vt prodigum illum filium a
longinquis reducem me recipe, & amplectere ex-
pansis vlnis misericordiae tuae. Pateant mihi fores
domus tuae, apud Religiosos vni tibi deditos. Vnum
hoc peto, vt inhabitem in domo tua, omnibus diebus
vitae meae. Tu qui lux es, via, veritas, & vita,
respice me: & qui hanc mihi mentem dedisti, da ex-
itum felicem. His cum se precibus DEO ad-
dixisset, in publicum prodiit; confestimque
accitis tabellionibus, & actuariis, ditionis
se Gandiensis iure, bonisq; omnibus exue-
re, & Carolo natu maximo transcribere
vniuersa, in acta retulit, superstitionibus prae-
sentibus,

sentibus, nihil vt sibi reliquum fecerit. Mox
detonsa barba, vestibus abiectis, talarem
Sociorum togam, tritamque induit: lacry-
mantibus famulis, non secus atque si vita
decederet. Ille vero gaudere, vix vt apud se
esse videretur, quod toga se publica, Du-
cisque titulis exuisset, & quasi maximo e
naufragio, & tempestate emerisset, ratus
portum se tenere, & in summa Societatis
paupertate ditissimum reuera esse: identi-
dem illud exclamans, *Dirupisti, Domine, vin-* *Psal. 124.*
cula mea, tibi sacrificabo hostiam laudis. Mox
seruos amice dimisit; Ioanni Borgiae alios
clientum in numero attribuit; alios Carolo
Duci per litteras commendatos, misit.

DE VITA
FRANCISCI
BORGIAE

Societatis IESV Praepositi Generalis ab Ignatio Tertij

LIBER SECVNDVS

ANDREA SCHOTTO Societatis
eiusdem interprete.

CAPVT I.

Abdicatis Fortunae bonis quae gesserit.

LAETIOREM nullum ad id temporis diem illuxisse sibi FRANCISCVS, & sentiebat, & praedicabat, quam quo bonis sese omnibus exspoliasset. Liber enim a curis, vni DEO, qua re nihil illi iam tum erat antiquius, sese dabat. Id vt procederet felicius, sacris initiatus est. Quo quidem Ordine ne indignus videretur, orare iam in dies DEVM, corpusque castigare solitus erat. Nec enim ignorabat, ad illa adyta illotis manibus irrumpere, sacrilegio affine crimen esse. Ritus iam, cerimoniasque edidicerat. Loyolam itaque contendit, primamque Liturgiam obtulit, tribuens hoc
Igna-

Ignatij, & patriae, & pietati, Kal. Sextilibus, anni post Christum natum CLO. IO. LI. Arae ornamenta, mappaeque graphice elaboratas, atque sororis acu pictas, Ludouicæ Borgiae Comitissæ Ribagorzae adhibuit. Ioannes vero Borgia, filius, Eucharistiam de manu illius sumpsit. Iulius tertius Pont. Max. liberaliter FRANCISCO Iubilaeum, vt nominant, indulgerat, vt cum primo publice sacris operaretur, quotquot rite confessi adessent, ij veniam acciperent peccatorum. Igitur Vergaram in oppidum secundo ab Ognato lapide, vt ad plures sacrificij manaret utilitas, properauit. Incolis simul atque innotuit, tantus fuit subito hominum circumcirca concursus, vt spaciosum quidem templum, non caperet. Quare sub dio aram erigere necesse fuit, iuxta D. Annae sacellum: totque ad caelestem mensam accesserunt, vt meridiana hora longe transierit; mirantibus cunctis, prae gaudioque a lacrymis non temperantibus, quod Ducem Apostolico habitu libenter spectarent, qui summa animi magnitudine titulos, factumque, cum Euangelica inopia; & purpuram cum Religiosorum hominum attrita veste commutasset: siue quod rarum, & insolens aevi nostri exemplum esset; siue quod populari iudicio cuius honori sacer-

dotium postponerent. Facta re diuina, ad
populum concionatus est. Rogati plerique
cur eo concionante, cuius aut sermonem
ignorarent, ob idioniatu diuerſitatem; aut,
quod longius in tanta hominum corona, a
ſuggeſtu abeſſent, non ſatis audirent; la-
crymati eſſent: illi ingenuę, vt eſt gentis
illius ingenium, diuinam in eo vocem,
non humanam, audiri viſam; ad haec pro-
digij ſimile eſſe, Ducem ſanctiſſimę vi-
tae ſpectari. Sacerdotio inauguratus, nihil
duxit antiquius, quam vt colligere ſe, &
DEVM venerari qua precibus, qua poeni-
tentiae effectis poſſet. Petiit itaque mode-
ſte ab Ognatanis ſacellum D. Magdalenae
ſacrum, mille paſſibus diſſitum, habere
liceret. Impetrauit facile; domum exilem
addere conſtituit, & peranguſtam, e ma-
teria rudi, & impolita fabricatam, vt pau-
pertatis amantior, aularum, auguſtarumq;
aedium pertaeſus. Huc cum paucis Sociis
migravit, quos tum rexit Michael Nauar-
rus, ſacerdos: a quo illud primum petiit,
coquo operam dare, bona illius venia, li-
ceret. Quod non minore animi voluptate,
quam alij Principis beneficio ſumum
magiſtratum, Prouinciãque, impetra-
uit. Domestica hic officia exſequi, ligna,
& aquam in culinam ferre, ignem accen-
dere,

dere, verrere pauimentum, lances munda-
re, & ollas, ceteraque id genus, quasi So-
cietatis vel infimae conditionis tiro esset.
Mox apparatus omnibus, mensae ministra-
bat. A Patribus, fratribusque negligentiae,
erratorumque veniam deprecabatur: sin-
gulatim pedes osculatus, pro se D E V M
interpellarent, hanc vt sibi mentem per-
petuam esse vellet, rogabat. His exercita-
tionibus probe informatus, non angustis
domus finibus contētus, de pluribus officio
bene mereri studuit: memor illius Areo-
pagitae Dionysij, *Bonum quo longius manat, eo Lib. de Di-*
esse praestabilius. Igitur excurrere in vicinos *nis. nomi-*
pagos, sacculo mendicantium more onu- *nilis cap.*
stus, & scipionem gestare, panem elee-
mosynae loco vicatim, stipemque Christi
nomine exigere. Cantabricae matronae,
sanctitatis opinione, incredibile dictu est,
quam alacriter domo pedem extulerint,
panemq; oscularae obtulerint: benedictio-
nem vicissim repositas, orationemque
pro communi salute efflagitantes. Hic pue-
ros tintinabulo, virgam manu gestans,
euocabat, ductabatque longo ordine can-
tantes in templum, forumque publicum,
quo prima illos Fidei rudimenta catechista
doceret: & interrogando, & iterando sae-
pius eadem, inculcare non piguit cognitu
neces-

76 DE VITA FRANC. BORGIAE
necessaria. His fere officiis horas bonas bene collocavit, ad Sebastiani vsque Cantabrorum portum peruadens: hinc Victoriam pedibus adiens, (Oppidum id *Vellicam* Cantabrorum Ptolemaeo esse putant) & pueros erudit, & in templis frequenter egit Ecclesiasten.

CAPVT II.

Naugarorum Regnum ingreditur.

IN solitudinem se abdiderat FRANCISCVS, frequentiam hominum vitans: latere tamen, & fallere alios perpetuo non potuit. Odor enim pietatis longius vagatus, finitimis etiam afflabatur: fama, in immensum omnia augere solita, varie increbuerat, dum alij factum praedicant, alij vituperant. Vt enim sensus cuiusque est animi, ita fere sermones ferit. Qui terrena sectantur, atque caduca, praeterea nihil, hi ex suo sensu reprehendere: Indignum illo, honores repudiasse iam ad culmen progressum; liberos certe deseruisse videri. Quorum contra praestans erat de rebus, verumque iudicium, factum FRANCISCI laudibus in caelum tollere. Nec enim honores, magistratus, ceteraque imperitae plebi admiranda, in bonis ducenda; animi tranquillitate, Deiq; cultu, & cognitione felicitatem homi-

hominis, aut nulla re, metiendam. DE I obsequio sese dedere, id demum esse longe, lateque imperare, liberum, & dominum, ac Regem esse: quod rerum terrenarum despicientia, infra se ducat omnia, caelestia tantum animo verset. Commendare FRANCISCVM, qui excelsio animo Fortunae bona calcaisset: gratias etiam DEO agere, quod in haec tempora, rara etiam vetustatis exempla transtulisset; quales viros singulos vix singulae aetates, DEI benignitate, tulissent. Officij itaque, & obseruantiae gratia, latentem inuiserunt viri nobiles. Inprimis Carolus Borgia Gandiae Dux, & Aluarius Borgia, filij: Martinus item Arragonius, Villae formosae Dux, qui sororem eius uxorem duxerat: Comes quoque Lermae, & Marchio Alcanizij, generi. Complures etiam nobiles viri, & Episcopi, per suos salutarunt, de mutata in melius vitae conditione gratulati. In his & Bernardinus Cardenas, Maqueda Dux, qui tum Nauarrici Regni Prorex erat, nouum Ecclesiasten audire auebat, & de officio Principis coram differentem. Domesticum itaque cum litteris allegauit: optare se, Pompelonamque, cui praeesset, praesente illo frui, & salubria vitae consilia capere. Dimisso cum litteris aulico, FRANCISCVS

78 DE VITA FRANC. BORGIAE
SCVS postridie eius diei in viam se duobus
adhibitis Sociis, Pompelonam versus de-
dit. Hic Proregem inopinato aduentu op-
pressit: qui illum ad se traduxit in aulam,
omnique officiorum genere accepit. Mul-
tae de officiis Principum horae, in mul-
tam etiam noctem consumptae. Quae in
mentem venissent, ea non voce solum
tradi, sed & memoriae causa, litteris con-
signari cupiuit Prorex; scriptumque reli-
giose asseruandum curauit. Crebro ad po-
pulum, rogatus, verba fecit in aede summa,
familiarisque monachorum, & monialium.
Cum satis esset factum Proregis voto, ple-
bisque studio, Ognatum reuertit, Allaua
Prouincia profectus, per viam erudiens
multos, & pietatis studio excolens.

CAPVT III.

*Ludouici Principis Lusitaniae, & FRAN-
CISCI litterae.*

NEC vero Hispaniae solum eam oram,
quae Carpetanorum est, FRANCIS-
CISCI nomen peruasit; etiam Lusitaniae in
extremos fines vsque penetrauit. Hic Lu-
douicus, Lusitanorum Princeps, Ioannis
tertij Regis, & Isabellae Augustae, ger-
manus frater, FRANCISCVM quanti
faceret, hac epistola testatum reliquit.

Alteras

Alteras ad te dedi, Pater optime: his itaque illud duntaxat adiuciam, per mihi gratum fore, si, quod illis abs te postularam, semel consequar: commoda tamen quod fiat tuo: cui, tametsi mea permagni id fieri interest, animi mei sensum, desideriumque lubens postpono. DEVM testem appello; quanquam nihil adhuc de te meritus sum, amorem tamen, voluntatemque numquam defuisse, si qua se res daret, tibi gratificandi, pro veteri meo in familiam Borgiam studio: quam tu quidem mea sententia dum relinquis, teque abdens DEVM sequeris, immensum quantum illustraris. Ea res vna, vt cetera deficiant, satis esse poterat, te deinceps vt pluris facerem, amaremque ardentius. Mirabilis sane DEVS in sanctis suis, & misericordiae eius non est numerus. Tuum est itaque gratias eidem agere, quando conuersio tua opinione longe maiores fructus adfert Ecclesiae. De me illud certo affirmare liquet, verba tua, quae adhuc memoria teneo, auribus meis insonare, quasi coram te audiam; incessumque videre videor tuum tam maturum, quasi praesens adesses. Sed o te felicem DEI seruum, qui in hac Reipublicae perturbatione, atque tumultu, animi tranquillitatem inueneris, pacemque interioris hominis: quae cum a DEO sit, exsuperat omnem sensum. Qua vna in re, si quae est in vita mortalium, beatitas sita est; specimenque est, & particula eius felicitatis, quam in meliori aeternaque vita omnes speramus. Equidem maiorem in modum peto abs te, vt post hac
DEVM

DEVM orans, nostri memoriam agas; quo semitam mandatorum suorum benignus ostendat: eius voluntati, non meae, obtemperem; vitamque beatam, illo bene iuvante, consequar. Si qua vero in re mea tibi opera vsui erit, pergratum mihi, si per te certior fiam. Vale. Almerino III. Idus Quindiles. CLO. IO. LI.

Pio Principi respondit FRANCISCVS; non tam ad pompam, quam ad vitam, moresque dictata epistola. Spiritus DEI, qui pauperum pater, idem & misericordiarum est, gratiam tibi referat, quod nos amice litteris consoleris, mei peccatoris non immemor. Quod etiam beneficium ad se pertinere Socij omnes, quorum ego minimus sum, ingenue consitentur. Singulari hac tua humanitate, etsi multis antea nominibus tibi obstrictus tenebar, magna accessio facta est: quo nomine meam tibi operam addico, DEVMque rogo indies, ut sicut externis te exornat donis, ita internis magis, magisque perficiat. Benedictus DEVS, qui, ut

Psal. 75. Propheta regius canit, aufert spiritum Principum. Qua in te si in alios Principes terribilis, in te certe pius, ac clemens exstitit, extincto spiritu illo, & fastu, quo turgent nonnulli dynastae, immemores

Psal. 50. DEI, & ingrati. Dedit tibi Spiritum principalem, quo se confirmari exoptat idem Propheta. O te felicem, Princeps, cui hic in paucis obigit Spiritus! Et o beatam Lusitaniam, quae tales Principes, sine spiritu Principum, semper extulit! Utinam vero intelligi queat.

queat, quantum id DEI beneficium sit, auferri ab aliquo spiritum Principum, & principali confirmari. Utinam discrimen vtriusque cognoscatur. Alter enim belli auctor est; pacis alter: ille perturbatos; hic pacatos reddit: ille hominum; hic DEI est. Magnum certe emolumentum esset, si, quantum studij ponunt mortales in Fortunae, corporisque bonis parandis, tantum in caelesti spiritu quaerendo tribuerent: Probate, inquit Apostolus, spiritus, si ex DEO sunt. Plerique sane erroris tenebris erepti, viderent acutius. Sed nostra negligentia sit, ut toties caussa cadat spiritus ille diuinus, & quidem impie; carnis vero spiritus stet in iudicio, & vincat. Suum quisque spiritum hodie ducem sequitur, qui taecutit; cum contra DEI spiritui principali obsecundare oporteret. Erit, erit aliquando dies illa, cum decurso hoc vitae spacio, aperientur libri multorum, qui humani spiritus pleni praecipites ierunt, inopes a spiritu, qui ad aeternae beatitudinis portum ducit. DEO itaque gratias ago, cum te videam a communi spiritu Principum alienum, optare spiritum principalem. hic enim spiritum proprium superat, ut idem Regius vates ait: Expectabam eum, *Psalm. 34.* qui saluum me fecit a pusillanimitate spiritus, & tempestate. Hic ille diuinus est spiritus, qui vbi vult spirat: qui ingressus viuificat, quos, *Ioan. 3.* & quomodo libitum fuerit. Hunc mundus colligere, quia colligere se ipse detrectat, non potest. In hoc clamamus Abba, Pater: est enim adoptionis spiritus. *Rom. 8.*

Hunc accipere oportet, manipulis odorum, operumq,
J. Thes. J. in caritate. Sic gentium Doctori parebimus: Noli-
 te, inquit, extinguere spiritum. Id tibi euenire
 DEVM precor, vt & dicere cum Propheta queas,
Psal. 76. Defecit spiritus meus. Sic fiet, vt nihil intelli-
 gas, velis, credas, inuestigesque praeter spiritum
 DEI, fidemque Ecclesiae Catholicae: memoria de-
 nique hic defixa haereat: res conditas infra te du-
 cas, & scalarum tantum ministerio adhibeas, quibus
 ad DEVM, architectum vniuersi, ascendere possis:
 vt ex creatis vere cognoscas, & cognitum, quae feli-
 citatis summa est, ames. Vere enim illud dixerō,
 res conditae in DEO amplius, quam per se ipsae
 splendent in eo spectatae delectant: contra absque
 illo expetitae angunt, & cruciant: possessae vero ti-
 morem, & amissae dolorem asferre consueuerunt.
Psal. 76. Hoc DEI spiritu si potitus vixeris, vitam viues
Lucas 1. beatam, nec aliud extra eum quaeres. Quo fiet, vt
 vere illud vsurpes, Defecit spiritus meus. &
 cum Deipara: Exsultauit spiritus meus in
 DEO salutari meo. De me, vtinam vere dicere
 queam, Defecit spiritus meus. Externa si spe-
 ctes, talis videqr plerisque, quando mutato vitae
 genere, DEI benignitate, alios spiritus abiecti, re-
 ceptusque sum, nullo meo merito, in Religiosorum
 hominum familiam. Vt vt est, cum multis antea
 nominibus, vt dixi, deuinctus tibi tenear, nunc vo-
 luntatem, studiumque (quae sola mihi votis astricte
 reliqua sunt) libens, volensque offero: quibus cum

DEVS

DEVS placari se sinat, tu eadem aequi, boni facito; quoniam DEI te ipse voluntati accommodas. Idem bonis te omnibus augeat, prouebatq; in maius virtutis, pietatisque incrementū, vt caelesti tandem regno potiaris. Ognati XV. Aug. CLO. LO. LI.

FRANCISCVS peccator.

CAPVT IV.

FRANCISCI exemplum complures secuti.

MAGNA vis est in vtrāque partem. Exemplorum, vt iis quisque vel ad virtutem informetur, vel impellatur ad vicia. Cum ergo FRANCISCI fama longius emanasset, egregij aliquot ac nobiles viri ad illum profecti sunt, vt in eius ludo instituerentur ad pietatem, & passibus, si non aequis, non longo certe intervallo, Christum nudum nudi sequerentur. In his Antoninus Corduba, Laurentij Suarez Figueroae, & Catherinae Ferdinandi Cordubae, Marchionum Priegi, & Comitum Feriae, filius. Hic cum illustri genere, & FRANCISCI proprius sobrinus, tum singulari virtute, morumque facilitate praeditus, Salmanticensi gymnasio Hispaniae celeberrimo, in studia incumbens, omnium suffragiis eam Academiam rexerat: qui summus ibi magistratus, non nisi pri-

84 DE VITA FRANC. BORGIAE
mae nobilitatis viris defertur. Agēbatur
per id tempus, rogati Hispaniarum Prin-
cipis, vt in Cardinalium collegium adscri-
beretūr; sed aliam insistere viam consti-
tuit: Societati enim, DEO vocante, nomen
dedit, & se FRANCISCO aggregauit.
Ognatum eodem consilio, & tempore ve-
nit Sancius Castellanus, & Petrus Lodoza
Nauarreus: Theologi item duo, qui Ioanni
Auilae, egregio, vt supra ostendimus, in
asceticis viro, operam dederant, Didacus
Gusmanus, Comitis Baileni filius, & Ga-
spar Loartes. Vterque iam annos aliquot
antea in dioecesi Calagurritana, per oppida,
& pagos concionati, rudes homines Evan-
gelium docuerant, pueros etiam Christianae
doctrinae summam: inopes multorum
commodo, qua pecunia, qua consolatione
iuuerant. Verum instituti nostri ratio non
postulat, vt ad vnum omnes recenseam,
qui iam tum ad FRANCISCVM con-
fluxerant. Vnum tamen sine flagitio prae-
terire non debeo, Bartholomaeum Busta-
mantium, sacerdotem Theologum, & Ec-
clesiasten egregium. Is Cardinali Ioanni
Tauerac, Toletanorum Archiepiscopo, a
secretis, magna apud Hispaniae dynastas
auctoritate valuit, dum Toleti, quod Car-
petanorum caput est, Ecclesiam Tauerac
admi-

administraret. Tandem vero, vt a publicis negociis animum fessum auocauit, ambitione procul, atque auaritia, rerum terrenarum iam pertaesus; de optimo vitae genere suscipiendo animi dubius, huc illuc, vt fit, impellebatur: est enim ea deliberatio difficillima. Hac in ancipiti cogitatione, ad DEVM, vberrium vitae fontem, sitibundus se recepit. Rem diuinam faciens, DEVM, quem manu gestabat, adorans, precabatur, eam monstraret vitae viam, quam ingressus, salutem, illo bene iuuante, adipisceretur. In ea precatione, vt saepe postea memoriter & iucunde narrare solebat, interiorē quandam vocem audiuit, vt, si saluus esse vellent, Cantabriae prouinciā Guipuscoam adiret, FRANCISCIQUE Borgiae exemplum sequeretur; de quo iam ad DEVM conuerso per nebulam inaudierat: ea tamen vis DEI vocantis fuit, vt eo ipso die, familia valere iussa, nihil cunctandum ratus; in viam se Guipuscoam versus dederit: quam quidem oram sanctitatis iam opinione impleuerat FRANCISCVS, quem primum obuiam habuit, simul atque Ognatum, ad diuæ Magdalenæ, ingressus est Bustamantius. Sporta reperit gestantem lateres, & calceem, aediculae construendae: qua abditus

36 DE VITA FRANC. BORGIAE
perpetuo, si per Ignatium liceret, cum
paucis lateret. Genibus statim accidit
FRANCISCI supplex: aduentus causam
exponit: in Societatem ut recipiat, rogat.
Nec vero multis opus erat precibus. Fa-
mulis itaque dimissis, in contubernio hae-
sit Bustamantius, & assiduus FRANCISCI
comes negotiorum omnium, & peregrina-
tionum, ob singularem prudentiam, fuit.

CAPVT V.

*Cardinalium Collegio FRANCISCVM Iulius
tertius adscribere vult.*

SVMMA FRANCISCO tot, tan-
torumque praestantium virorum ad-
uentus, laetitiam attulerat: optabat enim
complures eadem animi tranquillitate,
quam degustare coeperat, perfrui. Parit
nimirum vitae coniunctio honestam quan-
dam virtutis, atque utilem aemulationem:
quae tamen careat omni acerbitate dissen-
sionum: & vero domestica magis inuitant
exempla, quam externa. Sed inuidit hanc
illi quietem, nescio quis: ut nihil est in re-
bus humanis proprium; & laeta tristibus,
& amaris dulcia permista temperantur.
Carolus enim Caesar Augustus, cognito
FRANCISCVM sponte abditum late-
re, indignum ratus virtutem abscondi, ad-
sum-

summum Pontificem retulit, Borgiam, raro huic aevo, & inusitato spectaculo titulis se abdicasse, & fallere perpetuo inglorium velle. Dignum itaque videri, qui in purpuratorum Patrum numerum adscisceretur, nisi quid sc̄sus illi videretur. Virtutem enim hac tempestate, si vnquam alias, id genus praeniis ornandam, & tanquam in illustri loco ponendam. Sibi pergratum id fore. Nec erat cur laboraret, dubitaretque Caesar: non enim difficile fuit, currentem, quod aiunt, incitare. Persualit extemplo Pontifici, cui iam eadem pridem in mentem venissent: FRANCISCO enim antea Romae vsus erat familiariter, & amice. Re itaque ad Collegium Cardinalium delata, assensum est ab omnibus. Quod vbi Romae Ignatius inaudiuit, serius tamen, (vt fieri solet ab iis, ad quos periculum proxime pertinet,) veritus, ne, quod res erat, multum de FRANCISCI opinione decederet, dum quisque calumniandi libidine ansam promptè arripere consuevit, iactando, hypocrisin late regnare: idcirco bonis sese, titulisque abdicasse FRANCISCVM, vt purpureum galerum priuatus, Religionis, sanctitatisq; specie, captaret sibi; liberos verò, etiamnum superstes, ditaret. Deinde & illud

88 DE VITA FRANC. BORGIAE
perincommodū Societati fore: fenestram
enim ambitioni aperiri, quae pestis est tae-
terrima, labes, atque pernicies non fami-
liarum solum piorum hominum, sed re-
rum omnium publicarum, regnorumque.
Quare optimum factum iudicavit, natam
recens Societatem, contrariis artibus tue-
ri, & amplificare, paupertate nimirum, &
honorum contemptu. Aequalitate enim
vitae, simul & munerum, morumque simi-
litudine, caritas, arctissimum religiosae
coniunctionis vinculum, inualescit. Quam-
obrem omni ope huc nitebatur, ut aditum
ad honores Sociis obstrueret, legibusque
latis vetaret. Quo factum est, ut Pontifi-
cis pedibus aduolutus, rogaret, deprecareturque, ne invito honorem deferret: verum
quo Caesari, & Collegio Cardinalium fie-
ret satis, galerum quidem offerret, capere
tamē obedientiae vi, ne cogeret. Sic enim
& illius honori consultum iri, & animo
suo morem gesturum. Interesse etiam per-
magni Societatis, ab honoribus alumnos
arceri. Nascenti saltem, & surgenti Soda-
litatis plantae hoc benignus tribueret. Im-
petrauit Ignatius, quod supplex lacrymis
coram postularat: FRANCISCO interim
nihil horum conscio, & secessu illo Can-
tabrico mirifice capto. Qui simul atque
audi-

audiuit, animo quidem cruciabatur: at eodem fere nuncio aegritudinem deterfit, audito, rem Ignatij singulari prudentia, & oratione discussam. DEO item gratias egit, qui hunc sibi honorem detulisset, quem libens illi redderet, a quo proficisceretur; omnemque adeo terrarum orbem, si eius imperio potiretur, eadem alacritate animi, ac despicientia rerum humanarum oblaturus. Pontifici quoque Iulio, grati animi litteris testificationem dedit: orans, vt, bona ipsius venia, & benedictione, obscuro, atque priuato degere liceret, quo coepta mutatae in melius vitae, ad exitum adduceret; quod vnum, praeterea nihil, propositum sibi fuisse tum, cum se Ducis titulis, bonisque abdicaret, liquido affirmabat. Nec vero semel his sese periculis emerferat, neque iam vsquequaque securus erat. Iterum enim, saepiusque idem a Pontificibus tentatum. Illo ipso Iulio III. postulante Philippo, Hispaniarum Principe, qui nunc Regni clauum, atque vtinam diu, tenet: id enim negocij Ioanni Poggio, Apostolicae sedis nuncio, post Cardinali dederat, rem vt transigeret. Hunc vero FRANCISCVS in coenobio B. Dominici Calcedae, obuium cum habuisset, quid rerum gereretur, accepit. Ille facundia qua-

90 DE VITA FRANC. BORGIAE
dam diuinitus data, iis rationum momen-
tis differuit, vt facile rem discuteret, &
Regi post idem atque Pontifici, Poggius
dissuaderet, ne FRANCISCO latere vo-
lenti, negotium facerent, animique
tranquillitatem adimerent: quando nulli
honores animum satis explent, beatumque
efficiunt. Pij rursum duo Pontifices, quar-
tus, & quintus Romae agentem, Cardina-
lem creare conati, vt fama vulgauit. Cuius
rei non modo commemoratio, sed vel re-
cordatio, lacrymas illi excutiebat. DEVM
itaque frequenter precabatur, vt qui a sac-
culi curis, honoribusque abduxisset, &
pauperem esse iussisset, idem in dignitatum
procellas reuolui ne pateretur. Memoriae
proditum, Gasparem Hernandes, qui illi
aures quotidie confitenti dare solitus erat,
ex FRANCISCO audiisse aliquando, in-
iecta forte dignitatum mentione, DEVM
pridem precatum fuisse, vt vita prius abire
liceret, quam titulis iterum, bonisque onc-
raretur inuitus.

CAPVT VI.

Ognato digressus variis in locis quae gesserit.

PERGRATVM FRANCISCO accide-
rat, honorum titulos, tanquam scopulos
Sirenum euitasse: & securo iam de tempé-
state,

state, atque naufragio, in illo ad D. Magdalenae secessu, quam sibi vitae, mortisque sedem iam delegerat, ecce tibi nec opinanti mandatum ab Ignatio allatum, egrederetur, & tanquam ex vmbra, in solem, aspectumque prodiret, fructumque aliis adferret; memor, non eo se Societati a D E O aggregatum, sibi vni vt studeret. Ognato itaque quamprimum digressus, cum lacrymis, atque suspiriis, quasi non amplius dulcem illum secessum visurus, oppidum, Reginae casam appellant, accessit Ferdinandi Velaszi Comitis Itabuli Regij: cuius vxor, Iuliana Angela Aragonia, FRANCISCI matris consobrina erat. Multa de religione, ac pietate, omnique adeo officiorum genere studiose quaerendo didicit. In aulam tamen illius vt diuerneret rogatus, recusauit; humili tecto contentus. Inde Burgos urbem profectus, in aede summa, rogantibus Canonicis, & Senatu, populoque, concionatur. Hinc digressus est Pintiam Vaccacoru, vbi tum Caesaris sedes, & regia erat: pauci vero Societatis sacerdotes anguste habitabant, in aede parua xenodochij S Antonij. Mox in oppidum, quod a Tauris nomen inuenit, profectus est, euocatus a Ioanna Lusitaniae Principe. Hic hebdomada, quam maiorem alij,

92 DE VITA FRANC. BORGIAE
alij, alij sanctam appellant, de cruciatibus
CHRISTI passi, magno audientium fru-
ctu, differuit. Hinc Salmanticam venit:
qua in Academia, multi magnae spei, simul
& rei adolēscētes, exemplo FRANCIS-
CI inuitati, Societati sese iponte addixe-
runt. Post Tordesillā ingressus, vbi Ioanna
Hispaniae Regina, Caroli mater, tum forte
ex morbo decumbēbat, in aulam iterum
diuētere cōstanter detrectauit. Hinc Me-
thymnae Campi cōmōdum concionatus
est, in sacrorum primitias Antonij Cordu-
bae, sacerdotio recens inaugurati: iactaque
Collegij fundamenta ad rēctum perdu-
cenda curauit. Hic litteris euocabatur rur-
sum visendi gratia, ab Antonij Cordubae
matre, Marchione Priegae, & sorore, Du-
cibus Arcos, & Medinae Sidoniae. Eo pro-
fectus, perpetuos de rebus diuinis sermo-
nes habuit, breuique amorem iniecit, ac
beneuolentiam erga Societatem; vt &
ipsae post non diu, Socios in ditiones suas
habitatū inuitarint. Illud in praesens pa-
tientiae FRANCISCI, modestiaeque
exemplum praeterire non debeo. Dum e
Castellae regno Baeticam adiit, Sociis sti-
patus Antonio Corduba, & Bustamantio,
in asperis, confragosisque montibus Ma-
rianis, (*Sierra Morena* hodie incolae nomi-
nant)

nant) diuersorium, mansionemque publicam, fessus de via, iniit; vt cibo lassum corpus, dum se meridianus aestus frangit, reficeret. Ad pedes cum desiliit, conclaue vnicum hospitij, & vacuum ingressus, statim, vt solet, genibus flexis, orationi intentus, DEI auxilium implorabāt. Rediit interea viator, qui prior, impedimentis ibi locatis, occuparat; ratusque e vulgo clericum illuc ingressum, ac pietatis specie, res suas furto sublegere conatum, iurgari iratus coepit, vocemque intendere, conuicia iacere, verbera etiam minitari. FRANCISCVS, qua erat animi modestia, ab oratione surgens: *Da mihi, inquit, hanc veniam, animoque sis tranquillo. Nec enim mihi propositum, conclauis te excludere: quin potius, si prior tempore occupassem, tibi libens cederem. Verbera, quae mihi minitaris, fateor equidem meritum me peccatis.* Concursum subito ad clamantis vocem factus; qui cum illum iurgantem placassent, docuissentque, in quos stomachum euomeret, illustres esse, & claros viros, sibi ille redditus, magno sui pudore, genibus accidens, veniam precatur. FRANCISCVS vero humo sublatum, amplexusque in Domino, assidere sibi iussit: hortatus ad patientiam, neue deinceps, si saperet, iracundiae frena laxaret.

CAPVT VII.

In Lusitaniam proficiscitur.

CVM in Lusitania increbuisse, FRANCISCVM in Baeticam profectum, Hieronymo Natali, qui tum Olyssipone versabatur, cuique in Hispania Sociorum prouincia commissa erat, negotium Rex dedit, eum euocandum curaret. Optare enim vehementer, coram videre, & cum eo de rebus diuinis agere. Natalis vero ad haec, potestatem se in Hispaniae prouincias Sociorum, iussu Ignatij, habere, extra vnum FRANCISCVM: rogaturum tamen se per litteras, quae Reges vellent. Promittit cum bona spe fore, vt quam primum, quo erat obsequendi studio, aduolaret. Nec fefellit hominem opinio. Redditis enim litteris, quod nihil magis Societatis interesse arbitraretur, rebus omnibus prolatis, continuo accurrit; non immemor quot, quantaque exstarent Regis Lusitaniae (vt patronus merito appellari possit) in Societatem eximia beneficia. Viam ingresso cum Bustamantio, illud prodigij simile accidit. Dùm rupem, saxi asperam, & impeditam, iumentis superant, quam *septem Pallares* vicini nominant, cis Mundam flumen, non procul Gonimbria, FRANCISCVS

CISCVS anteibat, precationi intentus; sequebatur pone Bustamantius, B. Virgini preces orbiculis numerans. In crepidine, angustiusque loci vel aspectu formidabilis, iumentum lapsu in praeceps decidit, vultum in gyrum sursum, deorsum; vt cetera exanimatus Bustamantius, integram tantum vocem haberet, inuocaretque CHRISTVM, atque Deiparam. FRANCISCVS dicto citius ad pastorem, qui ad spectaculum inclamarant, vocem, reflectit oculos: illud saepe ingeminans: *IESV adiuvā, pater misericordiā.* Cum ecce tibi (dictu mirum) lapidi continuo institit mulus: quodque incredibile videtur, illaeso corpore. Bustamantius a viatoribus funibus tamquam ex abyssō extractus, vivus, valensque emerfit; Virginis, cui tum preces fundebat, & FRANCISCI votis, vitam referens acceptam. Ventum tandem Conimbricam, vbi Socios praesens FRANCISCVS exhilaravit. E suggestu concionante, in Societatis aedem, flos Academiae celeberrimae, nobiliumque virorum, confluit. Olyssipone post, a Regibus singulari humanitate exceptus, auditusque de rebus sacris assidue, publice, priuatimque. Catherina Regina FRANCISCI potissimum alloquijs est delectata, non immemor, puerum sibi Tor-

desillae

96 DE VITA FRANC. BORGIAE
defillae olim ministrasse: cum quod san-
ctitatis in eo splenderet non adumbrata
imago; tum quia cōsilia vitae salutaria, Re-
ligionisque suggereret. Ludouicus ad haec
Lusitaniae Princeps, FRANCISCO ute-
batur familiariter, pro veteri, quae antea
intercesserat, necessitudine, in Caesaris
olim aulam profectus cum esset, vt Augu-
stam sororem viseret: cumque in Africa
Tunctum Carolo armis expugnanti adfuis-
set. Hic & caelibem degebat vitam, & col-
ligens se ipse, inglorius agebat, aliis pietatis
facem praeferens: in oratione ad DEVM
assidue, & meditatione rerum caelestium
acquiescens. FRANCISCI consuetudine
vsque eo inflammatus est, vt Societati sese
dedicare constitutū haberet: verum, quod
imbecilli utebatur valetudine, & natus iam
esset grandior, visum Ignatio, plus com-
modi publice allaturum, si in Regis fratris
comitatu re, atque consilio, vt adhuc, ad-
iuuans caelebs permaneret. Cetera, vnum
e Sociis fuisse diceres. Humili enim domo
contentus, & inelegāti, absque regio splen-
dore, & famulorum turba. Vasa aurea, ar-
gentea, & peristromata, ornatuque adeo
omnem, vaenum dedit, redactaque pecu-
nia, aes omne alienum dissoluit. Votis con-
tinentiae, paupertatisque, consilia Evan-
gelicae

gelicae legis secutus, & obedientiae, quantum res, & dignitas ferret, sponte se obstrinxit. Morum facilitate, & comitate, prudenti grauitate mista, nihil sermone turgidum, nihil elatum prae se ferens. Subleuare solitus libenter aliorum inopiam, & eleemosynis fouere indigentes. Puerum a pedibus, in domum professorum Sociorum ad D. Rochi, Xenobriga pago mittere consueuerat, qui sacerdotem aliquem, quisquis tandem is esset, expiandis criminibus, quasi ad vnum de multis hominem, euocaret. Lacrymans frequenter, haec saepe vsurpabat: *Quid misero me fiet, si vel aethiops, mancipium domesticum, me longe felicius, caelo potiatur; ego vero excludar? Et si tam praeclare nobiscum agetur, vt ambo beati simus: quid si ille multis me partibus felicior, quia DEVM dilexit ardentius; ego vero saeculi curis nimis implicatus, salutem neglexi?* Imitatus fortasse hoc sermone Augustinum, cuius memoranda illa *Lib. 8. Conv. cap. 8.* *Surgunt indocti, & caelum rapiunt: & nos fess. cap. 8.* *cum doctrinis nostris sine corde, ecce tibi, volutamur in carne, & sanguine.* Idem fratri Henrico Cardinali auctor fuit, vt Socios amplecteretur, foueretque, exstructo Eborae, cuius Praesul Ecclesiam regebat, Gymnasio. Quod dum aedificatur, Ludouicus in dies, qui tum Eborae esset, opus vrgebat, &

G operis

98 DE VITA FRANC. BORGIAE
operis instabat. Socios item aegros os quasi
fratrum loco ducens, inuisebat: venam,
arteriamque, & praecordia, medicorum
more, tentabat: morbi ortum, statum,
decessumque explorabat, ministrabat, &
alloquiis consolabatur. Quae quidem eo
potissimum consilio referre placuit, quod
omnis ea vitae in melius mutatio, FRAN-
CISCO, cum a DEO discesseris, debeat-
ur. Iacta per id tempus fundamēta domus
Professorum ad D. Rochi: Sacellum id
erat in vrbis Olyssiponensis pomœriis, lo-
co deserto, & oliuetis consito. Rex aream
summa liberalitate, & munificentia coe-
mendam suo aere curauit, opera Petri
Mascarenæ, viri nobilissimi, Societatisque
studiosi: qui olim Lusitaniae apud Pontifi-
cem Orator, vt primi in Orientis Indiam
Socij mitterentur, auctor exstitit. Rex, cum
Principe Lusitaniae Ioanne, sacris aderat.
Rem diuinam Hieronymus Natalis fecit.
FRANCISCVS de superiore loco de re-
bus diuinis disseruit, summa audientium
admiratione. Princeps templo digressus,
dynastis, qui aderant, dixit: *Hic vero mihi Ec-
clesiastes placet, qui re ipsa. quae docet, praestat.*
Igitur domus ampla sociis, templumque
angustum, regia munificentia aedificari
coepta: creuitque, suburbanis adiectis cir-
cumcirca

cum circa vicis atque aedibus, vrbs. His rite curatis, regumque votis expletis, in Castellae regnum reuerti, vrgentibus negotiis, statuit. Henricus tamē Cardinalis, alter Regis frater, cognitis quae Olyssipone gesta essent ex Ludouici litteris, FRANCISCVM & ipse videre auebat: rogat illac iter habeat. Idque negocij Sociorum ibi Praefecto dat, vt in aduentu quamprimum se certiorē faciat. Postridie quam urbem ingressus est Eborensem, in summa aede concionatus, Cardinalem mirifice, omneque adeo ciues recreauit. Octauo inde lapide Theodosius Brigantinus Dux, Viluioiosa in oppido, videndi & ipse cupiditate incensus, obuiam processit. Ea vero comitatus officia cruciabant potius, quam oblectabant animum FRANCISCI. Principibus tamen, bene de Societate meritis, mos gerendus fuit. Quo in beneuolentiae genere, Dux ille multis praestitit; idemq; in Socios studium liberi, posterique, haereditatis iure a maioribus traditū, seruauerunt.

CAPVT VIII.

Pintiae in Regia quae gesserit, & concionandi ratio.

ELVSITANIA reuersus, Pintiam erecta contendit, vbi tunc Philippi Hispaniarum Principis, pro Caesare Carolo

100 DE VITA FRANC. BORGIAE
imperantis, regia erat. Huc enim ardua ne-
gocia inuitabant. Diuertit ad Socios, qui in
xenodochio, ad Diui Antonij, anguste ha-
bitabant, vt veterem secessum Ognaten-
sem, quo primum se abdiderat, agnoscere
videretur. Nihilominus vel humili domo
latitantem, Hispaniae dynastae frequenter
inuisebant. Qui cum solemne illud suum
in salutationibus speciosisque titulis serua-
rent, taedio affectus FRANCISCVS, flexis
genibus, interdum rogabat, titulis tempe-
rarent; ne exprobrasse DEO viderentur,
quod in se contulisset eximium vocationis
beneficium; neue pluris facerent, quae ab-
ieciisset, quam quae nunc sumpsisset. Fre-
quentes hic de verbo DEI sermones ha-
buit, tum ad velatas Virgines, tum in D.
Antonij Sociorum templo, vt magna mo-
rum in melius mutatio subsēcuta sit. Thre-
nos Hierenniae pro concione explanauit,
quibus & Compluti finem imposuit, ma-
gno vtriusque Academiae doctorum ho-
minum concursu; qui dicerent, non tam
ex libris, quae publice doceret, quam ex
humili oratione, caelitusque data scientia,
proficisci. Gessit & illud eo ipso tempore
memorabile. Virgines DEO sacratas, quae
austeram D. Clarae vitam, normamque
tenent, Gandia in Castellae regnum tra-
duxit.

duxit. Cuius Gandienſis coenobij haec origo fuit: Anno circiter CLO. CCCC. LXII. Gallicae aliquot matronae DEO votis confecratae, Maſſilia, maritimo itinere, patrio ſolo iuſtis de cauſis cedere coactae, Barcinonem appellunt, & a Ioanne, Aragonum Rege, hoc nomine ſecundo, humaniter acceptae, Gandiamque miſſae ſunt, aede D. Clarae ſacra, quam priuatae aliquot, & piae mulieres habebant, illis attributa. Nec ita multo poſt pietatis odorem, vitaeque ſeuerioris, & continentiae, longe lateque propagarunt, vt integrae virgines complures, illuſtri etiam genere natae, eandem vitae viam ingredi (abdicatis ſaeculi curis) cupientes, CHRISTO ſeſe ſponte addixerint, caeleſtemque in terris vitam egerint. In hac familia auſiam FRANCISCVS vidit, filiam item, ſorores, conſobrinas, & neptes. Inde, tanquam coloniae ductae ſunt in alias Prouincias, Gerundam, Tubalim Luſitaniae (quam *Salaciam* veterum fuiſſe non nemo exiſtimat) Valentiam item Edetanorum, Emporias, & in Illicitanum oppidum, ſiue Alona eſt nominanda, quod hodie *Halicanum* indigenis eſt. Nondum tamen ad eam diem in Caſtellae regna ſacrae illae Virgines penetrarant. Egit ea de re FRAN-

102 DE VITA FRANC. BORGIAE
CISCVS cum Iuliana Angela Aragonia,
Duce domina Frias, simulque ad Lusitaniae Principem Ioannam retulit, persuasitque non aegre. Bona itaque Pontificis venia, Gandiensi monasterio egressae, amitae duae, Francisca Ioannis Gandiae Ducis, Maria Marchionis Dianij soror. Sorores item FRANCISCI duae. Pintia dehinc profectae Madriti sedem fixerunt. Monasterium Ioanna princeps pecunia sua exaedificauit: quod idem nuper Margarita Austriaca, Maximiliani Caesaris filia, dum in eam se familiam, spretis mundi honoribus atque delitiis, tradidit, mirifice illustrauit.

CAPVT IX.

Commissa FRANCISCO Hispaniarum, Indiarumque Societatis prouincia.

BENE rem gerere FRANCISCVM viderat Ignatius, vt quas res cumque aggredere, ad felicem exitum adduceret. Vniuersae itaque Hispaniae Sociis praeficere decreuit. Erat iam tum Lusitania singularis prouincia: reliquam Hispaniarum partem Doctor Araoz, Ignatij iussu, regebat. Crescente vero in dies Collegiorum numero, oneri ferendo parem se esse negabat. Placuit itaque Ignatio,
vtriuf-

vtriusque Castellae, vt hodie vocant, Prouincialem Praefectum renunciare, quo leuius onus Araoz haberet. Accesserant prouinciae rurlum duae, Baetica, & Aragonensis. His in vniuersum quinque Societatis in Hispania prouinciis, & Indiarum Orientis impositus ab Ignatio FRANCISCVS, commissaque ei generatim administrandae Societatis cura. Ille vero onus detrectare, latere se malle, obscurum viuere, sibi & DEO vacare. At Ignatius, datis ad eum litteris imperare; DEO ita placitum. Quare, vt adhuc fecerat, dicto audiens esset; Societatem ad perfectae vitae rationem exemplo, consilioque vocaret: numerum augeret, quo ad posset, cum delectu tamē, & prudentia. Lustraret item, obiretque collegia Sociorum; quae instauraret; prouideretque iam coepta. Quod ab itineribus reliquum esset temporis, in regia consumeret: ibi enim commodum fore, & pietatis negotium promouere, & litteras quauis versum mittere. Paruit, cessitque, qua erat animi demissione, FRANCISCVS Ignatij iussis: & vero in difficili hac administrandae prouinciae ratione, ratus, quod res erat, fore vt rationem DEO reddere creditarum sibi animarū aliquando cogeretur, licet antea in se ipse saeuus

Pfal. 76.

esset quaesitor, tunc tamen facere omnia diligentius, accuratiusque coepit: illud interdum mente repetens, *Nunc coepi*. Iam enim legibus quasi solutus, & inspectore carens, morumque custode, immoderatus in se ipse animaduertit vigiliis, ieiuniis, & flagris, valetudinem ut non parum labefactarit. Qua re cognita, Ignatius factum absens reprehendere, modum in omni re, in asceticis quoque exercitationibus seruandum, ut superesse possimus. Sacerdotem itaque senem addidit, cuius consilio poenitentiae effecta regeret; valetudinisque, ne laesisse eam temere videretur, rationem haberet. Dici vix potest, quor, quantaque Sociis emolumenta, exterisque in Hispania tunc attulerit. Recēs enim etiam tum Societas erat, & a multis oppugnabatur, ut fere sit maxime in ipsa origine. A se primum initium ducere constituit; & rogare inprimis DEVM, ut qui humeris onus imposuisset, idem etiam vires, ferendo oneri pares, sufficeret. Collegia partim inchoata prouexit, ad tectumque perduxit; partim etiam inchoauit; quae maius post incrementum sumpserunt.

CAPVT X.

Collegiorum Placentini, & Hispalensis origo.

DVORVM de multis Collegiis, ad posteritatis memoriam illustrium, referre libet, Placentini, & Hispalensis originem. Placentiae Episcopus Guterius Caruaialius, fama adductus cum FRANCISCI, tum Sociorum Laynis & Salmeronis, quibus in Tridentina synodo fuerat vsus; litteras ad eum dandas curauit, rogans Socios aliquot mitteret, quos in curarum commissi sibi gregis partem vocaret; idque cumulatus beneficium, si se illis adiungeret, futurum. FRANCISCVS nihil prolatandum ratus, mox Sociis aliquot adhibitis, in viam se dedit: tam humaniter ab Episcopo acceptus, vt a parente maiora proficisci non possent. Domi Sociis vsus per familiariter, famam re ipsa, quod contra solet, superari comperit. Erat tum Guterius animi impetu insolentior, & aulicis in vulgus moribus plus aequo deditus, quam sacerdotis, ne dum Episcopi officio, dignum videretur. Nec fugit ea res FRANCISCVM. Orare igitur DEVM assidue, Sociisque idem negotium dare, mensum vt integrum, Episcopi salutem DEO precibus, ieiuniis, ceterisque exercitationibus

commendarent. Viderat vir prudens, magnum esse in Principum virorum exemplis ad vitam, moresque ciuium moderandos, momentum. Tandem intensiore cura, atque diutius DEVM precatus, conclauis egressus, oculis incensis, vt flammam emicare crederes, obuiis forte Patribus hilari voce, *Bono*, inquit, *esse animo inbeo: gratiasque DEO* agenda, qui preces nostras audit, & Episcopum bene de vobis meritum miseratus aspexit. Nec diu factum est, cum se ipse Caruaialius collegit. Orationi intentus, & lacrymis anteaetae vitae memoriam repetens vltimam, totius vitae crimina rite confessus expiauit. Edixit statim praeconis voce, omnibus a se satisfactum velle. Si quem forte sciens, prudens laesisset, sua, vel ministro- rum opera; si fraudasset, audacter res repetitum veniret. Iudices adhaec constituit, & arbitros, Ioannem Ayoram, qui eius tum vices gerebat, & Ouetensis Ecclesiae post Episcopus fuit: Socios item duos, Theologiae alterum, alterum Iuris Pontificij bene peritum. Hi lites componerent, & ius suum cuique ex aequo, & bono, tribuerent. Familiam quoque domi ad frugem, par- simoniamque traduxit, seruorum, & auli- corum grege misso facto, sex contentus sacerdotibus, morum honestate singulari:
quos

quos & mensae, summa temperantia instructae, adhibuit. Lectusque quotidie ab anagnoste sacrae scripturae liber, quo animus potissimum reficeretur. Cum Canonicis Ecclesiae in gratiam rediit: remissisq; sponte iniuriis, positae similitudines, & odia. Dioecesim integram lustrandam piis maxime viris mandauit, qui non rudes duntaxat docerent, sed pascere etiam inopes, magna vi pecuniarum distributa. Domi suae trecentis interdum, & mille egenis quotidie victum suppeditauit, praesensque aderat mensae: doctrinae item Christianae praeceptis a Catechista Socio traditis. Vitae haec in melius mutatio, & admirationem attulit omnibus, & exemplum ceteris praebuit. FRANCISCI id omne precibus acceptum referendum.

Hispani daemon clam ea tempestate zizania ferere coeperat: cui malo in tempore prouisum est, vigilantia Censorum Fidei: & ut in partem iuaret FRANCISCVS, eo, tanquam in coloniam, Socios mittere decreuit. Igitur Ioannem Suarez, qui tum Salmanticae Sociorum Collegium regebat, nondum tamen a diuturno morbo satis confirmatum, Hispaniam allegat. Domum humilem, atque angustam quaerere iubet, quae duodecim Socios caperet: se prope-

diem

diem eodem venturum Collegio instruendo promittit. Paruit, Calendis circiter Nouembris Hispalim delatus, comitante Ioanne Guterio. Hic Archiepiscopi vices gerebat Cervantes Salazarius, qui post Cardinalis creatus, & Archiepiscopus Tarraconensis, nostros fouit, Collegiumque exaedificauit. Huic se supplice libello Suarez obtulit, concionandi potestatem, sacrificandique postulans. Pontificis de Societatis instituto diplomata profert: ei facile se, suaque probauit. His rebus peractis, pace tanti viri, gnauiter agere, partim de rebus diuinis publice disserendo, partim confidentibus aures dando, vt a lento morbo sic recrearetur, quasi hanc illi valetudinis confirmandae viam DEVS ostendisset. Ferdinandus Pontius Leonius, vir nobilis, captus hominis pietate, aedes illi amplas, laxasque incolendas tribuit. Euocatur itaque FRANCISCUS: qui vna cum Michaeli Torres, Bartholomaeo Bustamantio, & Paulo Hernandes, Palatium vt vidit, non humiles casas quaesitas fuisse (vt erat paupertatis amantissimus) Ioannem Suarez, modeste tamen, obiurgat; superbam nimis pauperum sedem videri, paupertatem vero maximum esse Religionis praesidium. Mansit tamen, temporis angustiiis coactus,

coactus, quod Natalitia CHRISTI agerentur. Post non diu in aedes humiles migravit, quae vetustate iam rimas, vitiumque agerent, vt & pluyente caelo guttae cubiculum aspergerent, stillaretque vndique domus. Ingenti inedia primo affecti, quod in vulgus adhuc ignoti Socij laterent. Accidit vt nec cibū domi, neque aes, pecuniamue haberent, venissentque de via Socij non pauci; hora vero meridiei ad prandium inuitaret. Suarez, quod res erat, ad FRANCISCVM retulit, nihil esse quod apponeretur: dandumne igitur signum, quo in triclinium omnes conuenirent. Ille paululum, quasi DEVM precaturus, se collegit; mox vultu ad hilaritatem composito: *Dare signum prandij licet, quando multum iam est dies: DEO fidite; illi curae sumus. Ecce tibi ad portam duo, cum sportis panis, ciborumque, vt ad pauperes foris pascendos redundarit.* Isabella Galindij, matrona illustris, com meatum illum dono miserat. FRANCISCVS precibus a DEO impetrarat, & Socijs allocutus: *Discite, ait, filij DEO fidere: cuius si gloriam quaerimus, animis, corporibusque nihil defuturum scitote.* Nec Hispali solum, sed alibi semel atque iterum idem accidit; Pintiae nimirum, & Septimancae: vbi necopinantibus similiter allatus est cibus, sed ab iis homi-

110 DE VITA FRANC. BORGIAE
hominibus, qui dicere nollent, quis mortalium mitteret; vt DE I prouidentia res geri videretur. Et haec quidem Societatis in Baetica initia, parua illa quidem, & infirma, in tanta rerum omnium inopia, sed quae nimium quantum post creuerunt: vt iam Collegium Sociorum, domumque Professorum, diues ea Respub. magno suorum ciuium emolumento, alat; quod non litteris tantum, sed & morum pietate, iuuentus imbuatur.

CAPVT XI.

Caesari Carolo initae Societatis rationem reddit.

DVM Placentiae versatur, loci opportunitas suadere videbatur, vt Caesarem, qui propius aberat, inuiseret, rationemq; suscepti consilij praesens redderet. Dederat enim res inopinata sermonem multis, qui secus ac par erat interpretarentur. Caesar vero, pius Princeps, cum bellis externis implicitus antea fuisset, Societatem, vt recens orta, vix agnorat. Secesserat hic, fessa iam aetate, in Sodalium Hieronymianorum coenobium, Iusti cognomento, Placentino in agro Hispani aeamoenissimo: vt quod reliquum esset vitae spacium, DEO transcriberet. Rarum id in primis, & nostro saeculo inauditum exemplum in
Impe-

Imperatore summo visum. Qui enim tantos de hostibus Fidei, Religionisque maiorum, Turcis, atque haereticis, triumphos egisset, imperio orbis paene terrarum cessit: quo se commodius Christo consecraret, anteaetaeque vitae errata, dignis poenitentiae fructibus expiaret. Igitur FRANCISCVS gratulari coram Caesari, sui que facti rationem reddere pretium operae existimavit. Litteris etiam Ioannae Caesaris filiae, & alteris, Ferdinandi Aluari Toleti, Oropesae Comitissae, saepe numero cognorat, in secessione illa Caesarem, quid FRANCISCO fieret, quaerere solitum. Bustamantio itaque sacerdote itineris comite adhibito, ad Caesarem pergit. Latus eius aduentum Carolus, apud se domi accipi iubet humaniter, a Ludouico Quixada: cubiculumque apparatus Facta salutandi potestate, genibus FRANCISCVS accidit. Surgere & sedere Caesar confestim iubet; at ille obluendo durauit. *Liceat, quaeso, Auguste Caesar, bona cum venia tua, supplici mihi genibusque nixo hodierno die paucis apud te agere. Multis me tibi nominibus obstrictum agnosco, & prae me fero non inuitus, ut cliens deuotus Maiestatis tuae. Quae me causa impulit, ut in praesens tibi mutatae vitae rationem reddendam putarem. Diuersos enim ea de re in vulgus sparsos rumores in-*
audiui.

audiui. Cum in contubernio tuo haererem, multis
 criminibus obnoxius, deliqui, fateor, non raro, cete-
 risque offendiculo fui. Visum tandem est DEO,
 animorum parenti benignissimo, nullo meo merito,
 me ad se trahere, eamque mentem inijcere, ut sae-
 culi curis nuncium remitterem, & in Religiosorum
 hominum Societatis IESV familiam me darem.
 In quam potissimum familiam (cum animus ad D.
 Francisci institutum magis propenderet) rapi me, &
 trahi in dies sensi, dum precationi ad DEVM fusae
 insisterem. Idem ut facerem alij, qui & intimos
 animi mei recessus penitus norant, re eidem DEO
 oblata, auctores mihi exstiterunt. Hic & aditum
 bonoribus obstrui acceperam, quibus iam me sponte
 abdicaram. Nuperam esse sciebam: & vero, quem-
 admodum si quis recenti Regis pomario stirpem in-
 ferendam asserat, gratius haud dubie munus esset,
 quam si in hortos pridem arboribus consitos traduce-
 ret; sic in piorum hominum familiis, summi Regis
 DEI viridariis, vsu venire existimo. Actionem
 iidem Contemplationi coniungunt: a quo vitae in-
 stituto nunquam abhorruī, & perfectissimum esse
 sapientes viri iudicarunt. Certe, ex animi mei sen-
 tentia, confirmare possum, ad hanc me diem iucunde
 in Societate, & summa animi tranquillitate, vixisse.
 Ad haec Caesar: Mirabar sane, cum Roma Au-
 gustam Vindelicorū ad me ea de re putares referen-
 dum, quidnam accidisset, cur mutata velificatione,
 quasi conditionis tuae pertaesus, vitae cursum retro
 agere

agere induxisses. Tum vero maxime admirabar, quod in nouam illam familiam Societatis te contulisses: de qua secus, quam vellem, sentire, & loqui plerosque video. Scilicet, deerrant tot, tantaeque veteres, piaequae familiae antiquitate ipsa, vsuque probatae. Hic modeste FRANCISCVS: Si nouas Religiones, magne Caesar, hoc nomine contemnimus, quia nuper natae; omnium eadem conditio est, quod originem semel sumpserint, temporisque diuturnitate creuerint: & haec ipsa Sodalitas, tempore ipso veterascet. Immo, si vere existimare volumus, quo ab origine res propius abest, eo melius verum cernit, & accuratior est. Et motus initio semper incitatio est, & vehementior. Similiter ad fontium capita limpidior aqua, puriorque bibitur. Christi Euangelium, lexque gratiae praestantiores viros, sanctiores, doctioresque extulit, quo principio viciniore fuerunt. De probatione vero, Summi Pontificis auctoritate atque auspiciis Societatem confirmatam videmus. Aemulos reperisse, & aduersarios, non inficior. Hoc enim rebus omnibus, praesertim recens natis, proprium perpetuumque accidit. Sed ij fere nos oppugnant, qui aut Socios, viuendique modum ignorant; aut animi perturbationibus, odij & inuidiae ducuntur. Equidem, si quid in Sociis non probassem, pedem non intulissem; aut si intulissem, re comperta, statim retulissem. Mox interpellat Caesar: Sed illud quo modo refelles, adolescentes huius familiae esse omnes; senem, quem canities com-

H

mendet,

mendet, atque prudentia, neminem? Hic FRANCISCUS: *Si mater iuuenili aetate est, non senili, quid, quaeso, mirum, si & liberi eius iuniores sint? Et si propius inspicias, cani non pauci nobis se addicunt. Equidem sextum iam, & quadragesimum aetatis annum ago: hicque meus, ne longius abeam, itineris comes* (Bustamantium significans) *sexagenarius paene Societati nomē dedit, tirocinumq; ponere vir doctrina, & modestia singulari, minime detrectauit. Caesar introire iubet, & agnitum sibi olim memoria repetebat: quod olim Neapolim missus a Ioanne Tauera, Toleranorum Archiepiscopo, secum de rebus arduis egisset. Triduum cum Caesare versato, iamque itineri accincto, ducentos aureos eleemosynae vice dandos Carolus curauit: modicum id esse testatus, sed se iam bonis exutum priuatam personam sustinere. Cuius si stertus, conditionisque respectum haberet, numquam alias maius a se beneficium accepisse, agnosceret.*

CAPVT XII.

Septimancae tirocinij domum instituit.

PINTIAM reuertit FRANCISCUS, ubi domus ad tectum perducebatur, crescebatque in dies Sociorum numerus. Ille vero, & in aede nostra, aliisque templis frequenter concionabatur. Hic cum plerique

plerique ad eum aulici confluerent, vt suis potius rebus, quam animorum saluti consulerent, dicere solitum accepimus: *Quam pauci mortales ex vrbe Hierusalem huc commeant: plerique omnes ex Aegypto veniunt, vt nostra opera ditiores potius, quam meliores fiant.* Respiciebat ad Antonij Abbatis dictum diuinitus, de quo Palladius memoriae prodidit, e Maca-^{Lausiacae}rio rogare consueuisse, cum absentem se ^{hist. cap. 26}quaesiuissent: *ex Aegyptone, an Hierosolymis aduenissent.* Hos CHRISTI gloriam; illos sua tantū commoda sectari significans. Aegre itaque adduci FRANCISCVS potuit, vt sui omnibus potestatem sine delectu faceret: ne, si hanc fenestram patefaceret, diuinis rebus operā dare non posset. Commodum iam Septimancenses Societati domum obtulerant, quam eo auidius FRANCISCVS arripuit, quo secedere aliquo libentius cupiebat, & a negotiorum fluctibus, tanquam in portum se recipere. E Salmanticensi, & Complutensi Academiis, magnae spei adolescentes, nomen vt Societati darent, confluebant: verum quo reciperentur locus deerat. Ratus igitur FRANCISCVS, quem iam solitudini, & orationi idoneū sibi locum compererat, eundem etiam Tironibus ad pietatem informandis aptum esse: augere domum;

116 DE VITA FRANC. BORGIAE
membris additis, constituit. Obseruarat
enim longo rerum usu, quod idem epistola
ad Socios data testatur, permagni Societa-
tis interesse, omniumque adeo Religio-
num, primum tirocinium feliciter poni, &
tanquam fundamentum iaci. Vt enim bo-
nus tiro, bonus tandem miles euadit: sic &
in ascetico vitae instituto, qui se ipse, per-
turbationesque animi vicerit initio, reli-
quum vitae curriculum feliciter decursu-
rum. Domum igitur humilem, qualem
Ognati aedificandâ curarat, instituit: labo-
rans ipse, materiam, calcem, & caementa
ferens. Multos hic non adolescentes mo-
do, sed & viros genere, & litteris claros
Societati adscripsit. His magistrum mo-
rum, & pietatis Bustamantium, aetate iam
& prudentia grauem, praefecit. Libentis-
sime vero caeteris aggregabat, qui gran-
diores natu, & integra aetate Societati se
addicerent: idque multis de causis. Pri-
mum, quia iudicio maturo, diu multumque
deliberantes, eam vitae rationem ample-
xantur; eademque constantia ad extremum
vsque spiritum retinent. Deinde, quod iu-
niores magnis sumptibus, multisque annis
educari, incerto etiam euentu, debeant:
viros vero, decurso iam studiorum spacio,
statim Societati vtilem nauare operam vi-
deas,

deas, cum docendo, tum concionando; tales modo sint, qui paruulorum simplicitatem, vt iubet Christus, cum morum prudentia coniunxerint. His FRANCISCVS facem exemplo praeferibat, viamq; monstrabat, hortando, vrgendo, consolando, & reuocando; cum freno alij, alij calcaribus indigerent. Per compita publica, praeunte canentium puerorum choro, catechistae officio fungebatur. De superiore item loco DEI verbum explanabat. Erat tum forte in tirocinio, qui a lancium sordibus abstergendis abhorreret, inuitusque hoc onus, cetera libenter, susciperet: quem vt inutilem metū exueret, spectante illo, FRANCISCVS aquam sordibus inquinatam, quam orbes lauerat, auidius hausit. Adolescens, rei spectaculo fractus, ad pedes ei accidit, veniamque postulauit. Collegium Septimancense aliquando Pintia ingressus, recta in culinam tendit: coquum ignotus rogat, num quid iubeat: hodie se illi operam daturum. At ignarus ille, quid nosset, rogat. Nihil, ait FRANCISCVS. *Quae tamen rectius praestare, & in quo minus aberrare soleo, haec sunt: pavimentum verrere, ollas abstergere.* Laua igitur, ait coquus, ollas illas fictiles, fuligine obfitas. Ille vero, *Et libenter;* diuq; ibi haesit, dum a comite ad res graues

obeundas auocaretur. Pintia quoque serius aliquando egressus, moraque in itinere iniecta, Septimancam intempesta nocte, altero inde lapide dissitam, accessit. Fores Collegij pulsat. multa tum caelo nix decidebat: frustra tamen ad alteram noctis vigiliam, captis arctissimo somno Sociis, expectat dum fores paterent: domus enim longius a porta abscesserat. Tandem aliquando intromissus, tantum abest vt moleste moram, caelique intemperiem tulerit, vt magnum & inde fructum pietatis reportarit. Credo equidem, aiebat, vt Princeps, feras stimulis, & arundine in arena, & venatione agitata, summam capit voluptatem; sic Deum, me, feris ipsis nihilo meliorem, mollibus dum petit niuium globis, hodie delectatū: qui tamen non me laederent, sed vrgerēt, atque impellerēt. Sic enim Vates

Psal. 147. ait: Qui dat niuem sicut lanam; nebulam sicut cinerem spargit. Nobilis item adolescens hic Sociis recens adscriptus erat: asceticis tamen exercitationibus, paupertateque illa domestica adeo non capiebatur, vt facti paenitens, a suscepto vitae instituto resili- ret. Cum nihil FRANCISCI alloquia ad constantiam seruandam valerent, Sociis vaticinans ait: Sinite abire: nondum enim maturuit. Reuertetur, mihi credite, & hanc ipsam iudicij imbecillitatem post re ipsa corriget. Nec vanus

augur

augur FRANCISCVS fuit. Post enim idem Ecclesiastica dignitate sponte se abdicans, in Societatem iterum reuertit, vixitque ad extremum vsque diem pie, constanterque, vt ceteris omnibus exemplum esset singulare.

CAPVT XIII.

Reginam litteris consolatus, in Lusitaniam proficiscitur.

DECESSERAT per idem fere tempus, anno eius saeculi LVII. A.D. iij. Idus Iunias Lusitaniae Rex Ioannes III. princeps pacis, bellicae artibus clarus, pietate vero in DEVM, Religioneque clarissimus. Societatem maxime fouit, primusque Socios ad se in regnum traduxit; domos regia liberalitate attribuit, collegiaque a fundamentis exstruxit. Primus idem in Orientis Indiam Socios misit: qui gentibus illis barbaris, densa caligine dissipata, Euangelicae veritatis lucem importarent. Luctuosa ea mors, cum Christiano orbi vniuerso, tum Societati fuit: quae & parentem amisisse simul & patronum videbatur. Franciscus Catherinam Regis coniugem, communi Societatis nomine, pia epistola consolatur: esse quidem Reges instar procerum, fulcrorumq; Ecclesiae

120 DE VITA FRANC. BORGIAE
DEI; sed e militante Hierusalem in triumphantem, cum placitum fuerit, transferri. Praeclare cum illo agi, qui terrenum hoc regnum cum caelesti permutasset, feliciter: hortari itaque ut regni gubernacula non detrectet, dum Sebastianus nepos Imperio adolescat. Nec diu post, in Lusitaniam ipse subsecutus, Caesaris iussu, cum eadem, & cum dynastis magnis de rebus egit. Eboram nondum adierat, cum ardentissima febris, quae mox morbi violentia in delirium pestiferum vertit, ad desperationem medicorum laborauit. Indictae preces, supplicationesque iussu Principis Cardinalis Eborensis. Iacenti iam in Collegio Sociorum, deplorato, ac paene deposito lacrymantes aderant medicus Reginus, & Socij, quibus necopinato FRANCISCUS; Cur, inquit, lacrymas frustra funditis? an illae morti me eripient, si DEO visum, in patriam ab hoc me vitae exsilio reuocare? Sed nondum maturuit hic fructus, ut summi Regis mensis apponatur. Grandis adhuc nobis restat via: immo intra quadriduum uiuus, valensque Olyssiponem pergam. Inopinatum illud, praeterq; fidem visum, &, si naturae leges consuleres, fieri non posse. Postridie tamen eius diei, hausto salubri pharmaco, purgata aluus est, & vis morbi remisit, habuitque melius. Tertius iam dies illuxerat,
cum

cum a Catherina Regina missi domestici aderant : quibuscum postridie itineri se Olyssiponensi commisit. Verum ne hic quidem periculi omnino expers fuit. Tagum enim flumen traijciente, ea subito exorta tempestas est, vt propius factum sit nihil, quam vt aquis mergeretur; cum & alia nauigia non pauca, procella illa perierint. Regina aduentu nunciato Xobrigam, regiam in villam flumini vicinam, amoenitate, aërisque salubritate claram, deferri iubet : omnique regio apparatu accipiendum curat. Hic dies aliquot moratus, ad D.Rochi Societatis domum Professorum Olyssiponem maturare se ostendit. Colligere itaque sarcinas iubet. Regij ministri rati, quod res erat, eo festinare, quod regium illum luxum fugeret, & Sociorum inopiam longe illi apparatui anteponeret; hortari valetudinis habita ratione, ne intempestiue in viam se daret. At nihil ille remisse agere, & instare. noctem ibi transacturum se negat. Incommodum haud dubie cum Sociis FRANCISCVS accepisset, ni prouidentia quadam effugisset. Eadem enim ipsa nocte ventorum procella, ab extremis vsque Indiae finibus vehementius spirans, pestilentem morbum inuexit; multique iis anni horis vbique gentium con-

122 DE VITA FRANC. BORGIAE
sumpti. Non dissimile diuinæ prouidentiae
exemplum apponam. Occurrit ei olim in
itinere Suerus Vega, Ioannis Vegae Hispa-
niae Praesidis filius, in idemque hospitium
diuerterant: cumque frigus igne depulif-
sent, secessit, vt solet, *DEVM* oraturus
FRANCISCVS. Vega focum retinuit. Post
non diu cubiculo raptim noster egressus;
Fugiamus, inquit, *periculum praesto est*. Dictum,
ac factum: vix domo digressis, tectum
decidit, omnes oppressurum, ni cauisset
FRANCISCVS. Pij nimirum in tutela
DEI sunt. A morbo recreatus, confirma-
tusque, Lusitaniae Reginam, & Sebastia-
num nepotem salutat: regni item dynastas,
legationemque exponit.

CAPVT XIV.

Caesaris obitus, & funebris FRANCIS-
SCI laudatio.

DOMVM reuertit: Caesari gestae rei
rationem reddit: de animi salute, &
asceticis frequens sermo. Carolus enim ad
mortem tum se comparabat, optabatque
vehementer, rationes anteaetae vitae, ge-
stique imperij *DEO* summo animorum
iudici probare. *FRANCISCVS* mise-
ricordiae *DEI*, atque clementiae com-
memoratione, languentem erigebat. Nec
fese-

fefellit de morte vicina augurium. Vix enim coenobio digressus Pintiam attigit, cum tristis nuncius allatus, Caesarem ob-
iisse A.D.xj. Kal.Octob. anno salutis CIO. 1558.
IO. LVIII. Tabulis exequendae voluntatis
vltimae, quam ratam haberi vellet, FRAN-
CISCVM nominat. Permolestum vero id
ei accidit, quod animam agenti Carolo
praeito non fuisset, vt patrono optime de
se merito, postremum hoc officium prae-
staret, oculosque morienti clauderet. Post
tamen rogatus non detrectauit funebri il-
lum laudatione praedicare Pintiae, in au-
licorum frequenti corona: adhibitis Regij
Prophetarum verbis: *Ecce elongaus fugiens, & Psal. 55.*
mansi in solitudine. Factum praedicans heroe
dignum; qui cum de hostibus tories trium-
phasset, tandem se ipse vicisset. Nuncio
enim rebus humanis, Imperio, & regnis
remisso, secessisse, priuatumque egisse. Co-
ronas, sceptrum, fasces, ad CHRISTI cruci-
fixi pedes sponte posuisse; quo rationem
gesti imperij, mortem longe ante praesa-
giens, commodius redderet Imperatori
summo, cum bona aeternae felicitatis spe.
Illud in ceteris memorabile, & ad poste-
ros transmittendum; Carolum ab vno, &
vicefimo aetatis anno, nullum diem abire
passum, quo non horam orationi, medita-
tioniq;

124 DE VITA FRANC. BORGIAE
tionique tribueret, negociisque demeret.
De morte deinum, quae ad aeternam vi-
tam ianua est, sermonem FRANCISCVS
clausit extremum.

CAPVT XV.

Quae in Hispania Societati aduersa acciderunt.

PER idem tempus Pintiam, occulte
inuaserat deprauatarum in Religione
opinionum lues: idque malum, quo occul-
tius, eo periculosius, paruis, vt fit, igniculis
ortum, Prouinciam Hispaniae inflammaf-
set, nisi ad commune incendium restin-
guendum mature, atque alacriter Philip-
pus Rex vere Catholicus, & Quaesitores
Fidei aduolassent. Mali origo haec fere
memoratur. Dum Caesarem Augustum
flos Hispanicae nobilitatis in Germaniam,
ceterasque hac labe infectas regiones se-
queretur, vsu, commercioque, & disputa-
tionibus, (quae damni plus, quam com-
modi adferre solent) contaminati nonnulli
venenū haereticae prauitatis imbiberant;
edocti ab iis qui a fide maiorum, vt trans-
fugae, turpiter desciscentes, in alia omnia
blasphemiae, impietatis, & atheismi abie-
runt. Conuenticula itaque nocturna, &
conciliabula clandestina cogere (quod fere
seditionum initium) Libellos impios, &
famosos

famosos in vulgus spargere ausi; & iam Virgines DEO dicatas tabes illa occuparat. In his ipsis coniuratis nonnulli Socios, vt conscios, falso nominarant, in eandem causam inuoluere tentantes. At illi innocentia freti, recti se conscientia sustentabant; calumniamque tempus, & eius filia Veritas, diluit. Ferdinandus enim Valdesius, Hispalensis Archiepiscopus, idemq; Censorum Fidei princeps, ceteris Iudicibus negotium dedit, vt Socios, in templis, vicisque a calumnia liberarent, & honorifica praedicatione in integrum restituerent. Hispali quoque in Baetica, in Socios incurrere, calumniisque petere factiosi ausi: &, quod mireris, ij ipsi, quorum intererat omni ope pro veritate niti. Honori tamen nostro, (ea nimirum vis est in omnem partem Veritatis) consuluerunt boni; nosque pro concione innocentes, & integros publice praedicarunt, ipsi etiam Dominicanae familiae sodales. Nihil his tempestatibus, aduersisque fractus FRANCISCI animus, quin & fortius, palmae instar, nitebatur.

CAPVT XVI.

Mittit Socios catechistas in Asturum agros Hispaniae, & in Madaurum Africae.

CHRISTOPHORVS Rogius Sandoualius, qui post ex Episcopo Ouetensi, & Pacensi, Hispalensis Archiepiscopus decessit, FRANCISCVM amanter monuit, Asturum, montiumque incolis circa Ouetum habentibus, non solum victum in summa temporum difficultate, ex continenti annorum aliquot sterilitate deesse; sed, quod rei caput est, etiam doctrinae Christianae praecepta, & caelestis panis frequentiore vsum. Asturum enim ager, licet optimorum ferax equorum est; ingeniorum non item, in agrestibus praesertim hominibus. Adeo verum illud, *Non omnia vno solo, caeloque nasci.* Nec mora, FRANCISCVS ad Ioannam clarissimam Hispaniae Principem, quae absente in Belgio Rege Philippo, imperabat, Ouetensis agri inopiam animis, corporibusque sustentandis, retulit: opem implorat: se in partem laborum venturum, missurumque Socios, qui rudimenta doceant, & sacra procurent: sed quando in tanta rerum omnium indigentia, vt anni tempus erat, inanis venter aribus careret, rogat, Asturum inopiam subleuare

leuare vellet. Sic enim fore sperabat, vt fructus non paenitendus animorum colligeretur. Vetus enim, fructuosumque Societatis est institutum, in paganorum agros excurrere, & quasi legationem DEI, docendo, concionandoque obire. Princeps illa, vt ad omnia pietatis officia propendebat, Asturum inopiae subleuandae, quattuor aureorum millia ex aerario publico numeranda curauit. Haec vt pauperibus viritim distribuerent, duo Socij profecti, Petrus Saauedrius, & Caruaialius, agrumq; per se sterilem, diuini verbi semine ita coluerunt, vt tum primum nati, videntesque qui caeci ad eam diem fuissent, sibi viderentur. Missi item a FRANCISCO Socij extra Hispaniam, in Mauritaniae Caesariensis urbem, hodie *Oranum*, quam olim Icosium alij, alij Madaurum, L. Apuleij patriam, existimant. Quae vrbs in Africae ora sita, Francisci olim Ximenij Cardinalis, & Toletanorum Archiepiscopi opibus, auspiciisque capta, praesidiis nunc Catholici Regis tenetur, aduersus Maurorum incursionem. Exercitus ex Hispania nauibus eo deportabatur, ad gentes illas, Christiani nominis acerrimos hostes, debellandas, anno, opinor, CLO. IO. LVIII. 1558. Igitur missi a FRANCISCO e nostris, Petri

Petri duo, alter Martinez, qui post Martyr obiit in Florida, insulanorum infidiis. Alter vero, Petrus, cognomento Domenichus. Eductis in hostem copiis, Mostaganum oppugnaturis, iussit belli dux in vrbe Socij manerent, aegrotis quadringentis militibus, qui in nosocomio decumbebant, operam nauarent. Hi, tametsi militibus animum in praelio addendo praesto esse mallent, dicto audientes fuerunt, & visum magno illi Imperatori DEO, vt ad maiora reseruarentur. Caeso enim ad internecionem exercitu, captisque qui cladi superfueraut, periculum nostri euitarunt. Post in Hispaniam reuersi, mortuorum se in numerum relatos, sacris etiam rite peractis, compererunt.

CAPVT XVII.

In Lusitaniam reuersus, Provincia obita, lustrat, fundatque Collegia.

SEMED, iterumque Lusitaniam ingressus, sed negotiorum duntaxat gratia, Sociorum Collegia lustrare, solatiumque otiose adferre, integrum non fuerat. Commodum iam per ea ipsa tempora, Henricus, Lusitaniae Princeps, Cardinalis (qui & Sebastiano in Africana expeditione caeso, regnum tenuit) Eborac Collegium, Academiamq;

miamque excitatam aere suo, Societatis fidei commiserat; petieratque per litteras a FRANCISCO vt mitterentur doctores Sacrarum litterarum duo; vtque se his adiungere ne grauaretur. Valetudinis etiam interesse medici affirmabant, animum a curis, quibus Pintiae obruebatur, auocare, & peregrinando relaxare. Praemissis igitur Sociis duobus, Petro Paulo Ferrario, & Ferdinando Perez, qui Theologiam docerent, in Lusitaniam se contulit; vt Principem bene de Ecclesia, Societateque meritum, cum officij causa saluaret, tum gratias etiam Sociorum nomine ageret. Acceptus hic omni officiorum, & caritatis genere; pari comitate, qua eum olim Ioannes III. Rex, eiusque frater Ludouicus, complexi fuerant. Concionabatur Dominicis fere diebus, vernis quadraginta dierum ieiuniis, in aede sacra, audiente cupidissime Henrico Cardinali. Hic, cum de via fessum orationibus ad populum habendis onerandum quidam negarent, instabat Cardinalis: *Nec postulo, inquit, diserte concionetur: abunde erit populo, mihi que, vel suggestum conscendisse eum, qui omnibus sese bonis sponte, CHRISTI propter amorem, abdicauit.* Interea Henricum cupido incesserat, & FRANCISCI inuifendi, & Academiae lustrandae,

I quando

130 DE VITA FRANC. BORGIAE
quando absenti integrum nunquam fuisset. Deductus itaque a nobilitatis flore, omnibusque Academiae ordinibus, & Sociis, Collegium ingreditur. FRANCISCVS pro foribus praestolabatur. Iure, inquit, optimo, Princeps amplissime, omnes te omnium aetatum ordines, doctique homines, honoris gratia, ut scientiae parentem, deducunt: hic quoque, licet indoctus coetus (se nimirum, & cocum significabat) tuus est, tibi que deuotus. Adduci tum nullo modo potuit, pugnante licet, diuque urgente Henrico, ut caput tegeret: obfirmato enim animo honorem illi deberi serio affirmabat. Accessit eo ipso tempore & Brigantinus Dux e Villauitiosa oppido, Henricum Lusitaniae Principem, eademque opera FRANCISCVM salutaturus. Post FRANCISCVS & Collegium Bracarense lustrauit, nuper aedificari coeptum, sumptu Bartholomaei, Martyrum cognomento, e familia Diui Dominici, Archiepiscopi: qui singularem cum doctrina pietatem ita coniunxerat, ut vtra re praestaret, incertum esset. Sociorum haec opera, in commissio sibi grege curando uti velle prae se ferebat, quod re etiam praestitit. Post ut erat summam vitae innocentia, & sanctitate, sponte abdicato Episcopi officio, cellae coenobij se iterum, suisque reddidit.

didit. Scripsit re penitus exploratâ, Chrysostomi, & Gregorij Pontificis exemplo,
De Cura Pastorum, volumen egregium.

CAPVT XVIII.

Portuensis Collegij Societatis initia.

COLLIGERE sese & ipse FRANCISCVS, ad orationemque, vt solet, & solitudinem festinabat. Profectus itaque in Galleciae fines, vt a publicis negociis, quae nimis occupatum habebant, se abduceret: Portum venit, quae Vrbs hodie nomen retinet, quia portus est oppidi Calis: indeq; adeo, vt Hispanicarum rerum scriptores *And. Rescendius, & Ant. Viperanus.* tradunt, toti prouinciæ nomen inditum. Ea mille circiter, & quingentis passibus Durio flumine, vbi in Oceanum influit, imminet, loci ingenio, & situ saluberrima. Hic olim FRANCISCVS Strada commoratus, assiduus concionibus, vt erat in dicendo acer, & vehemens, magnos antea fructus retulerat. Delatus & FRANCISCVS noster Kal. circiter Sextil. anni Clod. Id. LX. rectaque in xenodochium Rochi Amatoris pertendit. Vix iam ad pedes defilierat, cum Rodericus Pinetus Episcopus Portuensis salutatum accessit. Cives item admirabundi, cognito quis olim FRANCISCVS fuisset, atque ob com-

133 DE VITA FRANC. BORGIAE
missam illi totius in Hispania Societatis
prouinciam, & modestiae nomine obser-
uabant. Postularunt Socios eo mitteret,
qui eum agrum diuini verbi semine exco-
lerent. Annuit FRANCISCVS, impetra-
uitque, bona cum Episcopi venia, sedem
Sociis, & sacellum. Re item inuit Henricus
Gouianus, vir nobilis, ex eorum numero,
quos Strada antea Christo lucrificerat;
mutata in melius vita, qua virtutis odorem
caeteris afflabat ciuibus. Pauperes alere,
ministrare etiam ipse in nosocomiis assue-
uerat: DEO, & Societati tres filios obtulit,
domumque attribuit. Grassante in Vrbe
Portuensi lue, pauperum curam incautius
gerens, occubuit. Non fugit Catharinam,
Lusitaniae Reginam, FRANCISCI ad-
uentus, cui per idem tempus peramanter
scripsit, lactari se, quod eam urbem de via
attigisset, ciuesque, & Episcopum cum Se-
natu optasse, Socios eo mitti, Collegiumq;
excitari. Idem sibi pridem votum fuisse,
ratumque esse velle. Tale fere Portuensis
Collegij principium fuit. Ille & aetatis im-
memor, & inualetudinis, cuncta ferre,
agere, concionari, Eucharistiam manu te-
nendo hortari, pueros aere Campano vi-
catim ad Fidei rudimenta discenda euoca-
re. Quare velut hominem caelo delapsam,
suspiciebant omnes.

CAPVT XIX.

Romã, a Pio Quarto Pontifice euocatus, proficiscitur.

IN secreto hoc secessu libenter acquie-
uisset FRANCISCVS, sed Pius Quartus
Pont. Max. missis litteris, honoris gratia
euocauit. Nihil vero antiquius FRANCI-
SCO, quam Pij iussis parere, tametsi fessa
iam aetate esset, & a valetudine non satis
firmus, aestusque anni a profectioe deter-
reret. Regi mox Catholico Philippo, quod
erat, exponit: egredi se Hispania iubente
Pontifice; quem penes, vt Christi vices
gerentem, summum esset hominum, re-
rumque arbitrium: orare itaque bona cum
venia proficisci liceret. In viam se dedit,
ardente etiam tum Canicula, anno CIO. 1561.
IO. LXI. adscitis Sociis Petro Saauedrio,
& Gaspare Hernandes sacerdotibus, & ve-
teri comite Marco. Terrestri itinere Gal-
liam attigit Narbonensem, & Prouinciam.
Lauretũ vbi venit, lustrauit supplex aedem
sacram Deiparae Virginis Lauretanae: re-
ligione, simul & loci maiestate, homi-
numque frequentia commotus. Post A. D.
vij. Idus Septemb. Romani ingressus, in-
credibili Sociorum omnium gaudio acce-
ptus. Pius cognito aduentu, cubiculi inti-
mi Praefectum salutandi gratia extemplo
13 misit,

134 DE VITA FRANC. BORGIAE
milit, expectatum diu, adesse. Ad se vt mi-
graret, rogat. FRANCISCVS contra
comiter pro officio gratiis actis, recusare.
Postridie eius diei postquam illuxit, quan-
uis de via fessus nondum se collegisset,
Pontificis pedes, more maiorum, exoscu-
latus, genibusque nixus, ter assurgere ius-
sus, obdurauit, rogando, obtestandoque.
Tandem obedientiae imperio, pedibus,
aperto capite, inlittit. De variis mox vltro,
citroque habitis sermonibus, honorifice
dimittens Pontifex, hisce verbis appella-
uit. *Nostrum est, inquit, te, tuaque sedulo curare,
quando raro, & huic saeculo inusitato exemplo, te
bonis expoliasti.*

CAPVT XX.

Bis Societatis Vicarius renunciatus.

ABERAT tum forte Roma Iacobus
Laynes, Praepositus generalis Socie-
tatis, ab eodem Pio IIII. Pontifice socius
additus Hippolyto Cardinali Estensi, in
Galliam Legato, ad Carolum Regem IX.
& Catharinam Medicem, matrem: vt da-
rent operam, ne quid, nascente haeresi, in
Gallia Christiana Respub. detrimenti ca-
peret. Alphonfus Salmieron, vnus e decem
primis Ignatij Sociis, Romae tum a Layne
relictus erat, Regni Neapolitani in Socie-
tate

tate Praefectus. Verum post non diu ad Synodum, Tridentum pridem indictam, & nunc instauratā, vtrumque milit Pontifex. FRANCISCVS vicariam operam praestare, locumque tenere iussus est. Cui muneri cum repugnaret, qua erat animi demissione, summo tandem Laynis Imperio dicto audiens, acquieuit. Domi omnes Socios hortari, Collegia lustrare, re, consilioque ad pietatem calcar addere: denique ad virtutem verbo, & exemplo impellere. Publice vero ad D. Iacobi festis diebus concionari: ad quem audiendum purpurati Patres, Legati, omnisq; adeo nobilitas confluebat. Gessit hoc Romae munus annos aliquot, dum demissa Tridentina Synodo, Laynes rediret; qui cum in grauem morbum reuersus incidisset, insequentis anni eius saeculi quinti, & sexagesimi xiv. Kal. 1565. Febr. supremum vitae diem clausit. Igitur extincto Layne, vacuum rursum tenuit locum FRANCISCVS, communi omnium suffragio, antea re bene gesta probatus. Rebus, quoad licuit, ordinatis, ad omnes Societatis in Europa Prouincias, quam citissime tristem nuncium mortis Laynis transmisit: simul monēs continuo conuentus agerent, & nouo Praeposito deligendo, bini quam maturime Romam aduolarent.

DE VITA
FRANCISCI
BORGIAE

Societatis IESV Praepositi Generalis ab Ignatio Tertij

LIBER TERTIVS

ANDREA SCHOTTO Societatis
eiusdem interprete.

CAPVT I.

Praepositus Generalis Societatis renunciatur.



VOCATIS vndique per litteras Sociis (qui conuentus in suis quique Prouinciis egerat, selectosque binos prouinciali Praeposito additos, cum auctoritate Romam miserant) veritus FRANCISCVS, quod euenit, ne in quem omnium oculos coniectos videret, inuitum se ac repugnantem Societati praeficerent vniuersae; occurrendumque ei rei tempestiue ratus, Salmeronem, paucosque sacerdotes, re mature deliberata, ita

ita compellat. Tametsi, Patres, me certo scio non satis idoneum, qui vel minimum in Societate munus obire queam, dum me ipse in dies magis, magisque ad vnguem exploro: tamen, ut sunt varia hominum, incertaque iudicia, dicam quod sentio. Praesagit animus, vereorque ne inuitus a Sociis eligar, ceterisque hoc nomine anteponar, quod & vicariam operam, morte Laynis, praestem Societati; quodque nescio quod exile nomen Ducis abiecerim. Quamobrem, nisi quid secus vobis videatur, animus est Socios deprecari omnes, obtestarique per Ignatij memoriam, ut quemuis potius quam me, huic muneri obeundo deligant cui ex omni numero me magis ineptum esse neminem, ex animi sententia affirmare liquet. Quod consilium vobis probari velim. Patres vero, re mature considerata, DEOque precibus consulto, contra sentiunt. Deinde summa omnium consensione respondent, in alia omnia ire se coactos: silentio itaque consilium illud premendum videri. Tacita enim hac animi demissione, ingeniosaque deprecatione, munus potius ambiisse, quam defugisse visum iri: abditas enim esse mortalium cogitationes. De illo deligendo, ut Societatem administraret, in mentem venisse fortasse nemini. Itaque missa illa faceret, DEO fretus, cuius Spiritu coetus gubernentur piorum. Si deligeretur, quod nolle illum facile viderent, tum demum

138 DE VITA FRANC. BORGIAE
integrum fore tergiuersari, onusque de-
precari. Paruit ille, nihil peruiaciter ad
haec locutus. Quare quo se gessit submis-
sus, eo sublatus a Deo altius est, omniumq;
suffragiis, Praepositus generalis magno
omnium consensu, atque laetitia renun-
tius, postridie Kal. Quinctiles, qui dies B.
Virginis visitationi sacer est. Ille delata di-
gnitate perculsus, animoque perturbatus,
tantum abest ut se purgare verbis potuerit,
ut sermonem etiam impedierit omnino
insperata res, quod vel ipse vultus, & color
satis arguebat. Summa Romae laetitia hinc
est consecuta, in Prouinciasque manauit.
Deductus, facta re diuina, gratiisque DEO
actis, de more ad Pontificem Pium II. III.
Factum bene, inquit ille, prudenter iudicastis,
multumque vidistis, qui FRANCISCVM potissi-
imum de tanto insignium virorum numero delegistis.
Quod Ecclesiae commodum videtur, & Societati, ut
euentus ipse DEO, hominibus, meque approban-
tibus post docebit. Domum ubi cum Sociis
reuertit FRANCISCVS, priusquam coe-
tum dimitteret in Prouincias, ad Patres
verba fecit: animaduernerent quantum
onus infirmis humeris imposuissent: ro-
gare itaque in partem laborum venirent,
ne humo afflictus succumberet. Hortaren-
tur, admonerent, vrgerent, reprehende-
rent,

rent, si, vt res sunt humanac, opus foret, officioque ipse deesset. Re, & consilio adiuuarent, simul & precibus. *Iumentum*, inquit, *factus sum apud vos. Si oneri ferendo non sit, onus cum clitellis tollitur. Idem vos facite: imperium tollite, si tanto oneri impar videar.* Erit hoc diuinæ gloriæ, Societatiq; emolumento, vobis, Patres, perutile, mihi denique commodum, & pergratum. Assurrexit his dictis FRANCISCVS: ceteris allacrymantibus gaudio, surgere vetitis: mox ordine, singulorum pedes humi exosculatus, etiam complectitur, comiterque in Prouincias discedentes dimittit; laetos quod Ignatio, & Layni dignum, qui succederet, repèrissent. Per idem tempus Melitam insulam terra, marique arctissima obsidione Solimanus Turcarum Imperator cinxerat: capta pridem Rhodo diuturna obsidione, pertinacique conatu, dum equitibus Diui Ioannis, singulari fortitudine dimicantibus, auxilium nemo ferret. Melitam vero summi Pontificis Pij vigilantia, & opibus Philippi II. Regis vere Catholici, adhaec militari virtute Equitum, quibus eam olim insulam Carolus V. Imperator defendendam tradiderat, liberatam vidimus. Militum copiis quæ suppetias ferre iussæ erant, Socij additi sunt, ex eo ipso aggregatorum Patrum numero: qui militibus

140 DE VITA FRANC. BORGIAE
libus animum, mentemque piam addere
conarentur.

CAPVT II.

Rem Societatis publicam gerere coepit.

P R I M A iam cura, dimissis in Prouincias Sociis, fuit, quando ab origine pendent omnia, de thocinij domo Romae constituenda. in qua iuuenes, qui frequentes quotidie ex omnibus Europae vrbibus confluebant, Societatiq[ue] adscribi cupiebant, ad pietatem, & religiosas exercitationes informarentur: ne ignorarent, quo modo orandus D E V S, qua ratione spiritui caro subiicienda, & animi perturbationes domandae, denique vt pueri Catechesi Christianae doctrinae imbuendi essent. Episcopo Tiburtino eam D E V S mentem indiderat, vt templum S. Andreae sacrum Sociis traderet, quod in colle Quirinali visitur. Nec diu post, eandem beneficentiae voluntatē dedit Ioannae Aragoniae, quae nobilissima matrona Ascanio Columnae nupta, singulari pietate in DEVM fuit, & in Socios liberalitate. Domum enim in eodem colle, annuosque redditus attribuit. Idem in omnibus Prouinciis F R A N C I S C V S teneri iussit, vt sua cuique tironum Societatis domus esset, in qua ad pietatem infor-

informarentur, Specimenque sui darent, qui se Societati recens, DEO vocante, addixissent. Alterum item Collegium in Provinciis instituendum curavit, hodieque Seminarium alicubi appellatur, vbi iis artibus imbuerentur, quae humanitatis Professori, qui alios docere commodè posset, necessariae viderentur. Cumque recens nata Societas tunc esset, omnes Transalpinarum gentium adolescentes Romam bonis artibus instruendos mittere incredibili sumptu necesse erat: cui incommodo FRANCISCI consilio remedium adhibitum vt in principiis doceretur. Aedes item sacra domus Professorum, paucorum capax erat, cum multi ad rem diuinam, & Sacramentorum, hortantibus Sociis, frequentem usum, ac Verbi Dei sermonem confluerent. Hanc igitur amplissimo Cardinali Alexandro Farnesio DEVS mentem pariter iniecit, vt & Pietatis studio, & in FRANCISCVM amore adductus, augustissimum templum a fundamentis construendum curarit, videritque ad rectum perductum: augustum in primis, siue architectura: artem spectes, siue ornatum. In ceteris vero quibus FRANCISCVS curisangebatur, frequentes erant litterae ex omnibus terrarum oris, & quidem principum

cipum in Repub. virorum, vt somno fac-
penumero tempus demere opus esset, si
omnibus satisfactum vellet. Alij enim So-
cios ad se mitti postulabant: nonnulli Col-
legia apud se excitari: non nemo rogare,
vt pro incolumitate sua DEVM precaretur.
Quod & olim Regibus studio fuisse,
ex Athanasio discimus: qui ad Antonium
Abbatem scribere solitum Constantinum,
refert; vt se fidemque Christianam DEO
precibus commendaret. Quamuis vero
crebrae litterae multum & operae eripe-
rent, & somni, nihil tamen destinati tem-
poris orationi ad DEVM fusae detrahi,
quo pietatis progressum contineri dicebat,
patiebatur. Cum DEO enim potissimum
esse agendum, in primisque eius regnum
studiosè quaerendum. Mox Principum
Christianorum salutem, a qua penderet
reliquorum, DEO commendandam.

*Athan. in
vita Anto-
nij. Niceph.
lib. 12. cap.
39. de Theo-
dosio mino-
re.*

CAPVT III.

*Pij Quinti Pont. Max. ad Aethiopiae Pa-
triarcham litterae.*

HIS rebus ita ex sententia peractis, eo
ipso anno Pius IV. vita simul & ca-
thedra decesserat, locumque dederat Mi-
chaeli Gislerio, viro e Dominicanorum
familia egregio, qui Pij Quinti nomen
induit,

induit, talemque se moribus gessit. Hic etiamnum Cardinalis FRANCISCO vsus perfamiliari, & amico, postquam ad Ecclesiae clauum sedit, nihil in amando remisit: quin rebus in arduis consilium eius, & operam, frequenter adhibuit. Commodum iam e Lusitania litterae redditae erant, Socios in Aethiopiam legatos premi, & temporum iniquitate ludare, nec proficere: praecisa iam spe messis colligendae: in Iaponia vero insula, Episcopum sacris rite procurandis, in recenti nascentis ibi Ecclesiae origine, vehementer desiderari. Obibat Aethiopiae regionem e Sociis Andreas Ouetenſis, Patriarcha: quem olim Iulius III. rogante Ioanne item III. Lusitanorum Rege, Episcopum crearat, vna cum Melchiorre Carnero Lusitano. hi socij additi Ioanni Nunnesio Lusitano, Patriarchae, in Aethiopiam Pontificis iussu proficiscenti, Ignatio etiam tum superstite. Dauid enim Aethiopum Rex, Lusitaniae Regis opera, a summo Pontifice, quem in terris Ecclesiae caput agnosceret, mitti ad se rogabat, qui eam Ecclesiam, in remotis Africae, siccisque terris sitam, paene dixerim relegatam, Iudaismo inquinatam (baptizantur enim Aethiopes simul, & circunciduntur) purgarent erroribus, in viam reuo-

reuocarent, rudesq; illas nationes, ac barbaras erudirent. Nunnesius Goam vix attigerat, inde in Aethiopiam cogitans, & conscendere parans, in beatorum sedes, morte simul & legatione obita, migrare iussus, locum, munusque Patriarchae, Andreae Ouetensi Socio, & Episcopo cessit. Nihil enim Socij praeter dignitatis nomen & labores ferebant; honoribus, & commodis omnibus abdicatis. Hic simul in Aethiopiam venit, a Claudio Rege, Christianorum quidem sacris inbuto, sed lento homine, non satis humaniter accipitur: frigide itaque rem Christianam promouit. Qui vero regnum proxime exceperit, re, & nomine Adamantius, natura crudelis, & immanis, in Socios grassari, saeuire, & incurrere ferarum more instituit. Christi enim nomen extinctum cupiebat, nulla vt spes propagandi Euangelij superesset. Vinculis enim, fame, inopia, & nuditate vexati Socij, aliaque incommoda, & persecutiones passi, vt solent, qui pie viuere in Christo I E S V volunt. Quamobrem, iusto mox iudicio D E I, a Turcis deuicta Aethiopia, in ditionem illorum, tyrannidemque regnum incidit, vastum cetera, & incolarũ multitudine frequens. Pius Pontifex re cognita, FRANCISCO referente, Andream

Andream Patriarcham, Aethiopum furori
cedere, & se ad maiora reseruare iubet;
commodamque nactum nauigationem,
maturrimè in Iaponiam insulam traicere:
vbi multos esse & nuper Christianis adscri-
ptos audierat, qui & confirmari, & sa-
cerdotio manuum impositione inaugurari
possent. Andreae, accepto Pij diplomate,
iniecta Religio est, quam eximere nemo
posset, quod iuberet Pontifex, tum demum
Aethiopiam relinquere, cum salua religio-
ne & tuto posset, nullaque spes reliqua
eius Ecclesiae iuuandae foret, hinc in
Iaponiam insulam frequenter habitatam
transiret. Ille vero bene semper DEI be-
nignitate speraret, fore vt CHRISTO
plures lucrifaceret; & Aethiopia excedere
non poterat, quin in Turcarum aut praedò-
rum manus incideret. In his itaque aerum-
nis vitam egit, diemque clausit extremum.
Melchior quoque Carnerus, cui par pote-
stas tributa fuerat ordinandi, confirman-
dique neophytos Christianos; in Machao-
nem portum delatus, qua Lusitaniae naues
onerariae in Iaponiam transmittunt, rite
obita legatione, & Episcopi munere, de-
cessit e vita. Nostra quoque memoria Se-
bastianum Moralem, qui Prouinciae Lúsi-
taniae Sociorum praepositus fuerat, Sixtus

Quinctus Episcopi nomine in Iaponiam legauit: sed, vt incertae sunt mortalium res, Goae portum nondum tenuerat, cum & ille, longae taedio nauigationis, incommodisque, mortem cum vita commutauit. Adeo verum est, quod ipsi etiam male in Socios animati fatentur, dignitates Ecclesiasticas, ex Ignatii instituto, defugere Socios, aliisque libenter concedere: labores vero, pericula, mortem denique pro Ecclesia, ad maiorem DEI gloriam, vltro ac libenter subire.

CAPVT IV.

Cetera in Societatem Pontificis beneficia.

PLURA vero exstant Pontificis vere Pij, & illis temporibus pernecessarij, singularia in Socios amoris indicia, ac beneuolentiae. Vetere enim instituto, Romae paenitentiae administri, Pontificia auctoritate, Monachi, & Sacerdotes Theologiae, & canonum, linguarum diuersarum periti, nodos conscientiae soluebant, peccatisque expiabant. Magnum id Ecclesiae munus, & arduum, vt quaecunque diuina potestate in terris soluant. Visum itaque Pio Pont. quando munus hoc a variis varie obiri vidisset, Societati mandare, vt paenitentium curam susciperent, & in
sacra

sacra D. Petri aede summa confitentibus
quotidie aures darent, virgamque manu
gestarent, potestatis argumentum. Alcia-
tum itaque Cardinalem, qui tum pro Ca-
rolo Borromaëo ei muneri praeerat, ad
FRANCISCVM misit, qui persuaderet,
rem per se Ecclesiae vtilem, ac necessa-
riam. Ille vero tergiversari primum, ac
defugere: mox ubi se collegit, haec fere ca-
pita supplice libello Pontifici obtulit. Per-
incommodum id Societati futurum: qui
enim legitime id munus ad hanc diem ad-
ministrassent, iis eripi sine querimoniâ non
posse: ad haec complures in Ecclesia DEI
familias, vetustate corroboratas, & sancti-
tate morum illustres, ad quas id potius per-
tinere videretur; alioquin praeteritas sese,
molestè laturas: Sociis denique priuati-
m fraudi futurum, & damno: quod qui illud
munus obirent, continuo Societatis legi-
bus solui, & obedientiae vinculis vellent,
tamquam ministri Pontificis iam creati.
Lectis his, Pius nihil prolatandum ratus,
nodosque facile solui posse; Societati ex-
templo paenitentiae Pontificiae munus
pro suo iure mandat, domumque non pro-
cul ab aede summa D. Petri, certumque
stipendium, ad victum, cultumq; corporis
assignat. FRANCISCVS dicto audiens

148 DE VITA FRANC. BORGIAE
acquieuit, praestantesque e Prouinciis vni-
dique sacrarum litterarum, Officiorum
simul & linguarum peritos euocatos, lo-
cat. Gregorio mox tertiodecimo Romae
sedente, Societas onere illo leuari, sed fru-
stra, optabat: munusque sustinet in hunc
vsque diem, commodo, opinor, publico.
Ecclesiasten item Pontificium e Societate
tunc deligendum putauit, qui coram in-
amplissimo Cardinalium consensu de re-
bus diuinis frequenter differeret. Primus
hoc munus obiuit, FRANCISCO iubente,
Benedictus Palmius, Italus: hunc secutus
Alphonfus Salmeron, vnus in decem pri-
mis Ignatij Sociis: sed duodecimo post
mense, nimirum secessus amantior, &
commentandi S. Scripturam studio inten-
tus, alteri e Sociis, Lusitano Theologo,
Emmanueli Sa, lampada tradidit. Mox ces-
sit Francisco Toletio Cordubensi: qui apud
alios continenter Pontifices Ecclesiasten
egit, ad annum vsque CIO. IO. XCIV. quo
anno, inuita, & repugnante Societate, in
Cardinalium Collegium a Clemente VIII.
adoptatur: viraque nuper, & dignitate de-
cessit, postridie Idus Sepremb. anni CIO.
IO. XCVI. Neque hic substitit Pij erga nos
studium: Sociis enim examinandi prouin-
ciam dedit eos, qui Romam frequentes
con-

confluunt, & sacris initiari, vel iam initiati confessiones excipiendi fieri sibi potestatem, volunt. Erant ea tempestate, (quis credat?) in vltimis Neapolitani regni finibus, haeresis Valdensium reliquiae, qui Pauperes de Lugduno vocari gaudebant, quod malum vt maturrime tolleretur, c Sociis Christophorum Roderiges, doctorem Theologum, mittit: qui partim disputando, partim monendo, ad bonas eos partes, melioremque mentem traduxit: captos comitate hominis, & pietate, vt poenam, Pontificia potestate irrogatam, libenter susceperint. Exploratum iam tum erat, Societati finem esse propositum, gentes a fide alienas, & haereticos, ad sanam mentem pro virili reuocare. Si qua forte rursum tempestas exorta in Socios esset, statim aduolare Pius solitus, & opem ferre; Principibus Christianis Socios commendare, rogare, obtestari, precibus, minisq; agere. Vt in seditione Auenione excitata, statim exstinxit incendium. Huius studij specimen erit diploma vnum in multis, ad Coloniensem Episcopum. Praeterea Mendicantium in numero esse Socios pronunciant; immunesque similiter esse, & haberi voluit: dato ea de re, quod exstat, diplomate, quinto Pontificatus anno c15. 15.

150 DE VITA FRANC. BORGIAE
LXXI. Nonis Iulijs: vtque tuti ab iniuria in
Prouincijs Socij viuerent, permisit Patro-
num sibi, quem Conseruatorem vocant,
cum res postularer, bona sua venia, deli-
gere ipsi summa auctoritate possent. Quod
beneficium Gregorius XII. immatura
morte extincto Pio, insequenti anno So-
cijs libens datis tabulis concessit. Non de-
fuere tamen, vt fir, qui dicerent, Pio pro-
positum, Societatis institutum commutare,
simul & vestitum. Qui rumor cum latius
vagi retur, FRANCISCVS pro Societatis
honore diligenter excubans, animiq; pen-
dens, Francisci Patieci Cardinalis, & Bur-
gentium Archiepiscopi opera, Pium ru-
moris in vulgus sparsi certiozem facit. Ille
vero tantum absuit, vt id cogitarit, vt nun-
cio illo tanquam aduersa re perturbatus,
in haec ipsa verba clamans eruperit: *Absit a
nobis hoc peccatum. Video enim complacitum esse
DEO in his famulis suis, institutoque viuendi, quo
fructum referunt Ecclesiae. Dum idem erunt, qui
haecenus, institutumque religiose seruabunt, nemo
illis, qui sapiet, molestus erit, negotiumque facesset.*

CAPVT V.

Pestilenti lue Romae grassante quae gesserit.

INEVNTAE aestate anni MD.LXVI.
Romae multi pestilentiae lue extincti,
vt &

vt & morbi contagio serperet latius. Corruptis enim aquis ea vrbis regione, quae Flaminia olim via, nunc Populi dicitur, quod stagnarent, sordibusque plenae, & putrefactae subterraneam puteorum frigidam corrumperent, qui hauserant, labem, praesentemque mortem senserunt. Tot passim in ea Vrbis regione strages, vt taetro odore, quem afflabant cadauera, inficerent alios prius, quam opem implorarent. Exstincti incolarū plerique Mysteriorum viatico non instructi. FRANCISCVS simul detrimentum cognouit, Socios misit, qui vicatim aegrotos inuiserent. Hic opinione maiorem stragem comperit. Itaque nihil cunctandum ratus, binos statim Socios ad Pontificem legat. Hic magnam vim pecuniae in eleemosynam aegrotorum inopiae subleuandae liberaliter erogauit: cuius etiam, tali Pontifice digna, audita vox: *Ea tempora esse, vt & calices auratos, Crucisque signa argentea oppignerari vellet, quo CHRISTI membrorum inopiam subleuaret.* Eius etiam mandato Socij Senatum, populumque Romanum adiuuant: ne difficili tempore deessent, rogant. Auditi, & vero perlibenter, factumque est in eorum sententiam Senatus consultum: Panis, caro, vinum gratuito aegrotis egenis e publico

152 DE VITA FRANC. BORGIAE
daretur. Aedilibus item mandant, stipem
ex omnibus Urbis regionibus corroga-
rent. Nobilibus e suo corpore duodecim
viris negocium datum, vna cum Sociis
aegrotos quotidie inuiserent. Igitur Socij
aegrotantium numero per vicos explora-
to, Urbem in quindecim regiones distri-
buunt: singulis officinas medicamenta-
rias, & penu attribuunt. Ipsi bini singulis in
regionibus cum medico aegrotos adeunt,
ministrant animi, corporisque alimenta,
nihil vt egentibus, ad valetudinem quod
pertineret, deesse paterentur. Nec minor
animis curandis diligentia adhibita, ne qua
in malis consolatio deesset. Sacris itaque
procuratis, erratisque confessis, panis An-
gelorum migrantibus porrigebatur. Iudi-
cabat enim FRANCISCVS, quantum
animus corpori, & aeterna caducis ante-
cellunt, tanto maiorem curam sacris adhi-
bendam. Gratum id omne Societatis offi-
cium Pio, Senatui, populoque Romano
accidit, vt & biennio post ingrauescente
morbo, non perinde tamen periculoso,
idem Pius; multo post etiam Gregorius
XIII. Pontifex, Sociis iterum aegrotorum
curam mandarit, FRANCISCO Bor-
gia nuper extincto.

CAPVT

CAPVT VI.

Primus Sociorum in Occidentis Indiam aduentus.

Nouem Socij in Florida insula necati.

IN. Orientis Indiam pridem Socij complures penetrarant; in Occidentis vero ad eam diem nemo. Igitur FRANCISCVS portam illic aperiri, Euangeliique lucem, & veritatem incultis illis gentibus nostrorum opera inferri, ex quo familiam ducere coeperat, vehementer exoptabat. Missi primum Christi anno CLO. IO. LXVI. Di- 1566.
dacus Lopez, & Laurentius Gomes sacerdotes. Ludouicus item Ruiz, & Alfonsus Simonis, in Fortunatas insulas, quae Canariae hodie appellantur: vbi meridiani circuli extremum Cosmographi olim collocarunt. Ceterum enim terrarum orbem, nuper Hispanorum nauigationibus reperi-
tum, qua sol oritur, atque occidit, veteres ignorarunt: existere tamen, & esse posse, Plato de Atlantidum insula loquens, & Se-
neca Tragicus, alique diuinarunt. Hos
igitur, quos nominaui, comites addiderat
FRANCISCVS Bartholomaeo Tores, Ca-
nariensium Episcopo, homini singulari &
pietate, & doctrina. Illius enim de Trini-
tate Commentarij valde probantur. Do-
cebat hic insulanos Catechesim vna cum

*Plato in Ti-
maeo, & in
Crisia.
Seneca in
Medea act.
2.*

154 DE VITA FRANC. BORGIAE
Sociis, lustrabatq; dioecesim pedibus am-
bulans, boni nullum officium Pastoris
praetermittens. Eo ipso tempore Philippus
Rex Catholicus, datis ad FRANCISCVM
litteris, pro bona Societatis existimatione,
quattuor & viginti in Occidentis Indiam
mitti rogat: victui & cultui corporis in
itinere nihil defuturum, gratumque id
DEO, sibi, & incolis fore. Vt tam honesta,
piaque postulanti Regi satisfaceret FRAN-
CISCVS, misit primo electos e multis So-
cios: Petrum Martines, ex agro Turolia
regni Aragonij, Ioannem item Rogerium
sacerdotes, Franciscum Villaregium. Hi
A.D. v. Kal. Sextil. eo ipso anno Hispalensi
portu conscendentes, Floridam insulam
vii. Kal. Octob. tenuerunt. Petrus Marti-
nes classe exsiliens, terram simul attigit,
vt DEI verbum, Euangeliumque praedi-
caret, interiit, ictus caput pertica ab inco-
lis, qui tum in littore agitabant, aduentum
Europaeorū prohibitori: mox semiuiuum
in mare proijciunt. Nimirum pro singulari
in DEVM pietatis studio hunc fructum re-
tulit, vt quod pridem optarat, fidei testis,
vita decederet. Qui casus tantum abest, vt
ceteros in Europa Socios ab expeditione
deterruerit, vt etiam incitarit magis, quod
pro Christo mortem oppetere, & ipsi pari
studio

studio exoptarent. Igitur secundo post anno CLO.LXVIII. alia missio Sociorum 1568.
in eas ipsas oras instituta, quibus praefecit FRANCISCVS Ioannem Baptistam Seguram, quo se Ioanni Rogerio sacerdoti, qui superites adhuc esset, eiusque sodali Villaregio coniungeret: qui Hauanam portum occupantes, in Floridam post penetrarant. Erat tum forte in comitatu Caci-cha quidam (sic enim Florida in insula principem virum appellare solent) quem Praefectus Petrus Menendes classe in Hispaniam adduxerat. Hic fidei Christianae rudimentis Catechumenus iam imbutus, & salutari baptismi lauacro tinctus, Ludouici nomen acceperat. Credebant fore, ut gentis suae, morumque gnarus, simul & linguae callens, commode Socios deduceret, viamque muniret: sed contra euenit. Baptista enim Segura septem adhibitis Sociis, Floridam saluus tenuit: reliqui in portu substiterunt, nauibusque exscensione facta, pedibus porro ingressi, duce viae Ludouico vsi, sine militum Hispanorum, qui se illis ultro comites dabant, praesidio. Supellectilem sacris procurandis, libellosque humeris gestant. Siluas, solaque loca, & paludes, pedibus emensos, com-
meatus iam defecerat: herbis itaque, &
radi-

156 DE VITA FRANC. BORGIAE.
radicibus victitabant, cubabant sub dio:
Ludouico interim prodicionem animo agi-
tante: cuius tandem patriam attigerunt,
procul admodum a mari sitam, a siluestri-
bus hominibus, iisque nude agentibus, ha-
bitatam. Socios ille in pago morari iubet,
seque expectare, dum salutatis amicis,
redeat. Profectus igitur quinque passuum
millibus, ad diem dictam rediturum se pol-
licitus, cunctabatur: qui dies cum venisset,
quattuor item additis, diurnae morae, &
solitudinis pertaesus Baptista, sacerdotem
cum fratre ad Ludouicum allegat. Hic
structis insidiis, (incertum, siue quia a fide
Christiana transfuga descuerat, seu quia
prodicionem pridem animo cogitarat) ar-
mata omni familia, Socios aggressus, in-
cautos summa perfidia necat. Postridie eius
diei vix illuxerat, ceteros Barbarum in
modum adoriuntur, & silenti nocte, duce
Ludouico, interimunt Socios, genibus ni-
xos, precibusque ad DEVM fulis, mortem
fortiter pro fide oppetentes. Exspoliant ca-
dauera Barbari: sacratibus vestibus sese in-
duunt: illudunt, petulanterque insultant,
quasi rem magnam, contrucidatis inermi-
bus, & non repugnantibus, praestitissent.
Arculam mox tres aperiunt, thesauro in-
hiantes. Erant hic Biblia sacra, Missarum
officia,

officia, libelli pij, precum orbiculi, imagines, agni caelestis effigies, cilicia, & flagella: Religiosorum nimirum arma, quibus & carnem ipsi domant, & Daemonem fugant. CHRISTI item Cruci affixi imaginem continebat, quam simul curiose aspi-ciunt, exanimes ceciderunt, humo afflicti, & mortui. Comites qui aderant, inopinata re perterriti, in fugam se, terga vertentes, dederunt. Quae quidam certa fide retulit, a se oculis conspecta, Hispanus adolescens, qui e classe Socios comitabatur: ideo non iugulatus, quod ad idola euertēda minime venisse, & tenera adhuc aetate cum esset, nihil metuendum, sed in vinculis habendum putarint. Occubuere etiam Baptista Segura, Toletus Carpetanorum oriundus, morum probitate FRANCISCO gratio-sus; Ludouicus item Quiros, sacerdotes. His aderant fratres, Gabriel Gomez, Petrus Linares, Sanctius Sauallius, Ioannes Baptista Mendes, Christophorus Rotondus: alter item Gabriel de Soliz. Eo ipso an- 1568. no, vt ex Indicis litteris didici, ob eandem fidei constantiam Franciscus Lopez interfectus; dum e Cochinenſi Collegio Goam proficiscitur, a piratis Mauris captus, cum tribus Sociis: quodque raso vertice viderent, sacerdotem, quod res erat, diuina-

158 DE VITA FRANC. BORGIAE
diuinarunt: ad fidei defectionem sollicitant: sic saluum fore & incolumem. Honores etiam pollicentur: precibus denique minas miscent. Ille vero: Ego ne vt CHRISTI castra deseram? non sinat ille DEVS, cui milito. Quoduis potius supplicij genus subire stat sententia, quam a Christiana Religione migrem. Lancea itaque ilia confodiunt: ille ad Beatorum sedes abiit, feliciter. Alterum e Sociis captiuum abducunt: quid reliquis factum non comperi. Eodem ipso anno, Socios iterum binos Oranum in Africam FRANCISCVS misit, Petrum Domenicum, & Hieronymum Mur: vtrumque Valentiae superstitem vidimus: Comites hi dati fratri germano, Petro Ludouico Borgiae, Magistro equitum Montefanorum, a Philippo Rege misso, vt eam Africae oram armis teneret, & militaribus copiis praefect. Socij in hac statione incolis, & militibus sacra rite procurarunt.

CAPVT VII.

Socij Peru Indiarum prouinciam, & nouam Hispaniam ingressi.

1567.

EODEM ipso anno, qui est eius seculi septimus, & sexagesimus, alteris ad FRANCISCVM litteris petit Philippus Rex mitti Socios viginti in Peruanam Indiam,

Indiam, prouinciarum ad Occidentem longe maximam: quam in Sacris litteris Ophir, & Pirum etiam nominari quidam putant, Auri fodinis, & Salomonis Iudaeorum Regis commercio nobilem. Conscenderent igitur primo quoque tempore, collegiaque aedificarent, & domos, vti certis sedibus morati, Christianam Religionem propagarent, puerosque imbuerent optimis & moribus, & disciplinis. Postridie Kal. Nouemb. selecti de multis pauci, Luciferi fano (quem Baeticae portum *San Lucar* hodie appellat) profecti Hieronymus Portillius Sociorum praefectus, Antonius Aliarus, Ludouicus Lopez, & Michael Fontanus sacerdotes. His additi Didacus Bracamontius, Ioannes Garcias Ianguësis, Franciscus Methymnaeus, & Petrus Loberus. Hi primi Socios in eas Peru oras duxerunt, ludosque studiorum aperuerunt: hodieque docentur ibi de superiore loco artes omnes futuro Theologo necessariae: incredibili fructu & inquilinorum Hispanorum, qui illic negotiantur, & neophytorum, qui CHRISTO iam nomen, suscepto Euangelio, dederunt. Quae res, simul Regis Catholici auribus, animoque grata accidit, alteram classe missionem institui iubet, profectique cum Praetore Francisco Toletto

*Gaspar
Barrerius,
& Ben.
Arias Mon
tanus.*

Toleto sacerdotes quinque, septemque alij Socij. Anno vero secundo, & septuagesimo, vndecimo Kal. Quintil. in nouam, vt vocant, Hispaniam, quae regio nihil ambitu nostra minor est, opulentia sane maior, primi e Sociis traiecerunt quatuordecim, postulante eodem Rege Catholico: quorum eo libentius nomina adscripsi, quod primi viam munierint, portarintque Euangelium, longe nunc, lateque fufum in Occidentis Indiam. Sociorum Praefectus Petrus Sanchius, doctor Theologus, qui pridem Complutenfem Academiam rexe- rat, & publici doctoris personam fufstinens, valere iuffis titulis, & commodis, Societati fe addixerat. Sacerdotes vero Didaci duo Lopez, & Fonseca: Petri item, Diaz, Concha, Bazan, & Camargus cognomento: reliqui facris nondum initiati: Ioannes complures, his cognominibus, Sanchius, Mercatus, Curielius, & Matillus: Bartholomaeus: item Lariosus, Lupius, Nauarrus, Martinus Gonzales. Haec in Peru Prouincia; nuperque detecto orbe, FRANCISCO Generali Praeposito praeclare gesta: nec minus in Europa Societatis incrementum fuiffe, nunc ostendam.

CAPVT VIII.

*Poloniae Rex Societatem Regno accipit: Collegium
Pultouiae exstruitur.*

APVD Sarmatas, superſtite etiamnum
Iacobo Layne, inchoatum Sociis col-
legium, ſumptu, & auſpiciis Staniflai Hoſij,
Praefulis Varmienſis, Bransberga in vrbe,
eius dioceſis, magno prouinciae Pruſſiae,
quae ad Polonos attinet, emolumento. Hic
Epifcopus, ob ſingularem cum pietate
coniunctam doctrinam, in Cardinalium
urbis Romae Collegium adoptatus, Syno-
do Tridentinae non interfuit ſolum, ſed &
Legatus praefuit. Dimiſſo itaque Concilio,
inſequenti anno quarto, & ſexageſimo, ob 1564.
praeclare in Concilio nauatam a Sociis
Layne, & Salmerone operam, Societatem
acciuir, amplexuſque eſt peramanter. Si-
giſmūdus vero, qui tum Poloniae Regnum
tenebat, animi dubius erat, quid Societate
faceret: qua de ſiniſtros in vulgus rumores
ſparſerant, vt ſolent haeretici, in circulis,
& conciliabulis; famoſis ad haec libellis.
Et vero ita nunc comparatum eſt, vt in
aulis Principes verum non audiant, vbi
aſſentatorum, & paraſitorum (quos palatii
ſorices, tineasque Licinius Imperator ap-
pellabat) plena ſint omnia. Tandem vero

*Sex. Aure-
lius Victor
in vita Con-
ſtantini.*

L Fran-

Francisci Comendonis opera (qui Apostolicae sedis Nuncius in Polonia, post etiam purpuratus est Patribus adscriptus) Rex metu liberatus est, honorifica de Sociis praedicatione: necessarios cum rebus publicis omnibus, tum iis potissimum exsistere, quae temporum vitio sectarum labe, & opinionum monstris infectae sint. Catholicos enim confirmant: aduersarios refellunt: incolarum denique liberis pie, honesteq; educandis mirifice profunt: qui cum ciuitatum sint Seminaria, in eius aetatis institutione posita videri omnia, spemque sitam constituendi optimi ciuitatis status, & quod rei caput est, Religionis maiorum. His sermonibus, vt a pio viro profectis, assensus Rex, animoque erectus, & rei diligentius veritate explorata, Vilnense Gymnasium vniuersum Societati attribuire instituit: vt sectariorum, quae tum pestis ibi grassari coeperat, audaciam, seditiones, atque tumultus infringeret. Pius IV. Pont. Socios eo mitti, Rege postulante, iubet. At Vilnae Palatinus vir quidam, domi nobilis, & potens, sed Ariana labe aspersus, arma contra tulit; nec prius deposuit, quam victus, more maiorum; poenas dedit. Pacis itaque tempus in bellum, secessionemque vertit, resque de Vilnensi Gymna-

Gymnasio dilata est: cuius in locum Pul-
touiæ, quæ Prouinciæ Mazouiæ regni
Poloniæ ampla vrbs est, nouum Colle-
gium Sociis institutum, bona cum Regis
venia, qui regiis comitiis honorifico diplo-
mate, quod in manibus est, Societatem
ornauit. Anno sequenti Vilnae Collegium 1565
institutum: mox & Iarossauia: deinde
Posnauia. Qua tempestate parebant vni
Prouinciali Praefecto Austriae: qui statis
anni temporibus ea collegia lustrabat: ve-
rum quod vasta ea Regio obiri commodè
non posset, crescente indies Collegiorum,
collegiarumq; numero, Poloniae regnum
Prouincia facta. Accesserat enim Colle-
gium ad ea, quæ in Moscouiæ finibus sita,
proxime recensui, & Rigense in Liuania.

CAPVT IX.

Varia item variis in Prouinciis constructa Collegia.

APVD Hispanos item Collegium in
Baetica Marchenae in oppido exci-
tari coeptum a nobilissima matrona Maria
Toletana, vxore Ludouici Poncij Leonij,
Ducis Arcos. erat eadē soror Antonij Cor-
dubae, qui Societati pridem se addixerat.
Tanto igitur studio hoc agebat, vt euoca-
tos Socios suorum commodo colligeret,
vt aedificando Collegio mundum etiam

- muliebrem omnem venderet; redactamq;
 pecuniam alendis Sociis aedificioque im-
 penderet. Templum ibi satis magnifice
 conditum, domusque ampla: in qua, quia
 multorū capax, Baeticae prouinciae Con-
 uentus Sociorum tertio quoque anno ha-
 bitus saepenumero est: in gratiam Rode-
 rici Poncij Leonij, & Teresae Zunigae
 coniugium, Ducumque Arcos: qui veluti a
 maioribus relictam in DEVM pietatem,
 Sociosque studium, cum ipsa haereditate
 adiisse videntur. Hoc ipso tempore Toleti
 Carpetanorum, Sociorum coetus, e Col-
 legij iure, in domus professae formam
 1567. transit. Proximo anno Pintiae Vaccae-
 rum ex Collegio, temploque S. Antonij,
 domus item Professorum Sociorum con-
 stituta: Collegis ad D. Stephani portam
 migrantibus, quod antea Ambrosij Colle-
 gium dictū, coemptis aedibus beneficentia
 nobilis matronae Maioris Biuerdae. An-
 1568. no post secuto, in Carpetanis, Carauaccae
 in oppido Michael Reynus, vir opibus cla-
 rus, pro singulari in Socios studio, bona
 omnia testamento legauit Collegio Sociis
 exaedificando: hoc addito elogio mode-
 stiae pleno: *Si quis tantundem adderet, & auctius*
opus faceret, fundatoris se nomen, iusque ei conce-
 1569. *dere.* In ea ipsa regione, anno insequenti
 Segurae

Segurae montium, hodie *De la sierra* indigenae vocant, Christophorus Rodericus Moya, duabus virginibus Catherina Diaz, & Francisca Auiles, ex se natis consentientibus, sua item liberaliter Sociis assignavit: eo potissimum consilio, vt Collegio exstructo, ea ora satis inculta, litteris coleretur simul & moribus. Et haec quidem tunc in Hispania gesta accepimus.

In Gallia conditum Auenione Collegium: quae eius regni urbs est Pontificia. Anno quinto, & sexagesimo, Virodunum 1565. Socij in Collegium, tanquam in coloniam, primum missi; euocante eius urbis Episcopo, e familia Praemonstratensi. Cambერიense item Collegium inchoatum: quae urbs metropolis est Allobrogū. In Austria Prouincia iacta tum fundamenta Collegij Olomucensis, in Morauia regione, sumptibus Doctoris Guilielmi, qui Praesul eam tenebat. Anno proximo Spiram Nemetum 1566. Rhenana in prouincia, quam tunc Hieronymus Natalis obibat, euocati primum Socij beneuolentia, & amore nobilis, insignisque Collegij Canonikorū: in primis auctoritate pij, ac nobilis viri Andreae ab Oberstein, Ecclesiae Cathedralis, vt vocant, Decani. Hic vir ad generis claritatem tanta est grauitate, pietate, ac virtute, vt

merito lumen, & exemplū Ecclesiasticae disciplinae dici possit. Cumque temporum, ac locorum angustiis tam pio desiderio remora obijceretur, euicit tamen sententia, vt, quamuis pauci, ac tenuiter, alerentur tamen nostri. Sed fundata Societas piorum liberalitate nonnihil creuit, tantumque sua opera domi, forisque praestitit, quantum ab optimo quoque potuit expectari. Neque hic stetit honorati illius, ac nobilis Canonorum Collegij officium. Vrbe enim pellendi Socij cum essent eorum opera, qui deprauatarum opinionum aestu abrepti in alia omnia discesserunt, intercessere illi, inprimisque honorandus, ac nobilis, quem dixi, Decanus, contraque nixi, Maximiliani etiam Caesaris auctoritate peruicerunt. Quin & membris additis amplificare domum, quo maior indies seges spiritalibus exercitationibus colligatur, student. Herbipoli, in ea ipsa Prouincia, anno millesimo quingentesimo sexagesimo septimo, Fredericus Herbipolitanus Episcopus, accitis ex Italia Sociis, vacuum monasterium Beatae Agnetis attribuit: qualia multa in Germania coenobia, pro dolor, videas. In Turolensi comitatu biennio post, conditum Collegium Halense, auspiciis, & pietate Augustarum

filia-

filiarum Ferdinandi Caesaris, Magdale-
 nae, & Helenae e gente Austriaca: quae se
 virgines D E O deuouerant, eoque se ab-
 diderant, Sociis, tanquam pietatis admini-
 stris, vsae perhumaniter. Bona item cum
 venia Subalpini Reguli, Augustae Tauri-
 norum, quae metropolis Allobrogum est,
 vir locuples Collegium Sociis aedificat: in-
 choatum quidem anno CIO. IO. LXIV.
 ante quam F R A N C I S C V S Praeposi-
 tus generalis crearetur; sed triennio post
 profecti Socij, & in possessionem legibus
 missi. Brixiae item, quae Venetae ditionis
 vrbs est, e paruis principiis magnum breui
 Societas sumpsit incrementum. Sacerdos
 enim Brixienfis domi nobilis, Sociis prae-
 dem vsus familiariter, (quibus etiam ad-
 scriptus, vt optabat, fuisset, nisi valetudine
 incommoda vsus foret) communia cum
 Sociis officia exercere: aures paenitentibus
 dare, hortari ad pietatem, aegrotos inuise-
 re, cetera id genus exsequi. Affeclas, vt
 fit, mox reperit ad triginta, qui vni illi re-
 uerenter parebant, nullis tamen Religio-
 forum hominum votis astricti. Res item
 publica Brixienfis duo iis templa attribuit,
 D. Antonij alterum, alterum Calera no-
 mine. Verum disciplinis non satis excul-
 tis, & idcirco de superiori loco concionari

168 DE VITA FRANC. BORGIAE
prohibitis, optimum visum omnibus, So-
cietati se adiungere: bonis etiam Fortunae
in commune collatis. FRANCISCUS non
inuitus accepit; quin & DEO gratias egit,
quod tantam, tamque brevi tempore mes-
sem, iis in locis, quibus maxime opus esset,
attulisset. In ea ipsa prouincia tironum do-
mus Societatis Nouillariae, Comitum eius
ditionis beneficio, a fundamentis eo ipso
nono, & sexagesimo anno excitata.

1569.

CAPVT X.

*Socij vndequadraginta in Brasiliam Indiae profi-
ciscetes ab haereticis interempti.*

NEC vero Collegiis duntaxat propa-
gata Societas, nec Europae finibus
circumscripta; in Indiam iterum profecta
est, & loca illa solitudine vasta, barbarie,
& immanitate inculta, fuso sanguine irri-
gavit. Vt enim recens planta agris infixæ,
aqua rigari solet ab agricolis, donec altæ
egerit radices, tum ventos contra, atque
tempestates immota consistit; sic & nas-
centem DEVS Ecclesiam martyrum san-
guine, admirandisque operibus fouit, dum
adoleceret; vt corroborata aduersus ty-
rannorum vim, haereticorumque insidias,
duraret. Scitum illud Tertulliani, Mar-
tyrum sanguinem semen esse Christiano-
rum.

rum. *Plures, inquit, efficimur, quoties merimur a vobis. Semen est sanguis Christianorum.* Euentus *Apologetico extremo.* id verum esse nostra tempestate declarauit, cum Socij in vltimas vsque Indiarum terras Euangelium intulere. Accipite nunc breui vndequadraginta Sociorum necem, dum in Brasiliam, fidei propagandae, quae Occidentis Indiae pars est ampla, & potens, profiscuntur. Miserat FRANCISCVS Portu Calensi eam in oram Ignatium Azeuedum Lusitanum, vt genere, sic & pietate insignem: vt Sociorum illic obiret Collegia, quaeque opus essent, amplificando regno CHRISTI, & Euangelicae praedicationi, diligenter inspiceret. Qua in re fidem, industriamque facile omnibus probauit: cuius vt ratio FRANCISCO, tanquam Societatis capiti, constaret, Romam versus profiscitur. Hic segetem quidem magnam esse bene narrat, & ad messem albam, operarios vero paucos. Igitur FRANCISCVS iubet prouinciae illius praefectum eo redire, & ex Hispania comites colligere, ac trajcere in Indiam, qui se sponte offerrent. Permissum item tiro-nes aliquot Societatis candidatos, qui ad eam se expeditionem vltro darent, in Societatem transcriberet, secumque duceret. Compertum enim adolescentes pietati ad-

L 5 dictos,

170 DE VITA FRANC. BORGIAE
dictos, linguis perdiscendis aptiores: caeli
item, solique genio, & alimentis melius
assueſcere. Collectis igitur ad vndeſeptua-
ginta Sociis, tribus eos nauibus diuiſit,
quod vna omnes ſimul vehi, incommo-
dum videretur. Quattuor ſupra quadra-
ginta ſecum Ignatius praetoriae impoſuit.
Alteram Petrus Dias ſacerdos cum aliquot
Sociis conſcendit: tertiam item reliquit.
Clasſi, ſeptem onerariis nauibus inſtru-
ctae, praerat Ludouicus Vaſconcelus,
nobilis Luſitanus, manu promptus, & ſtre-
nuus, cum imperio in Braſiliam miſſus:
laetus vehementer tot, tantorumque So-
ciorum contubernio. Illic enim quiete, non
ſecus atque in Collegiis, & amice agita-
bant. Domesticas pietatis exercitationes,
orandi, ſeiſpoſ excutiendi, & legendi reli-
gioſe ſeruabant: ad nauales Socios, nau-
taſque, & milites, is quoque fructus redun-
dauit. Informati enim ad pietatem: ſiniſtris
verbis abſtinere iuſſi ſunt: libri item impu-
dici, & otioſae fabulae manibus excuſſae;
pro hiſ pijs libelli reſoſiti, & piaculares or-
biculi, & Agni caeleſtis effigies. Ventum
tandem eſt in Materiam Inſulã. Hic prae-
toria nauis, quam Ignatius conſcenderat,
ab aliis deflexit, Palmamque in Inſulam,
vnam e Fortunatis, cucurrit. Diſceſſuros
primum

primum ad se Ignatius Socios vocat, auguratusque, quod euenit, fore; vt in haereticorum Piratarum manus inciderent, optionem omnibus dedit, vt si quis ex eo numero mortem pro CHRISTO oppetere detrectaret, in Materia Insula maneret. Qui constantes perdurarent, Sacramentis Ecclesiae muniti, sese morti compararent. Quattuor dumtaxat cesserunt metu, non satis ad mortem parati. Quadraginta confessione rite expiati, sumptoque pane caelesti, peruigilio Principum Apostolorum, ministrante Ignatio, qui & Agni cereas imagines, Sanctorumque reliquias, Roma allatas, diuisit, hilares conscendunt: amplexi inter se alios, qui cum Petro Dias altera naui vehebantur: quasi praesagientes fore, vt postremum inter se complecterentur. Fortunatis iam insulis digressis, vnus, & frequens de martyrio sermo erat, vt eam mortem votis exoptasse viderentur: vt hoc tanquam celeumate prouecti Socij, non procul Palmensi portu conspecti quinque piratici myoparones, quos Iacobus Soria nobilis pirata ductabat: qui Calviniana labe aspersus, in Catholicos infestissimo odio incurrebat. Rostrata statim inuectus accurrit, armata probe omni genere tormentorum aeneorum. Ignatius vero,

vero, quod animo praesagisset, suggerente DEO, verum esse mortis periculum comperit. Adhortatus itaque ad pugnam omnes, constantiamque vectores, victores fore pollicetur, siue morte occumberent ab haereticis trucidati, siue vincerent hostes. Imaginem itaque B. Virginis Roma allatam ea forma, qua S. Lucas pinxisse creditur, manu tenens, ad Sociosque conuersus, (qui Sanctorum litanias cum lacrymis recitabant, opemque diuinam, mortem oppetere parati, implorabant) sic forti animo postremum appellat. *Hodie omnes, fratres dilectissimi, ita mihi cor salit, vita migrabimus, diuinisque in caelo epulis perfruemur cum CHRISTO, & B. VIRGINE, ceterisque caelilibus. Praeclarior certe nobiscum agetur, caeli, quam Brasiliae portum tenentibus. Orationi itaque intenti, ad mortem nos comparemus, quando hunc nobis postremum illuxisse diem credo.* Interea praetoriam Lusitanam pirata oppugnatam, non tamen suorum sine sanguine, inuadit: cognito Iesuitas (sic enim nostros plerique vocant) naui portari, ad vnum omnes contrucidari iubet. *Pereant, inquit, pereant Papi-stae, qui falsam Brasiliae doctrinam important. Quamuis paulo ante sacerdotibus, & B. Francisci monachis captis, vitam condonasset, (sic enim Piratae loquuntur, quoties a caede*

a caede temperant, quam per vim, nefasq;
grassando inferre possent) Sociis tamen
minime pepercit, licet tironibus adhuc
plerisque, & adolescentibus. Propius cum
accessisset, vocem intendens: *Praecipitentur,*
inquit, *in mare omnes illi Iesuitae, Papistae, hostes*
nostri acerrimi. Nec mora: milites duci non
dissimiles, & haeretici, Socios inuadunt,
tritis vestibus exspoliant, vulnera pugioni-
bus infligunt, iis primum qui raso vertice
sacerdotes agnosceretur. Plerique in mare
praecipites dati, brachiis manibusque, ne
qua enatandi spes esset, truncatis. Ignatius,
quod animum singulis adderet hortando,
& vrgendo, in capite vulnus accipit, vt
fissum dissiliret. Hic iminotus mortem ope-
riens, tribus confossus lanceis vociferando
cadit. *Testes,* inquit, *appello mortales, & Angelos,*
ne pro fidei Catholicae Romanae professione occum-
bere: a qua ne latum quidem vnguem resiliendum
puto. Sociosque respiciens: *Filioli,* inquit,
mortem ne expauescite. Imaginem Deiparae
manibus eripere haeretici frustra conati
sunt. Benedictus Castrus, imaginem & ipse
CHRISTI de Cruce pendentis, dextera
praeferens, tribus glandibus ictus nondum
concidit. Igitur ferro punctim, caesimque
confodiunt, & semivivum naui deturbant.
Emmanuel item Aluarum in facie vul-
nerant,

174 DE VITA FRANC. BORGIAE
nerant, tabulato affigunt, brachia, ceteraque;
confringunt, ossa collidunt: utque lentius,
& diuturnius mortis genus esset, exstinctum nolunt. Mox animam agens in maris
fluctus praeceps datus. Ceteris ad imaginem
genibus flexis, in rabiem acti haeretici,
gladiorum capulos capiti Blasij Riberae
illidunt. Quo ex vulnere consternatus,
perit. Petro vero Fonsecae miles os pugione
confodit, maxillamque soluens interimit.
Didacū Andradam presbyterum, qui Ignatio
succenturiatus erat, confessionibus aures dantem,
Sociosque hortantem, pugionibus confossum
in pelagus praecipitant: cum diceret: *Pugnemus, Socj, fortiter,
sanguinis prodigi: CHRISTI enim sanguine redempti sumus.* Haec dum strages fieret,
languebant ex morbo, taedioque nauigationis
Gregorius Scribanus, & Aluarus Mendez.
fallere itaque, & latere potuissent aegroti,
si animo libitum fuisset. At occasionem,
palmamque martyrij minime praetermittendam
rati, in pedes ultro defiliunt, iniecta-
que veste seminudos se, iugulumque offerunt.
Simon a Costa, quod corporis dignitate,
generis quandam nobilitatem praefere-
ret, archipiratae a militibus oblatus,
interrogatusque a Soria, Iesuita ne esset?
quamuis inficiando effugere, & dilabi potuisset,

tuiſſet, mori tamen, licet nuper admodum Societati nomen dediffet, pro Religione maiorum maluit, quam deſertor videri. Indignatus pirata in oculis iugulari, & in mare proijci praecepit. Nouem igitur, & triginta Socij ſic occubuerunt, feliciter, Idib. Quint. anni C I O. I O. L X X. Singulorum nomina recenſebo. Ignatius Azeuerus Prouinciae praefectus, Didacus Andrada, Antonius Suarez, Benedictus Caſtrus, Ioannes Ferdinandus Olyſſiponenſis, Franciſcus Aluarus Couillius, Dominicus Ferdinandes, Emmanuel Aluarus, Ioannes Mayorga Aragonius, Alfonſus Vaena Toletanus, Gonzalus Henricus Diaconus, Ioannes Ferdinandus Bracarenſis, Alexius Delgadus, Ludouicus Correa Eborenſis, Emmanuel Rodericus Alcorchetius, Simon Lopez, Emmanuel Ferdinandes, Aluarus Mendez, Petrus Munnos, Franciſcus Magalunius, Nicolaus Dinyus Brigantinus, Gaſpar Aluarus, Blaſius Ribera Bracarenſis, Antonius Ferdinandus Montis Maioris, Emmanuel Pachecus, Petrus Pontaureus, Simon a Coſta, Andreas Gonſaluus Vianius, Amatus Vaſquius, Didacus Perez Miſceus, Ioannes Baëza, Marcus Caldera, Antonius Correa Portuentis, Ferdinandus Sanches Caſtellanus, Gregorius Scriba-

176 DE VITA FRANC. BORGIAE
 Scribanus Logrunensis, Franciscus Perez
 Godoi Torrichius, Ioannes Zaureus Tole-
 tanus, Ioannes S. Martini Illescanus, Ste-
 phanus Zuraire Cantaber: qui simplicitate
 morum, & candore singulari cum esset,
 Placentia Hispaniae digressurus, sacerdoti
 nostro: *Laeto*, inquit, *profisciscor animo, certus de*
martyrio. Interrogatusque, vnde tam con-
 stanter id assereret: a DEO, qui ipsa Veritas
 est, reuelatum sibi respondit. Vnus Ioannes
 Sanchius periculum sic euasit. Dum ve-
 ctiores a Sociis pirata separat, & manus
 cuiusque, vestesque contemplatur, hunc
 vt pannosum, manibusq; callosis intuitus:
Tune, inquit, *coquus es Iesuitarum?* Affirmauit
 ille nihil perterritus: tamen quod iuuenis
 admodum esset, breuiorique veste ince-
 deret, & sibi coquendo vsui fore putarent,
 lanienae eripitur: delatusque cum illis in
 Aquitaniam: mox in fugam se domum
 versus dedit: DEO nimirum ita iubente, vt
 maiore fide, tanquam oculatus testis, rem
 gestam referret: quamquam non defuere
 & alij, qui fuga elapsi, eadem enarrarunt.
 Verum ne integro quadraginta Sociorum
 numero vnus deesset, DEI benignitate,
 veluti Felici olim Martyri Adauctus qui-
 dam, qui in Ioannis Sanchij locum suffe-
 ctus, eiusdem paene nomē induit, Sanctus
 Ioannes

In Marty-
rol. 30.
Augusti.

Ioannes vulgo appellatus, classis Lusitaniae Praefecti cognatus. Hic Sociis adscriptus non erat ab Ignatio: optabat tamen candidatus vehementer: quare ab illius latere nunquam discessit, Socios in omnibus piis exercitationibus imitatus, cum orando, tum meditando assidue. Hic ad caedem similiter destinatus, nihil tergiversatus, emori maluit, quam vt salutis aeternae opportunitatem amisisse videretur. Iugulatus itaque, & in mare deturbatus. Sic & quadraginta Martyribus, Sebaste, sub Imp. *2. Martij.* Licinio, quos Basilus, eiusque frater Nyssenus Gregorius, disertis sermonibus laudarunt, accessit vnus satellitum, custodiae adhibitus: ne quadraginta coronis in caelo spectatis vna deesset. Vectores hic omnes Soria liberos abire permisit, exspoliasse contentus: in Socios vero saeuit, non exspolians solum, verum etiam innocentes trucidans: quod & a puero haereticam immanitatem imbibisset. Ingenium enim Sectariorum est, eorum praesertim, qui se Calvinianos, & Puritanos iactant, vt in pios omnes Catholicos grassentur.

CAPVT XI.

Duodecim rursum Socij ab haereticis iugulati.

NEC ceteri huius nauigationis Socij a caede, perieulisq; immunes fuerunt: qui Petrum Diaz sacerdotem secuti, Materia in insula remanserant. Omitto taedia longae nauigationis, quindecim amplius mensium, atque pericula: de exitu agamus. Ad insulas maris Atlantici delati Badouentum, hinc ad S. Dominicum, mox Cubam, variis, foedisque iactati tempestatibus, ad Tertiam insulam tandem appellunt. Hic iactis anchoris, quatuordecim Socij, qui Petro Diaz commissi fuerant, conscenderunt praetoriam Ludouici Vasconceli. Is ceteras naues exarmatas relinquere coactus, vt male compactas, rimasque agentes, quod plerique aut fuga dilapsi essent vectores, aut morte obita desiderarentur, vnam instruxit, oramque soluit Tercera, in Brasiliam versus, postridie Nonas Septemb. anno CLO. IO. LXXI. Octiduum fere ventis ex voto spirantibus, longiusque prouectis, apparent vela myoparonum quinque. Ex his quattuor Gallus ducebat Ioannes Cadouilius, haeretica perfidia, & animo in Socios, piosque omnes, Iacobo Soria nihilo inferior. Vna Britanni piratae erant.

erant. Ludouicus, vt erat nauigandi peritus, cognito, id quod erat, periclitari omnes, ad pugnam hortatur: lignoque dato classicum cani, arma expediri iubet, & in verba sua sacramento adigit: vt se quisque, Fidem, Religionemque maiorum, armis ab haereticorum incurfu tueatur. Socij quoque blandis verbis suadent, si feliciter in hostem pugnare vellent, cum DEO prius in gratiam rite confessi redirent, a quo auxilium sperare iuberentur. Primus Ludouicus paruit, mox Nauarchus, ceterique ordine milites: datumque tempus sui colligendi. Nox enim, & tenebrae pugnam impediabant. Postridie eius diei vix dum illuxerat, praetoriam grauitur myoparonibus oppugnant, cinguntque obsidione. Obstant fortiter Lusitani, glandes mittunt; globos, & lapides in hostem iaciunt, manus conferunt, vi geritur res: vt multo sanguine steterit victoria, interemptis aliquot piratis. Coruis tandem nauem comprehensam conscendunt, captamque inuadunt. Ludouicus fortissimi Ducis functus officio, qua hortando, qua pugnando, binis plumbeis glandibus ictus, vulneribusque cominus confossus, concidit. Irrumpunt hostes magna vi: ignotum exuunt, praecipitantque in mare. Reliqui vectores, ho-

180 DE VITA FRANC. BORGIAE
stium potiti sunt. Mox cellam ingressi,
Franciscum Castrium, sacerdotem, qui
Nauarcho e vulnere animam agenti ade-
rat, auresque confitenti dabat, repertum,
multis ferri ictibus confodiunt, rabie agi-
tati: quod Paenitentiae Sacramentum in-
festo animo excordes oderint. Petrum
item Diaz iisdem occupatum officiis, qui
ad Castrium collegam laborantem aduo-
larat, cum Gaspare Goezio admodum ado-
lescente, qui a senis latere non discedebat,
immaniter iugulant. Vndecim, qui resti-
terant, Socij, inter se hortari, animosque
addere, ad fortiter pro CHRISTI nomine,
& orthodoxa fide occumbendum. Rapti
igitur pugnis, vulneribus, & contumeliis
affecti innumeris, tandem victis post ter-
ga manibus, cellulae inclusi, addita etiam
militum custodia. Michaellem Aragonium,
quod accepto secundum brachium vulne-
re, dum vincula neuntur arctius, inge-
muisset, apprehensum, vna cum Francisco
Paulo, qui latus claudebat, in altum detur-
bant. Nouem superstites noctem in vincu-
lis agunt, eorumque aures flagellant inte-
rim contumeliis, blasphemisq; in DEVM,
eiusque sponsam Ecclesiam. Lucescibat
iam, primaeque preces haereticorum in
aurora fusae, vt morti Socios addicerent,
tanquam

tanquam suos, vt pleno ore pronunciant, hostes Iesuitas. Igitur indicta caussa, lataque mortis sententia, antennis primum suspendere constituerant: post, auaritia ducti, quod magnam auri vim e Lusitania portari, templis in Brasilia aedificandis, putarent, cunctandum rati: vbi nihil repertum, hiantes, ac praedae spe decepti, immani, & plusquam barbara crudelitate innoxios pulsan, calcibus petunt, pedibus humi conculcant: canes adhaec, latrones, Papistas, DEIQUE hostes nominant. Socij vero, sicut oues ad lanienam ducti, ne verbum quidem contra hiscere, sed patienter ferre. In altum tandem praecipitantur. Duo natandi ignari, fluctibus ilico merguntur; quinque natandi periti inuicem adhortantes, iuuantesque, aliquandiu durarunt. illa tandem oratione ad DEVM fusa, *Tibi soli peccaui*, tres fundum petierunt. Didacus vero Ferdinandus, scapha piscatoria adnatando exceptus, naufragium euasit. Sebastianus Lopez, & ipse conspecto in obscura nocte lumine, nauigium accessit, sed frustra fuit: verbis contumeliosis ab haereticis acceptus, & in malam rem abire iussus; vt sunt haereticorum ingenia: receptus alia tandem nauicula, hominis paulo humanioris, & angulo, vesteque tectus.

Hi rem, uti gesta est, oculis inspectam narrarunt, periculis defuncti. Nomina vero duodecim Sociorum ex Annalibus recensbo. Sacerdotes quidem duo gregem ducebant: Petrus Diaz, & Franciscus Castrus. Fratres vero, Alфонsus Ferdinandus, Gaspar Goes, Andreas Pais, Ioannes Aluarus, Petrus Diaz, alter Ferdinandus Aluarus, Michael Aragonius, Franciscus Paulus, Petrus Ferdinandus, & Didacus Gondifalvus. Neque hic furor substitit, atque immanitas. Nam & in DEVM, Diuosque impij, non contenti Socios feris obieciſſe, monſtrisque marinis, reliquias etiam omnes Sanctorum, & imagines, cereasque Agni caelestis effigies, & piaculares orbiculos in fluctus spargunt, atque disseminant: quibus adminiculis Socij barbaras illas, & incultas Brasiliae gentes, delinire, & ad CHRISTVM allicere cupiebant. Quorum excessum idcirco retuli copiosius, cum ut consolationi mors sit piorum, & exemplum superstitibus exſtet: tum ut fidem maiorum hodieque etiam sanguine, qui clamat ad DEVM, ut sanguis Abel, ſtabiliri, quisquis haec leget, vel audiet, intelligat. Interim FRANCISCVS, ut vnde digreſſi ſumus, eodem reuertamur, accepto hoc tristi nuncio, mortem Sociorum

gratu-

gratulatus, qui fortiter, constanterque occubuissent; Indorum vicem miseratus est, qui talibus verbi ministris, haereticorum opera, ac beneficio, priuati essent. Sanguinem itaque fustum DEO acceptum libens referre, veneransque precari, eundem sibi, ceterisque Sociis animum, mentemq; daret. Felices etiam saepenumero appellauit, qui bona, caput, omnia denique CHRISTO impendentes, hinc emigrassent, vitaeque miserae calamitates effugissent, feliciter.

CAPVT XII.

Collegia Societatis passim aedificata.

ET hi quidem Socij sanguine viam sibi ad immortalitatem munierunt: eorum caedes adeo alios non deterruit, vt plures etiam in dies Socij id ipsum votis expeterent. Nec Sociorum duntaxat numerus creuit, sed & Collegiorum magna eo ipso tempore facta accessio est. Nos ordine pleaque, locorum & temporum, quoad eius fieri potest, habita ratione referemus. Igitur apud Lusitanos, vt ab vltimis terrae finibus auspicemur, Reges illi singulari in Societatem studio, & beneuolentia, (quam & recens ortam munifice complexi sunt, & e patrio solo, Indiarum in remotas re-

giones transtulerunt) insulis Materiae, & Tertiae Collegia Sociorum, magno insularum commodo, excitarunt. Optabant enim pij Reges non tam suum, quam CHRISTI Regnum proferre: suosque, depulsis iam errorum tenebris, Christianae Religionis praeceptis imbui, vnaque cum nutricis lacte imbibere pietatem. Anno itaque opinor CLO. ID. LXX. in Materiam Rector cum Sociis aliquot conscendit Emmanuel Sequeyra. Angram vero, quae metropolis est vnus insularum Tertiae, primus proficiscitur Ludouicus Vasconcelus. Rex e publico stipendium alendis Sociis, quod satis esset, assignauit.

Eo ipso tempore in Baetica Collegium Baëzanum his ortum principiis. Eluira Auila, matrona nobilis, testamento sua legauit alendis Sociis. His accessit, Collegij S. Iacobi, a Compostellano diuersi, reditus, quod a Didaco Carillo Caruacalio non satis fundatum, non habitabatur. Patronorum itaque voluntate, vt vltima testatoris rata voluntas esset, Pontifex supplici libello rogatus, Societati attribuit. In Toletana Prouincia per idem tempus Huetenense Collegium habitari coeptum, triennio quidem ante inchoatum: quo anno Stephanus Ortisius, Sacerdos diues, patriiue commodi
in pri-

in primis studiosus, moriens sua, Sociorum alimento, incolarum beneficio, reliquerat. Apud Siculos item Calataierone (id oppidum insulae vmbilicum tenet, opulentia clarum, & frugum messe) Socij acciti domicilium habere coeperunt, & ex aerario ali; fructum animarum tanquam manipulos relaturi. Redeo in Hispaniam; in Castellana provincia, Legionense Collegium instituit, dotauitque Ioannes Sancti Aemiliani cognomento, eius vrbis Episcopus, singulari vir & castimonia, & vitae austeritate. Propositum enim Praefuli innocentissimo, ex Tridentinae Synodi iussu, egenos alumnos ad Sacerdotij dignitatem informare, qui iam natu grandiores, in Domini vinea colenda, laboris in partem venirent. Quae spes eum non fefellit. Dicit enim vix potest quanto studio, sopita illis locis ingenia, extinctosque igniculos, Socij docendo, & concionando, excitarint. Malacitanum Collegium Baeticae Provinciae, eo ipso anno coeptum, liberalitate Francisci Blanci, Episcopi. Hic olim Oritanus Episcopus, Montis regalis Collegium Sociorum Provinciae Castellanae, alimentis auxerat: nec his contentus fuit. Archiepiscopus enim creatus Compostellanus, Sociis ibidem domum sua pecunia

186 DE VITA FRANC. BORGIAE
exaedificauit : Sociosque qui Salmanticae
in sacra studia incumberent, liberaliter fo-
uit. Vetus nimirum Sociorum patronus, ex
quo Tridentino e Concilio in Hispaniam
Episcopus reuertit. Villagarziensis domus
Tirones Socios informat, perficit vetera-
nos. Hanc nobilis, vereque generosa ma-
trona Magdalena Vlloa, a fundamentis
ingenti sumptu aedificandam curauit: par-
tim auctoritatem secuta coniugis morien-
tis, Ludouici Quixadae, qui Praeses Indici
Senatus, dum vixit, fuit, & a consiliis inti-
mis Philippo Regi Catholico, eiusque op-
pidi dominus: partim vt incolarum liberos
optimis disciplinis, Sociorum opera, mo-
ribusque imbueret. Id quidem vltimum
Collegium FRANCISCVS in Hispanica
profectione, qua de infra dicetur commo-
dius, admisit, probauitque. Illa vero matro-
na, summo pietatis studio, alterum Oue-
tense Collegium Sociis exstrui iussit: eo
solum consilio, quod omnem illam Astu-
rum regionem cultura, litterisque indi-
gere audiuiisset. FRANCISCVS in ea ipsa
Hispanica legatione, anno, qui fuit ei vlti-
mus, CLO. IO. & LXXII. in Gallia, Bur-
digalense Collegium ciuitatis sumptibus
exstrui permisit, Sociosque missurum se
recepit. Alterum item Niuernense, bene-
ficio

ficio coeptum Ludouici Gonzagae, eius
ditionis Reguli. Ea tempeſtate in Lotha-
ringia Collegium Muſſipontanum institu-
tum, liberalitate Caroli Lotharingi, Cardin-
nalis ampliffimi, hominis ſumma pruden-
tia, antiqua fide, egregia doctrina, prope
ſingulari eloquentia excellentis : quibus
artibus egregie Catholicam fidem ſemper
defendit : omnique adeo familiae Lotha-
ringicae, & Guifiae, laus ea propria, ac
paene ſingularis, (ſanguinis enim prodigi
ſemper exſtiterunt) vt orbi teſtatum reli-
querunt. Multum ſane viderat prudens ille
vir, Gymnaſium hoc, tanquam molem,
murumque obijci oportere, haeretico-
rum audaciae, atque tumultibus. In Ger-
mania, Rhenana in Prouincia, Fuldenſe
inchoatum Collegium Societati Abbatis,
Principiſque Imperij Balthaſaris ſumptu
aedificatum. In Polonia quoque tum Po-
ſnanienſe ab vrbis Antiftite institutum. In
Austria Prouincia, Brunae, quae in Mora-
uia ſita vrbs eſt, tironibus Sociis e publico
domus data. In Italia vero, in Prouincia
Inſubrum, altera tironum domus Aronae
attributa a Carolo Borromeo, Cardinali
ſanctiſſimae vitae, qui & Mediolanenſis
Collegij auctor exſtitit : quod quidem do-
micilium, cum ad ſancti Fidelis aedem
ſacram

188 DE VITA FRANC. BORGIAE
sacram esset, vertit in domum Professo-
rum Sociorum. Collegiumq; inde, Brera-
num in templum transiit. Humiliatorum
olim ea sedes fuerat; quam Religionem
Pius V. ea fere tempestate exstinxerat, So-
ciorumque vsui attribuit: hodieque possi-
detur magna ciuium voluntate simul &
fructu. Et haec quidem triennio condita a
FRANCISCO Collegia memoria repeto,
nisi forte, vt sunt res humanae, quaedam
nos fugerunt.

CAPVT XIII.

Summo se magistratu abdicare conatur

FRANCISCVS.

HIS fere occupatus, magno Ecclesiae
commodo, & Societatis, FRANCI-
SCVS tenebatur: tamen, qua erat animi
demissione, atque modestia, cum ceteris
satisfaceret omnibus, sibi ipsi nunquam:
magistratu abire, seque abdicare decreuit:
sperans fore, vt si eadem alter potestate
polleret, maiores Sociis fructus adferret.
Tum se annis fessum, labore fractum, &
morbis variis obnoxium. Onus sibi ad haec
gravius in dies magis, magisque impende-
re, & in tanta Collegiorum Societatis ac-
cessione auctum iri laborem. Molestum &
illud, negociis se quasi immersum quotidie
emer-

emergere non posse, ac veluti Euripi aestu abripi, variasque in partes distrahi: quo fieret, vt orationi sacrae, in his temporis angustis, operam dare commode non posset: qua vna mentis exercitatione, diuinoq; alloquio, nihil esset illi aut antiquius, aut iucundius. Memoria repetebat, qui eundem magistratum antea gessissent, Ignatium, atque Laynem, idem olim tentasse. Ignatium etiam optionem alterius Praepositi Generalis creandi Sociis dedisse. Illi, inquit, praestantissimi viri, tot, tantisque dotibus a DEO ornati, vitae innocentia, & sanctitate praestantes, cum leuius adhuc munus hoc esset, administrandae Societatis, (quorum tamen ne umbram quidem consequi, etsi maxime coner, possum) idem tentarunt: itaque & mihi longe illis inferiori, hoc praesertim tempore, quo nimium quantum hic labor excreuit, forsitan ex voto succedet, quod opto. His fere rationibus in eam sententiam ingressus FRANCISCVS, re diu multumque deliberata, DEOque sacrificiis, & orationibus consulto, Patres, qui assistere in deliberationibus solerent, conuocat: quid cogitasset, fixumque haberet, aperit. Propositum est, inquit, Societatis conuentum indicere, de nono generali Praeposito deligendo: senex enim iam, fessaque aetate, & infirmo corpore, laboribus item fractus, rebus gerendis publicis non satis idoneus videor:

videor: neque puto hoc a me diutius ferri onus posse, magnum, sane, & graue. Vel Romana negotia satis sint, quibus obeundis succumbam. Quod si sanctissimis viris, Ignatio, & Layni, quibus cum ego nullo modo conferendus, idipsum attentare licuit; quanto aequius mihi concedi, quem corporis iam, animique vires deficiunt. Rem igitur arduam, aequa lance expensam, DEO que auctori commendatam, quod vertat bene, nunc etiam vobis, Patres, proponere libuit. Qua in re ut auctores sitis, etiam, atque etiam oro. Quo fiet, ut iam defessis nobis, integer succedat, qui & velit, & possit communem Societatis rem tractare. Erit sane id e re Sociorum omnium, & per mihi gratum, ad DEI que maiorem gloriam. Equidem tempus colligendi mei, affecta hac aetate, iure postulo, ut morti, quae vestigiis imminet nostris, liber a curis, atque negociis, rectius me comparem. Sic ille. Patres contra sermonem refutare: hac de re, quae Societati fraudi esset, silere iubent: studium quidem laudant colligendi sui, re tamen exequi velle, id damnant; nec DEO, hominibusque volentibus futurum, quibus ille auctoritatem dedisset, quosque iuisset plurimum, magno Societatis incremento. Hi vero administrandi etiam formam, rationemque, illius, quem elegerant praepositum, vehementer ad eam diem probarent, in oculis ferrent, & obseruarent. De orationis studio, & ad mor-

tem

tem praeparatione, sic haberet, plus illi meriti accessurum, si DEVM orans, plurimorum etiam commodis inuigilaret, quam si in vnā precationem priuatus incumberet. Mortem ad haec recte factis, plurimisque bene de aliis merendo officijs, tutius expectari. Et vero Imperatoris iniussu, militi de statione decedere non licere: DEO itaque pareret. Ad exempla quod attinet, Ignatium quidem, & Laynen optasse idem potius, quam sperasse. Neutrum itaque conuentum Socijs publicum ea causa indixisse. Persuasum enim illis, damno id Societati fore, & sumptui: denique quod peterent, non impetraturos. Idem denunciare nunc sese illi: animo itaque securo esse iubent, nunquam ipsum effecturum, vt quorum in illum vnum tot vota conspirarunt, iidem magistratu eundē abire sinant: pergeret porro constanter, vt adhuc, rectum clauum tenere. His rationibus, quod frustra obniti se animaduerneret, in praesens acquieuit.

CAPVT XIV.

*Profectio in Hispaniam, Galliamque Pij Quinti
Pont. iussu suscepta.*

DVM curis solui petit FRANCISCVS,
non modo excutere iugum non potuit,

192 DE VITA FRANC. BORGIAE
tuit; sed etiam pondus suscepit nihilo le-
uius, certe grauissimum. Iussus enim est a
Pontifice Pio V. comitem se dare Alexan-
drino Cardinali, agnato, in Hispaniam,
Galliamque ad Reges legationem obeunti.
Selimus enim Turcarum Imp. Venetis ea
tempestate bello indicto, Cypri regnum
arcta classium obsidione cinxerat; expu-
gnataque vi metropoli Famaugusta, & Ni-
cosia, quarum illa *Salamine*, vel *Tamassus* ve-
rerum putatur, Venetorum duces contra
fidem datam, vilitata ei genti barbarie, con-
trucidarat: quod fortiter se, remque publi-
cam armis defendissent. His victoriis ho-
stis, vt sit, elatus, Europae inhiare, iugulisq;
omnium imminere videbatur. Terror sane
omnes peruaferat. Pontifex, vt vere pa-
rens, & aduigilans gregi Pastor, Veneto-
rum precibus adductus, ad opem laboranti
reipub Christianae ferendam animum ap-
pulit. Quare in foedera concordiae Reges,
atque dynastas Europae vocandos censuit:
ne quid Respub. detrimenti caperet. Le-
gatum itaque Alexandrinum Cardinalem,
vna cum FRANCISCO Borgia, qui con-
siliorum particeps esset, quod & prudentia
polleret, Regesque affari, animosque tra-
ctare nosset, quam maturissime misit in
Hispaniam, vt Philippum Regem Catho-
licum.

licum, Gallorum Regem Carolum Nonum, Venetae, Pontificiaeque classi, belli foedere sociarent: quo coniunctis copiis, perpetuum, immanemque Christiani nominis hostem Turcam arce, atque repellere, & a vi prohibere possent. Omnes enim seruituti Christianos addixisse insolens victor dicebatur. Foedus (vt paullulum via deflectam) non ita multo post ictum, conductae copiae, & instructa classis est. Imperator dictus Ioannes Austriacus, qui & regiae tum classi in Italia praeerat. Pugnatum est Non. Octob. ad Echinadas insulas, & Naupactum, ad sinus Corinthiaci fauces, non procul ab Actio promontorio: vbi Antonium cum Cleopatra Augustus superavit. Turca ad internecionem caesus, paucis fuga dilapsis triremibus, vt mare etiam sanguine tinctum ruberet. In hanc ipsam belli naualis expeditionem, Socios complures Pontifex misit, quibus praefuit Christophorus Rodericus, doctor Theologus. Hi praeclaram in tempore naualibus sociis, militibusque operam nauarunt, qua hortando, qua aegrotos consolando. Collectis iam, & iter ingressuris, illud admirandum accidit. Cum Pij pedes osculantes, benedictionem postularent, sic appellauit: *Ite, & redite felices. Ioanni Austriaco, summo classis*

imperatori, laetum hunc meis verbis portate nuncium. Maſte animi, magne inuenis: & fortiter in hoſtem pugnare, manuſq; conſerere ne dubites, neue cunctando duſtes bellum, & bene gerendae rei occaſionem omittas. Cauere volo, abſit iibido a claſſariis, & in aleam ludendi cupiditas. Pugnandum eſt Duce, atque auſpice CHRISTO. Sic te victorem videam, DEI exercituum benignitate. Reſpondit optimi Pontificis vaticinationi euentus. Parta, non ſine ſanguine, victoria eſt, viſtrixque claſſis ouans rediit, hoſtium ſpoliis, in ipſo hoſtilis maris ſinu detractis, ditior. Signa adempta domum relata, templorum tholis appenſa, hodieque ſpectantur. Sed haſtenus digreſſi, ad noſtrum inſtitutum reuertamur. FRANCISCVM Pius accitum, amice compellat: ſe opera illius vti Reip. commodo velle. Poſſet ne integra valetudine in Hiſpaniam iter habere? Vnum illum comitem Alexandrino Cardinali deſtinaffe; vt Legatum re, conſilioque iuuaret. Dein, quae cum Regibus Galliae, Hiſpaniae, & Luſitaniae agi cupiat, ordine exponit: beneque proficiſcenti voce, cruciſq; ſigno precatus, ex A.D. quin&. Kalend. Quin&til. dimittit. Sextil. vero exeunte Hiſpaniam ſalui attigerunt, anno CLO. IO. LXXI. Ad Legatum in Gothallania, Regis Philippi nomine, ſalutandi gratia,

gratia, missus Ferdinandus Borgia, FRANCISCI filius, regiasque patri hasce litteras obtulit: *Ferdinandum Borgia ad Legatum Pontificis missurus, faciendum putavi, ut ad te quoque litteras darem: quibus certior fieres, tuas mihi redditas, postridie Kal. Quintiles datas. De duodecim Sociis in novam Indiarum Hispaniam ad disseminandum Euangelium mittendis, per mihi gratum fuit, & habeo gratiam. Laetus & ille mihi nuncius accidit, qui saluum te venisse in Hispaniam attulit, & videbo libens. Cetera Ferdinandus tuus a me referet, quem ad te etiam allegavi, cum salute, quam & abs te exspecto.* Ex D. Laurentij aede A. D. IIX. Kal. Septemb. CIO. IO. LXXI. Eodem fere argumento, paulo tamen copiosius, alteras dedit Didacus Spinosa, Episcopus Seguntinus, Consilij Regij Praefes, & Quaesitorum fidei princeps, Regi tum Catholico in paucis carus, acceptusque. Barcinone Valentiam profectis, occurrit Carolus Borgia, Gandiae Dux, filius natu maximus, magna clientum manu. Hunc proxime secutus Franciscus Borgia nepos, Valentinae nobilitatis flore stipatus. Genibus uterque accidens, ad Legatum a parente missus est: a quo solemni more benedictionem accepere. Veteres ad haec familiae clientes, domini memores, incredibili gaudio post tot annos aspiciebant.

Ille vero paucis Sociis, quos itineris comites habuit, salutantium turba digressus, & pompam declinans, furtim se subduxit, Valentiamque clam ingressus in Collegium Sociorum se recepit. Patriarcha mox Ioannes Ribera Archiepiscopus Valentinus, honoris gratia, FRANCISCVM inuissit, & licet quatrimum tantum ibi morari per negocia liceret, templi tamen suggestum vt ascenderet, ad populumque verba faceret, rogat. Mos gerendus erat honesta petenti, quamuis colligendi sui tempus non haberet. Huc tantus hominum concursus fuit, tanquam ad Panegyrium, & ad inusitatum spectaculum, Ducem verbi DE I Ecclesiasten agere. Aegre sane ad pulpitem perrumpere potuit: & incredibile, quanto studio in patrio solo auditus fuerit; vt & Gaudia ad illum audiendum, videndumq; frequentes confluerint. Madritum versus profectus, paululum via deflectens, Villaregiense Societatis Tirocinium adiit. Hic laete expectateque acceptus a Sociis, a Collegij item auctoribus, Ioanne Silua, ditionis domino, & Hieronyma Mendoza coniuge; utrosque alloquiis, piisque sermonibus delectauit. Madritum Carpetanorum vbi ventum est, Legato Rex honorifice obuiam de more processit.

processit: FRANCISCVM etiam humaniter complexus, & vt consiliorum socium Legato additum, libenter audiuit, omnibusque deliberationibus adhibuit. Re tota mox facile ex animi sententia gesta: Regi enim vere Catholico, rem per se necessariam, vt illa tempora erant, persuadere difficile non fuit. Priusquam Lusitaniam versus discederet FRANCISCVS, Regi Catholico, per Marchionem Dianij, generum suum, dono misit Crucis CHRISTI fragmentum: addita hac epistola. *Mitto ad te, magne Rex, muneri particulam illius Crucis, de qua DEI filius, redimendo generi humano, pependit. Reliquiarum haec praecipua augustissimo templo digna visa, quod nunc aedificandum curas DEO Opt. Max, eiusque Martyri fortissimo Laurentio. Deinde ad subleuandos Crucis labores, quos fers quotidie, tot regnis administrandis. Equidem peccator magni loco beneficij duxero, si me sacerdotum, ministrorumque tuorum aliquo esse in numero patiaris, deprecantem quotidie DEVM pro tua incolumitate. Sic ille quam diutissime superesse te velit Reip Christianae, vt tandem caeli beatitudine, vita, laboribusque defunctus persruaris. Mirifica Rex laetitia perfusus, & cum osculo Crucem veneratus, sua manu gratias FRANCISCO egit. Reddidit mihi gener tuus, Marchio Dianij, Crucis Dominicae particulam. Quam vero*

libenter acceperim, noli quaerere: cum per se: quid enim ligno illo preciosius? cum quia ipse, si quis mortalium, maxime indigeo Crucis praesidio, ut recte mones. Denique quia abs te profectum munus est, cuius in manibus maiores fructus referret; in meis haud scio quid futurum sit. Faxit ille DEVS, Crucis ut meritis non indignus videar. Tamen si non dubito, te cum Sociis omnibus, pro salute Regia quotidie, ut scribis, sacris operatum, deprecari eum, qui Cruci affixus nos redemit a tyrannide mortis aeternae, tamen ut idem constanter agas, iterum, atque iterum rogo: idque eo frequentius, quo magis necessarias mihi, Resp. administrandae, piorum preces cognoris. Salue, & Vale.

Tabulis vero actuariorum, & tabellionum testificatione, ostensum erat, verum id esse Crucis Dominicae lignum: Rex tamen FRANCISCVM subscribere iussit, idem sibi videri; cuius testimonium instar esset omnium testium. In aula regia, tot, tamque frequentes Principum salutationes fuere, ut ne respirare quidem integrum esset. Prouinciarum item Societatis Praefecti quamprimum aduolarunt; ut in commune consularent, & de re Societatis publica agerent: quos, dum, temporis angustiae patiebantur, audiuit, hilaresque dimisit. Collegia vero, qua iter haberet, libenter inuisit, ut Socios praesens

sens consolaretur, animosque diuinis sermonibus reficeret: hortareturque ad reliquum vitae curriculum conficiendum, donec e carceribus ad calcem peruentum esset, feliciter.

CAPVT XV.

In Lusitaniam, post in Galliam profiscitur.

HINC in Lusitaniam magnis itineribus, rei gerundae gratia, Legatus contendit. Occurrit in finibus, a Rege missus Theodosij Ducis Brigantini frater Constantinus: qui in Orientis Indiae regnis regia auctoritate Praetor fuerat: nobilis iuxta ac pius, singularique in Socios, quae propria eius familiae laus est, beneuolentia. Sebastianus Rex ad Oceani littus Legato obuiam processit, Dynastis omnibus stipatus, & equitibus, quo nimirum studio Pontificis Legatos accipere maiores soliti erant. FRANCISCVM quoque comiter habuit: Catherina item auia illius, & Henricus regni Princeps Cardinalis. Hic exposita legatione publica, priuata quaedam FRANCISCVS negocia, Pontificis, & Philippi Regis mandato gessit, ad exitumque perduxit. Madritum mox reuertuntur: paucosque dies ibi morati, in Galliam per Pyrenaeos properant, stipante, Regis iussu,

200 DE VITA FRANC. BORGIAE
 Ferdinando Borgia, FRANCISCI filio;
 vt qui gratulatum aduentum regia voce
 venerat, idem etiam discedentes profe-
 queretur. In regni limite Vale postremum
 dicturus, parentis manibus, facta re diuina,
 panem Angelorum edit: quod enim do-
 num a patre maius mortali in vita accipere
 filius potuit? Verbis deinde, lacrymisque
 appellat. DEVM, fili mi, time, & ama: in quo
 sunt omnia. Virtutem amplectere, & vitia, vt colu-
 bri faciem, fugito. Diuino honori potissimum consu-
 lito: cedant huius inanes mundi spes, atque deliciae.
 Galliam mox ingressis, non perinde tu-
 tum, quietumque iter oblatum. Militaribus
 copiis plena Aquitania, factionibus haere-
 ticorum, qui arma Regem contra ferrent.
 Cernebant hic inuiti, vt lacrymas non te-
 nerent, templa diruta, altaria profanata,
 coenobia solo aequata; faciem denique
 Reipub. deformatam. Catholicos ab haere-
 ticiis vi oppressos, vel patrio solo exactos
 audiebant. Vt yno verbo dicam, ardebat
 regnum olim florentissimum flamma bel-
 lorum ciuiliū. Spectanti haec FRANCIS-
 CO, animoq; quotidie versanti, eo maiori
 in dies dolori erant, quo magis zelo domus
 Domini ardebat. Et quia, vt a sapientissimis
 hominibus traditum accepimus, animus
 aeger, corpus quoque; & contra, corpus

animum

animum afficere solet: morbo rentari coepit FRANCISCVS, cui incommodo accessit & alterum; re enim diuina facta in templo semiruto, ventus languidum corpus vrgebat, cetera debilitatum longinquū itineris taedio: cum non satis firma pridem valetudine vteretur. Delati tandem aliquando, ineunte verno ieiuniorum tempore, Blesum, vbi Carolum eius nominis nonum, Regem Gallorum, Legatus reperit, & matrem Catherinam Mediceam. Vterque etiam FRANCISCVM humaniter accepit, libenterque audiuit, hortantem summa animi contentione, vt si regnum, olim florentissimum, cum esset idem & Christianissimum, saluum vellent, pro Catholica Religione omni ope ac viribus niterentur: cuius comes esset Pietas in DEVM, & Regum obedientia. Recens itaque exortas opiniones, tanquam incendium, statim exstinguerent. Alia id genus addidit, quae eodem tamen reciderent. Illi gratias agere, facturos se pro virili polliciti: orare interim, DEVM precetur FRANCISCVS, vt intestinum bellum, caelestis irae signum, a regno depellat. Rebus gestis, domum in Italiam reditum adornant. Mox in pagum incidunt postridie Kal. Februar. festo Purificationis die, qui B. VIRGINI

sacer est, & a Graecis Hypopante appellatur. Sacris itaque procurandis templum ingressis, parietibus, tectoque nudum apparet, & aram duntaxat lapideam superesse. Missae vero sacrificio carere FRANCISCVS nolebat. Hic grassante vento, laesum est infirmum per se corpus: utque tempestas frigida erat, frigore corripitur. Mox ardenti feбри ad languorem datus: & animus assiduo moerore est victus, moleste ferens DEI cultum, sponsamque Ecclesiam neglectam iacere. Secum enim identidem Regij illud Vatis repetebat: DEVS,

Psal. 78.

venerunt Gentes in haereditatem tuam: polluerunt templum sanctum tuum. Et cum Elia Prophe-

3. Reg. 19.

ta querimoniam instituit. Domine, reliquerunt pactum tuum filij Israel: altaria tua destruxerunt, & Prophetas tuos occiderunt gladio. Hanc ipsam auitae Fidei calamitatem decennio ante praedixerat FRANCISCVS, datis litteris ad Petrum Ribadeneyram, Societatis presbyterum, de Gallis iam tum turbantibus, resque novas molientibus.

CAPVT XVI.

Morbus FRANCISCI, & iter Romam versus.

MORBO correptus, cum pedibus insistere FRANCISCVS non posset, in Allobrogum fines propere delatus, in
loan-

Ioannis Morani oppido, vi morbi oppressus, haesit diutius. Regulus Allobrogum medicum statim cum aulicis allegavit, qui laboranti adessent, Augustamque Taurinorum aegrotum deportarent. Difficile id eo anni tempore fuit, quod Cottiarum alpium asperitas, vulgo *mons Cenisius*, superanda esset; effectum tamen. Hic omni pietatis officio habitus, ut prae verecundia, impetrare a se ipse non posset, quin, nulla habita aegritudinis ratione, quamprimū evolare vellet. Missionem itaque flagitavit, extorsitque ab inuitis, & repugnantibus. Vectus secundo Padi flumine, nauigio Ducis sumptibus instructo. Lectulo affixus, rem diuinam quotidie audiebat, panemque caelesti pascabatur. Octauus iam dies abierat, eodem flumine Ferrariensium fines attigit. Hic Alfonsus Estensis, Ferrariensium Dux, euestigio omnia, quae opus videretur, submitit. In urbem hinc delatus, vi morbi coactus, qui nihil remitteret, cresceret etiam magis, magisque, substitit inuitus: diesque complures moratus, omni officiorum, comitatusque genere acceptus domi est: ut parentis loco ducere FRANCISCVM viderentur. Nec tantum pharmaca undique conquisita, publice ad omnia Diuorum templa etiam vota concipi Dux iubet, supplica-

204 DE VITA FRANC. BORGIAE
plicationesque pro salute FRANCISCI indicit. Pie haec omnia, & officiose: cum quia sanguinis vinculo coniunctus erat: tum opinione sanctitatis. Euolare & hinc quamprimum, tanti impatiens officij, satagebat, constanterque Romam portari postulabat: cessit tamen Ducis precibus, & medicorum, Sociorumq; consiliis. Mortem animo praesagiens, Ducem, Sociosque obnixius rogat iterum, Romam quamprimum deferendū curarent, vt in Vrbe Sancta, Professorumque Sociorum domo, vbi maiores suos, Ignatium atque Laynem, exspirasse sciret, vita decederet. Victi tandem FRANCISCI precibus & ipsi cesserunt, praesertim cum & de salute medici desperarent. Igitur lectulo impositum, lectica Romam versus gestant. Illinc Lauretanā in aedem sacram infertur: sic enim moribundus postularat, vt Virgini Deiparae abeuntem animam commendaret, cuius visceribus DEI filius carnem induens in hanc vitam prodiisset. Mox crebra agitatione Romam festinans, noctes, diesque lecticae inclusus; tandem vbi Urbem se Romam ingressum cognouit, tendens in caelum manus, & oculos, laetus exclamat: *Nunc dimittis seruum tuum Domine.* Laetus, vitam sibi in Apostolicae sedis obsequio, & legatione amissam.

CAPVT

CAPVT XVII.

FRANCISCI *obitus.*

PI V S V. Pont. Legationis auctor, & foederis, vita prius abierat, quam domum FRANCISCVS reuertisset; sedemq; Apostolicam vacuum alteri reliquerat, qui Hugo Boncompagnius, post Gregorius XIII. est dictus. Quo factum, vt multa Pij consilia, de quibus cum Rege Catholico, Regisque ministris conuenerat, infecta permanferint. Accessit & illud incommodi, FRANCISCVM, ad desperationem medicorum laborantem, Romam venisse, paene depositum, animamque agentem. Vix enim biduum Romae fuerat, cum animam exhalauit. Optabat ille quidem, rei gestae in Legatione rationem Gregorio reddere; sed is Tiburi erat, duodeuicesimo ab Vrbe lapide. Ludouicum itaque Mendozium, Societatis presbyterum, ad Pontificem FRANCISCVS mittit, qui benedictionem moribundo, peccatorumque anteactae vitae veniam supplex postularet. Ille vero ac libenter indulgit, & ex thesauris Ecclesiae liberaliter hoc addito elogio, miserari se Ecclesiae Catholicae vicem. Magnam enim morte FRANCISCI iacturam facere, quae tali, tantoque ministro orba-

206 DE VITA FRANC. BORGIAE
orbaretur. Cardinales aliquot, & Regum,
Principumq; Legati salutatum officij gra-
tia, gratulatumque de aduentu accesserant.
At modeste ille: intempestiuum nunc vi-
deri. Darent itaque hanc veniam. Vni enim
DEO, vitae, mortisque arbitro, dandam
esse operam. Sacramentis Ecclesiae omni-
bus rite munitus, dum oleo sacro, de more,
migraturus inungitur, Litaniaeque recitan-
tur, ad singula ipse respondit pietate sin-
gulari. Patres a consiliis assistere soliti, illud
postremum rogare, vnum e corpore So-
cietatis, qui vices, interregni tempore,
digne sustineret, ex animi sententia pro-
nunciaret. Is reuit: quod neutrum eorum
qui antecesserant, Ignatium, & Laynem,
morti vicinum nominare voluisse memi-
nisset. Mox quietis audis, orationi se dedit,
ac meditationi: ductisque imo e pectore
suspiriis, spiritum DEO reddidit, pridie
Kal. Octob. qui dies B. Hieronymo an-
niuersario ritu sacer est; anno ClO. IO.
LXXII. paullo ante tertiam noctis vigi-
liam: annos natus cum esset duos fere, &
sexaginta. Conditus est in aede sacra ve-
teri domus Professorum: compositus cum
Patribus, qui eadem dignitate antecesser-
rant. Magna sane, multaque exstant merita
FRANCISCI in Societatem, siue priuatus
adhuc,

adhuc, siue cū imperio ageret. In Hispania enim, patrio solo, simul atque abdicatis bonis omnibus, & honoribus, Societati sese addixit, incredibile dictu est, quem de iē virtutis odorem, pietatisque solidae effuderit, aliisque affluerit. Exinde enim Societas ibi cognosci magis coepit, adeoque amari, vt certatim principes, Societatis sacerdotes euocandos, excitandaque Collegia curarint. Septem vero annis, quibus commissae illi ab Ignatio Hispaniae Prouinciae omnes, & Orientis Indiarū, plurima Collegia illi accepta referenda. Hic enim fundus, auctorque exstitit. Cum vero Generalis familiam duxit, in Atlantici maris remotas insulas, Materiam, Tertiamque; in Peru item, nouamque Hispaniam Indiarum, Socios primus tanquam in coloniam misit. Ex his etiam, magno post addito Collegiorum numero, locis adeo vastis, duae Prouinciae factae. Hinc igitur apparet, si recte rationem subducas, Ignatium ad Superos migrantem, duodecim Societatis Prouincias constitutas reliquisse: qui magistratum proxime excepit, Laynem, quinque adiectas stabiliuisse: duas denique FRANCISCVM addidisse: vt vnde viginti in vniuersum Prouincias viderit,

CAPVT XIIX.

Corporis forma, & mores.

ELEGANS in eo forma, corporisque dignitas imperio digna. Statura procerus erat, facie oblonga, candore simul & rubore temperata. Membrorum ei decens habitudo, corpusque compactum. Frons ampla maiestatem addebat: nasus item aquilinus, & longus: oculorum orbes grandiores, colore glauco: genae, & labia rubicunda. Adolescens obeso admodum, & crasso fuit corpore: verum post assiduis ieiuniis, ciborumque abstinentia a cena temperans, adeo se ipse maceravit, ut ventris cutem duplicaret, & togae instar pellem, quo vellet, referret; virem esse dixisses inanem. Ceterum etsi integris viribus, firmoque corpore esset, & sanguine abundaret, ea ipsa inedia, qua macilentior factus, ventriculum etiam debilitarat, valetudinemque laeserat. Quod humi prostratus horas aliquot plerumque oraret, humore hausto e terra, dentes illi vacillantes exciderunt, osque laesum. Inedia etiam caco stomachos vixit, dum saepe reiiceret cibos, & cruditate laboraret, ructus ederet assiduos, non sine dolore stomachi, & medicorum admiratione, qui morbi genus inso-

insolitū ignorarent. Et vero quamvis corporis vires affligerat nimia ciborum abstinentia, morum tamen facilitatem, candorem, animique hilaritatem auxerat. Ingenium viuudum quidem illi, sed maturum, quietumque : inens perspicax, propere quae vellet, suggerebat. Iudicium temperatum : memoria, thesauri instar, tenax. Honestis iam inde a puero, castisque moribus, vt leues homines fugeret facile, vitaretque parasitos, & assentatores. Sermo illi modicus, & breuis, de necessariis tantum. Oderat officiosa verba eorum, qui aliud pectore clausum, aliud ore promptum gerunt. Si quis illum coram laudaret, sermonem mature abrumpere, sed prudenter solitus, quasi aliud agens. Tametsi vero bene de omnibus sentiret, praedicaretque, paucis tamen arcana credidit: paucioribus diuinitus visa, sensusque animi, extra eum, qui a confessionibus erat, detegebat. Quorum autem fidem longo vsu, experimentisque probasset, his fidere suetus, & multa indulgere. Falli, quam male de aliis, & inique suspicari; accipere item iniuriam, quam facere malebat. Ingenij bonitate, supra mediocritatem litteras est adeptus, praesertim sacras, quibus, vt par est, delectabatur impensius: partim studio, diligentiaque,

210 DE VITA FRANC. BORGIAE
tiaeque, partim oratione pia, meditatio-
neque rerum aeternarum.

CAPVT XIX.

De scriptis ab eo editis.

SCRIPSIT, Ducis munus etiamnum
sustinens, libellos sex ad pietatem ex-
colendam: non infrugiferos iis, qui ad per-
fectae vitae metam contenderent: qui
Latine in vulgus editi, Alphonso Deca,
Compluti Societatis Theologo, interpre-
te, circumferuntur. Singula nunc recen-
sebo. Primum Concio est habita in illud
Lucae Cap. XIX. *Vt appropinquauit I E S V S,*
videns ciuitatem, fleuit super illam. Speculum
item operum Christiani hominis. Colly-
rium spirituale: quo docet se quemque
nosse oportere. Dehinc est Praeparatio ad
Eucharistiam digne sumendam: item Spi-
ritus exercitationes, ad sui cognitionem.
Sextus est, Hymni illius decantati Expla-
natio, *Benedicite omnia opera Domini Domino.*
Haec tantum edita, pro legitimis scriptor
agnouit. Commentatus tamen est, non in-
fior, & alia quaedam; sed rudia, & impo-
lita cum essent, lucem nondum aspexe-
runt: excepto libello de *Euangelica praedica-*
tione, seu de Ecclesiastae officio. In his erant de
perfectionibus animae Christi a conceptu,
ad vlti-

ad vltimum vsque, in Cruce, spiritum.
Threnorum Hieremiac Explanatio, quam
in Pintiana, & Complutensi Academia di-
ctauit. Meditationes item de morte CHRI-
STI Saluatoris, in horas diurnas, ac no-
cturnas distributae. Denique Meditationes
in Euangelia Aduentus, Quadragenarij ie-
iunij, Dominicorum, festorumq; dierum;
profectae ab oratione potius ad DEVM
fusa, quam ex libris acute, & subtiliter hau-
stae. Quibus, tanquam iaculis diuinis, au-
ditorum mentes, ad bonam frugem reuo-
cando, suauiter vulnerabat, vt ad virtutis
studium inflammaret; a vitiis deterreret.

DE VITA
FRANCISCI
BORGIAE

Societatis IESV Praepositi Generalis ab Ignatio Tertij

LIBER QVARTVS

ANDREA SCHOTTO Societatis
eiusdem interprete.

Exemplorum, & Apophthegmatum.

*Seneca
Epist. 6. ad
Lucill.*



LIBET, FRANCISCI
vita ad exitum adducta,
virtutū exempla, & scite
dicta seiungere: quod, vt
sapiens ille Stoicus ait,
longū sit iter, praeceptis
mores informare; breue
vero, & efficax, per Exempla. Cetera vero
dicta, factaque praeclare, quae per histo-
riam sparsa sunt, quod ad haec Capita re-
uocari queant, minime iteranda duxi.

CAPVT

CAPVT I.

Animi demissio, atque modestia.

AB Humilitate, quae parens cetera- 1.
rum, custosque virtutum est, initium
ducam: quod virtus ea CHRISTI propria
fit, & Christianorum. Philosophi enim ve-
teres, mundique sapientes, eius ne nomen
quidem, ne dum rem sunt consecuti: qui
tamen in veritatis, virtutumque inuestiga-
tione studij multum, operaeque posuerunt:
vt magnum aliquid, naturae vi, adepti vi-
deantur. Quorum fastum DEI filius auer-
satus, eam virtutem summam, verbo, atque
exemplo docuit: *Discite, inquit, a me quia mi-* *Matt. 23*
tis sum, & humilis corde. Ea sane virtus, vt
Augustinus ait, homines Angelis adiungit;
vt contra elationis, ex Angelis Daemona
effecit. Non fugiebant haec FRANCIS-
CVM, quando studiose in animi sub-
missionem incubuit: & quoniam ad Hu-
militatem viam munire Humiliationem
Bernardus aiebat, curabat sedulo, vt rerum
omnium conditarum puderet, pigeretque,
vbi se ipse perfecte nosse coepit. Hinc pre-
cationum omnium exordia ducebat: haec
fere materia de rebus piis, officiisque disse-
rentis fuit. In hac assidue occupatus, incre-
dibiles breui progressus fecit.

2. Itaque simulatque se Ducis titulis sponte abdicauit, subscribere sua manu litteris coepit: FRANCISCVS peccator: testatus, credo, quod de se ipse sentiebat, imitatusq; Ilidorum, aliosque innocentia vitae claros, quos sic subscribere solitos accepimus. Ignatius tamen, ne sermonem aliis daret, neue in re inusitata secius loquendi ansam praeberet, abstinere iussit, vt FRANCISCVS, praeterea nihil, subscriberet.

3. Pintiae Sociorum Collegio, rei gerundae, egressus, Bultamantiõ comite, solito tristior incedere visus, & causam interrogatus, ab Inferni meditatione se tum surrexisse affirmabat: omnesque videri in se, tamquam ab inferis existentem, intueri, circumfususque irridere, iactis hisce vocibus: *Hunc ab inferis reducem petamus.* Ex qua quidem a poenarum apud inferos meditatione, illud se commodi accipere aiebat, vt CHRISTI amore flagraret ardentius, cuius morte mortis chirographum deletum est. In qua, dum vita suppetit, acquiescendum cogitatione iudicabat: ne mortui, iis addicti poenis, vramur; Vatis illud Regij vsurpans: *Descendant in infernum viuentes.*

Psal. 54.

4. Quo die hebdomadis sanctioris, CHRISTVM discipulorum pedes lauante Ecclesia recolit, ad tirones verba faciens:

Nullum,

Nullum, inquit, hodie in mundo locum reperi. Sextum enim iam annum, ad Iudae pedes illum mihi fingebam, nunc, dum CHRISTVM attente confidero, tuis aduolutum, lauare, tergere, & osculari, nullum mihi, inde expulso, relictum video locum.

Pintiam primum ingressus, abdicatis 5.
iam Ognati in Cantabria titulis, bonisque omnibus, accurrentibus vicatim, visendi gratia, tamquam ad nouae rei spectaculum ciuibus, Bustamantio comiti ait: *Feram, credo, e cauea emissam, belluamque spectatum venerunt. Equidem quauis bellua immanior essem, sine ope DEI, qui me in religiosam familiam suam acciuit.*

Precibus intentus, duas minimum horas 6.
quotidie impendebat sui cognitioni: quaeque legeret, audiret, videret, eo omnia referebat, vt erudirent; demissionem, pudoremque sibi incuterent; DEO frequenter gratias agens, quod saepe delinquenti sibi, ad eam diem pepercisset: neue desereret, aut in quae vulgus impingere se crimina pateretur, orabat.

Occupato de more in hac suae vilitatis meditatione, dum se rebus a DEO conditis indignum reputat, ea vox est audita: *Pudeat te mei.* Quam vbi Daemonis esse comperit: *Recte, inquit, mones: vnus superbiae cogitatae vitio ardes, ardebisque aeternis ignibus;*

Ego vero toties DEVM offendi, non tamen flammis addictus crucior.

7. Oraturus sensit Daemonis opera turbari cubiculum : quem his dictis abegit. Nil mirum, *te a me ne latum quidem vnguem discedere, aut fugere : pridem enim communi vsti mensa, ciboque sumus.*
8. In Xenodochio versans, visum ab illo ferunt humana specie Cacodaemonem superbe sic appellantem : *Quid tibi hic negocij? Tantus cum sis, in hominum sacce versari qui potes? Retudit fastum FRANCISCVS : Equidem miror magis, te tam superbo praeditum ingenio, miserum me, atque peccatorem appellare dignatum. Sic ille fumi instar evanuit.*
9. Oblatus ei Energumenus, a quo Daemonem alij exorcismo pellere frustra tentarant ; rogatusque, vt pro illo DEVM precari, & Marci Euangelium recitare ne recusaret : cum ad ea verba, *In nomine meo daemonia eijcient*, manus imposuisset, cessit subito, fugitque Daemon, & lactus ille dimissus est. Qui aderant spectatores, orationi illius acceptum retulerunt. Ille vero, quae erat modestia, verecundia ductus : *Quid mirum, inquit, si Daemon me fugit? Nam & veteri verbo dicitur, Figulus figulum. Cumq, aliis ego olim offendiculo fuerim, nil mirum, si me ille oderit. Solent enim iisdem artibus dediti, aemulatione quadam*

*dam inter se odisse. Post Methymnae Campi, dum praesente illo forte res gesta referretur, pudore erubuit, illud addens: Demus verum esse, quod narratis: ecquid mirum, cum ego saepenumero Daemoni morem gesserim, semel illum mihi paruisse. Et quamquam depellere fastum, & inuidiae fascinum arcere posset, si sacri Euangelij verbis eam vim merito tribuisset, hic tamen rubore suffundi maluit. Nihil ferebat, audiebatq; molestius, quam se coram laudari, Sanctumque appellari. Rogatus causam, cur ea re adeo angere-
tur, subiecit: Equidem rationem extremi iudicij, morte obita, valde formido: quae nimium quantum a praeposteris hominum iudiciis discrepat.*

Manus abluenti frater illius Thomas 10.
Borgia officiosius, & ambitu aulico linteum porrigebat. Ille vultu iram prae se tulit, vetera illa aulica officia, quibus nuncium pridem remisisset, odisse se testatus. Montelano in Collegio, locum illi editiorem imprudenter collocarant: ille quasi Daemonem cerneret, Crucis sese signo muniebat. Defugiebat itaque libenter intempestiuas honorum occasiones; negligi, & ignorari malebat: vt vel eo nomine saepe via decesserit, ad aliud diuersorium, incommodo & valetudinis, & itineris, ne honos illi putide, vt fit, haberetur.

11. De se demisse, abiecteque & sentire, & praedicare semper solitus. Facilitate idcirco vsus est singulari: aliquem e plebe diceret. Porro inuitus praeteriti temporis memoriam, quod tamen senum est vitium, relegebat. Sin necessitas extorqueret, ita sermonem temperare, vt quiuus non omnino rudis facile intelligeret, nihil sibi eo nomine placere. Numquam auditum vel excidisse illi haec passim obuia; *Cum Marchio, Dux, vel Prorex essem*. Nobiles viros ita comiter appellabat, vt se illis inferiorem, superiorē nemine, facile declararet. Hanc enim virtutem didicerat esse piorum hominum propriam, vt, quo maior quisque sit, eo se submissius gerat.
12. Olyssiponē ingressō Francisco, Ioannes III. Rex miserat e domesticis nobilem, qui eum salutaret. Qui cum, *Fessusne de via esset*, interrogasset, iteraretq; identidem *Domini* nomen: FRANCISCVS lepide illi respondit: *Fessus quidē de via acceſsi, sed magis Domini, qua me oneras potius, quam honoras, appellatione*.
13. Tribus potissimum de caussis, Ducis titulum vtilem sibi fuisse praedicabat. Primo, quod mortuorum iam in numero haberetur, vt Religiosi viri solent; & Gandiensi in ditione, defunctis Ducibus, anniversaria sacra quotidie peragantur. Deinde cum

cum candidatos aegre in Societatem adoptari animaduerneret, dicere solitum accepimus: *Hoc mihi commodi Ducis titulus attulit: statim enim Sociis adscriptus sum. Ceteroquin, equae (amabo) in me ingenij, doctrineque dotes, quae Societate dignum redderem? DEO itaque, Pontificique summo gratiam habeo, qui hunc mihi pontem fecit, viamque munivit, in suam familiam, domumque migrandi. Denique cum iter faciens aliquo diuertisset, remque diuinam, vt solebat, quotidie facere vellet, detrectarentq; Parochi, licet Societatis tabulas proferret, Socio vrbane in aurem insulurrat: Nunc per me licet, pristinos titulos nomines. Ciuili hic iure agendum est.*

Ex hoc iplo fonte moestitia fluxit, qua 14.
incredibiliterangebatur, cum in Cardinalium Collegium adsciscere inuitum vel-
lent, vt libro secundo narrare memini. *Lib. 2. cap.*
Certe maiori nemo vnuquam ambitionis
studio honores expetiuit, quam FRANCISCVS repudiauit: ratus indignum se honoribus esse, & inopiam Religioni utilissimam. Philippum Regem, iam tum Hispanicae iuuentutis Principem, litteris supplex rogauit, daret hoc amicitiae, & si qua exstarent officia, ne sacris iam initiatum, Ecclesiastica vnuquam dignitate oneraret. Priuatum se viuere malle, atque inglorium:

rium: & eo se cōsilio titulis abdicasse. Nec defugisse titulos satis habebat, sui etiam vilitatem, contemptumque studiose, vt ante dixi, quaerebat. Demissionis exempla
Ib. 2. c. 1. eodem ipso libro attulimus. Vicatim, sacculo humeris imposito, eleemosynam, stipemque corrogasse. Pueros, tintinnabulo accitos, Catechismo erudire solitum. Coquo domi operam dedisse, mensis ministrasse: pedes singulorum & frequenter osculari consueuisse.

15. Conimbricense Gymnasium ingressus, commissa iam illi ab Ignatio vniuersa Hispaniae Prouincia Societatis: e Praefecto studiorum, viam, rationemque studiose quaesivit pueros docendi prima Latinae linguae rudimenta: quod hoc munus, vt minus honorificum, & valde laboriosum, ita meriti maioris, obire serio vellet. Effectum id Cordubae dedisset, ni Socij valde repugnassent: qui hac sola arte dissuadere poterant, quod dicerent, non satis eum quidem vel ad hoc munus obeundum idoneum videri, & Societati dedecus allaturum. Destitit itaque, ratus vera dicere, alioque animum conuertit.

16. Eborae, sexta feria aggregatis Sociis, vt, more Patrum antiquorum, Collationes de rebus diuinis haberent, dicturus FRAN-

CISCVS sententiam, hoc tantum : *Opera,*
inquit, *verbis praestant.* Assurgens itaque om-
nium ordine pedes humi exosculatus, So-
cios ad lacrymas, & admirationē excitauit.

Calensi in Collegio Lusitaniae, quod 17.
Oppidum vulgo *Portum* appellant, ostiarij *Lib. 2. cap.*
officio, arreptis clauibus, perfunctus, cum 18.
porcum iugulatum, eleemosynae vice,
obtulissent, humeris sublatum tacitus in
superiorem domus partem, per gradus non
sine labore portauit: mirantibus Sociis, fa-
cti commendationem sic elusit: *Quid mi-*
rum, inquit, *si porcum porcus commode tuleris?*
Non dissimile nimirum, quod de Carlo-
manno Casini montis Annales referunt. *Ioan. Nau-*
Hic Imperio abdicato, regno Pipino fratri *clerus gene-*
relieto, Romam, Zacharia Pontifice Ma- *rat. 25. &*
ximo clauum tenente, veniens, in Casino *Hieronym.*
monte Benedicti Sodalibus se adiunxerat. *Platus lib.*
Oues, Abbatis iussu, forte pascens, clau- *2. de bono*
dicantem vnam, quod gregem consequi *Status Re-*
non possēt, humeris sustulit, summa cum *ligiosi, cap.*
animi voluptate. Et vero id genus officia, *26.*
quibus antea despiciatui ducerentur, reli-
giosis viris perhonorifica sunt: eoque illu-
striora, quo maiore olim dignitate, ceteris
praestiterunt.

In eo ipso Collegio, dum clauēs ostij ge- 18.
stat, quidam Societatis candidatus Hispali
adue-

222 DE VITA FRANC. BORGIAE
aduenerat, cum bona spe fore, ut a FRANCISCO ceteris adscriberetur, cui tum commissa Prouincia erat. Videt FRANCISCVS cubiculum proximum plenum sordibus: Age, inquit, ne otiemur, purgemus hoc conclaue. Sumptisque impigre scopis, cum illo pariter cubiculū verit, sordes extulit: adeo se vincere, atque submittere studuit.

19. Religiosos viros, quoties occurreret, salutare, & iisdem assurgere solebat: honorifice etiam de illis sentire, & praedicare. Honorare autem se in Monachorum habitu aiebat obsequium, quod CHRISTO, eiusque Sponsae Ecclesiae praestarent: & tamquam diuersorum quidem signorū milites, vnius tamen legionis omnes colebat.

20. Acceperat impostorem quendam triremibus addictum, quod se FRANCISCVM Borgiam simulasset, iactassetque. Mirari se dicebat exstitisse adeo excordem, qui peccatoris summi personam induisset. Si ille, inquit, triremibus officium nauat, quod nomen meum sibi vindicarit; quid me fieri par est, qui non inane nomen porto Peccatoris, sed & criminibus refertus sum, quae aeternam poenam mereantur?

21. Occurrenti forte nobilissimo dynastae Hispaniae, querentique vicem illius, quod inops, attrita veste ambularet, seq; ipse, & valetudinem negligeret, acute respondit:

IN ME

In me recipio fore vt mihi caueam. Iter enim dum facio, prodromos duos praemittere soleo, tamquam exploratores, & structores, qui hospitium, mensamq, adornent. Interrogatus iterũ, quinam essent, quod nusquam apparerent: Mei, inquit, cognitio, & poenarum apud inferos, quas merui, contemplatio. Quo fit, vt quod tandem cumque in diuersorium deferar, tametsi desint omnia, in lucro deputem, & tamquam in immerentem collata beneficia interpreter.

Septimancae (oppidum id hodie *Simancas* incolae nominant) appositum illi edulium intestinis veruecinis, semicrudum, maleque conditum. Gustatum reposuit: ad haec in aurem Bustamantius insusurrauit. *Si bene coctus cibus esset, non reijceres. Bene habet,* respondit. Bustamantius vero cum item gustasset, edi posse negabat. Cui FRANCISCVS, *Quid si, Pater, inferorum cibus, quod DEVS auertat, gustares?*

CAPVT II.

Paupertatis studium.

DEMISSI animi socius, comesque Paupertatis amor est: quam virtutem, incredibile dictu est, quo studio coluerit FRANCISCVS. Instar enim boni negotiatoris, inuenta hac pretiosa margarita, dedit omnia sua, & comparauit eam. Didicerat, persuasumque

Math. 13.

224 DE VITA FRANC. BORGIAE
sumque habebat, verum esse CHRI-
STI illud oraculum, pauperes spiritu bea-
tos fore.

Matth. 5.

1. B. Franciscū puer, vt nomine, sic & mo-
Lib. 1. cap. ribus referre coepit. Propriam, familiae
15. & lib. illius inopiam admirabundus adamauit: &
2. cap. 13. simul atque se Societati votis astrinxit, pec-
cuniam exinde non contrectauit: quodque
mirere magis in homine adeo opulento,
argenti, aurique pretium ignorabat.

2. Enituit isthaec rebus in omnibus virtus,
in victu, cultuque corporis, lecto, cubicu-
lo, ceterisque: vt in papyro, qua conciones
suas excipiebat: in foco denique, dum fri-
gus vrgeret, instruendo. Calceos nouos in-
duere detrectabat, biennio vix atterens.
Caligas item, licet pannosas, ruptasque
haberet, non mutabat. Montellano in Col-
legio versanti, femoralia noua muneri ob-
lata, quae furtim noctu apposuit lectulo
Socius, subductis laceris. At Pater experre-
ctus, dolo comperto, vetera repetiit, no-
uaque reddi domino iussit.

3. Stipem cum vicatim mendicus cogeret,
panis frustula oblata libentius, quam appo-
sitos panes integros gustabat. Tot itinera
ingressus, adduci numquam potuit, vt vel
sindonem mundam, valetudinis gratia,
circunferre comitem pateretur, ne quid in
Pauper-

Paupertatis iura peccasse videretur. Narrant Socij se vidisse super stramine saepe numero cubantem sub dio, aut tenui tecto, ventis hac illac spirantibus, & frigescente maxime caelo: ille tamen eam prae se hilaritatem tulit, suis vt admirationi esset, pudoremque incuteret. Sago in itinere, aut chlamyde non alia vsus, siue hyberni, siue aestiui temporis hora esset, quam pallio quotidiano: quod inuertere, duplicareque solebat, ne luto inquinatum deterius fieret. Ocreas pedibus vt induceret, impetrari ab eo non poterat. Petasum vnum satis esse aiebat, arcendis caeli iniuriis, siue sol arderet, siue imber decideret, ventique flarent. Fessus, fractusque de via, & largis imbribus perfusus, tum demum incredibiliter gaudebat, si in hospitium delatus esset, cui deessent, quibus refocillari viatores solent, ignis, victusque corporis.

De lectulo, & conclaui nihil laborabat. 4. Nullum ibi velum, appendi nedum peripetasmata patiebatur; quin & stoream, seu tegetem parieti ad cervical affigi, moleste ferebat: id genus commoda fugienda praedicans, quod mortis germanus, somnus appellaretur. Sitos vero in sepulcro, brevis vrna, minimeque sumptuosa caperet. Scilicet factum ab illo diligenter, vt CHRIS-

2. Cor. 8.

STVM duabus his potissimum artibus, demissionis, atque inopiae, quoad posset, imitaretur: qui, ut Apostolus ait, *Propter nos egenus factus est, cum esset dives, ut inopia illius nos diuites essemus.* Quod eius exemplum aemulati non pauci Societati se addixerunt.

5. Quin & in ipsis Societatis exordiis, eodem Inopiae studio imbutus enituit. Anguste enim habitare exoptabat, qui amplas prius, & magnificas aedes occupasset. Eius etiam nū hodie vestigia apparent in Ognatensi aedicula, ab illo fabricata, & tirocinij domo Septimancensi. Quae quidem virtus eo magis clara, quo plura ille Fortunae bona libens, volensque abiecerat: quaeque in aliis avaritiae, sordiumque nomine reprehendi queant, ea laudi FRANCISCO vertebant: cognito, Paupertatis fuisse semper studiosum: ut in CHRISTI adeo inopis, ut quo in loco caput reclinaret non habuerit, vestigiis pedem viuis, moriensq; poneret.

Lucas 9.

6. Prudenti Romae apud Catholici Regis Legatum, mimus quidam aretalogus iniecit: *O miserum te, & inopem FRANCISCVM, qui tantis te bonis abdicaris, nisi morte obita, caelo potiaris.* Ad Oratorem FRANCISCVS conuersus: *Vera, inquit, narrat: sed maiora iam tum, quam reliqui, bona sum consecutus.* Animi tranquill-

quillitatem significans, & illud CHRISTI dictum respiciens: *Centuplum accipietis, &c. Math. 2.*

CAPVT III.

Singularis Obedientiae documenta.

EX ea ipsa Humilitatis radice, nata in FRANCISCO virtus est obediendi DEO, & homini, quem ille sibi praefecisset. Obedientiam itaque tutum appellabat nauigium, quo tamquam per vitae procellas, portum Religiosi viri capiant, rideantq; tempestates, & dies, noctesque securi nauigent. Cum igitur in omnibus CHRISTVM sibi ad imitandum proposuisset, in conspectuque eius ambularet, vbi expressa illius vestigia cerneret: tum verò praecipue Obedientiae virtutem in eo mirabatur: qui caeli terraeque cum esset Dominus, subditus tamen parentibus fuit: quam virtutem ne omitteret, inquit Bernardus, mori maluit: *Factus obediens vsque ad mortem, Philp. 2. mortem autem Crucis.*

Praefectos Societatis vsque eo vereri solebat, vt licet potestate iam abiissent, eodem, quo antea, habito respectu, coleret.

Litterae ab Ignatio datae, cum redditae illi in Hispania essent, flexis genibus precabatur DEVM, vt parendi facultatem largiretur iis, quae mandarentur; & veluti

228 DE VITA FRANC. BORGIAE
missam caelo vocem interpretabatur, seruabatque religiose.

4. Nec fugit Ignatium, quam prompte, & alacriter iussa exsequeretur. Non itaque sic imperabat: *Haec ita curabis, sed modelte: Nobis haec ita visa, tu pro tua prudētia, rei, opportunitate, quando abes propius, arbitrati tuo rem gere.* Nihilominus, ne latum quidem vnguem ab Ignatij iussi, discedebat, sed accuratissime exhauriebat, quae mandasset: nisi, si quid esset, quod absentem fugisset Ignatium.
5. Recreatus a lento morbo, cum liberalem animi, honestamque relaxationem, valetudini corroborandae, adhiberet, a sacerdote audiuit: *Ignatium eiusmodi relaxationibus minus delectari.* E vestigio igitur abstinit, nefas ducens, ab illo, quem in oculis ferret ad eam diem, moribus, sententiaque discedere.
6. Si quae superiorum iussa asperiora viderentur, quam ut aequo animo alij ferrent, ita temperabat, ne quis esset querimoniae relictus locus.
7. Prius quam commissae illi Hispanicae Prouinciae essent, Collegium de via ingressus, concionandi, qua uti poterat, auctoritatem sibi vindicare noluit, nisi si Rectori aequum, bonum videretur, iuberetue. Imperari enim sibi, quam rogari, quae
erat

erat animi demissione, atque obedientia, malebat.

Valetudinis tuendae gratia, comitem 8.
illi Ignatius addiderat, cui Michaeli Marco
nomen. In se enim seuerus plus acquo, &
rigidus; in alios blandus iuxta ac benignus:
nihil remisse, magno valetudinis incom-
modo, agebat. Huic Socio FRANCISCVS
paruit, non secus ac si impositus cum au-
thoritate esset: nec in victus tantum ratio-
ne, sed in omni tuenda corporis valetudine
consulebat eum, quid facto opus esset. Ci-
bo itaque appolito, interrogare solebat,
Marcus ne edi iussisset. Qui frater si domo
negotij causa diutius abesset, alteri nego-
cium dabat. *Haec illi, inquit, meis verbis impera.*
securus nimirum fore, ut religiose pareret.

Olyssipone Catherina Regina, negotio- 9.
rum causa, in aulam acciuerat FRANCIS-
CVM. Ille Marcum consuluit, quid facto
esset opus. Huic visum non satis firmum
corpore, valentemque esse. Postridie ita-
que venturum se esse respondit Quo nun-
cio mox aulicus domum reuertit.

Non dissimili studio coquo domi ope- 10.
ram dabat. Euocato iterum Pintiae a Ioan-
na Lusitaniae Principe, schedulam ostia-
rius attulit, cui ille. *A coquo, inquit, veniam*
poscas licet, cui nunc pareo. Ad haec ille: *Vade*

pater; at reditum matura: opus enim mihi adhuc opera tua. Principi itaque narra, te coquo domi operam dare; quo facilius missionem impetres. Eadem ille animi simplicitate dicto audiens fuit, retulitque imperium. Princeps quoque libenter assensu, missum fecit: admirantibus, laudantibusque cunctis, promptam in FRANCISCO parendi vel coquo voluntatem.

11. Coquus item lebetes aeneos duos adferre cum iusserat, hausta e cisterna aqua. Ex corporis imbecillitate, & lassitudine, quieuit non nihil. Occurrit forte Socius, qui sponte operam obtulit. At ille recusare: id enim sibi negocij coquum, cui tum pareret, dedisse. Cumque ille rogando instaret, alterum saltem ferre pateretur; ne hoc quidem permisit. Simul enim ferre coquus duos lebetes iusserat.

12. Dicere solitum accepimus, sperare se fore, ut Societas, DEO bene iuvante, vigeret, immo cresceret in maius, tribus

1. potissimum de causis. Orationis in primis studio, frequentique usu Sacramentorum.
2. Dehinc, si a multis Societatis innocentia oppugnaretur.
3. Obedientiae denique bono Causam rogatus: In promptu, inquit, est. Oratio enim DEO nos conciliat, atque coniungit: alterum a saeculi amore abducit; nec enim

salus.

salus, fidesque in hominibus est. Tertium vero inter nos arctissimo fraterni amoris vinculo colligatos, ut membra capiti, adnectit.

Cum omnibus sese libenter subijceret, 13.
tum vero maxime Pontifici summo, ut CHRISTI in terris vices gerenti. Morti enim iam vicinus, illud sibi animam agenti laetitiam adferre incredibilem, solatiumq; praedicabat, quod sedi Apostolicae, suscepta cum valetudinis incommodo in Hispaniam legatione, quod bene verteret, ad extremum usque spiritum paruisset.

Quin & Principibus libenter obsecun- 14.
dabat, DEVM in illis contemplatus: pro incolumitate eorū quotidie precari solitus. Idem & liberos, affinesque suos, tanquam per manus traditum, docuit: praesto ut Regibus essent, proque eorum, Principumque salute, assidue vota & nuncuparent, & persoluerent, precari DEVM, in cuius manu cor Regum esset: unde & po- *Prover. 1.*
testas omnis manaret: cui qui resistat, *Rom. 13.*
DEI haud dubie ordinationi resistere.

Illud demum incertū, Obedientiaene, an 15.
patientiae, vel utrique potius tribuam, constanter illum in Ognatensi secessu potuisse Superiori parere, qui in se ipse rigidus cum esset, ac laboriosus, talis etiam FRANCISCO exstitit. Fraena itaque in tirocinio

versanti, non modo non reduxit, (ne, ut sit initio, in spiritus feruore, nimium in se ipse saeuiret) sed etiam habenas laxauit, & calcaria subiecit: lapides, calcem, lignaque aedi construendae, ferre cum iubens. Paruit ille libenter, & expedite, quasi Angeli vocem exaudiret. Hac enim via ad Pietatem a DEO est informatus, singulare ut nobis obedientiae exemplum existeret: Bernardum credo imitatus, qui morosi hominis, atque difficilis se imperiis eo cupidius subdidit, quo maiora, valetudinis incommodo mandabat.

*Lib. 2. vitae
D. Bernardi
di cap. 7.*

CAPVT IV.

Orandi frequens studium, & Praedictiones.

CVM esset inops, atque obediens, quid mirum, si & precandi eum studio DEVS exornarit? Quae vna virtus, radix, & quasi fons est vberimus ceterarum.

1. Prima FRANCISCO cura in cordis puritate paranda, quo diuinae cognitionis radios purius acciperet. Mundos enim corde beatos pronuciari, DEVMQUE visuros. Quotidie itaque, & quidem crebrius, singulis horis diurnis se ipse ad vnguem excutens, exploransque, memoria repetebat dicta, facta, ac praetermissa: inquirens in se grauter. Bisque in die rite confessus, sacris

Matth. 5.

facris in aurora operaturus, & vesperti quieti se comparans, nullum diem abire patiebatur, quo non suo se pede metiretur, actique temporis rationem subduceret, si forte reddenda summo Iudici esset: neue mors, vt solet, ante diem, & imparatum opprimeret. Vix qui illi aures confitenti dabant, quod reprehenderent, expiandumque putarent, reperiabant. At ille caelesti lumine acutius videbat, semperque pavidus vixit: omnia metuens, ac paene trepidās. Iudicia enim DEI viuētis, ac videntis omnia, longe a mortaliū iudicio discrepare aiebat: timeret itaque, quisquis sciret, DEVM.

Orandi assiduitate, hoc commodi acceperat, vt DEVM vbique praesentem circumferret. Quo fiebat vt vel frequens locus, atque negocium, templi, solitudinisque vicem ei praeberet, materiamque adeo suppeditaret, ac segetem precandi.

Primam S. Thomae Aquinatis Summae partem dum euoluit, veluti Litaniam ex singulis articulorum capitibus, doctrinae, memoriaeque simul & pietatis gratia, coninnarat.

Iter ingresso, etsi corporis lassitudine incommoda ceperat, animo tamen illud praeclare euenire dicebat, liberum sibi in via ab interpellatoribus, vacuumq; tempus

234 DE VITA FRANC. BORGIAE
precandi dari. Montes enim, silvas, flumina, & apricos campos, herbis, vitibus, & arboribus vestitos, ad orandum inuitare, praeconisque vocem emittere: DEVM vt mortalis agnoscat, agnitum amet, amatum rerum conditarum gratia laudet assidue; & laudato, tandem aliquando, morte obita, feliciter perfruatur.

5. Si colloquium inuito esset cum exteris hominibus, quibus non saperet CHRISTVS, sermonem illis tacitus relinquebat: ipse colligere sese, vt in secessu versari, locoque abdito videretur: animo DEVM praesentem appellabat, rogabatque. Discedentes vero interrogabat; *Num quid vellent?* cum tamen multa iam ab illo postulassent, quae diuinis cogitationibus intus, minus intellexisset.
6. Cum ita interdium assidue fermè DEVM precaretur, tum vero tràquille maxime, & libere precari, post mediam noctis horâ solitus: quo tēpore extra se rapi videbatur, vt quinque, sexue horas, momenti instar iudicaret, surgeretq; ignibus quasi inflāmatum.
7. Michaeli Marco, vt retuli, dicto audiens vixit: precationi tamen intentus, cum diutius aequo moraretur, interpellaretque ille; valetudinis gratia, finem orandi faceret: *Plussculum*, inquit, *temporis da, Marce frater, mox adero:*

*ad*ero. Tantam orando voluptatem capere solitus, vt cum DEO luctari, velut alter Iacob, nec sine benedictione dimitti velle, videretur. *Gen. 32.*

Extra se non raro positus videbatur; vt 8. corpore quidem praesens, animo vero in caelis versaretur. Si qui altiore voce contenderent, nihil mouebatur: atque adeo a re, qua de ageretur, alienas interdum ingerebat, praesertim si profanus sermo, deque nihili re iniectus esset. Admonitus itaque a Socio, praeter rem respondere nonnunquam solitum: *Malo, inquit, rudis, & hebes videri, quam garrulus, & temporis iacturam fecisse.* Omne enim perire tempus existimabat, quod non aut DEO, aut rebus ad DEVM pertinentibus, transigeretur. Placentinus Episcopus, salutandi gratia FRANCISCVM inuiserat. Hic in medio sermonis cursu assurrexit, & quasi honoris gratia deduceret, descendebat. Episcopus vero cum Antonio Araoz, qui tum forte aderat, relictus, facile quod res erat, mente diuina agitari FRANCISCVM, obseruabat.

Orandi, & in se inquirendi studiosos 9. amabat, & consuetudine illorum diu delectatus, Collegiorum his curam Societatis mandabat, vt eam ipsam Socios, fidei suae creditos, virtutem docerent.

Nego-

10. Negociis diurnis, quoad eius fieri poterat, subducere se solitus, ut in orationis montem secederet. Eucharistiae Sacramentum assidue, cupideque coram adorabat: domoque egressus, templa hoc nomine libentius intrabat, nictantibus assidue oculis spectans, siue luminis ingenti splendore praestingeretur, siue attendere animum, reuerenterque adesse ea ratione iuberet.

11. Huius quidem panis caelestis usque eo deliciis capiebatur, ut nemo unquam gulae deditus, cupediis magis. Quo fiebat, ut dum vita excederet, nullum abire diem sineret, *Lib. 3. cap. 15.* ut alibi monui, quin rem diuinam faceret. Immo & ipso Parasceues die, & Sabbato insequenti, cum alias canendo, sacris operari non soleret, ne iis ipsis diebus diuino illo careret bono, Liturgiam peragebat.

12. Iter faciens, quo sacrificium Missae facere liceret, vel ad duo milliaria via decedere non dubitabat: & diuersorij incommoda libenter ferre, dum sacris operari postridie liceret.

13. Eborae in Lusitania grauiter aegrotans, & lethargico morbo captus, euigilare per vim, medicorum iussu, cogeatur. At allata Eucharistia, tanquam somno, ut erat, graui, & veterno experrectus, agilis, alacerque apparuit: ut licet infirmum corpus haberet, spiritus

spiritus tamen promptus, bonique summi appetens esset.

Sacris vero operaturus, horas aliquot 14. precationi impendere, seque probe excutere solebat. Quotidie item, vt iam retuli, rite confessus, rem diuinam faciebat. In media Liturgiae parte, lacrymas illi vbertim fluere solitas obseruatum. Post, gratias diutius agere, quod velut in Zachaei do- *Lucae 19.* mum diuertisset: vt non nisi aegre ad prandium, & cum suspiriis, lobi, atque Bernardi *Iob 3.* exemplo, duceretur.

Altari summo in Professorum aede Ro- 15. mae, imminentem cellulam frequenter adibat, quoties a negociis se publicis eripere, partemque demere posset. Ceteris item in Collegiis Societatis, orationis sedem vicinam arae summae exstruendam curauit.

Cubitu surgens, terram, communem 16. omnium parentem, hoc consilio ter quotidie osculari solebat. Primo, vt se ex humo conditum, recensque natum, eam contigisse meminisset. Deinde vt CHRISTO, qui in terram e caelo, genus humanum liberaturus, descendit, gratias ageret. Denique vt a terris abductum, in caelum, tanquam ab exilio transcriberet DEVS, precabatur.

Sancto-

17. Sanctorum reliquias, imaginesque religiose venerabatur, splendideque adornari curabat : nusquam affirmans gemmas, aurum, argentumque, dignius impendi, veritque, quam in auctoris DEI, Diuorumque cultum. Cum manibus eas tractaret, summa animi voluptate in has voces erumpebat. *Saluete pignora, nobis in hoc exsilio, lacrymarumque valle degentibus, a DEO relictæ, atque deposita : Saluete salutis nostræ spes, atque solatium: Erit, erit dies illa, cum decorem induti cineres, hospites nunc beati, æterna illa luce perfruemini: & animæ Sole candidiores, thronusque vester supra firmamentum clarescent.*

18. Ex hoc ipso fonte manauit pia, solennisque Societatis consuetudo, vt singulis mensibus Sanctorum nomina sorte & situla educantur, distribuanturque singulatim. Quo die, votis conceptis, religioseque persolutis, opem sui quique Diui implorant. Didicerat id in gentilitia Borgiae familia FRANCISCVS: in qua illum olim morem *Lib. 1. c. 1.* viguisse docui. Ognari quoque idem seruauit; multa Sociis indulgens, quo die Diui nomen sorte illis obtigisset: ipse ad hæc precationi plus etiam temporis tribuere solitus.

19. Diuorum cultum vt excitaret, augetque, (contra atque hæretici solent, qui
in San-

in Sanctorum imagines, vt olim Iconomachi, grassantur) Romae FRANCISCVS in aes graphice incisas, & affabre sculptas imagines, in omnes Prouincias misit. Quin & archetypa donauit Sociis, atque distribuit.

Visitur Romae in aede sacra B. Mariae 20. maioris, illius effigies a Luca Euangelista, vt pie creditur, depicta; religiose etiam a piis frequentatur. Hanc imaginem, cum per se, tum ob antiquitatem, pietatemque, tum ob pingentis fidem venerabatur FRANCISCVS. Laborandum itaque sibi existimauit, vt ad archetypum depingere alteram, bona cum Caroli Borromaei, Cardinalis innocentissimi, venia liceret. Obtinuit tandem, quamuis aegre, & euicit singulare pietatis in illo studium: humique in ara collocauit, suoque arbitrati exemplaria eduxit, misitque ad Hispaniae dynastas aliquot, Societatisque Collegia, vt Virginis cultus merito cresceret, quia mortaliū patrociniū gerit.

Interpellare orantem Daemoni studium 21. saepe fuit, nunc simij specie subannando, nunc gigantis instar, forma supra humanam maiore, spectrisque territando. Pintiae cubiculo digressus, Crucis se signo muniens: *Vide/ne, inquit, Marce frater, nigrum.*
et aspe-

& aspectu formidandum cacodaemonem, passim obambulantem? Quo dicto acquieuit FRANCISCVS, animoque non nihil sedato, erubuit: quod metum eius prae se tulisset spiritus, qui ne capillo quidem capitis detracto, nocere homini, nisi DEO concedente, queat. Interrogatus aliquando a Socio, num metuisset, obambulare viso Daemone noctu per conclaue, membrumque domus: demissis ille oculis modestè respondit. Illud, frater, certe constat, DEO permittente, apparere interdum Daemones: improbis quidem, vt a flagitiis territi abstineant, vel puniantur; bonis vero, vt ad pietatem exerceantur, & merita meritis cumulent.

22. Precati summo animi ardore ad Eucharistiae aram, incidit forte lignea columella e gradibus. Nihil ille territus orare perrexit, quoad eam, qui aderant, sustulerunt.
23. Ea erat vultus hilaritas, decus, atque maturitas, vt Socij, etiam auctoritate summa praediti, cum pietatis calorem refrigerasse sentirent, vel aspectu illius, ad pristinum ardorem redirent.
24. Methymnae Campi orantis conclaue ingressus Hieronymus Ruifius Portillius, Collegij Rector, qui post primus Peruanae Indiarum Prouinciae Praefectus fuit, FRANCISCVM lumine splendere, faciemque

ciemque, Solis instar, radios emittere deprehendit.

Idem in Berlangae vico, Ayalae Do-
 25. ctori Societatis vsu venisse comperi. Hic
 intempesta nocte cubiculum FRANCIS-
 C I, consilij gratia, ingressus, summis in
 tenebris splendere omnia, non secus atque
 si faces arderent, vidit: vultu item oculos
 praestingui obseruauit.

Templa de more ingressus, incredibili
 26. sagacitate nouerat, essetne, & in quo altari
 seruaretur Eucharistiae panis ille caelestis:
 vt raro aberrarit aiens, vel negans: licet
 lampas incensa arae appenderetur.

Ognati versanti, anno CLO. IO. LII. 27.
 litteras a Carolo Gandiae Duce datas red-
 didit vetus, & domesticus familiae cliens
 Sampson. Nunciabant laete, autum esse fa-
 ctum, natumq; primogenitum sibi FRAN-
 CISCVM nomine, qui post Gandiae Dux.
 Nondum resignatis litteris, FRANCIS-
 C V S vaticinans, sic tabellarium appel-
 lauit: *Exspectate aduenis, Sampson: valetne Fran-*
ciscus recens natus? Obstupuit ille, miratusque
 quis se cursor veredarius anteuertisset, qui
 nullum currendi finem fecisset, *Mercedem*
equidem, ait, laeti nuncij abs te exigere cogitabam.
 Ad haec ille: *Ea te priuare nolo: ter tibi Ange-*
licam salutationem recitabo, litterisque negotium
 Q Duci

Duci filio dabo, tui vt rationem habeat, quaeque donauerit, mihi expensum ferat.

28. Aegrotabat grauitur Franciscus Briones, e Societate, nondum sacris initiatus, comes aliquot annos peregrinationum FRANCISCI. Iam depositum paene, ac deploratum inuisit: animumque addens confidere iubet: *Non hic, inquit, ad mortem te morbus dabit, sed breui conualesces.* Idem rursum in itinere laboranti sibi accidisse narravit Briones.

29. Segobiae, ad eundem modum Ferdinandus Soler, doctor Theologus, tertiana laborans, dum noxium diem, morbumque imminere sensit, interrogatus a FRANCISCO: *Satin' saluae res? Vt vales? Quomodo visum est DEO,* respondit ille: *Febrim expecto.* *Cur expectas?* ait. *Tu Pater, inquit ille, impera, ne accedat, ne expectare cogar.* Fecit vt rogatus erat, imperauitque morbo. Lectulo inde laetus, valensque se subduxit.

30. Ex Hispania cum Alexandrino Cardinale Romam per Gallias reuertens, comitem Ioannem Suarez habuit, Mirandam vsque; qui ad Iberum est Aragoniae vicus. Hic discessione facta, Ioanni de se praedixit fore, vt Romam vix saluus rediret: illum vero Castellanae Prouinciae Praefectum iterum creatum iri: certe vtramque
- veram

veram praedictionem fuisse, res ipsa declarauit.

Morti vicinus, cum fere cygneam vocem emitti Sapientes homines affirmant, *Plato Phad. 31.*
 Marco fratri praedixit fore, vt in Indiam *Aristoi. lib.*
 adnauigaret; itaque euenit, cum ne Marco *9. Histor.*
 quidem tum id venisset in mentem. *Aelian. lib.*

Regulis quidam Hispaniae, a filio dissentiens grauitur, segregarat se, vt ne aspectum quidem eius aequo animo ferret. *2. cap. 32. Hist. anim. Plin. lib. 10 cap. 23.*

FRANCISCVS, qua erat pietate, ad concordiam reuocare alloquii studens, hortatur, parentem se esse meminisset. Filium ad se recipiendo, quod se dignum esset, facturum. Ille indignabundus vultu terrebatur, missum faceret illum sermonem. Igitur verbis FRANCISCVS repulsus, ad summum parentem DEVM confugiendum ratus, pacem venerans precatur. Venatum ille mox abiit, & ardente correptus feбри, lectulo affixus iacuit. Post in mentem venit, morbo se iuste puniri, quod sana pij hominis consilia repulisset. FRANCISCVM euestigio arcessit, veniam obtestatur; illiusque se fidei committit, & cum filio quamprimum in gratiam redit. *32.*

Summa illi animarum cura, quae corporibus solutae, purgante igne crimina expiant; vt etiam tum Dux Gandiae affi-

due pro illis orarit, & Liturgias, remque diuinam fieri curarit. Cuius officij nomine saepe illi animas reduces apparuisse, gratiasque egisse narrant: promississe etiam se vicissim pro illo in beatorum sedibus DEVM precaturas. Haec candide ille, vt omnia, Hieronymo Natali, sacerdoti optimo, narrare solitus: quem bis in Hispaniam ab Ignatio missum, commissasque illi Societatis prouincias, diximus. Plura equidem, fateor, commemorare praedictionum, visorumque genera poteram, testesq; omni exceptione maiores laudare, quorum plerique etiam superstites: verum haec satis esse duxi; eo consilio a me allata, vt precationis effecta in FRANCISCO cognoscantur: cum praesertim propositum sit virtutes potius, quam id genus signa laudare. Admiranda enim opera, quae sancti homines patrarunt, miranda quidem: at solida, incorruptaque virtus, imitanda etiam est. Illa immensam DEI erga mortales bonitatem ostendunt: haec etiam ad imitationem exstimulant.

CAPVT V.

De Paenitentiae effectis, suique victoria.

RECTE in Asceticis iudicant homines pij, suspectum videri orandi studium,
nisi

nisi & sui victoria comes accedat. Sic enim appello, quam vulgo *Mortificationem*: quae domandas esse animi perturbationes, affectionesq; doceat. Sic Plato Philosophiam, mortis meditatione, animum a corpore abducendo, definiisse videtur. Non fugit caelestis haec Philosophia FRANCISCV M, diu, multumque in ea exercitatum; cuius & multa passim exempla retuli, & nunc pauca colligam.

Audito se praesente laudari quempiam 1. de vitae sanctitate, atque innocentia, respondere solitus erat: *Talis erit, si se ipse vincere norit.*

Corpus, carnemque hostem capitalem 2. appellabat. Qui cum pacisci, induciaeque facere perpetuo recusauit: quin & domare magis indies, magisque studuit. Qua in re, quaecumque opem ferre solerent, amicos, sociosque appellabat. In solis ardoribus, summoque aut aestu, aut frigore, & imbris iter faciens, dicere solitus: *Quam belle me iuuant amici!*

In morbis summa semper adhibita patientia, dolores constanter ferebat, quin & augere illos studebat, quo meriti vberior seges colligeretur. Pharmaca aegrotans, quamuis amara, sorbendo hauriebat, ut amaritiae diutius cruciaretur. Catapotia

Q 3 quoque

quoque dentibus, eadem de caussa, mandere solitus: vt qui ministri voluptatis olim fuerant, iidem paena torquerent. Caussam aliquando rogatus, modestè respondit: *Belluam istam* (sic enim corpus nominabat) *plorare iubeo: vt quam delicias voluptatem cepit palatum, eandem abstinendo amittat, expietque. Meminerim & ego, CHRISTVM Saluatorem sel in Cruce gustasse.*

4. Septimanicae Societatis tiro coqui officio functus, FRANCISCO condire cibos gustatui iucundos studebat. Collectis itaque in viridario herbis, absynthium amarā herbam ignarus decerptam collegit, & iusculum Patri apponens: *Ede, inquit, Pater, ius mea manu conditum.* Edit, & vero libenter, tametsi amarum. Rogatus verò ecquid placuisset: *Nihil vnquam edi in vita me dignius,* respondit. Gustarunt, quod reliquum erat Socij, ruboremque re comperta coquo incutiunt. Ille genibus mox accidens, veniam precatur imprudentiae. At ille: *Dominus tibi benedicat, faciatque benigne. Vnus tu de tot fratribus sensum meum nosti, quaque potissimum re indigeam, percalles.*

5. De via fessus, diuerterat in hospitium, humilemque casam cum Bustamancio, pro lecto in stramine diuersi accubant. Tussi hic laborans, tota nocte conspuat imprudens

dens FRANCISCVM, faciem etiam non raro foedans. At ille nihil turbatus, tacitusque transegit noctem, sputo deformatus, vix vt agnosci posset. Vbi diluxit, comperto quod res erat, veniam Bustamantius precatur. Ad haec ille : *Non est, Pater, quod ea re labores : nec enim vsquam me dignior locus in cubiculo sputo aspergi debuit.*

In Hispaniam cum Alexandrino Cardinale reuersus, germanae sorori Ioannae Crucis, quae sacris Diuae Clarae virginibus Madriti praeerat, dicere solebat : *Notrum est, qui religiosae nos vitae consecrauimus, quater, & vices quotidie morti nos comparare, vt ex eorum de quibus Apostolus ait, Mortui estis, Colos. 3. numero simus. De me quidem affirmare liquet, Quotidie morior.*

De purgantis ignis paenis aiebat, non tam paenarum nomine metuere se, quam quod nullus ibi, vt in mortali hac vita, meritis, operibus bonis, ac paenitentiae, relictus locus sit. *Alioqui, inquit, pridem a D E O poposcissem.*

Moestitiae sibi fore affirmabat, si quando forte imparatum se, nullaue sui, sensuumque victoria mors opprimeret. Aduigilabat itaque sedulo, perpetuumque cum corpore bellum gerebat. Quod vt maxime tegeret, celatumque cuperet, manabat

248 DE VITA FRANC. BORGIAE
tamen foras. Capillos enim ipsum sibi vel-
lisse deprehensum. Scrupulos, lapillosque,
& arenam calceis iniiciebat, vt pondere
ambulanti, asperitateque molestiam adfer-
rent. In diuersoriis, ne noctu in se flagellis
fauire audiretur, ad artes confugit, quibus
sanguinem sibi excuteret, vellicaretque se,
ac pungeret. Sole ardente, pedetentim am-
bulare: niues item hyeme lente calcare, &
id genus alia adhibere, quo se ipse vinceret.

9. Gothalaniam dum Prorex teneret, &
Societatis post Generalis Praepositus, ci-
licia, atque flagella clauibus occlusa, pan-
nosque quibus sanguinem detergeret, ha-
bebat. Cilicia etiam vsque eo camelorum
pilis horrida erant, vt vel spectanti terro-
rem incuterent.

10. DEVM orans, humum ore diu contin-
gebat: ex quo molares dentes amisit, atque
igni labia succensa: vt propius factum sit
nihil, quam vt eo morbo periclitatus, vita
decederet, ni tempori cauisset.

11. Flagellis humeros, lumbosque discide-
rat, vt putrescere viderentur: quae res reli-
gionem illi iniecit. Fidere tamen se aiebat,
beneque sperare, fore, vt DEVS sui miser-
tus ignosceret, si quando modum excessis-
set: quod pio id studio factum esset: memi-
nissetque idem aliis prius vsu venisse.

Dicere

Dicere solitum ferunt, Paenitentia viam ^{12.}
in caelum muniri. Vrgebant Ognatae sacerdotes aliquot Societatis, longe illi carissimi, de sui victoria, ne eos perpetuo celaret. *Equidem quando ita vultis, inquit, acerbam mihi vitam, cibumque amarum duxero, quo die non me ipse flagellis cecidero.* Qua in re, nihil remisit agere: vt Socij interdum octingentos ictus, verberaque numerarint. Nec satis erat poppysmo, seu complois vola manibus, vt solet, signum datum, vt a caedendo temperaret.

Dicebat & illud, ne se deliciis delinitum ^{13.}
lautius acciperent, donec a DEO quae vellet impetrauisset. Poscebat enim assiduus precibus, vt deliciae in cruciatum verterent; dolores contra voluptati essent. Filiam itaque Lermiae Comitem, cum moestam, aegramque videret, & quiritantem, his alloquiis solatur, *Dolores nolenti DEVS immittit, postulanti negat.*

Cum in Principum aulas diuertere in- ^{14.}
uitus cogeretur, ea duntaxat edulia, quae domi in triclinio, frugali in mensa, edebat. Si mollis, vt fit, lectulus stratus esset, sine arbitris, culcitram vnam, fulcris subductam, humi collocabat, hic somnum capiebat, mane vero reponebat.

Paenitentiae quantum in FRANCISCO ^{15.}

studium fuerit, vel illud argumento est. Rogatus aliquando Septimaniae a Bustamantio, ut ea illi a DEO postulareret, quae sibi ipse exposcere toleret. Ternae vix horae abierant, ecce tibi ardentissima correptus febris Bustamantius, cum capitis dolore, ut in rabiem agi videretur. Didicit nimirum illud esse quod FRANCISCUM rogarat, maioresque se spiritus, quam vires gerere, neque cum FRANCISCO esse comparandum. Optatis itaque liberari, tanquam voto, cupiebat. Precaretur itaque rursum DEVM, ut morbum depelleret. FRANCISCVS bono esse animo imperat: nec enim pati DEVM tentari nos supra id quod possumus. Precibus iterum fufis, abiit continuo morbus: remque deinceps non sine rubore narrare Bustamantius consuevit: audaciam, sui que confidentiam auersatus, maioresque gigantis esse, quam pumilionis vires fatebatur.

16. Abstinenciae immodicae causa, dolorumque ventriculi imbecillioris, morbiq; cardiaci, viginti fere annos a piscium esu abstinere medici eum iuebant, quadragenarii ieiunii tempore, nisi si in discrimen caput, vitamque adducere vellet. Quibus quidem non parere, durum videbatur, atque incommodum: euicit tamen preca-

precatione, aninque celsitudine. Audito enim Pium Quinctum Pont. Max. aetate maiorem, annua ieiunia religiose seruare, nulla aetatis fessae, atque decrepitae habitatione; idem sibi vel capitis discrimine tentandum putauit. Quod cum bene, feliciterque euenisset, absque valetudinis detrimento, diuturna illa verni temporis ieiunia, & quattuor anni partium, atque Aduentus, seruare perrexit: mirantibus, qui corpusculi imbecillitatem nossent; sed a DEO vires, quod res erat, celfo animo suppeditari existimabant.

E morbo decumbentem consolaturi qui 17. accesserant, in cubitum erigi solitum obseruarunt, dum diuinis de rebus verba facerent, siue cupiditate sacra audiendi, siue discendi studio. Quin & identidem tunc in haec Hieremiae verba erumpere solitum: *Desolatione desolata est terra, quia nullus est qui Hier. 12. recogitet corde.*

CAPVT VI.

Affinium amorem quatenus reslinxerit.

VICERAT se ipse FRANCISCVS, non paenitentiis duntaxat corpus spiritui; verum etiam animi perturbationes subigendo. Ex his qui aequo maiorem erga propinquos affectione vicerit, nae ille alias
animi

Lib. 7. in
Iob. cap. 14
& Hom.
27.

animi perturbationes, motusque, non perinde violentos, superabit. *Sunt enim plerique, inquit Gregorius, qui non solum aliena non appetunt, verum etiam cuncta quae possederant in mundo derelinquunt, semetipsos despiciunt, nullam praesentis vitae gloriam requirunt, ab huiusce mundi actibus separant, & paene quicquid prosperitatis arriiserit, calcant; sed tamen adhuc vinculo carnalis cognationis alligati, dum amoris propinquitatis nimis seruiunt, ad ea saepe per affectum cognationum redeunt, quae iam & cum proprio despectu subegerant.*

1. At FRANCISCVS postquam vocatus a DBO est, nihil habuit antiquius, quam obliuisci populum suum, & domum patris sui: vt iam inde a puero in Religionis secessu educatus videretur. Immo ne in sermone quidem deprehendi cognatorum, affiniumq; vllum amorem passus est. Mirabantur id alij; agnati etiam indignabantur; vtrique tamen, quod domi discerent, habebant. FRANCISCVM tam felici memoria praeditum, oblitum tamen propinquorum fuisse, vt ne minimum quidem de illis cogitaret. At qui recta rem ratione expendere soliti, facile animaduertere, eum cognatorum amorem caelesti mutasse: & conditorem, opificemque vniuersi, rebus conditis iure optimo praetulisse. Litteris itaque

Antonij

Antonij Araosij Roma ea de re missis, constanter respondit: *Meos equidem amare non desij: DEVMque quotidie venerans precor, saluos, incolumesque esse iubeat. Et forsitan gratior DEO precatio, quae quam minimum carnis, & sanguinis habeat admistum. Pereat ille amor, vt viuat, quem quaero, caelestis.*

In oppido, quod Reginae casam appellari ^{2.} diximus, agenti, Dorotheam filiam obiisse ^{Lib. 1. c. 6.} diuinitus nunciatum, eo ipso quo migravit horae momento, ad Diuae Clarae Gandiae: sed nihil mutatus, animoque turbatus, quasi ad se nihil attineret. Verum non perinde mirandum, in filiae morte moestum non fuisse, quae iam inde a pueritia virginitatem DEO consecrarat; propterea quod exsilij sui terminum, vt pridem optarat, naeta esset: illud plerique magis mirabantur, Isabellam filiam, Lermac Comitem, singulari matronam virtute, dotibusque naturae praeditam, non luxisse. Pintiae enim aulam Principis ingressurus, obuium habuit, qui tristem, subitumque filiae interitum nunciaret. Paululum itaque clausis oculis, aperta vero ad DEVM mente orans, beneque mortuae precatus, perrexit. Rebus in aula gestis discessurus, Principi dominae dixit: *Ora, quaeso, pro anima famulae tuae Isabellae, quam nunc morbo ruinae lento, sed repentino*

pentino extinctam audiui. Ad haec illa: Itane
 tam tristem nuncium obiter à discedente nuntiari
 mihi oportuit? nihilne parentem, talis filiae mors
 mouet amplius? Depositum, inquit, acceperam: re-
 petiit Dominus. Reddamus itaque, ut par est, ala-
 critter: quodque tam diu vsuram eius dederit, grati
 testificationem animi demus. Igitur non lugendum,
 praesertim cum his vitae miseriis, & corporis vin-
 culis soluta emergerit; in Beatorumque sedes, DEI
 clementia, ut spero, & opto, commigrarit. Domum
 ubi reuertit, sacris pro illa operatus, aliam
 luctus significationem nullam dedit. Eo
 ipso die allaturus consolationem alloquiis
 accessit Comes stabilis: cumq; nihil moe-
 stum in vultu animaduertisset, indigna-
 bundus: Tene, inquit, tali filia amissa, nihil mo-
 ueri? Modeste subiecit ille: Ex quo me tempore
 DEO dedicaui, sic cor illi meum libens, volensque
 obtuli, nihil ut in rebus humanis turbare illud posset.
 Cum itaque acerba incidissent, duo tere
 dicere solitum ferunt: Res humanas, ut quae
 Isa. 50. & nihil ad nos attinent, in minimis pono. Et illud: An
 59.
 Rom. 8. abbreviata est manus Domini, ut saluare nequeat?
 quid igitur timeamus? Si DEVS pro nobis, quis
 contra nos?

3. Rem diuinam faciebat in aedibus filiae,
 Lermæ Comitis. Gener arae imposuit
 effigiem coniugis eius Leonoræ, sed B.
 Catherinae nomine insignitam. Ille nihil
 muta-

mutatus, sed obfirmato animo fuit: peracto demum sacrificio, rogatus a Socio, cuius ea imago esset: Leonorae, inquit. Verum nihil nos mouit, nisi vt DEVM pro ea precarer ardentius. Addidit & illud: Comiti meis verbis manda, effigiem in cubiculo habeat licet: altari post hac ne imponat, etsi ex Leonora Cathërinam fecerit.

Caesar Carolus, cum secundo in suum ^{4.} ad Iusti secessum euocasset FRANCISCVM, periculum facere voluit, verane essent, quae inaudierat, liberos iam ex se natos nihil curare. Iniecta itaque de filiis mentione, de natu maximo Carolo, Gandiae Duce, conquestum apud se narrat Sanctium Cardonam, Ammirantium, vt nominât, Aragoniae, quod ditionem illius, in Gandiensi agro, Regiam nomine, contra ius teneret. Quid hic facto opus iudicas? & vter caussa cadet? Ad haec FRANCISCVS: *A quo stat ratio, iusque, non habeo dicere. Illud tantum maiorem in modum peto abs te, Caesar, vt Sanctio Cardonae non ius duntaxat sartum tectum reddatur, verum etiam illi gratis fieri potius, quam filio meo. Itane, inquit Caesar, tuorum liberorum causam agis? nonne praestat eam liberis tuis gratiam tribuere? Rursum FRANCISCVS, Cardona fortassis ea magis gratia, quâ filius meus, indiget. Mirifice Caesar hominis constantia*

256 DE VITA FRANC. BORGIAE
stantia delectatus, collaudauit: nec temere
esse, quod vulgo iactarent, illum carnis se,
& sanguinis amore omnino spoliasse.

5. Miratus & Pontifex Pius quartus ean-
dem in FRANCISCO virtutem. Romae
enim illo versante, filius Aluarus Borgia,
bona Pontificis venia, atque indulto, du-
cere domum Ioannam Aragoniam, sororis
suae filiam, optabat: quae iam Marchiona-
tus Alcanisij hereditatem adierat. Cognito
Pontifex FRANCISCI filium Aluarum
esse, miratur, cur non a se beneficij loco
postulasset FRANCISCVS; de quo bene
merendi occasionem vndique captaret.
Accitum itaque illum, nihilque cogitan-
tem quidnam vellet Pontifex, interrogat,
Aluarumne filium haberet. Annuit ille. Ad haec
Pius: *Cur ne verbū quidem adhuc ea de re apud me
fecisti? gnarus quantum tua, tuorumque, causa cupiam.*
Subiecit FRANCISCVS: *Multis equidē, bea-
tissime pater, vndique arietibus ex Hispania oppu-
gnabar, vrgebarque precibus, vt Aluaro filio id bene-
ficiū abs te impetrarem: verum, vt quod res est,
dicam, vt ad hanc diem id abs te postularem, impe-
rare mihi non potui. Nam si ius, aequumque postulat
filius, me nihil opus apud te deprecatore: sin petis
iniquum, rogare meum est, ne secundum illum sen-
tentiam pronuncies, neue indulgenter cum illo agas:
vt & in praesens etiam, atque etiam rogo. Si enim
is sum,*

is sum, qui esse debeo, maiorem rationem religionis, tuaeque dignitatis habeam necesse est, huiusque adeo Apostolicae Sedis existimationis, quam priuati emolumentum: quod quidem publico cedat, communique bono, oportet. Recreatus incredibiliter Pius prudente FRANCISCI responso, iudicium, mentemque laudauit. Quid igitur faciendum censes? inquit. Hic FRANCISCVS: Duo eandem ambiunt sponsam, eodem cognationis vinculo astricti: alter matris patris alter frater: vterque a Sede Pontificia gratiam supplex postulat. Et quoniam iudicium requiris meum, equidem in ea sum sententia, e re sponsae fore, liberam illi optionem relinqui, ut viri nubere malit, pace tua, nubat in Domino. Quo fiet ut vtrique facias satis, & illa quem elegerit, coniugem nanciscatur. Obstupuit ad haec Pontifex, hominis prudentiam praedicans: dissensit hic tamen ab illo; secundum Aluarum ex aequo, & bono pronuncians, uti bona cum venia sororis filiam in matrimonio haberet: hoc addito elogio: Sede pontificia dignum videri, ut qui praecelaram ei operam adhuc nauasset, eius ratio haberetur: quique DEI amore, titulis sese omnibus, liberorumque adeo amore, & cura abdicasset, eius tutelam Pontifex susciperet. Profuit itaque durus is parentis animus Aluaro amplius, DEO ita iubente, quam si parens supplex id postulasset.

R

Nobis

258 DE VITA FRANC. BORGIAE
Nobis item, qui in eadem familia sumus,
domesticum reliquit exemplum, oportere
nos, a rerum humanarum sollicitudine
liberos, in DEVM, cui cura est, eritque de
nobis, amorem traducere.

CAPVT VII.

De pietate, morumque facilitate.

*Epist. 4. ad
Rust. Mo-
nachum.*

RECTE laudat D. Hieronymus Exsu-
perium Tolosae Tectosagum Episco-
pum, quod ieiunaret ipse, ciboque demerso
suo, suum defraudans genium vnciatim
parceret, ut alios famelicos aleret: crucia-
returque aliorum potius, quam sua inedia.
Idem FRANCISCO viu venit, qui in se
rigidus erat, & seuerus; in alios blandus, ac
facilis: nihil ut sibi ignosceret, aliis omnia.
Parentum caritatem, ut diximus, non ex-
stinxerat; sed carnis, & sanguinis amorem,
diuino illo, & caelesti permutarat. Minus
quidem erga affines blanditiis utebatur,
tamen si quid, salua Religione postula-
rent, qua consolando, qua re, consilioque
iuuando, benignum parentem experti sunt:
vix frustra nunquam eius operam deside-
rarint. Eximia vero illius in aegrotos pietas
existit, nihil ut deesse illis eorum, quae
medici requirerent, pateretur. Socii om-
nes probe norant, tuto in illius aures, &
sinum

finum deponi omnia, quæ cruciarent: moestitiamque detergere libenter solere, siue corporis morbis, siue animi, laborarent. Neque importunos se futuros, aut molestos metuebant. Nec, ut plerique solent, de temporis angustiis expostulaturum.

Ex hac morum facilitate mos illi natus, 1.
vti nihil aspere imperaret, *Hoc facito: vel; Illud cura:* sed hisce blandiciis delinitos sic appellabat: *Fac, quaeso, illud DE I causa, & amore adductus. Auderesne illo, valetudine saluâ; proficisci? Valesne, ut in missionem Evangelicam pergere queas? Commodumne tibi erit doctoris titulum tueri, huius, vel illius artis? vel sic: In mentem mihi venit, hoc tibi munus imponere: sed animi tui sensum explorare prius libuit.* Id genus officiis promptos, alacresque expertus est magis. Si quem angi animo, cruciarique comperisset, omnes ingenij nervos intendere, quare potissimum in partem laborum veniret, onus subleuaret, consolationemque posset pius parens adferre.

Si quis humanitus lapsus, impegisset in 2.
re leui, nihil acerbius eloqui solitus; hoc tantum, *Ignoscat tibi DEVS, sic te sanctum videam frater: quomodo dictum, factumue illud abs te?* Sin gratius deliquisset, ad se arcessitum blande compellare, nihil tamen impunitum relinquere: parentis optimi simul &

medici functus officio. Crimen itaque referre, petere vt paenitentia ductus resipiscat. Paratum sese in paenae partem, licet culpae affinis non esset, venire; vt libro *Lib. 2. c. 11* secundo demonstratum est. Hoc caritatis signo, pietatisque, quod sibi propositum erat, facile conseq̃uebatur, vt ad meliorem frugem suos ab erratis reuocaret; illud identidem vsurpans: *Facilitate nihil esse homini melius, atque clementia.* &, *Omnia prius consilio experiri, quam armis, sapientem oportere.* Postea vero si mores, ingeniumq; mutasset in melius qui deliquerat, summa praeteritorum errorum obliuio erat. Qua etiam virtute Ignatium ceteris praestitisse accepimus.

3. Dicere solebat, qui DE VM ducem sequeretur, eum oportere non vnum sibi caput, binos oculos, manusque attribuere, sed plurima membra cum ceteris habere communia. *Amicorum enim communia, aiunt, esse omnia.* Quo fieret, vt in communi calamitate, sensum doloris ad se quoque pertinere existimaret. Sic fore, vt vnus omnes corporis membra essent: &, quod de se

2. Cor. 11. Apostolus ait: *Quis infirmatur, & ego non infirmor? Quis scandalizatur, & ego non vrer? Iter ingressurus, comiti negotium dabat, vt de tenui viatico, quemuis mendicum obuium, indonatum abire ne sineret: ea tamen*

mode-

moderatione adhibita, vt a mendico etiam profectam eleemosynam, appareret: nisi si quae grauior incideret necessitas, quae lege circūscribi non deberet. Si nihil quod aliis largiretur suppeteret, animo lætus, quod sponte inopiam esset amplexus, mente haec agitabat, ferebatque: *Si esset, quam libenter tibi donarem!* Haec verò gratior DEO, qui corda scrutans hominum, donantis animo munera metitur, eleemosyna est: cum quis inops a rebus, animo tamen hilari, ac beneficio, dare paratus est amplissima; quam si diues donum, frigide tamen, offerat.

Cum singulari omnes caritate comple- 4.
cteretur, tum eo, potissimum, qui de fama illius calumniando detraherent. Illos enim bene de se mereri affirmabat, quod ne quid prudens admitteret reprehensione dignum, redderent cautiorem. Sic enim Sapi- *Plutarch. de utilitat. ex hostibus.*
pientes olim homines iudicarunt, magnas ex inimicis vtilitates capi & posse, & debere. De his ipsis nunquam minus honorifice loqui auditus est; immo honorifice de ipsis sentire, & praedicare solitus. Quin & detrahi de illorum existimatione praesens, si adesset, nunquam sinebat: illa fere familiariter adhibens: *Recte ille a se factum existimat. Zelus non est improbandus.* Vel sic: *Maiora debent.*

debeantur peccatis meis supplicia. Si quid erram, veniam illis a DEO precor. Incredibile vero memoratu est, fronte quam serena appareret, cum male aliorum, non suo vitio, audiret, ut quasi media in tempestate portum tenere videretur. Nec verbis tantum erga inimicos officiosus erat, sed & beneficiis, cum res daret, illos frequenter obstrinxit. Eius rei exempla colligere plura queam, sed ne quem laedere prudens videar, neue nominare cogar eos, qui hostiliter in eum incurrerunt, calumniisque vexarunt, supersedebo.

5. Lis illi erat, non de tribus capellis, Ducis etiamnum titulum gestanti, cum Francisca nouerca: quam litem persequi, salua religione, ne bonis heredes fraudasse ignavia videretur, & iure experiri coactus, lite tandem cadens, tantum absuit, ut moleste FRANCISCVS tulerit, rem sibi abiudicatum, ut etiam hilari fronte, summam animi constantiam, atque adeo laetitiam ostenderit: & ut amitae narrabat, gratiam iudicibus habuerit. Nouercae enim consultum potius, quod eam coleret, quam sibi cupiebat. Tali, tantaque iudicij praestantia iuuenis adhuc, nullis sacris initiatus, fuit, ut caritatem, tranquillitatemque animi, Fortunae bonis omnibus anteferebat.

Laynes

Laynes Praepositus generalis, ad omnes Hispaniae Prouincias litteras dederat, nomina perscribere, quibus eam DEVS mentem daret, ut, vel apud Indos, vitam in Euangelij praedicatione profundere parati essent: vel in Europa, prima Latinae linguae elementa pueros docere, non erubescerent. FRANCISCVS, cui tum commissa Hispania, etsi legibus istis solutus esset, sua tamen manu Layni scripsit hanc animi testificationem, tabulis consignatam, optare se pro CHRISTI nomine apud Indos sanguinem fundere, caputque periculis obijcere. Orare itaque bona illius venia liceret in eam expeditionem proficisci; precibusque ad DEVM fufis, hanc illi voluntatem promoueret.

CAPVT VIII.

De Prudentia eiusdem.

DIVINAE, non humanae Prudentiae vnum instar omnium argumentum hoc est: excelso FRANCISCVM animo bonis Fortunae, titulisque omnibus nuncio remisso, sponte Christianam inopiam esse sectatum. Prudenter nimirum iudicabat, caduca haec, atque inania, quae sub aspectum cadunt, pro nihilo ducenda, libenterque aeternis permutanda. Quam

quidem caelestē sapientiam, mens hominis, caligine hebetata, & tenebris obducta, nisi fidei lumen, DEI munere concessum, accedat, perspicere minime potest.

Si qui Societati nomen dare vellent, minimisque rebus, ut sit initio,urgerentur, quo minus se rotos addicerent, largiri illis minuta, funemque concedere, salua tamen religione, & commodi spe maioris, solebat: gnarus futurum, ut tempore ipso exilia illa, & parua, (quae, tamquam moles immensas, obijcere Daemon mentibus soleat, ut salutis res minus procedat,) veluti nebulae sole, dissiparentur. Huius rei documenta haec habeo. Nobilis illustri loco ili Hispapia natus, a DEO quidem vocatum se, ut Societati aggregaretur, ad FRANCISCVM retulit; vna tamen re impediri, ac deterreri, quod sine famulo, qui vestibus, calceisque eum spoliaret, indueretque, se commodè viuere posse negaret. Ad haec FRANCISCVS: Si nihil moratur aliud, recipio daturum vnum e Sociis, qui seruiat, & quidem promptius, quam mercede conducti. Vix octauum iam diem opera illius vsus, facti paenitens, erubuit: Sociis ministrare ipse coepit, pedes osculari, & veniam precari, seruum se omnium appellans.

Aker

Alter item domi nobilis, vnam sibi rem 2.
in Societate arduam ratus, recens, vt con-
sueuerat, quotidie indusium non mutare.
Annuit FRANCISCVS. *Indusium*, inquit,
cum voles, accipies, ne ea te res a perfectae vitae
cursum impediat. Nec longius tactum est,
erubuit & ipse, factique puduit, quod ina-
nia illa in deliciis habuisset. Mox molle
indusium, cilicij asperitate mutauit, & ad
extremum vsque durauit diem.

Sacerdos item, non vulgari eruditione, 3.
cum belle domi suae agigaret, ampleque
habiteret, Septimancae Sociorum numero
adscriptus, angustas tironum cellulas con-
templatus, animo angi, ac debilitari coe-
pit. Cognito FRANCISCVS, quod res erat,
amplissimum Collegij domicilium illi at-
tribuit: hoc amplius, domestica supelle-
ctile vti cum passus est: sic breui angustum
hominis animum superauit. Consilij enim
post non diu puduit, piguitque, cubiculoq;
digressus, cellam occupauit angustam; pau-
pertatemque praecipue religiose seruauit.

Illud in primis studiose cauit FRAN- 4.
CISCVS, ne missiones susciperent Euan-
gelicae praedicationis, Collegiique funda-
menta iacerent, nisi quorum singularis
esset, probataque pietas. Vt enim aedium
fundamenta, ita & rerum omnium princi-

pia, in quibus sint reliqua, permagni interesse aiebat, a quibus iacerentur. Dicere itaque solitum ferunt, eas demum missiones sibi placere, quae mocrorem adterrent; quod familiaritate tum priuaretur optimorum Sociorum. Vtrisque vero illud in primis negocij dabat, ut quot, quantaque negocia vrgerent, orandi tamen studio nunquam abstinere: neue præcationem, animi pastum, scientes, prudentes omitterent.

5. Ad studia quod attinet, commune hoc illi cum Ignatio iudicium fuit, nemini Sociorum fas esse, nouas, peregrinasque sententias tueri. Neque id in Theologia, optimarum artium regina, duntaxat cauendum, ubi maiore animorum periculo peccatur, sed etiam in philosophandi ratione tenendum existimabat. Qui enim hic auderent inaudita, praeterque omnium opinionem sententias defendere, eos in grauioribus disciplinis idem ausuros aiebat.

6. Concionatoribus Sociis auctor idem exstitit, scriptoque consilium mandauit, spiritum in concionando adhiberent, dicendique vim, & audientium corda permouerent. Non ad inanem pompam, ingeniique ostentationem orationem componerent. Sacrorum Antistites, & Principes
caute,

caute, prudenterque tangerent. Si quid reprehendere necesse haberent, dolore se id facere coactos, non ira, aut odio adductos, ostenderent: illo enim vel ferreum animum molliri; his etiam irritari auditores. Suo id exemplo confirmabat: *Cum enim acriter vitia reprehenderem, inquit, me ipse obiurgare videbar. Quo fiebat, vt maiori impetu dicerem, & ad misericordiam alios incitarem.*

Pestilentia grassante in aliquot Italiae, 7. atque Hispaniae Prouinciis, consultus a Societatis Patribus FRANCISCVS, quid, tanto in communi discrimine, facto opus videretur, vt & caritatis ratio haberetur, nec funditus morte Collegia exhaurirentur. Hanc ipse rationem iniit, excogitauitq; salutarem. Nomina ad Rectores singulos referrent ij, qui communi se reipub. commodo deuouerent. Ex his, delectu habito, ij tanquam in statione milites praesidio relinquerentur, qui & vitae sanctitate praestarent, firmaque essent valetudine, animoque celsiore praediti: minore ad haec Societatis iactura periculis obijcerentur. Hos a ceteris segregatos, proximorum salutis incumbere voluit. Quo factum, vt multi perdurarint, operamque nauarint gnauius in Hesperiae vtriusque Prouinciis, vbi pestis vrbes tum populabatur: magna

*Martyrol.**28. Febr.**Euseb. lib.**7. cap. 20.*

magna laboris patientia, civium etiam admiratione, & Sociorum, qui interierunt, non exiguo praemio. Martyrum enim in numero etiam habitos, qui caritatis hoc munus recte obirent, in Romanis Martyrum Fastis, & Eusebio legimus.

8. Fratres, quos *Coadiutores* vulgo appellamus, DEI *sapientes* FRANCISCVS appellare consuevit, qui morum simplicitate, humilique obedientia, & pie orarent, & domestica officia probe obirent. Gnarus DEVM precantibus illis ea suggerere plerumque solere, quae mundi sapientes e libris haurire non possent.
9. Qui ceteris praecessent, dicebat non vna omnes qui parerent, regula metiri oportere: sed bonos milites imitari, qui pro fistulae captu machinam illam bellicam sulphureo puluere implent, ne dissiliat.
10. Cum humanitus lapsum aliquem narrent, de quo minimum metuebatur, se ipse tacite explorans, & imbecillitatis humanae conscius, vulgatum illud in ore habebat: *Homo sum, humani a me nihil alienum puto.*
11. Consultus a Patribus Collegij, qui etiam eleemosynis alerentur, a diuite quidem illo, sed qui male audiret, recte acciperent. Ad haec ille: Eliam Prophetam, & Paulum Anachoretam a coruo quotidie alimen-

3. Reg. 17.

alimentum accepisse: ne dubitarent igitur sese a DEO pasci, corui opera. His enim eleemosynis, & precibus, vt solet, a DEO bonam illi ad relapsendum mentem datum iri: vt e coruo, carniuoraque aue, columba tandem euaderet.

Mirabatur eos, qui quantum aliis de honore in salutando detraxerint, tantum sibi arrogent, vindicentque: eaque re magni videri velint, cum ieiune alios appellarint, quibuscum certare officiis oporteret. Hinc odia, rixaeque existant, detractio oritur, violatur amicitia. Modum itaque titulis statuendum, ne tot odia nascerentur; vt meritis precium in bene constitutis rebus publicis solet; iudicauit. Ipse vero minime restrictus in titulis dandis fuit, immo perliberalis, & benignus, si quem his palatij fumis delectari intelligeret. Si peccandum, inquit, *alterutram in partem est, in exsuperantia, quam si quid detraham, offendere malo.*

Socius quidam imprudenter triclinium nudus ingressus erat, vt in se ipse flagellis saeuiret, Beati Francisci exemplum, credo, imitari studens. Noster, non iniuria, moleste tulit, paenamque irrogauit; Casiani illud repetens: *Sanctorum quaedam miranda esse facta, non imitanda.*

*In pref. &
Collat. 2.*

Dicere solebat, Religiosorum hominum

270 DE VITA FRANC. BORGIAE
num vitam, Crucem esse perpetuam, atque
Martyrium: quod vincere quotidie seipse
necesse habeat; & perpetuo obtemperare
ex voto debeat. Viderent itaque maiores,
onera temperarent, subleuarentque: neue
noua excogitarent, pro viribus cuiusque,
onus imponerent.

15. Sacerdoti administrandi Collegij, ad
tempus, negocium dederat. Qui cum re-
misſe ageret, ratus breue id tempus fore:
non admodum itaque laborandum. Indi-
gnatus FRANCISCVS acriter reprehendit.
*Sic, inquit, vel paucis diebus Societatis res geri
debet, quasi perpetuum munus esset. Nocet enim, qui
frigide res administrat, vt vel temporis momento
per negligentiam amittatur, quod multis retro an-
nis, sudoribusque partum est. Vel militia verum
id esse docet, amissis breui vrbibus, quae
longa obsidione captae, in potestatem
venerunt.*

CAPVT IX.

De animi candore, ceterisque virtutibus.

IVRE Ambrosius pro funere laudauit in
Satyro fratre Prudentiam, sed ingenij
candore, morumq; simplicitate eximiam:
qui de aliis nihil sinistrum suspicaretur.
Eadem FRANCISCI laus propria, qui
serpentis prudentiae, columbae simplici-
tatem

tatem ex CHRISTI praecepto, adiecit: *facilitatemque grauitate temperauit. Non illum fugiebat, aliter mundi sapientes iudicare solitos: calliditate nimirum Prudentiam constare. Praestantior tamen ea virtus, atque perfectior, quae candore simul & simplicitate conditur.* *Matth. 10*

Ne quid igitur secius de aliis suspicaretur, animo suo imperarat, impetraratque. Irrepere itaque fallum de quoquam iudicium non sinebat. Abditos esse hominis recessus, atque latentes: proinde difficile animum cuiusque cognosci, & temere plerumque damnari. Quare non facile de aliis iudicium ferendum. Falli enim nos saepe, errare, ac decipi iudicando. Tutissimum videri, bene de omnibus existimare, ac loqui: errata vero aliorum in bonam partem accipere, & quoad liceat, excusare.

Affirmabat, falli se aliorum opera male, quam temere suspicari: quo fiebat, vt fallerent eum non raro, qui fictam Pietatis speciem prae se ferrent. Quae quidem virtus eo magis in FRANCISCO admiranda: cum, quod in aula, vbi callide omnia geruntur, compositaeque dicuntur, a puero educatus fuerit; tum, quod magistratus gesserit, & Prorex iudicia tractarit, probeque nossset filiorum saeculi huius dolos. Cando-
rem

Eurip.

rem tamen vsque eo retinuit, vt vera placerent omnia, falsa displicerent. Dicere solebat & illud Tragici, *Veritatis simplicem esse orationem*; non fucatam, non ad gratiam compositam, artisque idcirco expertem: fallere nolle, sed ex suo animo virum bonum candide omnia metiri. FRANCISCI talis erat oratio, vt cum re ipsa, aiens, negansque consentiret; & ficum, vt veteri verbo dici solet, ficum appellaret. Longum esset, taediique plenum, ire per singula virtutum genera. Nam de Castitate quid attinet dicere? cum adolescens etiamnum, matronas nobiles officij gratia inuiscus, cilicij lorica corpus munire consueuerit, & illibatum virginitatis florem ad matrimonium, vt libro primo demonstratum est, attulerit. Post Societati iam adscriptus, nunquam se a mulieribus, ne a filia quidem Lermae Comite, cum forte in eius aedibus articulari morbo decumberet, tumentes pedes contrectari passus est. Seueritatem, facilitatemque ita temperauit, vt seueritas facilis; & contra, facilitas seuera, cum res posceret, videretur. Taceo in consiliis dandis maturitatem, & prudentiam: tolerantiam in aduersis: in negotiis susceptis constantiam: animi denique in contemptu rerum humanarum magnitudinem:


cete-

ceterasque virtutes plane heroicas. Vnum hoc addam, gratum, memoremque diuini beneficij semper vixisse, quod in Societatis familiam aggregatus esset, cuius nomine, quotidie DEO gratias agebat: illud etiam interdum vsurpans: *Si, vt vina gustatu, ita & Religiosorum status probari posset, quiuus dynasta, dulcedine liquoris diuini ebrius, Religiosorum se in familias cupide daret; sed quia gustari suauitas non nisi longo post tempore queat, eo fit, vt plerique, asperitate territi, refugiant.* Atque haec fere de FRANCISCI BORGIAE vita dicenda existimaui. Faxit ille animorum parens, vt hoc vitae, virtutumque Exemplar, nobis ad imitandum propositum, moribus constanter exprimamus.

FINIS.

S

INDEX



INDEX RERVM

MEMORABILIVM

VITAE

FRANCISCI BORGIAE.

Romanus numerus librum, Arabicus
vero caput designat.

A.

A BSTINENTIA ciborum Francisci	j. 9. 16.
18. ij. 10. iij. 18.	
Aegrotorum cura senatui Romano	ijj. 5
Aethiopia prae mit Socios	ijj. 3
Africa recipit Socios à Francisco	ijj. 6
Alciatus Cardinalis ad Franciscū mittitur à Pio v.	ijj. 4
Aleae ludi fuga	j. 3. 5
Alexandrinus Cardinalis	ijj. 14
Alexander Farnesius aedificat templum domus Professae Romanae	ijj. 2
Alexius Delgadus occiditur	ijj. 10
Alfonsus Salmeron Tridentum mittitur	ij. 20
a Francisco appellatur de fuga Generalatus	ijj. 1
Ecclesiasten Pontificus agit	ijj. 4
Alfonsus Deca, Societatis theologus	ijj. 19
interpres opusculorum Borgiae	ibid.
Alfonsus Ferdinandus occiditur	ijj. 11
Alfonsus Vaena occiditur	ijj. 10
Alfonsi Duci Ferrariae studium in Franciscum	ijj. 6
Aluarius Francisci filius	j. 4. iv. 6
Aluarius Mendezius occiditur	ijj. 10
Andreas	

INDEX.

Andreas Quetensis, Pa. n. cha. e. hiopiae	iii. 3
Andreas consiliarius ianuis occiditur	ii. 10
Andreas cas occiditur	ii. 11
Antonius Corduba Francisco, ac Societati se aggregat	ii. 4
primam fac. is operatur	ii. 6
Antonius Suarez occiditur	ii. 10
Antonius Ferdinandus Mon. is maioris occiditur	ibid.
Antonius Correa Poritensis occiditur	ii. 10
Amatus Vasquius occiditur	ii. 10
Amorem suum vi exuerit Franciscus	j. 6. iv. 6
Angeli. ac voces audi. ac in funere Mariae Gabrielae	j. 6
Ascenti libelli, vulgo Exercitia spir. ualia	j. 13
Assidua Fr. a. sc. i. orgiae m. e. u. a. t. i. o	iv. 4
e. u. s. d. e. m. a. t. t. e. n. t. i. o	iv. 5
Asturum regio quae	ii. 16
Asturum ingenia subagrestia	ii. 16
equi vero o. s. m.	ibid.
Auchmonense Coll. gium erigitur	ii. 9
Augustae Taurinorum Coll. gium	ii. 9
Au. h. e. o. r. u. m. m. o. r. u. m. o. s. o. r. f. r. a. n. c. i. s. c. u. s.	iv. 1

B.

B A E Z A Granatensis regni oppidum	j. 2
l. a. z. a. n. u. m. C. o. l. l. e. g. i. u. m	ii. 12
Balthasar Abbas, ac Princeps Fuldensis	ii. 12
Baptista Segura occiditur	ii. 6
Bartholomaeus Bufamantius Societatem ingreditur	ii. 4
liberatur e periculo	ii. 7
Novi. i. o. r. u. m. c. u. r. a. m. s. u. s. c. i. p. i. t	ii. 12
Bartholomaeus Martyrum coll. gium exstruit	ii. 17
relicto Ep. scopatu coenobio se redidit	ibid.
Bartholomaeus Torresius, I. p. scopus Canariensium	ii. 6
Benedictus Casirus occiditur	ii. 10
Benedictus Palmus, Ecclesiastes Papae	ii. 7
Benguias Francisci	iv. 7
Bernardinus Cardenas vocat Franciscum	ii. 2

<i>Blasius Ribera occiditur</i>	ii. 10
<i>Borgiae familiae pietas, cura pauperum</i>	j. 1
<i>Brasiliensi navigatione occisi Socij</i>	ii. 11
<i>Brixiae Venetorum Collegium.</i>	ii. 9

C.

C AROLI Caesaris aulam petit Franciscus	j. 3
in Franciscum studium	j. 4
aucupij amor	j. 5
familiaritas cum Francisco	ibid.
legat Franciscum ad Augustam	ibid.
funeris Isabella curam committit Francisco	j. 7
Proregem facit Franciscū, ac donat Cruce S. Iacobi	j. 8
Gandiam redeundi potestatem facit	j. 11
ad Franciscum litterae	j. 20
promouere conatur Franciscum ad Cardinalatum	ij. 5
eidem mutatae vitae rationem reddit Franciscus	ij. 11
probat Franciscum	iv. 6
abdicato imperio, Hieronymianis se iungit	ij. 11
in Lusitaniam mittit Franciscum	ij. 13
moritur, ac pro concione laudatur a Francisco	ij. 14
Carolus Borromaeus, summus Paenitentiaris	ii. 4
Collegium Mediolani erigit	ii. 12
Carolus Francisci filius	j. 4
eius prudentia	j. 4
uxorem ducit	j. 16
Carolus Lotharing. Card. Mussipōti Collegium erigit	ii. 12
Carolus IX. Galliae Regem adit Franciscus	ii. 15
Carlomannus, Pipini Regis frater, monachus Casini montis	iv. 1.
Carlomannus oues pascit	ibid.
Cardinalium muli Francisco Romam ingredienti obuiam missi	j. 18
Cardinalatum fugit Franciscus	j. 19. ij. 5
Cardinalatu posthabito, Societati se adiungit Antonius Corduba	ij. 4
Catechesin docet Franciscus	ij. 1. 12. 18
	Cate-

INDEX.

<i>Catechistae missi in Asturiam</i>	ij. 16
<i>Catechesin docet Bartholomaeus Torresius</i>	ij. 6
<i>Christophorus Rodericus mittitur in regnum Neapolitanum aduersus Valdenses</i>	ij. 4
<i>Christophorus Rotundus occiditur</i>	ij. 6
<i>in Cibo patientiae exercendae ratio Francisci</i>	iv. 5
<i>Coenobij D. Clarae Gandiae auctor Franciscus</i>	ij. 8
<i>Collegium Gandiense à Francisco</i>	j. 13.
<i>Romanum à Gregorio XIII.</i>	j. 18
<i>Methymnae Campi</i>	ij. 6
<i>Eborense ab Henrico Cardinale Lusitano</i>	ij. 7
<i>Placentinum a Guterio Caruaialio</i>	ij. 10
<i>Hispalense</i>	ibid.
<i>Bracarense a Bartholomaeo Martyrum</i>	ij. 17
<i>Portuense</i>	ij. 18
<i>Bransbergense a Stanislao Hosio</i>	ij. 8
<i>Pultouinum a Sigismundo Poloniae Rege</i>	ibid.
<i>Vilnense</i>	ibid.
<i>Iaroslauense</i>	ibid.
<i>Posnaniense</i>	ij. 8. 12
<i>Rigense</i>	ij. 8
<i>Marchetanense a Maria Toletana</i>	ij. 9
<i>Pintianum a Maiore Biveroae</i>	ibid.
<i>Carauaccense a Michaële Reyno</i>	ibid.
<i>Auenionense</i>	ibid.
<i>Virodunense</i>	ibid.
<i>Camberiense,</i>	ibid.
<i>Olomucense a D. Guilielmo Episcopo</i>	ibid.
<i>Spirensense</i>	ibid.
<i>Herbipolense a Frederico Episcopo</i>	ibid.
<i>Halense a filiabus Ferdinandi Caesaris</i>	ibid.
<i>Augustae Taurinorum</i>	ibid.
<i>Brixiansense</i>	ibid.
<i>Baëzanum ab Eluira Auila</i>	ij. 12
<i>Huetense a Stephano Ortisio</i>	ibid.
<i>Calataueronense a Repub.</i>	ibid.

INDEX.

Legionense a Ioanne Sancti Emiliani	iiij. 12
Andalusiensis a Francisco Blanco	ibid.
Compositum ab eodem	ibid.
Cuençense a Nigaulena & Iloa	ibid.
Unigaulensis a Kepub.	ibid.
Im. m. e. a Nauarico Gonzaga	ibid.
Dispositum a Carolo Lotharingo Cardinale	ibid.
Et auctori a Labasare Abbate, ut a r. n. p.	ibid.
Mediolanense a Carolo Borromeo-Curamale	ibid.
Celi gia in insulis & acria, & Terza	iiij. 12
Tolerantiam in gentium Proj. ssum transit	iiij. 9
Eximianis Celi gia in junguis & ronu. is insiuius-	iiij. 2
fit Franciscus	iiij. 2
Comitas in saluando moderanda	iiij. 1
Concionandi ratio Francisci	ii. 8. 17
Concionum Francisci frequentia	ii. 20. iii. 4
Concio Franciscy adina	iiij. 19
Confessionis ssum. as Francisci	iv. 4
Conuentione in Deo & Francisci	ij. 10
Conuersionis & interuui Franciscus	i. 9
Corporis castigatio eiusdem	j. 9. ii. 12
Conuentione furnas eiusdem	iv. 4
Loquo inferuit Franciscus	ii. 1. 12. 17. 3
Crucis iunctae partem Franciscus mittit Philippo t. sp.	iiij. 14
mine Regi.	iiij. 14

D.

DIDACVS Ferdinandus mortem exadit	iiij. 11
Ludacus & udradu. si. cerdos occiditur	iiij. 10
Didacus & erepus d. iscanus occiditur	ibid.
Ludacus Gondisalmus occiditur	iiij. 11
Lacmon illud. & rancisco	iv. 1
expellitur a Francisco	iv. 1
orantem interpellat	iv. 4
Eximium nomen nimis iteratum	iv. 1
Domini appellatio molest. a Francisco	iv. 1
Domnicus & erdimandos occiditur	iiij. 10

Lomus

INDEX.

<i>Domus Olyssiponenſis Profeſſorum</i>	ij. 7
<i>Noſtiorum Septimanæ</i>	ij. 12
<i>Pænitentiariorum Romæ</i>	iiij. 4
<i>Toletana, ac Pimiana</i> iiij. 9 <i>Aronenſis</i>	iiij. 12
<i>Dorothea Franciſci filia, Deo ſacra virgo</i>	j. 4
<i>Dux titulus quid commodi Franciſco</i>	iv. 1

E.

E LVIRA <i>Auila Baëzani Collegij auſtor</i>	iiij. 12
<i>Eléemoſynas largitur Franciſci mater</i>	i. 1
<i>Eleemoſynas mendicat Franciſcus</i>	ij. i. iv. 1
<i>accipit a Carolo Caſare</i>	ij. 11
<i>largitur pauperibus</i>	iv. 7
<i>Emmanuel Aluarius, Emmanuel Rodericus Alcoycheus,</i>	
<i>Emman. Ferdinandes, Emman. Pachecus pro fide</i>	
<i>occiduntur.</i>	iiij. 10
<i>Emman. Sequeyra cum Sociis ingrediuntur inſulam Ma-</i>	
<i>teriam</i>	iiij. 12
<i>Epistoſta Franciſci ad Ignatium</i>	j. 10. 15
<i>ad Carolum Caſarem</i>	j. 19
<i>ad Ludouicum Principem Luſitaniæ</i>	ij. 3
<i>ad Pontificem Maximum</i>	ij. 5
<i>ad Catherinam Luſitaniæ Reginam</i>	ij. 13
<i>ad Philippum Hiſpaniæ Regem</i>	iiij. 14
<i>Epistoſta Ignatij ad Franciſcum</i>	j. 10. 15. ij. 9
<i>Caroli Caſaris ad Franciſcum</i>	j. 20
<i>Ludouici Principis Luſitaniæ ad Franciſcum</i>	ij. 3
<i>Henrici Cardinalis, Regis Luſitaniæ, ad Franciſc.</i>	ij. 17
<i>Catherinæ Reginæ ad Franciſcum</i>	ij. 18
<i>Philippi Regis Hiſpaniæ ad Franciſcum</i>	iiij. 6. 14
<i>Epistoſtis ſubſcribendi ratio Franciſci, ac cur prohibita</i>	iv. 1
<i>Eucharistiia utitur frequenter Franciſcus</i>	j. 9. 10. iiij. 16
<i>de eiſdem frequentia conſulit Ignatium</i>	j. 10
<i>Eucharistiæ veneratio Ioannis Duiſ Gandiæ</i>	j. 11
<i>Eucharistiā manu tenēs exhortatur alios Franciſcus</i>	ij. 18
<i>Eucharistiia peſte infectis data a Sociis</i>	iiij. 5

INDEX.

<i>Eucharistiae adorandae studiosus Franciscus</i>	iv. 4
<i>Exemplo Francisci multi se bonis abdicant</i>	ij. 4. 6
<i>Exemplo domesticus est Franciscus</i>	ij. 12
<i>Exemplo suo docet Franciscus</i>	iv. 1
<i>Exercitia spiritualia a Basilio Mag. Ascetica dicuntur</i>	j. 13

F.

F AMAE suae detrahentes amat Franciscus	iv. 7
<i>Famaugusta, Cypri vrbs, olim Salamine</i>	ij. 14
<i>Ferdinandus Aluarius occiditur</i>	ij. 11
<i>Ferdinandus Sanches Castellanus occiditur</i>	ij. 10
<i>Ferdinandus Rex Catholicus</i>	j. 1
<i>Ferdinandi Valdesij in Societatem studium</i>	ij. 15
<i>Floridam insulam ingrediuntur Socij</i>	ij. 6
<i>Floridanorum in Socios crudelitas, ac eorum punitio</i>	ibid.
FRANCISCI BORGIAE Natales, patria, ortus	j. 1
<i>quae ortum praecesserunt</i>	ibid.
<i>unde nomen acquisiuit</i>	ibid.
<i>educatio puerilis, indoles, traditur magistris</i>	ibid.
<i>in matrem morientem pietas</i>	ibid.
<i>fuga in Paeninsulam</i>	j. 2
<i>Caesaraugustae litteris incumbit</i>	ibid.
<i>in pueritia animus ad Religionem</i>	ibid.
<i>aegrotat adolescens</i>	ibid.
<i>Catherinae seruit</i>	ibid.
<i>animi cultus, mores casti</i>	ibid.
<i>Puuiam in Caesaris aulam proficiscitur</i>	j. 3
<i>aleae ac vitii suis interdicit</i>	ibid.
<i>quorum usu delectatus</i>	ibid.
<i>corpus cilicio castigat</i>	ibid.
<i>in matrimonio continentia</i>	ibid.
<i>corporis exercitatio, ac ludi</i>	1. 3. 5
<i>ducit uxorem Leonoram</i>	j. 4.
<i>fit Marchio, ac Praefectus stabuli regij</i>	ibid.
<i>in matrimonio concordia, & liberi</i>	ibid.
<i>familiae eius institutio</i>	j. 5
	musi.

INDEX.

<i>musicae gnarus componit cantiones</i>	<i>ibid.</i>
<i>meditationes eius in venationibus, ac sui victorū</i>	<i>ibid.</i>
<i>Matheſi deditus</i>	<i>ibid.</i>
<i>familiaritas cum Caesare</i>	<i>ibid.</i>
<i>febris laborantis meditationes</i>	<i>ibid.</i>
<i>in defunctos pietas</i>	<i>ibid.</i>
<i>librorum piorum usus</i>	<i>ibid.</i>
<i>arma tractat, angina laborat</i>	<i>ibid.</i>
<i>luget mortem Mariae Gabrielae auiae</i>	<i>ibid.</i>
<i>Isabellae Augustae funus curat</i>	j. 7
<i>ex Augustae mortuae aspectu, eius mutatio, & exclamatio</i>	<i>ibid.</i>
<i>consultit Ioan. Auilā de vitae emēdandae proposito</i>	<i>ibid.</i>
<i>Prorex Gothalaniae creatur</i>	j. 8
<i>Crucem D. Iacobi a Carolo accipit</i>	<i>ibid.</i>
<i>latrones bello persequitur, ac eorū receptatores punit</i>	<i>ibid.</i>
<i>in morte damnatos pietas</i>	<i>ibid.</i>
<i>in omnes aequitas</i>	<i>ibid.</i>
<i>in litterarum doctores liberalitas</i>	<i>ibid.</i>
<i>Barcinone pater Patriae appellatur</i>	<i>ibid.</i>
<i>in horarum lectione meditatio</i>	j. 9
<i>orandi tempus, cibi abstinentia</i>	<i>ibid.</i>
<i>de Eucharistiae usu consultit Ignatium</i>	j. 10
<i>mors parentis ipsius</i>	j. 11
<i>Praefectus curiae Philippi</i>	<i>ibid.</i>
<i>xenodochiū ac coenobiū Dominicanorū instituit</i>	<i>ibid.</i>
<i>uxor moritur</i>	j. 12
<i>Collegium Societati aedificat</i>	j. 13
<i>a Philippo Hispaniae Principe vocatur</i>	<i>ibid.</i>
<i>pro vitae ac status mutatione preces aliorū deposcit</i>	j. 14
<i>de familia religiosa eligenda deliberat ac consultit</i>	<i>ibid.</i>
<i>Religionis votis se adstringit</i>	j. 15
<i>Theologiae operam dat</i>	j. 16
<i>Romam proficiscens, suis valedicit</i>	j. 17
<i>inuisit Ferrariae ac Etruriae Duces</i>	j. 18
<i>Romae excipitur, inuisit Pontificem, Cardinales, tem-</i>	

INDEX.

<i>Eucharistiae adorandae studiosus Franciscus</i>	iv. 4
<i>Exemplo Francisci multi se bonis abdicant</i>	ij. 4. 6
<i>Exemplo domesticus est Franciscus</i>	ij. 12
<i>Exemplo suo docet Franciscus</i>	iv. 1
<i>Exercitia spiritualia a Basilio Mag. Ascetica dicuntur</i>	j. 13

F.

F AMAE suae detrahentes amat Franciscus	iv. 7
<i>Famaugusta, Cypri vrbs, olim Salamine</i>	iiij. 14
<i>Ferdinandus Alvarus occiditur</i>	iiij. 11
<i>Ferdinandus Sanches Castellanus occiditur</i>	iiij. 10
<i>Ferdinandus Rex Catholicus</i>	j. 1
<i>Ferdinandi Valdesij in Societatem studium</i>	ij. 15
<i>Floridam insulam ingrediuntur Socij</i>	iiij. 6
<i>Floridanorum in Socios crudelitas, ac eorum punitio</i>	ibid.
F RANCISCI BORGIAE Natales, patria, ortus	j. 1
<i>quae ortum praecesserunt</i>	ibid.
<i>unde nomen acquisiuit</i>	ibid.
<i>educatio puerilis, indoles, traditur magistris</i>	ibid.
<i>in matrem morientem pietas</i>	ibid.
<i>fuga in Paeninsulam</i>	j. 2
<i>Caesaraugustae litteris incumbit</i>	ibid.
<i>in pueritia animus ad Religionem</i>	ibid.
<i>aegrotat adolescens</i>	ibid.
<i>Catherinae seruit</i>	ibid.
<i>animi cultus, mores casti</i>	ibid.
<i>Pintiam in Caesaris aulam profectus</i>	j. 3
<i>aleae ac vitii suis interdicit</i>	ibid.
<i>quorum usu delectatus</i>	ibid.
<i>corpus cilicio castigat</i>	ibid.
<i>in matrimonio continentia</i>	ibid.
<i>corporis exercitatio, ac ludi</i>	i. 3. 5
<i>ducit uxorem Leonoram</i>	j. 4.
<i>fit Marchio, ac Praefectus stabuli regij</i>	ibid.
<i>in matrimonio concordia, & liberi</i>	ibid.
<i>familiae eius institutio</i>	j. 5
	musi-

INDEX.

<i>musicae gnarus componit cantiones</i>	<i>ibid.</i>
<i>meditationes eius in venationibus, ac sui victoris</i>	<i>ibid.</i>
<i>Mathesi deditus</i>	<i>ibid.</i>
<i>familiaritas cum Caesare</i>	<i>ibid.</i>
<i>febri laborantis meditationes</i>	<i>ibid.</i>
<i>in defunctos pietas</i>	<i>ibid.</i>
<i>librorum piorum usus</i>	<i>ibid.</i>
<i>arma tractat, angina laborat</i>	<i>ibid.</i>
<i>luget mortem Mariae Gabriellae aviae</i>	<i>ibid.</i>
<i>Isabellae Augustae funus curat</i>	j. 7
<i>ex Augustae mortuae aspectu, eius mutatio, & exclamatio</i>	<i>ibid.</i>
<i>consulit Ioan. Auilā de vitae emēdandae proposito</i>	<i>ibid.</i>
<i>Prorex Gothalaniae creatur</i>	j. 8
<i>Crucem D. Iacobi a Carolo accipit</i>	<i>ibid.</i>
<i>latrones bello persequitur, ac eorū receptatores punit</i>	<i>ibid.</i>
<i>in morte damnatos pietas</i>	<i>ibid.</i>
<i>in omnes aequitas</i>	<i>ibid.</i>
<i>in litterarum doctores liberalitas</i>	<i>ibid.</i>
<i>Barcinone pater Patriae appellatur</i>	<i>ibid.</i>
<i>in horarum lectione meditatio</i>	j. 9
<i>orandi tempus, cibi abstinentia</i>	<i>ibid.</i>
<i>de Eucharistiae usu consulit Ignatium</i>	j. 10
<i>mors parentis ipsius</i>	j. 11
<i>Praefectus curiae Philippi</i>	<i>ibid.</i>
<i>xenodochiū ac coenobium Dominicanorū instituit</i>	<i>ibid.</i>
<i>uxor moritur</i>	j. 12
<i>Collegium Societati aedificat</i>	j. 13
<i>a Philippo Hispaniae Principe vocatur</i>	<i>ibid.</i>
<i>pro vitae ac status mutatione preces aliorū deposcit</i>	j. 14
<i>de familia religiosa eligenda deliberat ac consulit</i>	<i>ibid.</i>
<i>Religionis votis se adstringit</i>	j. 15
<i>Theologiae operam dat</i>	j. 16
<i>Romam proficiscens, suis valedicit</i>	j. 17
<i>inuisit Ferrariae ac Etruriae Duces</i>	j. 18
<i>Romae excipitur, inuisit Pontificem, Cardinales, tem-</i>	<i>pla,</i>

INDEX.

<i>pla, confitetur de tota vita</i>	j. 13
<i>de abdicandis rebus ad Carolum Caesarem scribitur</i>	j. 19
<i>fugiens Cardinalatum Roma discedit</i>	ibid.
<i>impetrata potestate abdicandi se bonis, gratias agit Deo</i>	j. 20
<i>sacerdotio inauguratur</i>	ij. 1
<i>primis sacris operatur, concionatur</i>	ibid.
<i>inuisus à multis</i>	ij. 2
<i>proficiscitur Pompelonam</i>	ibid.
<i>Cardinalatum rejcit</i>	ij. 5
<i>vocatur à variis</i>	ij. 7
<i>in Lusitaniam proficiscitur</i>	ij. 7. 13. 17
<i>D. Clarae coenobium in Castellae regno eius opera erigitur</i>	ij. 8
<i>praeficitur quinque Prouinciis Hispaniae</i>	ij. 9
<i>Placentiam vadit, & Hispalim</i>	ij. 10
<i>Caesari Carolo rationem reddit mutatae vitae</i>	ij. 11
<i>saluationes inanes excludit</i>	iv. 1
<i>Eborae aegrotat, periculis liberatur</i>	ij. 13
<i>lupsum tecti praecidit</i>	ibid.
<i>ultimae voluntatis Caesaris executor nominatur</i>	ij. 14
<i>Portum proficiscitur</i>	ij. 18
<i>Romam reuocatur à Pio 14.</i>	ij. 19
<i>Lauretanam aedem inuisit</i>	ibid.
<i>Fraepositi generalis Vicarius</i>	ij. 20
<i>indicit congregationem generalem</i>	ibid.
<i>consilium fugiendi officij Generalatus</i>	iiij. 1
<i>eligitur Generalis</i>	ibid.
<i>Oratio ad congregationis Patres</i>	ibid.
<i>deprecat curam domus Paenitentiae in Vaticano</i>	iiij. 4
<i>lue Romae grassante quid egerit</i>	iiij. 5
<i>Socios mittit in Indiam Occidentis, & in Africam</i>	iiij. 6
<i>in Peruanam Indiam</i>	iiij. 7
<i>in Brasiliam</i>	iiij. 10
<i>moritur Romae: Vicepraepositum nominare renuit: eius in Societate beneficia Prouinciis quot adiunxerit</i>	iiij. 17
	mores

INDEX.

mores ac corporis forma	iiij. 18
scripta ac libelli editi	iiij. 9
de abdicando Generalatu consilium	iiij. 13
cum Alexandrino Cardinali mittitur a Pio v. ad foedus mundum contra Turcas	iiij. 14
quid Luis. uulsi ipsi a. ualeat	iv. 1
idem docendi pueros munus acposcit	iv. 1
idem ianuiorem agit	iv. 1
Francisci Borgiae personam quidam fingens tiremibus adducitur	iv. 1
Francisci iter agen. is prodromi	ibid.
eiusdem erga Superiores reuerentia	iv. 3
quibus Franciscus aliorum curam commiserit	iv. 4
Francisco h. o. n. i. s. s. a. à. v. a. r. i. s. o. b. u. i. a. m. u. m	iiij. 14
Francisci iuan. i fecerit h. i. l. i. p. p. u. s. h. i. s. p. a. n. i. a. e. R. e. x	ibid.
Francisci sup. r. m. i. m. o. r. b. i. q. u. a. e. c. a. u. s. s. a. e	iiij. 15
adit Carolum i. x. v. G. a. l. l. i. a. e. R. e. g. e. m	ibid.
Franciscus agrotus Roma dejeritur, ac moritur	iiij. 16. 17
qualis erga sanguine iunctos	iv. 6
in Indiam projectionem petit	iv. 7
D. Francisci familiam amat	j. 14. iiij. 11. iv. 2
Franciscus Tolcius, e Pontificio Ecclesiaste Cardinalis	iiij. 4
Theologus, & eius obitus	ibid.
Franciscus Iesu, amittae Francisci, visio	j. 7
Franciscus Lopez a Mauris occiditur	iiij. 6
Francisci Commendatus, in Polonia Legati, iudicium de Societate	iiij. 8
Franciscus Borgia, Francisci nepos, occurrit Francisco	iiij. 14
Franciscus Blancus, Episcopus Colligium Malactianum, ac Compositellinum, undat, augei Mon. is regalis	iiij. 12
Franciscus Aluarius Conillus occiditur	iiij. 10
Franciscus Magalunus occiditur	ibid.
Franciscus Ferejus, Codoi Torrichius occiditur	ibid.
Franciscus Casirius occiditur	iiij. 11
Franciscus Paulus occiditur	ibid.
Fredericus Episcopus Herbipolensis Colligium erigit	iiij. 9

GABRIEL

INDEX.

G.

G ABRIEL Gomesius occiditur	ij. 6
Gaspar Aluarius occiditur	ij. 10
Gaspar Goësius occiditur	ij. 11
Gonzalus Henricus Diaconus occiditur	ij. 10
Gregorius Scribanus Logrunensis occiditur	ibid.
Gregorius XIII creatur Pontifex	ij. 17
parens Societatis IESV	j. 18
idem Paenitentiae Vaticanae curam confirmat	ij. 4
idem facultatem Societati eligendi Conservatorem confirmat	ibid.
eiusdem in peste laborantes cura	ij. 5
Guterius Caruaialius Placentiae Collegium erigit	ij. 10
precibus Francisci, ac Sociorū, vitam commutat	ibid.

H.

H AERETICORVM in Socios crudelitas	ij. 10. 11
Halae Collegium excitatur	ij. 9
Helena, & Magdalena, Ferdinandi Caesaris filiae, Halae Collegium Societati aedificant	ij. 9
Henricus Cardinalis Lusitanus Collegium Eborae Societati erigit	ij. 7. 17
idem euocat ad se Franciscum	ibid.
idem indicit preces pro Francisco aegrotō	ij. 13
idem Lusitaniae Rex	ij. 17
Henrici Gouiani pietas, ac amor in Societatem	ij. 18
Hieronymus Mur Oranum in Africam missus	ij. 6
Hieronymus Natalis, Lusitaniae Prouincialis	ij. 7
Hieronymianorū coenobium Carolus Caes. ingreditur	ij. 11
in Hispania seditio, ac terrae motus	j. 2
in Hispania haeresis exstincta	ij. 15
in Hispaniam nouam proficiscuntur Socij	ij. 7
Humilitas Francisci	ij. 6. 8. 17. 19. ij. 1. iv. 1
propria Christianorum virtus	iv. 1
ignota priscis Philosophis	ibid.
Humiliatorum religio exstinguitur	ij. 13

IACO-

INDEX.

I.

I acobus Laynes in Galliam mittitur, moritur	ij. 20
Iacobus Laynes quot Prouincias moriens Societati adiun- xerit	iiij. 17
D. Iacobus Hispaniae tutelaris	j. 8
D. Iacobi ordo in Hispania	ibid.
D. Iacobi Crucem, ac ordinem suscipit Franciscus	ibid.
Iacobi Soriae in Socios crudelitas	iiij. 10
Ianitorem Collegij agit Franciscus	iv. 1
Ignem purgantem cur timuerit Franciscus	iv. 5
Ignatius consulitur a Francisco de usu frequenti Eucha- ristiae	j. 10
Ignatius Franciscum in Societatem admittit	j. 15
Ignatius Romae excipit Franciscum	j. 18
Ignatij patriae, ac natiuitatis loco honorem exhibet Fran- ciscus	j. 19. ij. 1
Ignatius agit pro Francisco, ne Cardinalis fiat	ij. 5
Ignatius iubet Franciscum solitudinem egredi	ij. 6
Ignatius Franciscum praeficit Prouinciis Hispaniae	ij. 9
Ignatius moriens quot reliquerit Prouincias	iiij. 17
Ignatius Azeuedus Socios in Indiam ducit	iiij. 10
eiusdem ad martyrium exhortatio, ac mors	ibid.
Inferni paenarum meditatio	iv. 1
Imaginum Sanctorum studiosus Franciscus	iv. 4
Imperandi aliis Francisci ratio	iv. 7
Ioannis Auilae funebris oratio Francisco stimulos addit	j. 7
praescribit vitia in aula fugienda	ibid.
Ioannes Borgia, Francisci pater	j. 1
idem in pauperes liberalis, in Eucharistiam pius	j. 11
idem moritur	ibid.
Ioannes Borgia, Francisci filius, Legatus in Lusitaniam, ac Germaniam	j. 4
Ioannes Nunnesius, Patriarcha Aethiopiae, moritur	iiij. 3
Ioannis Cadouilij in Socios crudelitas	iiij. 11
Ioannes S. Aemiliani Societati Collegium fundat	iiij. 12
Ioannes	

INDEX.

<i>Ioannes Auftriacus, Dux exercitus Christiani</i>	ii. 14
<i>Ioannes Baptista Mendezus occiditur</i>	ii. 6
<i>Ioannes Ferdinandus Castellaeffiponenfis occiditur</i>	ii. 10
<i>Ioannes Mayorga Aragonus occiditur</i>	ibid.
<i>Ioannes Hermanus Cracarenfis occiditur</i>	ibid.
<i>Ioannes Baeza occiditur</i>	ibid.
<i>Ioannes Zauerus Telesinus occiditur</i>	ibid.
<i>Ioannes S. Mux. iuxta Hilefanus occiditur</i>	ibid.
<i>Ioannes Aliarus occiditur</i>	ii. 11
<i>Ioannes Ribera, Archiep. Valentini, inuifit Francis.</i>	ii. 14
<i>Ioannes Silva Villaregiensis Nouitiatus auctor</i>	ii. 14
<i>Ioanna Aragonia Francifci jlia nubit</i>	j. 16
<i>Ioanna Hispaniae Regina Caroli mater</i>	ij. 6
<i>Ioanna Lufitaniae Princeps vocat Francifcum</i>	ij. 6
<i>eadem Madriti D. Clarae coenobium erigit</i>	ij. 8
<i>eiusdem liberalitas in Afuros</i>	ij. 16
<i>Ioanna Aragonia Romae Nouitiatum fundat</i>	ii. 2
<i>Ioanna Crucis, Francifci foror</i>	iv. 5
<i>Isabella Francifci jlia</i>	j. 4. iv. 6
<i>eadem nubit Francisco Rogio</i>	j. 16
<i>Isabella Caroli Caesaris vxor moritur, funus Illiberim deauctur</i>	j. 7
<i>eiusdem verecundia</i>	ibid.
<i>Iudicia varia de Francifci vitae mutatione</i>	ij. 2
<i>Iulianam Anglam inuifit Francifcus</i>	ij. 6

L.

L AVDARI indigne fert Francifcus	iv. 1
<i>S. Laurentij templum</i>	iii. 14
<i>Lauretanam D. Virginitatis aedem inuifit</i>	ij. 19. ii. 16
<i>Leonora nubit Francisco</i>	j. 3. 4
<i>eadem est acubitus Mariae Philippi Hispani</i>	j. 11
<i>eiusdem pietas in Deum, ac mors</i>	j. 12
<i>Leonora Caftit. nobilis Lufitana, Francifci vxor</i>	j. 3. 4
<i>eius laus, & obitus</i>	j. 12
<i>Librorum piorum utilitas</i>	j. 5
<i>Libel-</i>	

INDEX.

<i>Libellus Exercitiorū spiritualium Ignatij probatur a Paulo</i>	
iii. opera Francisci	j. 13
<i>Libri a Francisco scripti</i>	ii. 19
<i>Loci honoratiora fugit idem</i>	iv. 1
<i>Ludovicus Gonzaga Niuernae Collegium facit</i>	iii. 12
<i>Ludouici Principis Lusitaniae litterae ad Franciscum</i>	ii. 3
idem Societatem petit, & uis se adstringit	ii. 7
eiusdem pie. & ac uitae ratio	ibid.
<i>Ludouici Floridani perfidia</i>	iii. 6
<i>Ludouicus Vasconcelus cum imperio in Brasiliam mittitur</i>	iii. 10
idem ingreditur Tertiam Insulam	iii. 11
idem a piratis occiditur	iii. 11
<i>Ludouicus Quiros occiditur</i>	iii. 6
<i>Ludouicus Correa Eborensis occiditur</i>	ii. 10
<i>Ludus alege quid incommodi</i>	j. 5
<i>Ludis quibus delectatus Franciscus</i>	ibid.
<i>Ludis quomodo adfuit Franciscus</i>	j. 9
<i>Lusitaniae Rex vocat ad se Franciscum</i>	ii. 7
idem domum Professorum Olyssipone erigit	ibid.
eiusdem de Francisco elogium	ibid.
<i>Lusitaniae Rex Ioannes moritur</i>	ii. 13
in Lusitaniam proficiscitur Franciscus	ii. 7. iii. 15
<i>Lusitanorum Regum in Societatem liberalitas, in remota ac</i>	
gentes pie. ut	iii. 15

M.

M AGDALENA Vltia aedificat Nouitiatum Villagarc-	
ciensem, & Collegium Ouetense	iii. 12
<i>Magdalena, & Helena, Ferdinandi Caesaris filiae, Hialense</i>	
Collegium instituunt	iii. 9
<i>Malacitanum Colligium</i>	iii. 12
<i>Maria Toletana Collegium exstruit</i>	iii. 3
<i>Maria Gabriella, auia Francisci</i>	j. 5
eadem D. Clarae coenobium ingreditur	j. 5
eiusdem de Francisco, ac de filia sua uaticinia	j. 5
eiusdem	

INDEX.

<i>eiusdem cum sua filia, Abbatissa, sua de veste attrita</i>	
<i>contentio</i>	j. 6
<i>in ipsius funere Angelicae voces auditae</i>	ibid.
<i>Marchenatense Collegium</i>	iiij. 9
<i>Margareta Austriaca, Maximiliani Caesaris filia, D. Clarae coenobium ingreditur</i>	ij. 8
<i>Martyres quid in Ecclesia</i>	iiij. 10
<i>Martyrum relatio ad quid utile</i>	iiij. 11
<i>Martyrio afficiuntur Socij</i>	iiij. 6. 10. 11
<i>Marcus Caldera occiditur</i>	iiij. 10
<i>Materium insulam ingrediuntur Socij</i>	iiij. 10. 12
<i>Mediolanense Collegium</i>	iiij. 12
<i>Meditationes piae Francisci in aucupio, & venatione</i>	j. 5
<i>Methymnae Campi Collegium</i>	ij. 6
<i>Melchior Carnerus, Patriarcha Aethiopiae, in Iaponia moritur</i>	iiij. 3
<i>Michaël Aragonius occiditur</i>	iiij. 11
<i>Michaël Reynus bona omnia Societati legat</i>	iiij. 9
<i>Michaëli Marco traditur cura Francisci</i>	iv. 3
<i>Morbos pellit Franciscus orando</i>	iv. 4
<i>Mores aulicos auersatur Franciscus</i>	iv. 1
<i>Mors Mariae Gabrielae ad pietatem incitat Franciscū</i>	j. 5
<i>Mortem ac martyrium euadit Didacus Ferdinandus, & Sebastianus Lopezius</i>	iiij. 11
<i>Morienti Francisco quid consolationi</i>	iv. 3
<i>Mortem suorum ut tulit Franciscus</i>	iv. 6
<i>in Mortuos Francisci pietas</i>	j. 8. iv. 4. 6
<i>Montelanum Collegium</i>	iv. 1
<i>Mussipontanum Collegium</i>	iiij. 12

N.

N ICOLAUS Dimyus Brigantinus occiditur	iiij. 10
<i>Nicosia, Cypri oppidum, olim Tarnassus</i>	iiij. 14
<i>Niuernense Collegium</i>	iiij. 12
<i>Nobilitas pietate clarescit</i>	j. 1
<i>Novitiatus utilitas</i>	ij. 12
<i>Novi-</i>	

INDEX.

<i>Novitiorum magister Bustumvicius</i>	ij. 12
<i>Novitiatus Romanus quorum opera factus</i>	ii. 2
<i>Novitiatum aedificat Septimanae Franciscus</i>	ij. 12
<i>in Novitios facilitas Francisci</i>	iv. 8
<i>Novitiatus Nouillinae a Comitibus erigitur</i>	iiij. 9
<i>Novitiatus Villagarziensis</i>	ii. 12
<i>Novitiatus Brunensis a Repub.</i>	ibid.
<i>Novitiatus Aronensis a Borromaeo Cardinale</i>	ibid.
<i>Novitij ad Indicanam professionem aptiores</i>	ii. 10
<i>Novitiatus Villaregiensis a Ioanne Silva</i>	iiij. 14

O.

O BEDIENTIA Francisci	iv. 3
<i>Occulta cognosci Franciscus</i>	iv. 4
<i>Olmucense Collegium</i>	iiij. 9
<i>Orarium in Africam missi Socij</i>	iiij. 6
<i>Orationis studiosus Franciscus</i>	j. 9. 16. 2. ij. 1. iiij. 11. 18 iv. 1. 4. 5.
<i>Orationis studio crescit Societas IESV</i>	iv. 3
<i>Orationum Francisci vis</i>	iv. 4. 5
<i>Ouetense Collegium</i>	iiij. 12

P.

P AENITENTIAE studiosus Franciscus	j. 9. iv. 3. 5
<i>Paenitentiarj Pontificij e Sociis electi</i>	iiij. 4
<i>Palmensem ad portum Socij 39. occisi</i>	iiij. 10
<i>Patientia Francisci</i>	ij. 6. 12. iv. 5
<i>Patientia Sociorum in obitu morte</i>	iiij. 6. 10. 11
<i>Paupertatis ut studiosus Franciscus</i>	ij. 1. ii. 6. 8. 10. iv. 2
<i>Pauperum curam habet familia Borgia</i>	j. 1
<i>Pauperum curam suscipit Franciscus</i>	j. 8. iv. 7
<i>Pauperum Religiosorum curam gerit</i>	j. 11
<i>in Peccantes mansuetudo Francisci</i>	iv. 7
<i>Pestilentiae Romae origo</i>	iiij. 5
<i>Pestilentiae tempore Sociorum caritas</i>	iiij. 5. iv. 8
<i>Petrus Martinesius in Florida insula occiditur</i>	iiij. 6

T

Petrus

INDEX.

<i>Petrus Ludovic. Borgia in Africâ cum potestate missus</i>	iiij. 6
<i>Petrus Domenicus Orsum in Africam missus</i>	iiij. 6
<i>Petrus Faber, ad Tridentinum Concilium missus, salutatur Franciscum, dat exercitia spiritalia</i>	j. 13
<i>Petrus Fonseca occiditur</i>	iiij. 10
<i>Petrus Munnoſius occiditur</i>	ibid.
<i>Petrus Pontaneus occiditur</i>	ibid.
<i>Petrus Diaz occiditur</i>	iiij. 11
<i>Petrus Ferdinandus occiditur</i>	ibid.
<i>Philippus Hispaniae Rex Franciscum in Cardinalem promouere laborat</i>	iiij. 5
<i>idem commendat, & excipit Franciscum</i>	iiij. 5. iiij. 14
<i>eidem valedicit Franciscus</i>	iiij. 19
<i>idem petit a Frâncisco Socios in Indiam Occidentale</i>	iiij. 6
<i>idem in Africam mittit Petrum Ludouicū Borg.</i>	iiij. 6
<i>idem petit Socios in Pirum</i>	iiij. 7
<i>a Philippo Hispaniae petit Franciscus, ne se oneret dignitate Ecclesiastica</i>	iv. j
<i>eidem Crucis sanctae partem mittit Franciscus</i>	iiij. 14
<i>eiusdem litterae ad Franciscum</i>	ibid.
<i>Pietas Francisci</i>	iv. 7
<i>Pirum insulam ingreditur Societas</i>	iiij. 7
<i>Pius v. creatur Pontifex</i>	iiij. 3
<i>idem Socios in Poloniam mitti iubet</i>	iiij. 8
<i>idem Ordinem Humiliatorum tollit</i>	iiij. 12
<i>idem foedus componit contra Turcam</i>	iiij. 14
<i>eiusdem ad Ioannem Austriacum exhortatio</i>	ibid.
<i>idem Paenitentiariorum munus Societati iniungit</i>	iiij. 4
<i>idem examinandi Clericos officium Sociis confert</i>	iiij. 4
<i>idem utitur familiariter Francisco</i>	iiij. 3
<i>mittit Christophorum Rodericum in Neapolitanum regnum ad Valdenses haereticos</i>	iiij. 4
<i>idem commendat Societatem Principibus</i>	ibid.
<i>idem declarat Societatem Ordinē Mendicantium</i>	ibid.
<i>idem Societati inseligendi Conseruatorem facit</i>	ibid.
<i>eiusdem in aegrotos liberalitas</i>	iiij. 5
<i>Pius</i>	

INDEX.

<i>Plus IV. vocat Franciscum Romam</i>	ij. 19
<i>idem miratur Francisci prudentiam</i>	iv. 6
<i>eiusdē de Francisci in Generalē electione iudicium</i>	iiij. 1
<i>eiusdem iussu Socij cum exercitu Melitā missi sunt</i>	iiij. 1
<i>idem moritur</i>	iiij. 3
<i>Poloniae regnum ingreditur Societas</i>	iiij. 8
<i>Priegae Marchio ad se vocat Franciscum</i>	ij. 6
<i>Principum curam habet Franciscus</i>	iv. 3
<i>Prouincias quot reliquerint Societati Ignatius, Laynes,</i>	
<i>Franciscus</i>	iiij. 17
<i>Prudentia Francisci</i>	iv. 6. 8. 9

R.

R EGINAE <i>Casa, oppidum Hispaniae</i>	ij. 6. iv. 6
<i>Rodericus Moya Societati bona sua legat</i>	iiij. 9
<i>Religiosorum hominum vita qualis</i>	iv. 8
<i>Rosarij mysteriorum meditationis utilitas</i>	j. 9

S.

S ACERDOTIO <i>inauguratur Franciscus</i>	ij. 1
<i>Sacerdotio inauguratur Antonius Corduba</i>	ij. 6
<i>Sacerdoti moderandus traditur Franciscus</i>	ij. 9
<i>Sacerdotum quorundam institutum</i>	iiij. 9
<i>Sanctorum quot mensibus sortitio in Societatem inducta</i>	j. 1. iv. 4.
<i>Sanctus Ioannes occiditur</i>	iiij. 10
<i>Sanctorum reliquijs studiosus Franciscus</i>	iv. 4
<i>Sanguis Martyrum semen est Christianorum, dictum Ter-</i>	
<i>tulliani</i>	iiij. 10
<i>Sebastianus Lopezius mortem ac martyrium euadit</i>	iiij. 11
<i>Sebastianus Moralis Episcopus in Iaponiam missus, Goae</i>	
<i>moritur</i>	iiij. 3
<i>Seditio in Hispania</i>	j. 2
<i>Serui unde honorem mutuentur</i>	j. 3. 5
<i>Sigismundi Poloniae Regis de Societate IESV opinio</i>	iiij. 8
<i>idem Collegia Societati erigit</i>	ibid.

INDEX.

<i>Simon a Costa occiditur</i>	ii. 10
<i>Simon Lopez occiditur</i>	ibid.
<i>Societatem IESV, precibus Mariæ Gabrielæ, ingressus Franciscus</i>	j. 6
<i>Societatis sacerdotes consulit libenter Franciscus</i>	j. 10
<i>Societati aedificat Collegium Franciscus</i>	j. 13
<i>Societatem cur elegerit Franciscus</i>	j. 14
<i>Societatem petit ab Ignatio Franciscus</i>	j. 15
<i>Societatem, posthabito Cardinalatu, eligit Antoninus Corduba</i>	ij. 4
<i>Societati se adiungunt multi exemplo Francisci</i>	ij. 4. 12
<i>Societate honores ac dignitates excludit Ignatius</i>	ij. 5
<i>Societati qui aptiores</i>	ij. 12
<i>Societati falso aspersa infamia</i>	ij. 15
<i>Societatis Vicarius bis Franciscus</i>	ij. 20
<i>Societatis Generalis eligitur Franciscus</i>	ii. 1
<i>Societatis templum Romæ augustum</i>	ii. 2
<i>Societatis precibus se commendant multi</i>	ibid.
<i>de Societate IESV Pij v. Pont. Max. iudicium</i>	ii. 3. 4
<i>Societati Paenitentiariorum Pontificiorum officium demandatur</i>	ii. 4
<i>e Societate Pontificius Ecclesiastes petitur</i>	ii. 4
<i>Societas a Pio v. Principibus commendatur</i>	ibid.
<i>Societas Mendicantium Ordo declaratur</i>	ibid.
<i>Societati potestas fit eligendi Conservatorem</i>	ibid.
<i>e Societate varij missi in Indiam</i>	ii. 6. 10. 13
<i>Socij in Indiam Occidentis quando, & quoties missi</i>	ii. 6. 7
<i>Societas quibus rebus crescet</i>	iv. 3
<i>Socij qui ad missiones apti</i>	iv. 8
<i>Sociorum nomina qui pro fide occisi sunt</i>	
<i>Alvarus Mendezius</i>	ii. 10
<i>Antonius Suarez</i>	ibid.
<i>Alfonsus Vaena Toletanus</i>	ibid.
<i>Antonius Ferdinandus Montis Maioris</i>	ibid.
<i>Andreas Gonsalvus Viennius</i>	ibid.
<i>Amatus Vasquius</i>	ibid.
	<i>Antonius</i>

INDEX.

<i>Antonius Corta Portuensis</i>	id.
<i>Alexius Delgadus</i>	uj. 10
<i>Alfonsus Ferdinandus</i>	uj. 11
<i>Andreas Pais</i>	ibid.
<i>Baptista Setura</i>	ij. 6
<i>Benedictus Castrus</i>	ij. 10
<i>Blasius Ribera</i>	ibid.
<i>Christophorus Rotondus</i>	ij. 6
<i>Didacus Andraia</i>	uj. 10
<i>Dominicus Ferdinandus</i>	ibid.
<i>Didacus Perezius Miscus</i>	ibid.
<i>Dulacius Gondisalus</i>	ij. 11
<i>Emmanuel Alvarus</i>	uj. 10
<i>Emmanuel Ferdinandus</i>	ibid.
<i>Emmanuel Pachecus</i>	ibid.
<i>Emmanuel Rodericus</i>	ibid.
<i>Ferdinandus Alvarus</i>	ij. 11
<i>Ferdinandus Sanchez Castellanus</i>	ij. 10
<i>Franciscus Lopez</i>	ij. 6
<i>Franciscus Alvarus Couillius</i>	uj. 10
<i>Franciscus Perezius Godoi Torrichius</i>	ibid.
<i>Franciscus Castrus</i>	ij. 11
<i>Franciscus Paulus</i>	ibid.
<i>Franciscus Magalunus</i>	ij. 10
<i>Gabriel Gomesius</i>	ij. 6
<i>Gregorius Scribanus Logrunensis</i>	uj. 10
<i>Gonzalus Henricus Diaconus</i>	ibid.
<i>Gaspar Alvarus</i>	ibid.
<i>Gaspar Goesius</i>	ij. 11
<i>Ignatius Azenerus Lustannus</i>	uj. 10
<i>Ioannes Ferdinandus Olyssiponensis</i>	ibid.
<i>Ioannes Mayorga Aragomus</i>	ibid.
<i>Ioannes Ferdinandus Bracarensis</i>	ibid.
<i>Ioannes Baptista Mendezius</i>	ij. 6
<i>Ioannes Baëza</i>	ij. 10
<i>Ioannes Zauvrens Toletanus</i>	ibid.

INDEX.

<i>Ioannes S. Martini Illecanus</i>	ii. 10
<i>Ioannes Aliarus</i>	ii. 11
<i>Ludonicus Quiros</i>	ii. 6
<i>Ludonicus Correa Eborensis</i>	ii. 10
<i>Marcus Caldera</i>	ii. 10
<i>Michaël Aragonius</i>	ii. 11
<i>Nicolaus Dinyus Brigantinus</i>	ii. 10
<i>Petrus Martinesius</i>	ii. 6
<i>Petrus Fonseca</i>	ii. 10
<i>Petrus Munnosius</i>	ibid.
<i>Petrus Pontauere</i>	ibid.
<i>Petrus Diaz</i>	ii. 11
<i>Petrus Diaz Sacerdos</i>	ibid.
<i>Petrus Ferdinandus</i>	ibid.
<i>Simon a Cotta</i>	ii. 10
<i>Simon Lopesius</i>	ibid.
<i>Stephanus Zurair Cantaber</i>	ibid.
<i>Sanchius Ioannes</i>	ibid.
<i>Toledo Carpetanus</i>	ii. 6
<i>Solimanni Turcarum Imperatoris crudelitas</i>	ii. 14
<i>Solitudinis amans Franciscus</i>	j. 1. 14. ii. 9
<i>Stanislaus Hofius praeest Tridentinae Synodo</i>	ii. 8
<i>idem Societati Bransbergae Collegium erigit</i>	ibid.
<i>Stephanus Ortisius Societati patrimonium legat</i>	ii. 12
<i>Stephanus Zurair Cantaber occiditur</i>	ibid.
<i>Studiosos Societatis quales voluit esse Franciscus</i>	iv. 8
<i>Superiores quales esse debeant</i>	iv. 3
<i>a Suspicionibus ut alienus Franciscus</i>	iv. 9

T.

T EMPLUM S. Laurentij	ii. 14
<i>Temporis studiosus Franciscus</i>	iv. 4
<i>Terraemotus in Hispania</i>	j. 2
<i>Tertiam insulam ingrediuntur Socij</i>	ii. 13
<i>Terram, surgens lecto, osculatur ter Franciscus</i>	iv. 4
<i>Theodosius Dux Brigantinus inuist Franciscum</i>	ij. 7. 17
<i>S. Tho-</i>	

I N D E X.

<i>S. Thomae Aquinatis ut studuerit Franciscus</i>	iv. 4
<i>Toledo Carpetanus occiditur</i>	üj. 6

V.

V IRATIO Christiano homine digna	i. 5
<i>Vestium cura ac ratio Francisci</i>	iv. 1
<i>Villaregiensem Nouitiatum inuisit Franciscus</i>	üj. 14
<i>Virodunense Collegium</i>	üj. 9
<i>Viros religiosos honorat Franciscus</i>	iv. 1
<i>Vultus hilaritas Francisci</i>	iv. 4

F I N I S.



PIA OPVSCVLA
EIVSDEM
FRANCISCI
BORGIAE
GANDIAE
DVCIS.

OPUSCULORVM INDEX.

- I. SERMO *in illud Euangelium Dominicae*
IX. post Pentecosten, Vt appropin-
quauit IESVS, videns Ciuitatem,
fleuit super illam, dicens: Si cog-
nouisses & tu, &c. Luc. XIX. cap.
 - II. OPERVM *Christiani hominis Speculum.*
 - III. COLLYRIVM *Spirituale.*
 - IV. PRAEPARATIO *ad sacram Eu-*
charistiam.
 - V. EXERCITATIO *Spiritualis, ad sui*
cuiusque cognitionem.
 - VI. INCANTICVM *trium puerorum,*
Benedicite omnia opera Domini
Domino, interprete Alphonso Deça,
Theologo Societatis IESV Compluti.
- Accessit nunc primum, DE RATIONE
CONCIONANDI, seu De Praedi-
catione Euangelica libellus, simplici stylo
ab AND. SCHOTTO eiusdem Socio-
tatis Sacerdote Latine redditus.

ILLVSTRISSIMO,

AC REVERENDISSIMO

*D. Gaspari Quiroguæ, Ar-
chiepiscopo Toletano, sum-
moq₃ Consilij sanctæ Inqui-
sitionis Praesidi, Alphonsus
Deça, Theologus Societatis
IESV, S. P. D.*

FRANCISCVS Borgia Dux
Gandiæ, antequam se
ad nostram Societatem
adiungeret, libellos quosdam ad
sui profectum scripsit, rudimen-
ta continentes ea, in quibus se
ipse adhuc tiro exercebat ad pic-
tatem. Qui cum amicis nonnul-
lis communicati, quod essent &
san-

sanctissimis documentis pleni, & a viro illo profecti, qui genere esset, atque vitae splendore clarissimus, magnam inprimis admirationem habuerunt. Nam cum Francisco proauorum sanguine illustrissimo, & multis, magnisq; peramplae familiae, ac proprii dominatus negotijs implicato, & in aula Regū, & gratia educato a puero, de canibus, de equis, de accipitribus, Principū virorum more, non de moribus, atque virtutibus, deque orandi, meditandique ratione tractationes congruae viderentur; & ab illo ciuilia potius quam religiosa, militaria magis expectarent homines quam spiritalia, & ea quae
specie

specie sua fallaci perstringūt imperitorum oculos, non ea quae, depulsa animis offusa caligine, pectora nostra complent clarissima luce, & ad bene, beateque viuendum iuuant: haec ab ipso sapienter conscripta (quod praeter opinionem hominum accidissent) admirabilia multis sane sunt visa. Itaque Francisco ipso inscio, atque inuito, libelli in vulgus editi Hispanice, typisque etiam excusi sunt. Intelllexerunt nimirū homines, non esse angustis DEI gratiam finibus circumscriptam, neque cultu corporis tantummodo, & habitu virtutum pondera aestimanda. Nam ut sub vili palliolo latet saepe sapientia;

pientia; sic sub holosericis interdum, atque aureis vestibus humilitas, sui que contēptio inclusa est, atque humanarum rerum despicientia. Quod si vnquam alias, in Francisco certe nostris temporibus vidimus: qui aetate florens, Regia stirpe natus, opibus, copijs, liberis, amicitijs, clientelis abundans, magna Regis sui, & hominum laude publicis muneribus honorifice perfundus, rebus denique omnibus, quae in bonis vulgo numerantur, ad voluntatem fluentibus, quae ipsi fuerant lucra, haec arbitratus est propter Christum detrimenta; mundiq; omni inanitate reiecta, paupertatem diui-

Philip. 3.

diuitiis, asperitatē delicijs praerulit; aulico splendori humilem squallorem, potentiae sui ludibrium longe anteposuit: & nudus nudum Christum sequutus, in eo se abiectiōis statu collocauit, in quo docuit grauissimo exemplo pictis, & adūbratis vera, & solida, caducis sempiterna infinitis partibus antecellere; cælestia terrenis, humanis diuina. Praeterit enim vere figura huius mundi, vt ait Paulus: & id quod *1. Cor. 7.* in praesenti est (vt idem scribit) *2. Cor. 4.* momentaneum, & leue tribulationis nostrae, supra modum in sublimitate aeternū gloriae pondus operatur in nobis, non contemplantibus nobis quae videntur,

tur, sed quae non videntur: quae enim videntur, temporalia sunt; quae autem non videtur, aeterna sunt. Franciscus itaque aspiciens in auctorem fidei, & consummatorem IESVM, qui proposito sibi gaudio sustinuit crucē, confusione contempta, maiores diuitias aestimans thesauro Aegyptiorum improprium Christi; exiuit extra castra illud portans, praeclarissimum nobis ad imitationem, posterisque omnibus exemplum relinquens. Huius igitur viri libellos (quos supra commemoravi) vere Catholicos, vere pios, de Hispano sermone in Latinum conuersos de nouo in lucem emittimus. Primum

mum quidem, ne tanti viri memoria temporum vetustate obsolescat: deinde, ut constet quibus quasi gradibus ad tantam virtutum excellentiam peruenerit: postremo, ut quibus praeluxit vitae exemplo, eos quoque doctrina instruat, & non solum praesentibus profit, sed etiam futuris. Habent enim multa, ex quibus, si studium diligens, & assidua exercitatio accesserit, magna percipi possit utilitas. Latina autem haec opuscula euulgamus, quo fructus latius eorum pateat, & non tantum ad Hispanorum, sed ad exterorum etiam manus perueniant. Tibi autem, Praesul illustrissime, haec dicamus,

V

mus, tum quoniam in ista quasi
vigilia fidei Catholicae tuendae
praefides, & truculentam cir-
cumfrementium haereticorū ra-
biem, qui sub ouina pelle lupos
tegunt, a nostris regionibus pro-
cul arces; & ne quid Apostolicae
atque auitae Religionis cando-
rem obscuret, aut inficiat, neue
contagione serpat, pro officio
tibi diuinitus dato, summa vigi-
lantia, atque sapientia prouides:
(& iustissimū sane est, vt te om-
nes grata animi pietate colant, in
quos tantum, tam turbulentis, &
calamitosis temporibus, tamque
eximium abs te confertur bene-
ficiū) tum etiam propter singu-
larem meam in te obseruantiam,
eamq;

eamq; excitatam virtutum tuarum admiratione, & summa tua in nos beneuolentia, & perpetua nostrae Religionis defensione, quam, ex quo primū ferme coepit, peramanter suscepisti. Itaque non magis mihi propria est, quā cōmunis, cum omnibus nostrae Societatis hominibus. Sed quoniam omnibus singulatim hoc facere non licet, ego & meo, & eorum omnium nomine, hoc munusculo testari volui, quantum tibi in Christo & debeamus omnes, & cupiamus. Vale. Compluti.

AVRELII VRSI Romani.

CUM prope regali potuisses viuere luxu,
 Et fluere Hispanis, BORGIA, deliciis;
 Pauperis ante pedes nudum te sternis IESV,
 Et capis, aeternum quis potiaris, opes.
 Nunc vere es diues, dum nil cupis, & capis illud
 Quod, FRANCISCE, tibi sufficit, omne bonū.

TRACTATUS

PRIMVS.

Luc. 19.

Vt appropinquauit IESVS,
videns Ciuitatem, fleuit super
illam, dicens, Si cognouisses
& tu, &c.



SICAPILLI nostri omnes
DEO numerati sunt, quem-
admodū in Euangelio legimus, *Luc. 12.*
quanto magis CHRISTI,
hoc est, sapientiae DEI verba
numerata esse credendum est!
quantis porro haec ab Angelis

laudibus efferrī putandum! quanti ab hominibus
fieri debent, in quorū vilitatem dicta sunt! Si neg-
ligamus certe, aut si non ea attentissime conside-
remus, magna reprehensione digni simus necesse est,
quando omnia CHRISTI Domini nostri facta,
& dicta, nostra sunt instructio. Caeterum, cum ad
eam rem humanae vires non sufficiant, eos imitari
opus est, qui artem aliquam perfecte addiscere cu-
pientes, ad perfectissimum eius artis magistrum sese
conferūt, vt videlicet praeceptoris sapientia discipuli

imperitiam suppleat, & reformet. Cum ergo de rebus quatuor, quae sub praefato themate continentur, tractaturi simus, eiusmodi aliquem praeceptorē adire oportet, cuius praesidio ignorantiae nostrae tenebrae depellantur. Et quidē in verbis thematis, quod appropinquauit Dominus, quod vidit ciuitatē, quod fleuit super eam, postremo quod locutus est, legimus: quibus quasi quatuor gradibus ad illud quod sequitur, Si cognouisses & tu, hoc est, ad nostri ipsorum cognitionem peruenire in promptu est modo diligentia adhibeatur. Necesse primum est vt appropinquet

I E S V S : si enim ab eius gratiā & lumine longe sumus, nec nos ipsi poterimus, nec illum cognoscere. Nec minus opus est vt videamus: sic enim docet

Isa. 42. **Isaias** dicens: Caeci intuemini, & videte. Nam de tertio, quam scilicet necessariae sint lacrymae, illud satis indicat, quod per Prophetam dicit Dominus: Expergiscimini ebrii, & flete, iucunditates enim huius vitae, mentem inebriare solent & de gradu rationis, & dignitate deicere. Denique, fuisse locutum Dominum videmus, vt intelligeremus nobis etiam loquendū esse, ne ob taciturnitatis malum nobis contingat quod Dauidi, cum dixit. Quoniam tacui, inueterauerunt ossa mea, &c. Quae omnia vt addiscere, & complecti mente, & sermone possimus. praeceptor aliquis quaerendus nobis est, quod paulo superius dicebamus: nec vero peritior inueniri potest Domini matre, quae **D E V M** mente per fidem concepit, voluntate autem per chari-

charitatem, suis denique ad nostram redemptionem
visceribus induit. Quis enim ita aspuere nonit vt
illa, quae nil habuit, quo minus respiceret Do- Luc. 1.
minus humilitatem ancillae suae? & quis
vnquam ita fleuit vt ea, cuius animam doloris Luc. 2.
gladius pertransiuit? quis postremo tam sapien-
ter locutus est vt quae dixit: Magnificat anima Luc. 1.
mea Dominum, ob magna videlicet ab eo acce-
pta beneficia? quaeque vbi dixisset, Fiat mihi se- Luc. 1.
cundum verbum tuum, facta est Patris filia,
Fili mater, & Spiritus sancti sponsa? Non alium
igitur praeceptorem quaeramus, quando in puris
creaturis ei similem inuenire non possumus: sed huic
humiliter supplicemus, nobis vt saueat, quo possimus
ea intelligere, & facere quae in themate proposita
sunt, mente pia dicentes: Aue Maria.

Vt appropinquauit, &c.

NON minus necessarium est DEVM cognos-
cere cupienti, vt appropinquet Domino, quam iis qui
videre volunt, ad lucem accedere: cumque vera lux
sit CHRISTVS Dominus noster, qua vident se
Sancti in caelo, & iusti in terra, ante omnia opus est
vt appropinquet CHRISTVS. Ex quo illud facile
conijcere licet, quod nondum eam cognitionem sumus
adepti, quam cupimus in causa esse, quia nondum
appropinquauit CHRISTVS: aut non adeo sumus
ei propinqui, si forte iam appropinquauit, nos tamen
vt conspiciere in eo, eiusque ope possimus. Id quod cum
nobis admodum sit necessarium, debemus certe ei

Iacob. 4. appropinquare, quo & ipse etiam nobis appropin-
 quet; sic enim scriptum est: Appropinquate DEO,
 & appropinquabit vobis, &c. Iam vero, quam
 id necessarium nobis sit ad cognitionem perfectam
 consequendam, illud aperte declarat, quod in Ioseph
Genes. 45. velut in figura expressum est. Ille enim cum in Aegy-
 pto degeret, nondum a fratribus suis agnitus, dixit
 illis, Accedite ad me: & cum accessissent prope,
 Ego sum, ait, frater vester, quem vendi-
 distis in Aegypto. Quae quidem verba, nobis nos
 certe ostendunt, qui sumus: noster enim Ioseph, no-
 ster, inquam, frater, bonumque nostrum, nos, quos
 se videt necdum agnoscere, tam multis ab eo acce-
 ptis beneficiis iubet propius accedere: atque ubi ac-
 cesserimus dicit, Ego sum frater vester, quem
 vendidistis in Aegypto. Iubet itaque, quo eum
 possimus agnoscere, ut propius ad se accedamus: ubi
 vero accessimus, quo nota nobis sit nostra malitia, &
 in eum iniquitas, ait, Ego sum quem vendi-
 distis in Aegypto. Id vero illi perfectius cognos-
 cunt, qui ei propinquiotes sunt: participant enim
 magis eius lumine, quo eis sua apertius miseria de-
 monstratur. Quare nos in hac re Prophetæ consilium
Psal. 33. sequi oportet dicentis: Accedite ad eum, & illu-
 minamini. Atque hoc de primo. Quod vero ad se-
 cundum attinet, ideo vidit CHRISTVS Ciuitatem,
 ut nobis ostenderet, quantum teneamur inspicere
 animam nostram, quae ciuitas est quaedam & ciues
 eius videlicet opera. Quocirca nihil aliud efficacius

inueniri potest medicamentum, illo quo Dominus san-
 naturus caecum vsus ducitur in Euangelio: expuit Marc. 8.
 enim in terram, fecitque lutum, & posuit super oculos
 eius. Ad eandem etiam normam debemus nos, si
 spiritualiter videre volumus, ponere super oculos nos-
 tros propriarum miserationum lutum, ut conspicientes
 nostrum nihil, cognitionem nostram, quam quaeri-
 mus, consequamur: consequemur vero, si quod Rex
 David nobis praecinit, attentis auribus audiamus:
 ille enim huius Ciuitatis labores adeo peculiariter
 praecidit, ut ex eius mente possimus magnam par-
 tem rerum illarum agnoscere, quae ipsi conuenire
 videntur; sic enim ait ille: Vidi iniquitatem, & Psal. 54.
 contradictionem in Ciuitate. O quam aperte
 iniquitas Ciuitatis huius, id est, animae nostrae, ab
 his percipi potest, qui considerant quod in iniquita- Psal. 50.
 tibus concepti sumus. Quid vero est iniquitas,
 & peccatum aliud quam nihil? nihil ergo est origo
 Ciuitatis huius, nihil etiam caetera putari debent,
 quaecumque in omni vita consequuntur; ait enim idem
 Propheta: Et substantia mea tanquam nihili- Psal. 38.
 lum ante te. Finem vero eius simile esse principio
 illud ostendit: Exhibit spiritus eius, & reuertetur Psal. 145.
 in terram suam, & in illa die peribunt
 omnes cogitationes eorum. Quis se existimet
 esse aliquid, cum suae etiam naturae initium ignoret?
 cum nec intelligat modum quo conditus est, quomodo
 genitus, quando moriturus, nec animae suae natu-
 ram, nec quid in ea insit, nec quomodo existat, satis

vnquam cogitatione assequi potuerit: quis non suum
 nihil videat, si miseras corporis, si carceris corru-
 ptionem, si quam sit fami, frigori, aliisque infirmita-
 tibus obnoxius contēpletur? Nam de pugna mentis;
 & corporis, quid opus est dicere? quis enim arrogan-
 tiam, & superbiam suam non deplorat; si sua opera
 consuleret? si id cogitet, & secum reputet, quantum
 DEI inspirationibus sanctis resistat, quantum in
 bene operando difficultatis sentiat, quemadmodum
 luci a DEO missae rebellis sit, quoties operandi op-
 portunitate oblata, in aliud tamen tempus bonum
 opus differat, causamque negligentiae quaerat; alias
 quidem prouidentiae speciem praetextens, alias vero
 ibi trepidans, vbi non est timor, vt perpetuum homi-
 nis opus est, videatur diruere scilicet bonum quod in
 eo aedificat DEVS, salutique propriae aduersari,
 & libertatem suam attenuare. Haec est nimirum
 contradictio illa, de qua Apostolus ad Romanos: Vi-
 deo, inquit, aliam legem in membris meis,
 repugnantem legi mentis meae, & capti-
 uantem me in lege peccati. Tantam enim
 vim habet eiusmodi contradictio, vt non quod
 volumus bonum agamus, sed quod nolu-
 mus malum. O magnam Ciuitatis huius calami-
 tatem! sed grauiora adhuc idem Propheta in his
 quae sequuntur, plane declarat, dicens: Die ac no-
 cte circundabit eam super muros eius ini-
 quitas, & in medio eius labor, & iniustitia.
 Nullam namque aliarum ciuitatum ita hostes pre-
 munt,

Rom. 7.

Ibidem.

Psal. 54.

munt, vt non interdum quiescere sinant: cum enim
nox, tum temporis diuturnitas, & qui continuus
esse non potest armorum vsus, nonnullum relinquere
solerent induciarum locū. At Ciuitatem hanc, de qua
loquimur, tanquam expertus miles, inquit Pro-
pheta, die ac nocte circumdari iniquitate.
Quibus verbis satis eius laborem, & periculum in-
dicat, quippe cuius inimici, mundus, scilicet, dæ-
mon, & caro, nec labore, nec temporis diuturni-
tate fatigati, vl' ū intermittunt oppugnandi tempus:
idq; adeo, vt non solum obsideant, sed & super mu-
ros eius iniquitatem constituent. Quod quidem nobis
tum accidit, cum veterem hominem non mortifican-
tes, eum iniquitatibus subiectum, adeoque in maiori
periculo constitutum relinquimus: in magno enim
periculo ciuitas versari solet, cum in eius muros ho-
stes ascenderit. Accedit ad haec, quod in medio eius
dicitur labor esse; & iniustitia: & quidem si ea
consideremus quae haecenus dicta sunt, vere dici po-
test, quod sit in medio eius labor: sed quiddam etiam
grauius forte reperiemus; id vero est, quod cum Ci-
uitatem oporteret his armis continuo se defendere,
quibus suos CHRISTVS instruxit in botro, di-
cens: Vigilate, & orate. armis profecto excellen- *Marc. 14.*
tissimis. Quod vel illud abūde confirmat, quod eadem
nocte, cum in duobus gladiis satis esse dixisset Domi- *Luc. 22.*
nus, ad haec tamen arma commendanda ter ab ora-
tione surrexit, vt eorum nimirum necessitatem, &
excellentiam declararet. Cum, inquam, his armis
Ciuitati

Ciuitati perpetuo vtendum esset, non leuiter deplorandum est, quod eas tam facile alias quidem somno oppressi, alias negligentia, & tepiditate deponimus, atque ita in labore ciuitatem constitutam relinquimus, quippe quam, cum hostes obsideant, defendere negligimus. Quid vero de iniquitate dicemus, nisi quod iniquitate Ciuitas plena est? Et de voluntate quidem, si aduerimus, sensus & superiores animae potentiae ita velut expositulantes conqueruntur: memoria quidem, quod cum eius sit delectari in Domino, eam tamen obcaecata voluntas propriis passionibus obliuisci DEI faciat, atque in eas misérias praecipitet, quibus in perpetua amaritudine versetur: intellectus vero, quod ei caelestium & aeternorum considerationem adimat, dum transitoria quaerit, atque terrena. Queruntur oculi quod aspicere ex concupiscentia cogantur, vnde iure poenas daturi sint: atque in eum modum reliqui sensus queruntur, vt facile Ciuitatis huius iniquitas appareat. Nec tamen hic dicendi finem facit Propheta, sed addit: Et non deficiet de plateis eius vsura, & dolus. Quod certe non minus, quam ea quae haecenus dicta sunt, dolendum est, quando non solum bono est destituta, sed est in ea & vsura, & dolus. Quod vt intelligi melius possit, aduertendum est, vsuram esse mutuum dare plusquam dederis sperando, adeoque non eius, cui das, causa, sed tua ipsius qui mutuum das. Erit itaque spiritalis vsura, si simili animo quis laboret, atque operam suam collocet. Quis autem

— verbis

Psal. 54.

verbis consequi possit mille Ciuitatis huius vsura-
 rum modos? Reperies qui eleemosynam det ob vanam
 gloriam; alium qui oret solum ob orationis suauitatem;
 alium denique ictunantem inferni tantum timore perterritum:
 ita omisso principali fine, qui **DEVS** est, omnia in vsuram quandam conuertuntur,
 vt merito his qui ita agunt dicat Dominus: Receperunt mercedem suam. *Quanta vero* *Matth. 6.*
est Ciuitatis huius miseria, quae nec ex laboribus suis fructum aliquem capit, nec ea colligit quae seminauit!
Ad dolos veniamus: qua quidem in re nos potius tempus, quam materia, deficiet. Quis enim Ciuitatis huius dolos dicere possit? Quoties nos propriae passionibus decipiunt! quoties tētationes! Quantum vero error ille est, quo communiter mortales se esse aliquid putant, & suis ipsi viribus ita nituntur, quasi in eorum manu propria vita sit! vt mirum non sit toties cadere, qui tam misere decipiuntur; neque resistere posse, dum infirmitatem propriam non cogitant: multa etiam, & magna facere posse putant; qui si proprias vires considerarent, longe aliter profecto sentirent. Nec solum nos ipsi decipimus, sed & proximos etiam miris dolis, dum videlicet alios honoramus, quo nos ipsi etiam honore prosequantur: alios quia timemus, laudamus: aliis, aliis de causis obsequimur: denique mille dolis, & fraudibus pleni sumus. Quamobrem dicit Scriptura: Vae duplici corde. Eoque procedit res haec, Eccl. 2.
*vt putent & quidam, **DEVM** se posse fallere:*
sic enim

Psal. 23.

Ibidem.

Psal. 23.

sic enim in vitiis quidam vitam agunt, vt illud Psal-
mi dicere videantur: Non videbit Dominus,
nec intelliget DEVS Iacob. Miserum te, qui
DEVM etiam fallere posse putes, nec vides quod
paulo post scriptum est: Qui plantauit aurem,
non audiet? aut qui finxit oculum, non con-
siderat? Vsq̃ue adeo malum inualuit, vt boni etiam
in hac parte plerunque decipiantur: qui cum meliora
& perfectiora videant, a sensuum cupiditate retenti
tamen, aut alias ob causas reuocati, dicere solēt, Ni-
hil hoc est, mortale non est, & non vide-
bit Dominus, nec intelliget DEVS Iacob.
Quos ego ita libenter interrogauerim: Si DEVS se
voluit dici Deum Iacob luctatoris, an non vobis vi-
detur eos aspicere qui luctantur? num se videlicet
sinant prosterni ab hostibus, an contra ipsi eos deſi-
ciant, strenue illorum illusionibus resistendo? Est alius
qui spirituales viros insignis error detinet, qui cum
sentiant in se paupertatis, obedientiae, & caetera-
rum virtutum desiderium, in eo sibi placent, & quasi
a debitore DEO petunt sibi vt faueat, quando eius
causa pauperes, & obedientes esse cupiunt: nec ad-
uertunt hi quantum DEO debeant, a quo eiusmodi
desideria habuerunt. Ita obliti quā via in eum sta-
tum perducti fuerint, quantaque obligatione DEO
ea causa deuincti sint, non intelligunt, non sibi noua
a DEO deberi beneficia, sed pro acceptis noua a se
deberi obsequia. An quisquam eorum qui inopem vi-
tam ducunt, si eius filium Rex aliquis dedi sibi postu-
lasset.

lasset, eum vt Regem faceret, Regi se putaret, aut dicere auderet beneficium praestitisse, qui filium non negauerit? Quis ergo putare audeat magnam se rem facere, qui petenti a se DEO concedat filium, id est, voluntatem, quo paupertatis virtute decoratam reginam faciat? Seruire enim DEO, regnare est; pauperemque esse spiritu, est esse omnium rerum Dominum: denique obedientem esse, & mansuetum, est terram possidere; sic enim scriptum est: Mansueti *Psal. 36.* autem haereditabunt terram. Cui, rogo te, obedire solebas cum viueres in peccato, vt magnum putes nunc si DEI legi obedias? Meminisse certe deberes, quam duram vitam viueres cum diues esses: ita posses videre quantum ei debeas, qui te ab illis priorum affectuum molestiis liberauit. Hi, atque eiusmodi alij multi sunt Ciuitatis huius errores, quorū non minimus is esse putandus est, quod ex his quae in nobis operatur Dominus, cum humiles fieri deberemus, superbi reddimur: solet enim plerumque accidere, vt cum in operando facilitatem aliquam experimur, eam nobis temere tribuamus, dum non cogitamus de infirmitate nostra, cuius rationem habens Dominus, ita solet fauere. Facit enim DEVS more peritissimi ducis, qui quos videt esse debiliores milites, solet cum his mitius agere, ne si illos durius tractet, forte amittat. Haec dum contemplatur Hieremias, merito flens dicit: Quomodo sedet sola *Thren. 2.* Ciuitas plena populo? Merito certe flet solam esse, quae plena sit populo: flet vero etiam, quia plena

plena est: nisi enim plena esset, sola non esset. Sed his
 Prophetae lacrymis omiſſis, nos ad CHRISTI
 lachrymarum considerationem conuertamus, qui vi-
 dens Ciuitatē, fleuit super illam. Solent quidem
 medici cum deprehenderint grauiorem esse morbum,
 atque in periculo magno constitutum aegrotum in-
 tellexerint, vultu tristitiam dissimulare, ne ille, si
 tristem medicum viderit, suum quantum sit pericu-
 lum agnoscat: ita is dum latitiam simulat, se aegroto
 consulere putat. Longe secus vero medicus noster
 CHRISTVS nobiscum agit, qui cum sciat quanti
 referat, vt proprias infirmitates, nostraque pericula
 agnoscamus, tristitiam vultu prae se fert, & aegro-
 tum cōspiciens flet, vt iste videlicet ex eo possit morbi
 grauitatem conijcere. Si enim medicus, in cuius manu
 salus est ob aegritudinem tamen infirmi flet, quanto
 aequius est flere aegrotum! Itaque dicebat filiis Hie-
 rusalem: Noli e flere super me, sed super vos
 ipsas flete: indicans plane, nōnullis lachrymae, quia
 non super se fleant, parum prodesse. Scimus fleuisse
 Esau, sed non super se, sed sua causa: ita nobis saepe
 solet proprius amor lachrymas exprimere, dum no-
 bis laborantibus tenere compatimur. Fleuit autem
 CHRISTVS, quo extergat, depe'llatque inutiles
 lachrymas ab oculis nostris, iubet vero flere nos super
 nos ipsos: nec enim super CHRISTVM flere
 debemus, quia peccatum non fecit, nec est
 inuentus dolus in ore eius. Possumus quidem
 passionem eius flere, sed super nos solos culpas flere
 debe-

Luc. 19.

Luc. 22.

Gen. 28.

3. Pet. 2.

debemus. Flendum quidem est, quod tam multa passus est CHRISTVS: sed illud non est omittendum, vt super nos ipsos fleamus, qui ei doloris tanti causa fuerimus: idque nobis cogitandum est, quod illum quidem Iudaei comprehensum tenuerunt, sed tenemus nos etiam tanquam comprehensum, dum quo minus in animis nostris regnare possit, imperfectionibus propriis impedimus. Deduxerunt illi CHRISTVM a iudicibus ad iudices: itidem facimus nos, qui tam saepe male de proximis iudicamus, & eorum facta per varia mentis nostrae iudicia traducimus. Vulnerarunt illi CHRISTI iam mortui latus: nos contra voluntatem regnantis, & in aeternitate viuentis, dum aliquid facimus, quid aliud quam eius cor vulneramus? Id quod ille aliquando Paulo conquestus dicebat, Saule, Saule, cur me persequeris? Quanto vero nos Iudaeis crudeliores sumus, qui CHRISTVM in laboribus positum nulla ex parte eleuamus, cum illi CHRISTO laborem, quaesito Simone, qui crucem portaret, nonnihil leuauerint! Bonum quidem est flere, cum CHRISTVM videas opprobrium esse hominum, & abiectionem plebis: sed illud nihil minus vtile, si fleas cum te videas tam libenter honores admittere, parumque curare, vt CHRISTI exemplo contemni velis. Flendum quidem est merito, cum CHRISTVM videas adeo a suis derelictum, vt dicat, Confide-
rabam ad dexteram, & non erat qui cognosceret me: sed illud non minus dolendum, quod

Act. 9.

Psal. 22.

Psal. 248.

tanto neglecto exemplo nunquam nos nec notis, nec amicis destitui patimur. Est quidem aequum sentire CHRISTI paupertatem: sed illud est nihil minus flendum, quod nolumus mirari. Denique pium est CHRISTI mor em flere: sed illud etiam pium, si gemamus toto pectore, quod nos necdum eius causa mortuos sentiamus. Neque (quod perus est) dum videmus CHRISTVM mortuum, optamus mortem, nec nobis vita haec longa esse videatur. Sunt certe tam multa cur merito flere debeamus, ut nulli me ea putem verbis pro dignitate persequi posse. Ad id igitur veniamus, quod est in themate nostro postremum, atque id videamus quam nobis necessarium sit nobiscum loqui. Audiamus vero primum dicentem Isaïam: Tacui, semper filii, putiens fui, sicut parturiens loquar, dissipabo, & absorbebo simul. Ex his profecto verbis facile potest intelligi, quam sit incommodum tacere, & ad sensualitatis nostrae impetus conuiuere, quamque sit necessarium parturientis more, id est, vehementer, & ex magno dolore loqui: vehementer quidem, ut dissipentur peccata, dolore vero, quod ea fuerint a nobis commissa. Quando vero loqui necesse est, quae a'ia, obsecro, posimus verba dicere, quae tantum aut possint valere, aut nobis prodesse, quantum ea valent, quibus usus est CHRISTVS, dicens: Si cognouisses & tu? Si cognouisses, inquam, memoria, quam i sit pretij de DEO ex amore cogitare, non te tam facile DEI oblita dispergeres. Si cognouisses, intellectus, quan-

Isai. 43.

Luc. 19.

quantum tibi nocuerit in eis non esse quae Patris
 caelestis sunt, multo profecto diligentius dirutae Ci-
 uitati remedium quaereres. Si cognouisses, voluntas,
 quae sis dum terram amas, quae vero dum diligis
 DEVM, facile profecto timorem omnem abijceres,
 vt DEI charitate repleri posses. Si cognouissetis,
 oculi, quam fueritis inuiles, incaute, brutorumque
 more circumspiciendo, immensam profecto lacryma-
 rum copiam profunderetis; eoque magis, si perpendere-
 tis, quantum ex creaturarũ contemplatione fructum
 percipere potuissetis, quantumque in eius amorem
 excitari, qui eas vobis ex tanto amore concessit: essetis
 videlicet potentiis animae tanquam folles quidam,
 quibus in eis diuini amoris flamma excitata indies
 cresceret. Si cognouissetis, aures, quale fuerit vanis
 fabulis delectari, quale vero sit ea quae per homines
 DEVS loquitur, interiorumq; Sponsi vocem auscul-
 tare, de qua scriptum est: Anima mea lique- *Cant. 5.*
 facta est, vt Sponsus loquutus est: certe sur-
 ditatis vestrae duritiam sentiretis. Quod si cum
 perditae quaereres, anima mea, suaves odores, cum
 pari diligentia DEI suauitatem in omnibus quae-
 siuisses, (potest enim facile conijci ex sole DEI clari-
 tas, fortitudo ex igne, ex melle dulcedo) quantum,
 DEVS bone, quae nullum ex alia recepisti, hinc
 fructum percepisses! Facile profecto dici non potest,
 quam fueris DEO ingrata, cui cum debueris tan-
 quam myrrha electa dare suauitatẽ odoris, pro suauĩ
 odore foetorem dedisti. Nam de gustu quid dicam

Iob 6.

aliud, quam quod in hunc modum Iob ait: Potest aliquis gustare, quod gustatum afferat mortem? utinam videres quid sit delectari amaris, & quod vere dulce est, amarum putare, diceres profecto cum eodem Iob: Quae prius nolebat tangere anima mea, nunc prae angustia cibi mei sunt. Si cognouissetis, manus, quanto cum labore, & periculo peccati mortua opera faciebatis, videretis profecto aperte, quam vere illud de vobis scriptum sit:

Psal. 113.

Manus habent, & non palpabunt. Et si diuinas considerationes, quas laborantibus in vinea DEVS afferre soleat, cognosceretis quales sint, diceretis certe, cum Propheta: DEVM exquisiui

Psal. 76.

manibus meis, & non sum deceptus.

Denique si cognouisses & tu, anima mea, ut facere non possis quin aliquid agas, quanti vero periculi plenum sit si male agas, quanti autem detrimenti si non bene agas, quantum porro in eo lueri, si sis in DEI gratia: quantā, bone DEVS, in charitatis operibus diligentiam poneretis! Nullam, sat scio, bene operandi intermissione faceres: nec vllum, quo plura semper posses opera facere, somnū dares oculis tuis. O te beatam si te cognouisses, si te, inquam, aliqua posses ratione cognoscere! Quid dicam tandē de me, aut quid aliud peccator sum, quam clauī, quam flagella, quam crux, quam hasta, postremo quam mors CHRISTI redemptoris nostri? Nam nec clauus, nec crux illa in culpa fuerunt, nec CHRISTO potissima doloris causa. Quin etiam suum ipsae. de. CHRISTI

morte

morte dolorem insensibiles creaturae quodammodo testatae sunt. Ego ipse, ego, inquit, sum, qui CHRISTI manus meorum operum nequitia transfixi, eius corpori carnis meae infirmitas tanquam flagellum est. Ego eius latus tanquam hasta aperio, dum eius voluntati non pareo: ei acetum propino, cum de aliis detraho: postremo, eius ipse mortis causa sum. O filij hominum, usquequo graui corde? *Psalm. 4.* Vide te, o homo, quis sis, & demittes facile alas penitatis tuae: o si cognouisses & tu, quam aequum sit te, qui durus fuisti clauus CHRISTO, esse amarum tibi, & cum anima tua duriter agere! quique fuisti crux CHRISTO, esse crucem tibi, negando propriam voluntatem, eamque tanquam perfidam puniendo! qui denique fuisti mors CHRISTO, esse saltem mortificationis causam tibi, cum pudore cogitando, vitam te ab eo accipere, cui tu mortis causa fueris! O quam est tibi necessarium, peccator, haec non obliuisci, sed in crucifixo CHRISTO, tanquam in speculo, te ipsum conspiceri, in eius manibus agnoscere crudelitatem tuam, in capite superbiam, in tormentis denique, & laboribus peccati grauitatem! Quod si aeternus pater in filio vnigenito tam seuerum iustitiae exemplum edidit, quid te futurum fuisse putas, si tecum ut iustitia postulabat agere voluisset? O si diligenter perpenderes, quemadmodum tecum DEVS agat, quam clare cognosceres, neminem vnquam nec tanto amore quempiam dilexisse, nec tam multas amandi rationes excogitasse! Nullum

certe reperire est sponsum, qui sic sponsam dilexerit, ut CHRISTVS animam. Nam si solent sponsi eis, quas charissimas habent, sponsis & blandiri, & quibuscunque possunt in rebus placere, facit idem multo magis CHRISTVS cum suis, qui se (modo aduer-
 tas) mille modis quo te inueniat, & recreet, praesentem exhibet. Si egrediaris ad forum, in paupere tibi occurrit, ut ei subuenias, imo vero (ut melius dicam) quo tibi ipse subueniat: petit alias idem tanquam infirmus a te salutem, te ut seruet: alias te in carcere expectat, se ut liberes, te ipse a tetriori carcere liberaturus. Quid plura? Consilium tanquam rudis a te quaerit, ut, dum tu ei consilium das, aeterna te ille sapientia donet. Iam vero si sponsi sponsis munera mittunt, quanta illa sunt munera, quod tibi creaturae continenter seruiunt! quod CHRISTVS esse, vitam, & spiritualia dona largitur! Si laetitiam illi, & gaudium sponsis procurant, septies id CHRISTVS facit quotidie, caelestia sponsis suis gaudia repraesentans. Quid enim nobis aliud Ecclesiae militantis festorum celebritates, quam triumphantem Ecclesiam referunt? Quod si sponsi maximam temporis partem cum sponsis traducunt, sponsus hic animarumstrarum nos nunquam deserit: In eo enim viuimus, mouemur, & sumus. Si gestant quidam sponsarum nomina argento, & auro impressa, CHRISTVS nos, quemadmodum legimus, in manibus suis scriptos habet. Si celebrant illi conuiuia, CHRISTVS suo sanctissimo

Act. 17.

Etissimo corpore suos pascit, sua, quæ dicit delicias Prouerb. 3.
 esse cum filijs hominum. Demum rationes
 vide, quibus te in sui amore in pertrahere studuit:
 ut enim duritiæ tuam in oratione molliret, san-
 guine sudans orauit: ut eius doloribus compaterer-
 ris, alligari ad columnam voluit, & flagellari: ut
 te humiliaret, spinis se coronari passus est: denique
 ut amaret, mori voluit. O si cognouisses &
 tu, ex quanto id amore processit! videres certe
 parum esse semel pro illo mortem oppetere, istum quæ
 putares, ut omnes in te creaturæ conuersæ, tuæ
 ingratitudinis a te poenas repeterent; diceres mon-
 tibus, Cadite super me, & collibus, Cooperite Luc. 23.
 me: nihil tibi asperum esse, nullus labor grauis
 videretur: quin eos etiam qui te persequerentur,
 amore prosequeretur, quippe quibus in persecu-
 tione tua tecum conueniret: caperes ex lapidibus
 fructum, dum iis pro puluinaribus vtereris; ex ve-
 stibus item, dum asperioribus indueretur; ex cibis
 denique, dum amarioribus paceretur. Illud iam re-
 liquum est, ut quæ diximus quatuor illa opere
 exequamur, quando & necessaria admodum sunt,
 & per gratiam facilia. Quid enim facilius quam
 appropinquare DEO, qui tam prope est? Illud
 est potius difficile, ut ab eo separari possimus:
 nec enim possumus vsquam ire, ubi ipse non sit.
 Itaque mirari debemus eos, qui audent inimicum
 sibi DEVM facere, a quo nec longius abire pos-
 sunt, nec nisi in eius conspectu dormire, & vigilare.

- Pfal. 138.* Vnde David: Quo ibo (inquit) a spiritu tuo, & quo a facie tua fugiam? Quod si omnibus tam praesens est, quanto erit his praesentior, qui se quaerunt! Id quod vel ex eo possumus facile intelligere, quod prodigum illum de quo est in Evangelio, cum adhuc longe esset, videns pater ipsius, misericordia motus est, & occurrens cecidit supra collum eius. Rem profecto consideratione dignam, quod a longe adhuc positum pater amplexurus accesserit: indicatur enim infinita DEI bonitas, magnaeque per eam in eo inueniendo facilitas. Ecquid esse facilius possit quam
- Luc. 16.* eum inuenire qui dicit, Inuentus sum a non quaerentibus me? Quanto putamus hunc facilius ab iis posse inueniri, qui se quaerant! Nam quod secundo propositum est, cui sit difficile, nempe videre? quando videndi cupiditate permoti homines, tam longe a patria peregrinari solent, idque ut vanum aliquid videant? Cur ergo, quod sine labore, & periculo per DEVM possunt, non se ipsi vident, quando in se homo multo habet plura, quam mundus, conspectu digna? omnia enim propter hominem creata sunt. Id ergo quaerant homines; etenim scriptum est: Videbunt recti, & laetabuntur. Audiant vero, ut ad lachrymas (quod erat tertium) excitentur, quid summa veritas promittat, dicens:
- Matth. 5.* Beati qui nunc fletis, quia ridebitis. Postremo ut nobiscum nos ipsi interius loquamur, illud Iob
- Iob 7.* nos moneat: Loquar in tribulatione spiritus, confa-

confabulabor cum amaritudine animae
 meae, & reuelabor loquens mecū in stratu
 meo. Quod si tantus hic vir, tam sanctus, dum esset
 in tribulationibus suis, se ipse interioribus collocutio-
 nibus consolabatur: cur nos tantum remedium neg-
 ligamus? cum praesertim id tantum, tamque verum
 gaudium consequatur? Sic enim scriptum est: Exul- *Prouer. 23.*
 tabunt renes mei, cum locuta fuerint recta
 labia mea. Quaeramus igitur thesaurum cogni-
 tionis nostrae, idq; ea ratione qua quaerendum esse
 ex Euangelij verbis intelleximus: quem nos si inue- *Math. 13.*
 nerimus, continuo vt agrum hunc possimus emere,
 omnia nostra vendemus tantū enim est consequutus
 qui reperit thesaurum hunc, quantum nec argento,
 nec auro emi possit: multo namque maius est gau-
 dium eorum, qui se per DE I gratiam agnoscunt,
 quam si ex teterrimo carcere educti, Orbis totius
 dominium obtinerent. An tibi non videtur summae
 esse causa laetitiae, quod se quis sentiat viuere super
 terram, sub quam esse, se videt suis peccatis commie-
 ruisse? An ille laetitia plenus non sit, qui inferni, quas
 meruit, cum Domini claritate, & creaturarum pul-
 chritudine quas conspicit, tenebras confert? An non
 est illius gaudium merito maximum, qui dum con-
 siderat, quemadmodū a daemonibus tractari meruit,
 non se ab hominibus male tractari videt? quando-
 quidem si male, ab his tractaretur, boni deberet con-
 sulere, & in lucro ponere. Iam vero si cogitet quae
 sit illorum vita, de quibus dici potest: Bonum erat *Marc. 14.*

si natus non fuisset homo ille: seque videt & DEVM amare & ei placere posse, illumque Angelorum more laudare: cur hic non maximo gaudio repleatur? Apparet plane illum prudenter agere, qui *Matth. 13.* pro agro hoc, in quo tantus est thesaurus, id totum dederit, quicquid habet. Sunt tamen nonnulli (quod dolendum est) qui quamuis res suas exterius reliquerint, necdum tamen agrū hunc reperire potuerunt. Cuius rei causam hanc possumus dicere, quod non plene omnia reliquerunt, sed aliquem vel affectum, vel proprietatem adhuc retinent, quae illos, quo minus possint thesaurum hunc cernere, offusis videlicet tenebris impediat. Quocirca diligens nobis est adhibenda opera in hac re. Argumento autem esse poterit ad id cognoscendum, an videlicet in nobis sit vera nostri cognitio, si nos ipsi odio prosequamur. ut enim se quisque agnoscit maxime, ita se maxime odio habet; quoque minus agnoscit, minus etiam odit. Supplicemus igitur Domino, suae nobis sapientiae lumen infundat, quo Ciuitatem hanc, id est, animam nostram conspicientes, super eam fleamus, atque indies & in DEI cognitione crescere, & in eius amore proficere mereamur. Amen.

TRACTATVS

SECVNDVS.

DE

CHRISTIANIS

OPERIBVS.

AVCTORIS EPISTOLA AD
Religiosissimam foeminam, Soro-
rem Franciscani Ordinis Sanctae
Clarae, Monasterij Gandiensis Ab-
batissam, suamque amitam, & in
 CHRISTO Dominam.



VM cuperem, Reuerenda
 admodum Mater, tibi
 pro his molestiis aliqua
 ex parte satisfacere, qua-
 rum tibi meis saepe pec-
 catis causa fui, nec me id
 putarem nisi bonis ope-
 ribus facere posse, eaque mihi deesse viderem : id consilij cepi, vt me CHRISTI
 operibus sanctissimis coniungere assidua
 medi-

meditatione contenderem, sperans futurum, vt eius meritis, atque exemplis, boni aliquid tandem aliquando possem efficere. Ea itaque gratia, in hunc libellum, quod *Speculum Christianorum operum* dici potest, nonnulla congeffi, quae mihi ad eam (de qua supra dixi) satisfactionem commoda videbantur. Ea tibi, Mater obseruandissima, mitto, atque offero, tuamque Reuerentiam oro, vt me suis orationibus adiuuare non desinat, quando adeo infirmus sum, vt nec tibi sine ope tua audeam satisfacere. Debes tu quidem hoc si non mihi, at Domino, & praeceptorum tuo CHRISTO, qui in Cruce pro nobis omnibus, vt satisfacere pro peccatis possemus, se patri obtulit. Cum sit (vt est in Psalmo) *redditurus DEVS vnique secundum opera sua*, illud nos Apostoli consilium amplecti oportet, quo admonet, vt *operemur bonū ad omnes, dum tempus habemus*. Veniet enim (vt est apud Ioan- nem) *nox, quando nemo potest operari*. Quamobrem simul ac conceptum est aliquod bonum opus, iudicioq; rationis probatum, & a voluntate ita admissum, vt id quod sit ad DEI gloriam, aut vtilitatem proximi, aut Scripturae sacrae consentaneum, facere instituerit; diligenter, nullaue interposita mora exequendum est. Si enim bona cum

Psal. 61.

Galat. 6.

Ioan. 9.

cum possumus operari, negligamus, magnum ex eo accipimus detrimentum, satiusque fuerat non deliberasse, quam, ubi deliberaris, non facere quae facienda esse intellexisti. Vulgatum est illud: *Infernum esse Bernardus. plenum bonis desideriis.* Caeterum nullum ego putarim praesentius esse remedium hominum in alis, quam bona opera. Si enim peccatum sit, te, ut peccatum deseras, adiuuant: si vero satisfaciendum sit, non nisi bonis operibus id praestari potest: sin velit quis perseverare, nec id nisi operibus bonis consequi potest. Quia *qui operantur in me, non peccabunt,* sicut dicitur in Eccl. Quare imitandus est nobis Esaias Propheta, qui dicit, *Et opus meum cum DEO:* faciendaeque nobis in DEO sunt opera, & ad DEI gloriam referenda: ita enim fiet ut sint stabilia, & permaneant. Quia vero nostra opera DEO, nisi per CHRISTVM, placere non possunt: ut & possint esse grata, possintque in eius conspectu consistere, cum CHRISTI operibus ea coniungentes, patri offeramus: ita enim fiet, ut quae per se nullius ad beatitudinem momenti sunt, CHRISTI meritis, & gratia, in DEI conspectum admittantur. Idcirco enim CHRISTVS induit pauperatam nostram, ut suis nos ipse diuitiis indueret: itaque voluit ambulare, comedere,

iciu-

ieiunare, dormire, vigilare, atque eius modi alia opera facere, nostrae vtilitatis causa; vt ea videlicet patri offerremus, atque ex ea oblatione fructum plurimum referremus. Quanquam vero pro talento sibi credito possit quisque ex hac exercitatione fructum capere, nec sit necesse his esse alligatum quae dicemus: visum est tamen pauca de hac re scribere, quae possent rudioribus saltem prodesse.

A R G V M E N T V M.

TRIA sunt, quibus exerceri animam conuenit, vt eius opera in diuinæ Maiestatis conspectum ascendere mereantur. Ea vero sunt: *Primum, vt se in singulis rebus confundat: Secundum, vt Deo gratias agat: Tertium, vt aliquid a Deo petat.* Quibus quidem etsi in omnibus vti possit, nos tamen ea his solum accommodabimus, quae quotidiana sunt. Tu vero ex his possis facile intelligere, quemadmodum te in reliquis gerere debeas. Vt ergo a primis incipiamus,

Cum te mane vestibus induis.

Confusio. CONFVNDERE quod te induas, cum CHRISTVS in Cruce nudus tua causa sit.

Gratiarum actio. Gratias age quod nostram ille humanitatem pro nobis induit, quos sciebat quam essent beneficio tanto futuri ingrati; quodque nos gratiae, quam saepe lacerauimus, veste induit. Petas autem, vt quando te induens, nudum vestis, sit ei gratū hoc misericordiae

opus,

opus, atque id eum per eam ignominiae vestem obtestare, qua ab Herode indutus est.

Cum audiendi sacri causa templum adis.

Quod DEVM, imperfectus ipse, laudaturus templum adeas, quem perfecti Angeli perpetuo laudant. Confusio.

Quod cum ex eius domo peccatis abstractus tam saepe abieris, reuocat ille tamen toties te, & stans ad ostium pulsar. Gratiarum actio.

Vt per eam charitatem, qua beatissima Virgo filium in templo praesentauit, tu DEO praesentari, & Spiritus sancti templum effici merearis. Petitio.

Cum oras.

Considera tuorum peccatorum multitudinem, & cum Publicano dic: DEVS, propitius esto mihi peccatori. Confusio. Luc. 18.

Quod pro te CHRISTVS orarit, idque impetrarit, vt, cum tu oras, exaudiaris. Gratiarum actio.

Vt per eam orationem, quam in deserto pro peccatoribus fudit, ea dignetur dona concedere, quae nos oratione dominica petere iussit: recitabis vero eam semel. Petitio.

Cum sacrum audis.

Quod ad id te negligenter praeparaueris, vt DEO in sacro assisteres, quodque beneficij huius continuatio, quae te debuit magnopere permouere, vt id magnificias, (est enim immensae CHRISTI charitatis argumentum) ipsa negligentem, adeoque ingratum reddiderit. Confusio.

Quod te Angelum efficit, si viuas eum, quem adoras, Gratiarum actio.

ras, fide confiteris. Est enim Angelorum DEO assistere, eumque sine intermissione laudare.

Petitio.

Ut per illud sacrificium, cuius hoc monumentum est, sui sanguinis tibi merita impertiat: tibi que huius sacrificij virtute eam lacrymarum copiam det, quibus peccata abluis, faciatque ut mortuo in te veteri homine, cum CHRISTO resurgas.

Cum mensae affides.

Confusio.

Quod eius pane vesceris, cui infidelis, & ingratus fueris.

Gratiarum actio.

Quod te, cum ipsius inimicus esses, haecenus enutrierit.

Petitio.

Ut per eum amorem, quo in deserto turbas paucis panibus saturavit, suae gratiae pane te quotidie pascat.

In negotijs quae ad nostram, vel proximi utilitatem pertinent.

Confusio.

Quod nos nostram, vel proximi causam DEVS agere velit, qui nobis ipsi, atque alijs saepe detrimenti causa fuerimus: cum praesertim tanti momenti sit proximorum utilitati studere, ut ea causa CHRISTVS in hunc mundum venerit, ut nostram videlicet, & proximorum causam ageret.

Gratiarum actio.

Quod cum his ipse negotijs nihil indigeat, ita ei tamen, quasi indigeret, grata sunt.

Petitio.

Luc. 2.

Ut per eam charitatem qua dixit, in ijs oportere se esse, quae sui patris essent, eam nobis gratiam concedat, ut in his semper simus, quae ad eius gloriam, & honorem pertineant.

Cum

Cum vesperi oras.

Quod DEVM alloqui debeas, quem trementes Confusio.
dominationes, & potestates adorant.

Quod ad orandum animum nobis dans iubet, vt Gratiarum
a se petamus. actio.

Vt per eam voluntatis suae cum Patris voluntate Petitio.
consensionem, qua in horto sanguine sudans Patri
dixit, Non quod ego volo, sed quod tu, diui- Matth. 26.
nae voluntati conformes & in vita, & in morte esse
mereamur.

Cum caenas.

Ob negligentias eo die commissas: quare dolens Confusio.
comede, & dic cum Propheta: Fuerunt mihi la- Psal. 41.
chrymae meae panes die ac nocte.

Quod de prandij beneficio ingrato caenam prae- Gratiarum
paraauerit. actio.

Vt per eam charitatem, qua se in vltima caena Petitio,
in cibū dedit, nos praeparet, vt se humiliter recipia-
mus, eiq; semper charitatis vinculo coniuncti simus.

Cum oras cubitum iturus.

Quod cum CHRISTVS in cruce tanto & Confusio.
amore, & dolore pro te preces fuderit, tu tamen pa-
rum ames, parumque doleas.

Quod moritur ille, & tu viuas.

Gratiarum

Vt per eum dolorem quem sensit ipse quidem actio.
moriens, eius vero mater morientem aspiciens, id Petitio,
nobis concedat, vt & in morte nostra mortis ipsius
recordemur, & propter ipsius mortem nostra sit
aeterno Patri accepta.

Y

Cum

Cum te noctu vestibus exuis.

Confusio. Quod requiescere in lecto vis, idque exutus vestibus, cum pro te CHRISTVS & indutus vestibus somnū ceperit, & ubi caput reclinaret non habuerit.

Gratiarum actio. Quod iis quae pro te passus est, tibi veterem hominem exuierit.

Petitio. Ut per eum dolorem quem sensit cum vestibus crucifigendus exueretur, nos malis mentis habitibus, & moribus exuat, ut nudi rebus terrenis crucem amplectamur, atque in cruce morientes nuptialem vestem mereamur, quam praeparauit aeternus Pater diligentibus se.

FINIS PRIORIS EXERCITII.

QVIA vero longum esset exercitij huius formam ad omnia nostra opera accommodare, haec satis sint, ex quibus, quemadmodum reliqua ad hanc normam exigenda sint, facile colligi posset. Quod si cui placet in caeteris etiam exerceri, hac, quae sequitur, forma uti poterit.

Cum stat.

Meminerit stans ante iudicem CHRISTI.

Cum sedet,

Sedentis CHRISTI, cum ei illudentes impudenter dicerent: Ave Rex Iudaeorum.

Cum ambulat.

Per Samariam transeuntis, itemque in Calvariae montem ascendentis.

Cum

Cum defatigatur.

Defatigati ex itinere, & super fontem sedentis.

Cum equo inledit.

Veñi asino, atque Hierosolyam ingredientis.

Cum aegrotos inuisit.

Aegros sanantis.

Cum eius bona opera reprehenduntur.

Accusationis Iudaeorum, & marmurationis, quod

CHRISTVS in Sabbatho curaret.

Cum ei ab aliquo asperius respondetur.

Eius responsionis, Sic respōdes Pontifici eius etiam colaphi, quem in CHRISTI faciem sacratissimam impius minister impegit.

Cum fame premitur.

Eius quam in deserto passus est.

Cum friget.

Argentis in praeseptio CHRISTI.

Cum sitit.

In cruce sitientis.

Cum excitatur à somno.

A suis discipulis, cum in naui dormiret, excitatis.

Cum in aduersis deseritur ab amicis.

A fugientibus discipulis destituti.

Cum discedit ab amicis.

A Virgine ad passionem abeuntis.

Cum eius bonis operibus detrahitur.

Detractionis Iudaeorum, cum dicerent: In principem daemoniorum eicit daemonia.

Cum publice contumeliam patitur.

Producti ad populum a Pilato, dicēte, Ecce homo.

Cum falso accusatur.

Accusati in domo Caiphae.

Cum iniuriā patitur.

Ad mortem iniquissime condemnati.

Cum dolore aut morbo grauiatur.

Flagellis caesi ad columnam, spinisque caput cincti, atque in crucem adaecti, ubi a planta pedis ad verticem non erat in eo sanitas.

Denique cum morti propinquus est.

Morientis CHRISTI recordetur, atque in Patris manus spiritum commendantis.

Atque ita in omnibus CHRISTO, quem similia aut fecisse, aut pari meminit, sese offerat. Ita ex his, & similibus effectibus, magnum, qui se ex charitate hoc modo diligenter exercebit, fructum referre poterit.

Porro quia haecenus fere exteriorū rerum exempla posita sunt, de interioribus nonnihil etiam addendum putauimus: idq; in spiritualium praesertim virorum gratiam, qui non tam corporis quam spiritus molestias, & labores sentiunt.

Cum igitur a se datum ex charitate consilium videt a proximo non recipi: meminerit CHRISTI etiam consilia fuisse a plerisque spreta.

Cum offendi passim DEVM videns aegre fert: vehementer commotum CHRISTVM ex templo vendētes, atque emētes aliquando eiecisse recordetur.

Cum

Cum videt spirituales aliquem amicum virtutis viam deserere: quid CHRISTVS senserit, cum Iudam vidit veritatis viam deserentem.

Cum considerat, quam pauci sint pastores in domo DEI, qui suo pro dignitate munere fungantur: quid senserit CHRISTVS cum dixit, Messis *Matth. 9.* quidem multa, operarij autem pauci: atque ea causa quantum fleuerit.

Cum dolet ob defectus proprios: vidisse Dominum eos antequam essent, & doluisse.

Cum videt collapsum aliquem ex perfectionis statu: quam CHRISTVS aegre tulerit casum Petri, qui se antea fuisset confessus Filium DEI, & transfiguratum in monte vidisset.

Cum tentationibus premitur: quas CHRISTVS tulerit in deserto.

Cum videt malis bonorum societatem displicere: quo animo CHRISTVS fuerit, cum Gerasenos, ad *Marc. 5.* quos bonitate, & charitate permotus venerat, rogantes videret, ut ab illorum ipse finibus discederet. *Luc. 8.*

Cum dolenter proximi alicuius peccata: cogitet appropinquantem CHRISTVM Hierosolymorum *Luc. 19.* Civitati super eam fleuisse.

Cum imperfectam fidem habere quenquam videt: meminerit dicentem CHRISTVM discipulis, qui ob incredulitatem daemonium eijcere non potuerant: O generatio incredula, usquequo patiar vos?

Cum irrident bonos mali: dictum esse CHRI-

STO in cruce, Alios saluos fecit, seipsum non potest saluum facere.

Cum hi qui male vixerant, moriuntur: magno-
pere doluisse CHRISTVM videntem paucis solum
esse sanguinem profuturum.

Cum sibi deuotionis spiritum deesse sentit: dicen-
tem CHRISTVM, DEVS, DEVS meus, vt
quid dereliquisti me?

Cum DEI quis nomen blasphemat: vidisse id
CHRISTVM olim, & doluisse.

Cum se familiaritate DEI priuari sentit, eique
cupit esse quam coniunctissimus, aut cum se huius vi-
tae periculis eripi optat: quanta illa fuerit CHRI-
STI charitas, cum Patrem pro re hac ita oraret:
Pater, pro eis rogo, vt vnum omnes sint, sicut tu Pater
in me, & ego in te, vt & ipsi in nobis vnum sint.

Haec (inquam) ita cogiranda, & cum quid acci-
dit, id in mentem reducendum, quod CHRISTVS
in simili statu constitutus senserit, eique quod nos
vel agimus, vel patimur, offerendum. Qua in re se-
dulam quisque debet operam ponere, nec sibi tantam
salutis occasionem oblatam eripi sinere: alioquin non
solum turpis negligentiae, sed etiam insignis erit in-
gratitudinis nota, si quae tam facile possumus assequi
bona, parui faciamus. Quare te oro, moneo, atque
hortor, o anima, quaecunque es, ne tantum bonum
negligas: sed cogites quam sit facile, quod a te, exigit
DEVS, quanta vero largiri cupiat. Petit enim ex
te, quae etiam ipso non petente fueras factura: &

ambu-

ambulandum enim est, & comedendum, & laborandum, & aegrotandum denique, ac moriendum. *Iob 5.*

Quae tu, & eiusmodi caetera, si tua aut mundi causa agas, vel patiaris, praeterquam quod & laboriosa erunt, nullum ex his fructum referes: si autem CHRISTI amore agas, ac seras, & erit tibi leuior labor, (recreat enim CHRISTVS pro se laborantes) & ubi ipsa transacta erunt, praemium accipies,

quod nec oculus vidit, nec auris audiuit, 1. Cor. 2. nec vlla potest lingua enarrare. Quamobrem

committendum nullo modo est, ut tantam culpa nostra felicitatem amittamus: sed in id potius totis viribus incumbendum, ut CHRISTVM in omnibus imitemur. Ita fiet, ut illa nos subinde verba con-

soleniur: Qui sequitur me, non ambulat in tenebris, sed habebit lumen vitae: lucem vi- *Ioan. 8.*

delicet illam, quae illuminat omnem hominem venientem in hunc mundum, omnesq; beatos in vitae aeternae portum feliciter perduxit. *Ioan. 1.*

Quo nos DEVS gratia sua tandem aliquando perducere dignetur, ut Patrem, Filium, & Spiritum sanctum laudemus, & glorificemus in secula seculorum. Amen.

TRACTATUS

TERTIVS.

COLLYRIVM

SPIRITVALE.

PROLOGVS.



x damnis quae nobis superbia affert, potest humilitatis fructus agnosci, quae eo in scriptura magis celebratur, quo magis est ad vitam spiritualem inter virtutes ceteras necessaria; quippe quae sit totius aedificij spiritualis fundamentum. Parum enim pro-
 fuerit, scientiam, aut fortitudinem, aut liberalitatem, aut eiusmodi virtutes acquisisse, nisi eas quis humilitate cōseruet. Etenim quid prodest Eleemosyna, quam, cum destituitur humilitate, vanae gloriae vitium inficit? Quis porro fructus ea quae fortiter facta putantur sequi potest, si humilitate careant hi qui ea gesserunt? Id quod cum de reliquis virtutibus dici possit, plane apparet magnum esse superbiae detri-

detrimētum : idque vel ex eo cognosci potest, quod haec vna de caelo Luciferum deiecit, & hominem ex eo quo fuerat honore praeditus deturbatum, similem iumentis effecerit. Quod cum ita sit, non puto esse necessarium, humilitatis virtutem magnopere commendare, sine qua, quod altum hominibus esse videtur, abominabile est ante DEVM : tantum itaque ea tradam, in quibus si diligenter versemur, hanc poterimus virtutem facilius consequi : quam nisi diligēter custodiamus, quae est inimicorum nostrorum in oppugnando dexteritas, facile erit amittere. Quare attente quae sequuntur considerata sunt ei, qui velit tanto hoc praesidio contra omne genus mali uti, de quo scriptum est : *DEVS superbi resistit, humilibus autem dat gratiam.* 1. Pet. 5. Quod ut studiosē facias, amice Lector, id te monere possit, quod cum beatissima Virgo virtutibus omnibus cumulata esset, humilitatis tamen solius videtur meminisse, cum Dominum magnificans dixit : *Respexit Dominus humilitatem ancillae suae,* Lut. 1. ecce enim ex hoc beatam me dicent omnes generationes. Quod cum ad humilitatis commendationem magnopere facit, tum illud quod Dominus prae caeteris virtutibus humilitatem, & mansuetudinem a se homines

discere vult: quod certe omnes deberet maxime excitare ad diligēter in hac praecipue virtute operam ponendam.

ARGVMENTVM.

CVM hoc vnum praecipue nos soleat in superbiam cedere, quod nobis plus aequo tribuimus: par est, tantum hoc malum, atque animae detrimentum, quod ei sui ignoratio affert, contrario adhibito remedio pellere. Quocirca ut solet aduersarius ea menti offerre, quae hominis cogitationem dissipant, atque a sui cognitione auertunt: ita contra opus est, in his mentem assidue exerceri, eaque considerare, quibus in vera humilitate conseruetur. Quo vero ubique se possit defendere, quando undique oppugnatur, Tractatum hunc (quo id instituimus docere, quo se quisque pacto in spiritualibus rebus, atque corporalibus, quo etiam in exterioribus, atque interioribus possit confundere, id est, de se, ut debet, humiliter sentire, seque in omnibus humiliter gerere) ita dinidemus, ut primo loco dicamus, quemadmodum eorum quae sub terra sunt, possit consideratione confundi: secundo vero, ut ex iis quae sunt super terram, in animae videlicet creaturis, atque iis quae vegetandi, & sentiendi vim habent, ex proximis denique, atque ex se ipso humilitatis fructum possit referre: postremo, ut ex iis quae in caelo sunt, & super caelum, Angelis nimirum, & Sanctis, diuina denique Maiestate, eundem confusionis fructum reportet: ita possit anima ubique & humilis esse, & Deo placere.

PRIMA

P R I M A P A R S,

QVA TRADITVR, QVEMAD-
modum eorum quae sub terrā
sunt, se possit anima conside-
ratione confundere.



MULTA sunt in inferni considera- Confundit
tione, quae ad nostram confusionem, nos infer-
atq; humilitatem plurimum valeant. nus.

Primū enim, quem non moueat, quod
cum vno solo peccato in tanta suppli-
cia daemones sint coniecti, se tamen, qui tam multa Daemones.
commiserint, nec dum vident digna supplicia pati?
Quem, inquam, non confundat, qui in se DE I
patientiam tantam experitur, vt cum tam seuerus
iudex fuerit in daemones, ei locum paenitentiae tam
benignus cōcedat? Quod eo magis permouere vnum-
quemque debet, quod eam soleant homines in per-
suadendo aliis peccato diligentiā adhibere, quam
nec a Lucifero factam vquam legimus: nec enim
verbis tantum homines, solaque, vt Lucifer, signifi-
catione, sed importunis etiam precibus, sed pecunia,
sed honore, sed vita, omnibus denique quibuscunque
possunt modis, alios in peccatum impellunt: vt homi-
num malitia hac certe in parte Luciferi malitiam
excedere videatur. Quod vel vnum, hominum su-
perbiam eo vsque deberet deprimere, tantamque
homini

homini confusionem asferre, vt ea, aliqua saltem ex parte, quod in inferno supplicij peccata nostra merentur, compensaretur. Accedit huc, quod eo vsque procedit plerunque hominum nequitia, ne dicam insania, vt ipsum etiam daemonem soleat ad se tentandum prouocare, eique ad sui interitum tanquam arma praeberet: vt mihi immerito facere videantur, qui, cuius ipsi damni causa sunt, in daemonem culpam solent reijcere. Quod si qui alios ad crimina pepulerunt, vix pro confusione inter eos consistere possunt ante terrenum iudicem; quanta par est confusione plenum esse, qui se cum daemonibus ante CHRISTI tribunal sisti consideret! Haec si quis, qua debet, attentione secum reputet, possit ille quidem, & certe debet, ob propriam malitiam eo vsque confundi, dum plene intelligat quanta non solum in hac vita, sed in ea etiam quae nullum sit finem habitura, suis peccatis supplicia promeruerit. Ita fiet, vt leue ei videatur omne quidquid in hac patitur, si cum iis conferat, quae in inferno (si cum eo pro meritis actum esset) fuisset passurus. Itaque confusione plenus, & suam miseriam agnoscat, & eam, qua se tamen indignum sentit, misericordiam petat.

Ne vero quisquam eorum, qui se iis (de quibus iam diximus) malis liberum putat, existimet, non esse cur se magnopere confundat: quisque secum de hac re sic reputet, nihil esse cur de se minus humiliter sentiat; quin potius eo maiori se confusionis obligatione obstringi, quod vna cum tantis malis DEI gratia per singula

singula temporum momenta eripiat: quae nisi hominibus praesens esset, quis non in peccati foueam caderet, adeoque aeternis supplicijs dignus esset? Cum vero haec DEI misericordia euaserit, quas non ei gratiarum actiones debeat? Magna certe ijs se confundendi causa inest, qui cum perpetuo DEI misericordiam tantam experiantur, tantopere nihilominus sunt ingrati: atque eo magis humiliari debent, quo se minus DEI gratia dignos agnoscunt; nihilque minus in DEI obsequio facere debent, quam, si ex inferno educerentur, fuissent facturi. Quam si quisque obligationem recte consideret, seque pro beneficiorum magnitudine parum posse DEO referre intelligat, hic non animum despondeat, sed illa se Prophetæ admonitione consoletur: Ne auertatur humilis *Psal. 73.* factus confusus, pauper, & inops laudabunt nomen tuum. Denique si coram daemonibus ha- *Damnati.* bet homo multa quibus se confundat, nihil se minus debet coram reliquis damnatis confundere, quando intelligit multos esse ob vnum peccatum tantum coniectos in infernum. Vbi quid sentire æquum est eum, qui se tanta, tamque multa peccasse agnoscit? Debet certe qui haec consideret, quantum illos peccatis, tantum etiam confusione, si potest, superare.

Iam verosi eos qui in limbo sunt cōsideres, quan- *Limbus.* taque te DEVS misericordia a multis quae accidere solent periculis ereptum, ad baptismi gratiam, ne illo caderes, tandē perduxerit, est certe quod plores, lachrymisq, tantam ingratitudinem diluas: eeq,
magis

magis, quod qui in limbo sunt, nullum vnquam mortale peccatum commiserunt, tu vero quoties id commisisti, toties fuisti infernum promeritus. Quod si illi minori peccato in tam profundum locum deiectioni sunt, qua tu fronte audeas super terrā viuere, qui DEVM toties grauissime offendisti? Quibus vero oculis audeas DEI visionem contemplari, qua illi multo minore culpa priuati sunt? Haec si recte consideres, nec illos qui in limbo sunt, dum tua cum illorum peccatis conuers, intentis audeas, sat scio, oculis aspicere.

Purgatorium.

At eorum consideratio qui in purgatorio sunt, eo nos debet magis confundere, quod illi quamquam tuto iam loco, tētiq; mūdi malis erepti, ceri praeterea nunquam se amplius DEVM offensuros, in portum denique prouecti, in suppliciis tamen sunt: nos vero & tempestatibus iactamur, & salutis nostrae incerti, inter astutos admodum, & acerrimos hostes, adeoq; in perpetuis periculis versamur. Quod si cuiquam confusionem minuat, quod illos intelligit digna peccatis supplicia pendere, is ita putet, nonnullos fortasse ibi cruciari suo vel exemplo, vel prauis consiliis, vel scandalo, vel denique negligentia in peccatum impulsos, plerosque etiam ibi diutius retineri, quod eius orationibus, aliiq; suffragiis minus adiuuentur. Id ergo istum (quisquis est) confundat, quod eis ut patiantur causa fuerit, opem ut liberentur aut nullam, aut exiguam ferat: propriasque putet eorum culpas, & suas quia nescit an solo purgatorio igne sint diluendae, eo se magis, magisque confundit.

SECVN-

SECUNDA PARS,

QVA TRADITVR, QVEMAD-
modum eorum quae in terra
conspicimus, consideratione
confundi debeamus.



I eorum qui noxi sunt comparatione
nocentiores inuenimur, quales coram
innoxiiis rebus, quaeſo, apparebimus?

Etenim ſi eorum qui peccarunt, con-
ſideratio noſtram magnopere ſuper-

biam deprimi; quanto nos eorum conſideratio hu-
miliare debet, quae nunquam a Creatoris praecepto
vlla in re diſceſſerunt! Inanimes dico creaturas,
quae ſolum vegetandi, vel ſentiendi vim habent, ve-
hementer quidem arguunt noſtram inobedientiam,

ingrati-
tudinē, atque inertiam. Terra quidem, quae Confundit
fructum proſert, nos plane reprehēdit, qui infructuoſi, nos terra.

atque ſteriles ſumus. Aqua vero, dum prata irrigat, Aqua.

ſitim ſedat, eaque facit, ob quae a DEO data ho-
minibus eſt, quantiū eos arguit, qui eam tunc Crea-
tori negant, cum ipſius nomine petenti pauperi prae-
bere omittunt! Iam vero ignis, dum ſapidas carnes Ignis.

reddit, quantum eorum crudelitatem condemnat,
qui proximi carnem inclementer tractant! Quan-
tum porro aër, qui noſtram perpetuo vitam tuetur, Aër.

negligentiam noſtram in DEI obſequio, quos vel

vna

Lapides.

Mcl.

Flores.

Plantae.

Iumenta.

Aries.

vna haec res maxima DEO seruiendi obligatione deuincit. Petrae vero quae in CHRISTI passione, quamquam insensibiles, scissae sunt, quantum deberent nostram duritiem, atque inciuilitatem confundere! Est mel palato dulce, nos vero DEO amarissimi: suavis est florum odor, at nostrorum quantus est peccatorum foetor! Crescunt plantae, sursumque tendunt: at homo, dum vilia sectatur, se magis, magisque indies deprimit: cui quanto esset consultius vel in hac re arbores imitari! quae quo in profundum plures radices iaciunt, maiorem ex iis ad ramos virtutem trahunt: sic enim homo, si profundas humilitatis radices iaceret, magnum virtutum fructum referret. Iam vero quem non moueant iumentorum seruitia? cum praesertim iis exhibent, qui se peccatis iumentis similes reddiderunt? Quanto vero dignior est, qui haec male tractat, qui male tractetur! aut quis non iure miretur obedire haec illis, qui DEI tamen voluntati repugnent? Induit te aries pelle, & vestit lana, sui, & sustentat carnibus: tu vero eis cum in DEI gloriam vti deberes, his, atque aliis DEI beneficiis abuteris: dumque mille modis tuae concupiscentiae studes satisfacere, & creaturis, & DEO iniuriam facis. Fatigatum labore leuant supposito tergo iumenta, seduloque in ea re suo, qui eas in hunc finem creauit, creatori parem: tu vero nihil minus quam finem tuum aut cogitas, aut quaeris, quem certe par erat DEO aliquam (si ita dicere licet) quietem adferre, quando ex eius creaturis tantum in labore

labore leuamen capis? Non est quidem quod quiete
 putemus indigere DEVM, qui quidem summa est
 sui. atque omnium felicitas: sed quiscere tamen (quae
 eius est benignitas) putari se vult in iustorum ani-
 mis, Deliciasque suas ait esse cum filiis ho- *Prouerb. 8.*
 minum; de quibus tamen in hunc modum merito
 conqueritur: Laboraui sustinens. O quantum *Esaiae 1.*
 verbum hoc ad nostram confusionem valere debet,
 quando nostris DEO operibus laboris causa sumus,
 cum quietis tamen esse deberemus! Itaque non de
 brutis, sed hominibus dictum est: Paenitet me fe- *Genes. 6.*
 cisse hominem. Haec te, o puluis, & cinis, humi-
 lient, haec tibi lachrymas excutiant: idq; praesertim
 cum creaturam seruitio quietem tibi adferre sentis,
 quando non tu similiter erga DEVM te geris. Cum
 vero iumentis tuis pabulum das, ita puta, quanto
 aequius est illis te, quam tibi illa seruire, quae nun-
 quam DEO nec rebellia, nec ingrata fuerunt.

Serpentium prudentia, qui feruntur admota al- *Serpentes,*
 tera aure terrae, alteram, re vocem incantatoris *Psal. 57.*
 audiant, cauda occludere; tuae te imprudemiae *Eccli. 12.*
 admoneat, qui ne ad daemonis quidem tentationes
 aures claudere didicisti. Tuam tibi inertiam formica *Formicae.*
 demonstret, ea in aestate praeparans, quae sint ipsi *Prouer. 6.*
 in hyeme vsui futura: quod vel vnum plane tuam
 negligentiam arguit, qui non ea, dum vitis merita
 praepares, quibus sis post hanc vitam maxime opus
 habiturus.

Quo vero sit latior meditandi campus, apes co- *Apes;*

Z

gna,

Bombyces. gita, & bombyces, & eiusmodi reliqua animalia, ita tibi admiranda multa, quaeque magnam in te excitent confusionem, occurrent: quae nos consulto omittimus, ne prolixiores simus; simul etiam quod nobis id propositum sit, ut rem tantum indicemus, quae sit diligenter ab vnoquoque cogitanda, maiora melioribus ingeniis relinquentes. Hoc vero interim admonemus, magnam in creaturis omnibus suppetere confusionis materiam, si, quoties vna quaelibet occurrit, persuasum habeas, te, quoties Creatorem offendisti, non id meruisse tantum, ut earum obsequio careres, sed ut illae etiam in te DEI iniuriam vlciscerentur. Quod cum eae necdum fecisse vides, sed tibi adhuc seruire, quantas debes, quantaq; cum humilitate, DEI misericordiae laudes! quam saepe porro te ad DEI obsequium paratum offerre!

Sus.

Canis.

Ne vero quenquam impediatur quorundam brutorum consideratio, dumque vel volutantem se in luto suum conspiciat, aut cum resumentē canem videt quod euomuerat, se illis putet non esse sordidiorem. Utque de rebus iudicet quisque ut par est, sciendum est, nihil per se malum esse, nisi quatenus in conspectu DEI, vel DEI iudicio malum est. Quare cum ea quae de sue, & de cane diximus, (quippe quae sint eis naturalia) non habeantur mala coram DEO, non esse a nobis mala existimanda: sed illi d potius cogitandum peccatori quale sit, aut quas mereatur poenas, cum faciat sus secundum naturam, dum voluit ut in luto; facit ille contra naturam suam, cum DEVM

nec

nec amat, nec DEO seruit: cumque in peccato quiescit, in quanto sordidiore quam suis luto volute- 2. Pet. 2.
tur; quantoque (cum ad relictum peccatum redit) foedius quam canis ad vomitum reuertatur: atque id eum confundat, eoque magis, quod ista intelligit DEO magnopere displicere. Non itaque quenquam reuocent a confusione quorundam irrationalium animalium facta, sed sua quemque male acta confundant, qui iudicio libero praeditus, omne potuit, & debuit malū vitare. Atque haec de iis quae ratione carent. Sequitur vt dicamus, quemadmodū nos debeat rationalium creaturarum, id est proximorum nostrorum, consideratio confundere. Sunt igitur in his superiores alij, alij aequales, alij vero inferiores: de superioribus pauca dicam, quando eorum auctoritas, & in te potestas, tantopere debet mouere ad humilitatem cum praesentes sunt, vt nisi te humillime coram ipsis geras, rationis iudicio carere videri possis, qui non consideres quam illi, & qualem personam gerant.

Rationalia
cōfundunt
nos.
Superiores.

Confundat vero te, magnoque timore cōcutiat, quod cum sint hi ministri DEI, non de te, qui diuinam Maiestatem laeseris, poenas sumant. Itaque si iubeant aliquid, si reprehendant, si castiget, id tibi, quamquam aliis durum videri possit, debet leue, & suauē videri, siue id cogites quod mereris, siue id memineris quod olim sub daemonis potestate faciebas, cum videlicet sub eius vexillo peccato seruires, eiusque in rebus non ferendis iugum ferres: utebatur enim te tanquam carnifice, cum videlicet te ad perpetrandum o-

pere aut mente homicidium adigebat; te denique tanquam foetidorum & corporum, & animarum vectore, utebatur, cum tuis vel exemplis, vel persuasionibus multi in peccatum cadentes, in infernum tandem praccipites ibant. Hanc tu tam miseram servitutem si tecum repures, dulcia tibi videbuntur omnia superiorum tuorum praecepta, cum te praesertim illi non iubeant facere, nisi quae ad pacificam, quietamque, & fraternae charitatis plenam vitam pertinent: teque indignum indicabis, qui eos habeas superiores, qui sint ipsi ministri principis pacis. & tibi occasio magna merendi vitam aeternam. atque haec de superioribus sint suis.

Aequales.

Aequalium consideratio ita te confundet, si te indignum putes qui aequalis dicaris iis, quibus vel dignitate, vel officio minor non sis: debes enim illorum virtutes cogitare, quibus te coram DEO maiores sunt. Quod ut tibi persuasum omnino sit, ita cogita, neminem tibi te ipso in malis notiozem esse: scis enim de te ipse, quam multa & male cogites, & appetas; aliorum vero interiora peccata non tibi perinde certa sunt. Quod cum ita sit, sintque tibi peccata tua certa, aliorum autem incerta, merito te debes peiorem caeteris iudicare, adeoque reliquis inferiorum. Quocirca si quenquam vides infirmum, cum tu sanus sis, noli efferri, sed potius humiliter considera, tractari illum a Patre caelesti tanquam dilectum filium, te vero paterna correctione, & amoris plena indignum esse: contra vero si tu aegrotus sis,

puta

Infirmi.

puta te id tuis peccatis meruisse; alios vero, qui prospera vtuntur valetudine, id consequutos, tanquam quibus non magna pro peccatis satisfactione opus sit.

Si diues sis, illud time, quam difficile qui pecunias Diuites. habent, in regnum DEI introibunt: si proximus, cogita ei, quod fidelis sit dispensator rerum Domini, auctum fuisse talentum.

Si pauper sis, DEI iusto iudicio, & tuis meritis Pauperes. tribue, qui vel spiritualia bona tibi a DEO data dissipaueris, aut egentes proximos re, cum posses, aut orationibus, atque aliis huiusmodi eleemosynis non inuueris: si proximus, existima eius a DEO votis satisfactum, magnoque illum a DEO beneficio cumulatum, qui CHRISTO paupertate similis effectus sit. Ita te si in proximorum rebus geras, deque illis, & te sentias, (vt par est) nunquam tibi confusionis materia deerit.

Nec vero putes defuturam in rebus inferiorum: Inferiores. nec enim hi quod sint inferiores officio, contemnendi sunt; sed potius eo pluri sunt faciendi, quod iis tanquam fortioribus maiora onera DEVS iniungat, tecum vero tanquam cum imbecilliori clementer agat, qui illorum non possis (quae tua est infirmitas) more viuere: nec enim tantum habes animi, aut virium, vt noctu, diuque possis tam multa pati. Quod si cogites, quam illorum plerique laeto animo suos ferant labores, quamque paucis in sustentanda vita contenti sint, denique si cum eorum virtute tuam imbecillitatem conferas, magnam humilitatis materiam habebis.

Famuli.

Cum te famuli comitantur, id te confundat, quod cum CHRISTVM deserueris, eique debitum honorem negaueris, illi te sequuntur tamen, & magno honore prosequuntur. Adde quod tibi seruiunt, ad caeleste regnum creati: cogita, cum tu es in peccato, & illi in gratia, indignum te esse qui illis seruias. Confundat te illud CHRISTI exemplū, cum discipulorum pedes lauit. Confundat quod dixit: Non veni ministrari, sed ministrare. Confundat te tandem coram omnibus eorum creatio: sunt enim ad imaginem DEI, & similitudinem facti, & tantopere chari aeterno Patri, vt pro eis vnigenitū dederit. Atque id

Infideles.

te debet coram infidelibus confundere, quando & ad eandē imaginē creati sunt, & pro omnibus CHRISTVS mortuus est: eoq; magis coram his debes confundi, quod fidei illi lumine destituti, iisque quibus DEVS solet suos recreationibus consolari, multa tamen, magnaq; patiuntur in ieiuniis, ceremoniis, atque eiusmodi aliis; tu vero Christianus, & Spiritus sancti gratia illustratus, donq; fortitudinis adiutus, & diuino amore subleuatus, in minimis quibuscq; ita fatigaris, vt leuem paenitentiam vel ferre non posse, vel si feras, magnum te aliquid facere putes. Excitent itaque te ad confusionem infideles: tecumque saepe

Math. 11.

id cogita, si fuissent in Tyro & Sidone factae virtutes, quae factae sunt in te, olim in cilicio & cinere paenitentiam egissent: hoc est, si infideles, quod tu, lumen fidei recepissent, quanto DEO, quam tu, gratiores fuissent! Deplora itaque quod tam inutile

fu,

sis, talisque ut coram Iudaeis etiam confundi debeas. Iudaei,
 Crucifixerunt illi quidem CHRISTVM, sed se-
 mel, sed ignorantes eum: tu vero crucifixisti saepe
 peccando, quem scires tamen ad dexteram Patris in
 gloria sedere. Quod si te illi confundunt, quantum
 putas te confundet quilibet Christianus! Etenim si
 Angeli imagini honorem deferimus, propter eum
 quem repraesentat; quanto eum in honore habere
 par est, qui in se viuentis CHRISTI imaginem
 gerat, & DEVS participatione sit, sicut scriptum
 est: Ego dixi, dii estis, & si ij excelsi omnes. Psal. 81.

Quo vero tandē ea absolvam, quae ad proximos
 pertinent, aduertendum id est, quod puto magnopere
 conducere ad confusionis conseruationem: dæmonens
 videlicet exercitium hoc quibuscunque potest ratio-
 nibus vndique oppugnare, atque ita vehementer, ut
 magna ei diligentia opus sit, qui ab illo magnum nolit
 accipere detrimentum. Est itaque necesse, ita eius-
 modi veluti habitum acquisisse, ut simul ac cum pro-
 ximis aliquid agendū sit, eo vnumquemque in honore
 habeamus, tanquam si nostri essent omnes aut do-
 mini, aut praeceptores; eaque vnumquemque at-
 tentione audiamus, eorumq; consilia sequamur, tan-
 quam si nobis per eos DEVS loqueretur; caueamusq;
 magnopere nostrum illorū iudicio iudicium praefer-
 re. Qua in re duabus de causis peccari solet: altera,
 quod nemo in causa propria idoneus sit iudex; altera
 quod aliquando adulatione, saepe vero ex ignorantia
 pauci de rebus sentiūt ut par est. Itaque nonnunquam

astuti, & vafri tanquam prudentes laudantur; & qui omnia irrident, sapientes habentur, cum contra tamen de iis sentiendum esset. Quocirca tutum est etiam in bonis tum gratiae, tum naturae, & timere ne decipiamur, & D E O in omnibus, quaecunque in aliis viderimus, gloriam dare, omniaque semper in meliorem partem interpretari. Quod si contingat eos aliquid facere, quod rectum esse non videatur; ne vtiq; iudicemus, quando nisi nostri non nobis licet iudices esse: sed vel excusemus factum, vel inde mente auersa eorum bene acta consideremus, nostraque cum illorum virtutibus vitia comparemus, ne vllum confusionis gradum (si aliter agimus) amittamus. Itaque si viderimus vel mortaliter peccantes, id cogitemus vel fecisse ex ignorantia, vel iam ad D E I gratiam per paenitentiam rediisse, futurumque illis peccatum maioris hic paenitentiae, adeoque gloriae in caelo perfectioris occasionem. Ne vero quicquam confusione depereat, aduertendū in conuersationibus, vbi maiora solent esse pericula. Vt si de mansuetudine agatur, veniat in mentem irarum tuarum: si de rebus pulchris, tuorum peccatorum foeditatis recorderis: si de magnatum potentia sermo fiat, id consideres, quam nihil sis, nihilque possis, tum etiam cum maxime aliquid efficere coneris: si de auaritia quis loquitur, tua inordinata desideria; si de humilitate, tuam superbiam memineris: atque ita in reliquis. Cum mentio sit vitiorum, nostrorum recordemur; cunctis autem virtutum, eas nobis deesse cogitemus. Ita fiet,

In conuer-
sationibus
confundūt
nos,
Mansuetu-
do.
Pulchritu-
do.
Potentia.
Auaritia.
Humilitas.
Vitia.
Virtutes.

fiet, vt confusionis materia nobis semper suppetat; idque in conuersationibus praesertim, vbi maius est confusionis amittendae periculum.

At vero, vt ad eam, quae ex nostrarum rerum consideratione nascitur, confusionem propius accedamus, pauca quaedam attingenda nobis sunt breuiter, nam lectori profundiorum eorum considerationem relinquimus.

Praelatum igitur confundat, quod cum CHRI- Praelati.
STVS dicat, Animam meam pono pro ouibus meis: ipse in pascendis ouibus adeo sit negli- Ioan. 10.
gens, vt ne eas quidem agnoscat omnes.

Si Sacerdos, cum CHRISTVS dicat, Qui Sacerdotes. Sacerdotes.
mihi ministrat, me sequatur: quam ipse viam Ioan. 12.
institerit, quaeque his manibus egerit, quibus solet
in sacrificio CHRISTVM tenere.

Si concionator est, confundatur quod CHRI- Concionato-
STI officium exerceat, quodque eius quae praedi- tores.
cat exempla non sequatur, neque hisce, quae dicit,
consentanea opera faciat: veniat & illud in men-
tem, Eloquia Domini, eloquia casta videatq, Psal. 11.
si non satis mundum vas sit, quanta sit confusione
dignus, illudque timeat: Peccatori dixit DEVS, Psal. 49.
quare tu enarras iustitias meas, & assumis
testamentum meum per os tuum? Quod si
Paulus timebat, ne, cum aliis praedicaret, ipse repro-
bus efficeretur: quantum debet quisque concionato-
rum timere, seque magnopere confundere!

Confundantur praeterea Praeceptores, & Docto- Praecepto-
res, vt res.

res, ut qui confusione praecipue opus habeant. Ait
1. Cor. 8. enim Apostolus: Scientia inflat. Quod si quis ob
 scientiam extollitur, ea vel maxime causa confundi
 debet: plus enim in eo sapit quam oporteat sapere.

Discipuli. Confundat discipulos sua ipsorum ignorantia, qui
 nisi docerentur, brutis animantibus similes essent:
 simul etiam, quod parum & in litteris proficiant,
 & sua aliis scientia prosint, cum debeant tamen eo
 magis prodesse multis, quo fuerint sapientiores: de-
 nique quod cum addunt scientiam, addunt etiam &
 dolorem.

Religiosi. Religiosus autem multo magis debet coram infi-
 delibus, & Christianis reliquis confundi: quando ei
 non solum fidei lumen datum est, CHRISTIQUE
 iugum dulce impositum; sed & vita omni solitudine
 vacua speciali quodam privilegio concessa. Confun-
 datur quod ex tam multis millibus electus sit, qui si
 vocati fuissent, multo erant DEO gratiores futuri.
 Confundatur quod tam negligens, & distractus sit in
 choro, ubi DEO assistunt Angeli. Confundatur ob
 servitia fratrum in culina, in valetudinario, atque
 aliis locis ipsi exhibita, qui neque cui serviatur, neque
 qui seruiat, dignus est. Confundant eum in coenaculo
 fercula, quae DEVS ipsi sine ullo ipsius labore, aut
 solitudine apponenda curat: vestes etiam quibus
 induitur, & omnis domestica supellex in eius usum
 parata: cumque his homines, quorum opera agri
 etiam, quorum cultu omnia denique, quibus tanquam
 mediis res eae in hunc tandem statum ad eius utili-
 tatem

tatem deuenerunt. Super omnia vero debet eum confundere, quod seruus DEI dicitur, qui ei tamen saepe sit inimicus. Nomen certe id est, de quo Virgo beatissima tanquam gloriabatur, cum se diceret Ancillam DEI, quodque magnopere superbos Luc. 1. quosque confundere debeat.

Confundat praeterea Religiosum magis, magisque Confundat
domus DEI, quam tanquam filius inhabitat: eum nos domus
tamen a Patris caelestis perfectione tam longe absit, Dat.
quotque in ea passus conficit, tot tanquam fluctibus in
confusionis pelago immergatur. Nam si domum Psal. 92.
Domini decet sanctitudo, quomodo in ea iniquum fert DEVS? aut cur ab orationis domo non
eijcitur indeuotus? Si porro eiusmodi est domus Domini, ut magnus & Rex, & Propheta Dauid eligit Psal. 83.
in ea potius, quam alibi habitare, seque in ea contemptum, & abiectum esse pro beatitudine ducat:
quanta eius debet esse confusio, qui illic inuitus maneat! aut si manet libenter, tanto tamen est DEI
beneficio ingratus!

Postremo eum omnes Religionis ceremoniae confundant, quando eas vel non intelligit quorsum spectent, aut non aduertit, aut graues esse putat, aut Ceremoniae Religionis.
sibi denique utiles esse non curat.

Confundatur cum pro amore DEI eleemosynam Piorum eleemosynae.
petit; est enim ea res insignis cuiusdam priuilegij: cogitetque quale sit, quod pro ipso DEVS, tanquam
qui indigeat, his qui ei medicanti aliquid dant, se debitorum constituat, eique suum thesaurum crediderit.

Quod

Quod si aliquando quae ipsi DEI causa data sunt, non in eum, in quem petit, vsum insumpsit, tanquam sacrilegus confundatur, qui DEO auferat, quod ipso petente alij DEO dederunt. Cogitet cum petit tanquam pauper, nisi animo pauper sit, falso se nomine petere: si vero petit ex curiositate, adeoque contra quam DEVS vult, deceptor est, & more eorum, qui falsis vtuntur diplomatis, numos a proximo surripit.

Angelorū
munus.

Confundatur denique, quod cum DEI nomine petit, Angelorum munere fungitur, qui ab hominibus semper tanquam DEI legati petunt: ab aliis quidem, vt pauperibus subueniant, ab aliis autem, vt iniurias sibi factas remittant; ab aliis vero, vt DEO quam debent gloriam, & honorem dent. Cum vero eleemosynam acceperit, confundatur, quod & danti DEO, & proximo ingratus sit: ita autem fiet, vt cum ei aliquid erit petendum, incipiat confundi, vt qui intelligat, quanta eum eleemosyna obligatione deuinciat: solumque necessaria petat, quando eo maiori obligatione obstrictus est, quo plura acceperit.

Peregrina-
tio.

Cum vero peregrinatur, caueat in eam cogitationem veniat, vt se Apostolicam vitam agere putet: sed illud porius cogitet, eam paenitentiae loco sibi esse vitam attributam. Quod si est e Religiosis inclusis, putet se, tanquam seram indomitam, voluisse Dominum ab hominum conuersatione remouere.

Reges &
Principes.

Si Rex sit, aut Princeps, confundatur, quod in eo statu sit, quem CHRISTVS vitauit, cum eum vellent

vellent Iudaei Regem creare. Mirum vero est, audere Ioan. 6.
quenquam id munus assumere, quod CHRISTVS
recusavit, nisi forte id pro cruce habeat, & CHRIS-
STI amore subeat.

Confundantur Domini, quod sint in requirendis Domini.
reditibus valde diligentes, in puniendis autem pec-
catis publicis admodum negligentes: timeant vero,
quod pecunia, aliisque bonis utantur tanquam suis,
nec eius soleant meminisse, a quo cuncta acceperunt.
Confundantur porro, quod se magnum aliquid fa-
cere putant, cum eleemosyna pauperi subueniunt;
nec cogitāt se dare aliena, DEO que quae sua ipsius
sunt reddere, in eoque, in quo se putant beneficium
facere, magno a DEO beneficio cumulari. Quod si
vel tum, cum eleemosynā dant, se debēt confundere,
quanto magis cum in vanos vsus pecunias expēdunt!

Cogitandum autem est equiti, in Euangelij de- Equites.
fensionem, adeoque ad promouendū honorem DEI,
assumptum sibi fuisse gladium. Quod si huius rei
memoriam proprii honoris studium delet, suumque
diuino honorem praesert, quid nisi Euangelij perse-
cutor est? Confundatur igitur tanquam DEO infi-
delis, cogitetque se, quanquam ab hominibus honora-
bilis habetur, esse peccati seruum, adeoque DEI
Sanctorum iudicio nullo non modo dignum honore,
sed inferni suppliciis destinatum.

Commendatarij autem, qui in Religione aliqua Commenda-
professionem fecerunt, de obseruationis votorum datarij.
negligentia confundantur: cog, magis, quod sciant,
quam

quam aegre ferre soleant sibi ab aliis praestitā fidem non seruari, utque de his, qui sibi aliquid promiserunt, plerumque ob violatam fidem poenas sumant.

Famuli.

Confundantur famuli, quod adeo sint solliciti in dominorum gratia ineunda: quam si diligentiam in DEI seruitio adhibuissent, quanto citius, quamque veriore gratiam inuissent! Seruire enim DEO, regnare est.

Iudices.

Cogitent iudices, quanta seueritate in reos sententiam ferant: confundantur vero, quod DEI

Sapient. 6.

iudicium, de quo scriptum est, Iudicium durissimum his qui praelunt fiet, nec secum diligenter reputent, nec perhorrescant.

Aduocati.

Confundantur aduocati, quod cum alienis causis patrocinium ferant, sint tamen conscientiae propriae magnopere negligentes: nec vero idcirco effervant, quod sua alios videant opera indigere; indigēti enim & ipsi multorum auxilio, in his quae ad animam pertinent.

Medici.

Confundantur medici, cum cogitant, quemadmodum aegrotos tractent, quando sciunt, cum in morbum ipsi inciderint, quanta velint valetudinē suam diligentia procurari. Cogitent etiam animarum suarum vulnera: eoque confundantur, quod cum medici appellentur, peritiores tamen sint inducendi in se morbi, quam pellendi.

Mercatores.

Confundat mercatores sollicitudo ea, quam in emendo vili, caroque pretio vendendo adhibent: ea propter ignorantes, quod regnum caelorum, quod
gratis

gratis datur, comparare nesciunt; emunt vero infernum, quod magno & pretio emiunt, & dolore possidentur.

¶ Ut vero etiam ad reipub. artifices veniamus,

Confundantur sartores, qui tantum in conficiendis alienis vestibus studium adhibent, cum sint ipsi tamen innocentiae vestis acceptae in baptismo valde negligentes.

Confundantur praeterea sutores, qui cum in durissimum etiam corium acu penetrent, in se tamen diuinas inspirationes penetrare non sinant.

Et quis autem possit de seminarum statu pro dignitate differere, his praesertim temporibus, quibus est tantopere vanitas hominum aucta?

Confundantur itaque virgines, quod saepe statuerint nubere. Etsi enim id licitum est, quanto tamen satius CHRISTO solo sponso esse contentas? atque essent quidem ipsae CHRISTO solo contentae, si eum quanto possent amore diligerent.

Confundantur nuptae, quod in ornandis se sint admodum diligentes, eiusque rei causa tam multa insumant; contra vero in eo negligentissimae sint, ut CHRISTVM induant. Cum se torquibus aureis ornant, meminerint ferreas fuisse CHRISTI catenas, eique ignominiae causa iniectas. Cum autem manus armillis ornant, ligatas CHRISTI manus fuisse recordentur. Cum porro se vestibus albis elegantiae causa induunt, fuisse CHRISTVM alba veste indutum ignominiae causa meminerint. Et
confun-

confundantur non ipsae modo, sed etiam viri, qui cum eiusmodi vestium Lavitias ferunt, CHRISTI vituperiis gratiam parem non referunt. Quod si illae manuum suarum opera considerent, detrahent, credo, digitis annulis, ut iis qui ornamento digni non sunt, cum feminis Christianis opera indigna fecerint.

Viduac.

Confundantur viduae, quae virorum mortem tam aegre ferunt, quod cum ipsis DEVS omnia impedimenta perfecti in se amoris abstulerit, tanto beneficio adeo ingratae sint, ut sibi melius cum creatura fuisse, quam cum Creatore, adeoque DEVM spernere, impatienter lata virorum morte, significare videantur. Conqueruntur enim ereptos sibi viros: sed profecto de illis aequius conqueratur DEVS, qui se ab illis sperni videat. Confundantur ergo illae, audiantque in haec verba conquerentem Dominum:

Hier. 2.

Me dereliquerunt fontem aquae viuae, & foderunt sibi cisternas dissipatas, quae continere non valent aquas. Itemque illud:

Hier. 2.

Quid inuenerunt in me iniquitatis, quia elongauerunt se a me?

Atque haec de statibus dicta sufficiant, ne propositam breuitatem excedere videamur: simul etiam quod facile sit ex dictis reliqua colligere; & si quis ea quae diximus diligenter cogitet, se confundendi occasionem semper habere.

Confundat
nos nemo-
nia.

Iam ut ad interiora veniamus, Confundere, o homo, de memoria tua: cum enim hanc admirabilem potentiam tibi scias a Creatore in id esse datam,
ut sui

ut sui posses & semper, & suauiter meminisse; tu tamen in ea vilia quam plurima reposuisti, hisque eam ita occupasti, ut vix eius, qui eam dedit, posses recordari: itaque sit ut nulli ipsa minus quam Creatori seruiat. Confundere igitur, quod ea in Domini sui iniuriam abusus sis, quodque cum in mentem tibi saepe reducat, ab Ecclesia quidem qui sis, admoto quotannis cinere capiti, atque illis verbis additis, Memento homo quia pulvis es, & in pul- *Genes. 3.*
uerem reuerteris; a scriptura vero, nunc quidem finis tuus, cum dicit, Memorare nouissima tua; *Eccli. 7.*
nunc vero ea quae causa tua CHRISTVS passus sit, cum dicit, Recordare paupertatis, & trans- *Thron. 3.*
gressionis meae, absynthij, & fellis; alias autem saepe alia; tu tamen nihil minus quam haec, & huiusmodi alia meminisse videre: & merito flere debeas, & cum Propheta dicere, Renuit cōsolari *Psal. 76.*
anima mea, memor fui DEI, & delectatus sum; eoq³ magis confundi, quod in DEI aliquando obliuione fueris recreata.

Iam vero ut ad intellectum transeamus, quantus *Intellectus.*
se in eo confusionis campus aperit! qui cum intelligat se in eum finem creatum esse, ut summum bonum intelligeret, saepe tamē non vana modo, & inutilia, & transitoria, sed pessima etiam cogitat, atque in iis denique occupatur, quibus intelligit minime debere esse intentum. Flendum tibi certe est malum hoc, & quanta possis confusione deplorandum.

Quid autem de voluntate dicemus, qua cum *Voluntas.*

DEVM super omnia deberes diligere, ea tamen fueris prosequutus, quae vel cogitare pudeat, nedum dicere? Quid tibi, inquam, dicam, o caeca voluntas, quae bonis aeternis sensuum delicias praetulisti? quam cum dulcis DEI charitas in Seraphinorum choro posset constituere, mundi foedus amor in inferna deiecit. Merito quidem, o anima, tuae te debent potentiae confundere, in quibus tam foedatam videas imaginem DEI: possis tu quidem eas, & debes cum dolore iis verbis reprehendere, Ecce Adam quasi vnus ex nobis factus est, deque eis in hunc modum conqueri: Quis vos, o potentiae, o imago DEI, quis, inquā, vos perdidit? quis tibi, o memoria, DEI memoriā abstulit? quis tibi, o intellectus, mentem eripuit? quis te decepit, o voluntas? O quam illud quadrat in te, o anima: Facti sunt principes eius sicut arietes non inuenientes pascua! More enim arietum cum pascua non inueniunt, potentiae tuae, quasi in DEO pascua non haberent, venenata pascua quaesierunt: adeoq; ea causa viribus defectae sunt, vt magna debeas confusione confundi.

Ad sensus transeamus.

Oculi.

Dedit quidem DEVS oculos, vt creaturarum pulchritudine conspecta, in re omni se amares, ipsiq; pro omnibus gratias ageres: tu vero contra quaecunque vides consumis, aut ira veluti ardēs, aut auaritia concupiscens. Itaque cum oculi tui coram DEO esse deberent, sicut oculi ancillae in manibus dominae suae, basilisci (qui quaecunque conspiciat,

visu

visu interficit) oculi facti sunt. Confundere igitur,
 quod lumen tibi datum in tenebras verteris: quodq;
 aures & sanctis inspirationibus claudis, & murmu- *Aures.*
 rationibus aperis: quod qua deberes DEVM lingua *Lingua.*
 benedicere, hominibus maledicis: quod cum sollicitus
 sis ne quicquam male oleat, graue olens tamen pec- *Nares.*
 catum non sentis: quod denique durum esse videat-
 ur, si quid' est pro CHRISTO patiendum, suaue *Tactus.*
 vero sit quod pro mundo pateris.

Deplora itaque sensuum mala, atque eius rei me-
 moria humiles tibi, & confusionis plenas lachrymas
 exprimat. Quod si necdum satis haec sunt, te caput *Caput.*
 tuum confundat, quod spinis pressum non sit: con-
 fundat capilli, quod non sint euulsi: manus autem, & *Capilli.*
 pedes, quod non transfixi clavis: reliqua te denique *Manus.*
 membra confundant, quod cum nisi DEI virtute *Pedes.*
 moueri non possint, fueris tamen tu pedibus CHRIS-
 TVM persequutus, manibus autem, atque operibus
 ipsum vulneraris, & lingua laeferis. Denique si recta
 ratione rem reputes, tu tibi magna solus confusionis
 materia es: nec enim est in te quicquam, de quo si
 diligenter cogites, non debeas magnopere confundi.
 Quod si in te sint, quae non intelligas, vel ea causa
 maxime confundi debes, quod te ipse plene non no-
 ueris. Nam vel quae sit anima, aut quid in se ha-
 beat, aut corpori quemadmodum vnita sit, denique
 vt sit a corpore separanda, si ex te ipse quaeras, scio,
 non poteris respondere. Quod si in rebus propriis
 tam es inscius, quam eris, obsecro, in alienis! Illud

interim verum est, & in his quae de te scis, & in his quae ignoras, magnam tibi confusionis materiam suppetere.

Bona.

Quod si mihi quisquam hoc loco obijciat, non in bonis, sed in malis tantum operibus confusionis causam reperiri, id ego negauerim: puto enim in bonis etiam propterea nos debere confundi, quod ad bonum sumus admodum imbecilles, adeo vero proclives in malum, ut magis mirum sit, ex tam corrupta natura boni aliquid prodire, quam ex rosario rosam nasci: est enim id roseto naturale, ut rosam proferat; at perfectum opus non sola hominis natura potest producere: nec enim DEO gratum quicquam sine eius gratia esse potest. Qui ergo miratur inter spinas ortam rosam, multo magis mirari debet boni aliquid a se factum; tantoque magis confundi, quod videt, ut in sterili solo, dignoque quod ob peccata in DEVM maxima sale conspergatur, operetur mira DEVS, atque id excolere perseueret. Quare non de malis tantum operibus nos, sed de bonis etiam confundi possumus, & debemus. Si qua enim facimus bona, DEVS est qui ea in nobis coepit, fecit, atque perfecit: nostrum illud est, ut magis, magisque confundamur, atque humiliemur, qui DEO tam saepe resistiterimus, eamque quam meruimus poenam eius clementia euaserimus.

TERTIA

TERTIA PARS,

QVA TRADITVR QVEM-
admodum caelestium rerum
contēplatione possimus con-
fundi.



I X scio quibus possim verbis de cae-
lestibus dicere, qui ne in terrenis
quidem pro dignitate, quanta in his
confusionis causa sit, potuerim de-
clarare.

Est quidem certe vel in sola caelestium motuum Confundū
contemplatione, magna confusionis materia, si cum nos caeli.
tam admirabili ordine, nostrorum actuum inordina-
tionem conferamus. Iam vero de planetis quid di- Planetae.
cam? quos scimus semper & a superioribus recipere,
& quam receperint virtutem perpetuo inferioribus
communicare? Vnus ex rebus omnibus homo est, qui
sibi, quo minus a DEO caelestia bona recipiat im-
pedimento est; eaque cum receperit, aliis negligit
impartiri. Cumque caeli omnes, & stellae solis lu- Stellae.
mine vestiantur, vnus homo solis iustitiae lumine
indui recusat magisq; (quemadmodum scriptum est)
tenebras diligit, quam lucem.

Ioh. 1.

Quod si Angelos contemplemur, quantum eo- Angeli.
rum, quae so, nos puritas atque innocentia confundet!
quantum id, quod eorum tanta & sapientia, &

charitate praedictorum consilia tam necessaria negligimus! Deficiunt me quidem verba, nostram pro dignitate confusionem explicare volentem, siue cum Seraphinorum amore tepiditatem nostram, siue cum Cherubinorum scientia nostram ignorantiam comparemus.

Sancti.

Quod si cui forte videbitur sublimiores esse Angelicos spiritus, quam ut cum his pulvis noster, & cinis debeat comparari, ad Sanctos veniamus, qui carne, & sanguine constituerunt: neque eis (quanquam hominibus) humana fragilitas impedimento fuit, quo minus pro DEI honore magna quaedam, & admiranda opera perpetrarent. Caelestium itaque hominum,

Martyres.

terrenorum facta confundant: Martyrum quidem in tormentis constantia, & virtus, nostram in propositis inconstantiam, atque infirmitatem; Confessorum vero paenitentia, vitaeque austeritas, nostras

Confessores.

Virgines.

delicias; virginum autem puritas, maximeque nostri Domini, turpitudinem nostram confundat. Atque Mater DEI. illud etiam, quod sacratissimae Virgini cum simus obligatissimi, propter filij educationem, qui esset pro nobis Patri in cruce offerendus gratiam tanto beneficio parem nunquam rependimus: quin etiam sumus ingrati, adeo, ut nec ab ea misericordiam petere prae pudore audere deberemus.

Christus.

At vero in CHRISTI consideratione, qui possit pro dignitate confundi? aut quae hic profunditas confusionis satis esse potest, ubi quis considerat CHRISTVM, quod vnicum habet remedium, atque

atque confugium, ita spreuisse, vt possit ille merito dicere: Proiectus sum a facie oculorum tuo- *Psal. 30.*
rum? Eius enim pedum vulnera, segnities tua, & torpor inflixit: eius latus tua inobedientia aperuit: manus eius opera tua clavis confixerunt: tua illi lingua fel propinauit: postremo, tua eius caput superbia spinis cinxit. Atque, vt vno verbo dicam, nihil est in CHRISTO, quod cum videas, non debeas merito confundi; siquidem scriptum est: Confundantur *Psal. 118.*
superbi, quia iniuste iniquitatem fecerunt in me.

Iam vero quid dicemus de confusione, quam sanctissimae Trinitatis conspectus affert? aut quanta *Sacratissima Trinitas.*
erit coram DEO confusio, si coram daemone tanta fuit! Quibus porro oculis audebis Patrem aeternum aspicere, qui eius vnicum filium ab illo missum, vt a te dissipatam haereditatem reciperaret, non solum (vt par erat) non excepisti, sed in crucem etiam adegisti? Quam reddes DEO pro credita tibi haereditate rationem? Quid vero pro his quae ab eo accepisti & temporalibus, & spiritualibus bonis respondebis? Quid porro dices DEI filio, qui pro te omnia passus est? Potest quidem ille merito hominibus dicere: Confundantur homines, quod cum ego DEVS o caelo in terras eorum causa descenderim, proque eorum salute homo fieri dignatus sim, nolunt illi tamen mea causa peccati sordes relinquere. Confundere, o homo, quando prius ego te dilexi, quam tu me diligeres:

prius ipse seruiui tibi, quam mihi seruires. O dura
 hominum corda! o ferrea pectora! qui cum me alliga-
 tum columnae videant, flagellis caesum, & vulne-
 ratum amore, alligari peccato malunt, quam mihi
 adhaerere, meoque mundi amorem honori praepo-
 nunt: nec intelligunt quam saeuus a daemone flagel-
 lis caedantur, peccatorum vinculis colligati. Dedi ego
 homini viscera mea, quibus tanquam firmissimae
 columnae complexu adhaerescat: contemnit ille ta-
 men, caque sequitur, quae ipsum coram me merito
 condemnent. O hominum ingratitudinem! o insen-
 satas humanas mentes! mihi seruiunt bruta, me ar-
 bores atque herbae laudant, vnus ex omnibus homo
 non agnoscit: sed more rabidi canis, qui dominum
 suum mori petiit, contra me insurgit, dignus quem
 terra dehiscens absorbat. Confundere, o homo, pro
 quo Agnus mansuetus factus sum, & leo esse ferox
 tandem aliquando desine. Amplector ego te charita-
 te, tu me cupiditatis flagellis caedis: cumque ego te
 pretiosis humilitatis margaritis ornem, tu meo su-
 perbiae spinas capui insigis. Intelligant aliquando
 homines, non arcis includenda, sed in pauperes ero-
 ganda bona accepisse. Considerent quantopere a me
 diligantur, quos ego, ab ipsis in carcerem coniectus,
 inferni carcere eripiam: quemque illi non desinunt
 ingratitudine crucifigere, ego charitate in charitatis
 viam reduco. Confundere, o homo, quem cum aspi-
 ciunt Angeli, tum contemptui habent, & decipiunt
 daemones, atque in conspectu meo condemnant.

Confun-

Confundere, inquam, & iudicium meum time, qui nisi hic confundaris, & peccata tua fleas, magna te manet, & amara confusio. Quem vero non confundat, quod ego DEVS & Dominus venatoris more perpetuo homines insequor, ne mihi qui tanti constiterint sorte pereant; illi vero me tanquam venenosum serpentem semper fugiunt? Cur me non timent, & mea iudicia? Cur non vitam mutant, qui mortis nec horam, nec diem sciunt?

Quid autem Spiritui sancto respondebis, aut quo ipsi ore loqui audebis, qui ei toties animae tuae portas occluseris; eumque a te (vt daemonem reciperes) impie, atque impudenter excluseris? Confundimini, o miseri homines, quos cum DEVS creauit, vt essetis filij Patris vestri qui in caelis est, digna tamen caelesti Patre opera vix vnquam faciatis. Est in eo infinita mansuetudo & benignitas, paratusq; semper est peccata remittere: vos vero iniquitate pleni, non solum factas vobis iniurias non condonatis, sed his etiam qui de vobis nihil male meruerunt, iniuriam facitis. Est in eo summa bonitas, qua inimicis etiam, dum eos semper cōseruat, benefacit: vos autem etiam amicis male facitis. Est in illo aeterna sapientia, & prouidentia admirabilis, qua vniuersum moderatur: in vobis autem insigne omnia perdendi studium, modo vt soli regnare possitis. Sed vos per Prophetam DEVS ita reprehendit: Nunquid habitabitis *Esaï. 1.* vos soli in terra?

Conclusio operis.

Me non materia, sed tempus deficit: sint itaque satis haec sapienti lectori, qui possit ex paucis multa colligere, & confusionis fructum consequi; si praesertim assidue, & diligenter in his se exerceat: quod quisque debet eo maiori studio facere, quod in eo maxima spiritualis fructus pars posita sit, ut nostram infirmitatem, & miseriam agnoscamus. Quod qui consequuti sunt, atque eiusmodi fundamento iacto aedificare coeperunt, possunt illi reliquam partem tuto superextruere: nam qui secus opus aedificant, his cum altius opus surrexerit, solet corruiere. Accidit enim, ut orationis consolationes, quae ad virtutes solent conferre, nisi humilitate conseruentur, in falsas, fallacesque consolationes euadant. Ita boni desideria, bona quidem sunt: sed si ea nobis ita tribuamus, ut non DEI esse beneficia agnoscamus, cum magno opere fallimur, tum non possumus, tam infirmo iacto fundamento, quicquam firmum extruere. Quamobrem qui sua vult opera esse perfecta, ea & confusione incipiat, & conseruet, nec nisi confusione comitante progredi quoquam audeat: ita fiet, ut qui confusionem nunquam deserit, a DEO nunquam deseratur. qui cor contritum & humiliatum nunquam despicit, sed cum humilibus libenter conuersatur. Hanc possumus dicere nuptialem vestem, qua qui erit indutus, a nuptiis non excludetur. Hoc est insigne filiorum DEI: hac indui oportet qui CHRISTVM sequi velit, quando ipse ea ita indu-

Psal. 50.

dutus est, ut diceret: Tota die verecundia mea *Psal. 43.*
 contra me est, & confusio faciei meae
 cooperuit me. Quod si etiam CHRISTI fa-
 ciem confusio cooperuit, qui est Angelorum speculum,
 & Sanctorum gloria; cur non ea peccatoris facies
 cooperiatur? aut quis nisi ea indutus in DEI con-
 spectum venire audeat, cum scriptum sit: Induan- *Psal. 30.*
 tur qui detrahunt mihi pudore, & operian-
 tur sicut diploide confusione sua? Attende
 porro dicentem Dominum: Super quem requie-
 scet spiritus meus, nisi super humilem, &
 contritum spiritu, & tementem sermones
 meos? Quod si iustos etiam induit DEVS confu-
 sione, non est quod se putet peccator sine ea vivere
 posse: cum praesertim non solum iusti in terra, sed
 etiam in caelo Sancti veste hac induti sint. Quod
 vel ex illis Euangelij verbis intelligi potest, quibus
 CHRISTVM in die iudicii ita alloquuntur:
 Quando te vidimus esurientem, & pavi- *Matth. 25.*
 mus te? id enim dicunt tanquam admirati, tam
 parvis operibus, tanta se praemia meruisse: id quod
 satis Augustinus indicat, cum sic dicentes inducit:
 Domine, cur tantam, & talem nobis gloriam prae-
 parasti? Quod si haec nos humilitas in caelum euehit,
 aequum est eam hic amplecti, eique nos tanquam ta-
 bulae in naufragio credere, neque dubitare futurum,
 ut ei innixi, periculoso miserae huius vitae pelago
 traiecto, in caelestem tandem aliquando portum
 DEI misericordia perueniamus. Amen.

TRACTATUS

QUARTVS.

DE PRAEPARATIONE AD SACRAM EVCHA- RISTIAM.

Confessio beneficiorum DEI.



DOMINE DEVS omnipotens, creator omnium, omnia obediunt tibi, & a te sibi praefixum ordinem seruant: soli homines, in quibus ego miserimus sum, a tua voluntate recedimus. Id quod non solum a me peccatum esse, sed alios etiam volui meae esse voluntati obsequentes, nec homines modo ad imaginem tuam factos, sed etiam elementa volui mihi inseruire: adeoque, si secus accidisset quam volebam, aegre tuli, vti si cuncta ipse creassem. Cui quanto fuisset aequius si omnia restitissent, atque in meam cuncta mortem conspirassent, qui tua ipse fuisssem mandata transgressus! Sed misericordia tua factum est, vt nec in me illa iniurias tuas vlta sint, nec de me ministri iustitiae tuae, meique hostes daemones poenas

poenas sumpserint. Dissimulasti hactenus, Domine
DEVS meus mihiq³ paenitentiae tempus bonitate
tua immēsa concessisti, quo posse videlicet caecitatem
meam agnoscere, atque aliter quam antea vitam
instituire: eaque causa multis me mirandisque mo-
dis, nunc concionibus, nunc lectionibus, alias vero in-
spirationibus saepe admonuisti: quae tamen omnia
cum facile obliuioni traderem, nullas in me firmas
radices iaciebant. Sed cum medicina tua omnia vul-
nera mea (quamquam maxima) longe superares,
addidisti id etiam, DEVS meus, vt mihi te omnia
visibilia praedicarent. Videbam morientes homines:
eamque nemini viderem mortem parcere, sed vitam
nostram aliquo tandem fine concludi, mouebat me
quidem res haec, finemque vitae contemplanti lux
quaedam affulgebat: sed, heu, facile inde mens auo-
cata, in solitas facile tenebras recidebat: nec me
(quae tua clementia semper fuit) vnquam, quan-
quam id saepe meritum, deseruisti, quin etiam alia
subinde, atque alia remedia adhibebas. Cumq³ satis
tanto malo non essent visibilia haec, tu ipse, Domine,
propius accessisti, dormientem excitasti, & ad cor
meum dulciter allocutus, ita inuitasti, quasi te nun-
quam ego offendissem. Quod si ego beneficium, vt par
erat, agnouissem, vel id vnum me semper in officio
continuisset; sed, heu, offendi te saepius, saepiusque
necesse fuit subinde cadentem a te leuari. Quodque
dolendum mihi magis, magisque est, cum mihi tam
saepe explorata benignitas tua humiliare maxime
debuisset.

TRACTATUS QUARTVS.

DE PRAEPARATIONE AD SACRAM EVCHA- RISTIAM.

Confessio beneficiorum DEI.



DOMINE DEVS omnipotens, creator omnium, omnia obediunt tibi, & a te sibi praefixum ordinem seruant: soli homines, in quibus ego miserimus sum, a tua voluntate recedimus. Id quod non solum a me peccatum esse, sed alios etiam volui meae esse voluntati obsequentes, nec homines modo ad imaginem tuam factos, sed etiam elementa volui mihi inseruire: adeoque, si secus accidisset quam volebam, aegre tuli, vti si cuncta ipse creassem. Cui quanto fuisset aequius si omnia restitissent, atque in meam cuncta mortem conspirassent, qui tua ipse fuissens mandata transgressus! Sed misericordia tua factum est, vt nec in me illa iniurias tuas vlta sint, nec de me ministri iustitiae tuae, meique hostes daemones poenas

poenas sumpserint. Dissimulasti haec, Domine
DEVS meus mihiq; paenitentiae tempus bonitate
tua immensa concessisti, quo posse videlicet caecitatem
meam agnoscere, atque aliter quam antea vitam
institueret: eaque causa multis me mirandisque mo-
dis, nunc concionibus, nunc lectionibus, alias vero in-
spirationibus saepe admonuisti: quae tamen omnia
cum facile obliuioni traderem, nullas in me firmas
radices iaciebant. Sed cum medicina tua omnia vul-
nera mea (quamquam maxima) longe superaret,
addidisti id etiam, DEVS meus, ut mihi te omnia
visibilia praedicarent. Videbam morientes homines:
eamque nemini viderem mortem parcere, sed vitam
nostram aliquo tandem fine concludi, mouebat me
quidem res haec, finemque vitae contemplanti lux
quaedam affulgebat: sed, heu, facile inde mens auo-
cata, in solitas facile tenebras recidebat: nec me
(quae tua clementia semper fuit) vnquam, quan-
quam id saepe meritum, deseruisti, quin etiam alia
subinde, atque alia remedia adhibebas. Cumq; satis
tanto malo non essent visibilia haec, tu ipse, Domine,
propius accessisti, dormientem excitaſti, & ad cor
meum dulciter allocutus, ita inuitaſti, quasi te nun-
quam ego offendissem. Quod si ego beneficium, ut par
erat, agnouissem; vel id vnum me semper in officio
continuisset; sed, heu, offendi te saepius, saepiusque
neceſſe fuit subinde cadentem a te leuari. Quodque
dolendum mihi magis, magisque est, cum mihi tam
saepe explorata benignitas tua humiliare maxime
debuisset.

Psal. 115.

debuisset, diuinaque consolatio tua ad id valeret, vt affectiones meas facilius mortificarem: tantis abusus beneficiis, humilitatisque, & mortificationis propriae oblitus, tuis etiam donis efferebar, aliisque eorum me causa praeferebam, quae me magis, magisque humilem reddere debuerant. Neque id tibi satis fuit, Domine DEVS meus, cur me desereres, quod in rem meam a te facta, in proprium ego damnum cuncta conuertebam: sed adiecisti plura, maiorique mecum misericordia vsus, consolationem tuam, quae mihi superbiae causa erat, subtraxisti: vt vel sic agnoscerem tuum esse donum, quod nisi te dante habere non possem, nec te auferente, aliquamdiu etiam retinere. Et (quod mihi reliquis maius videtur) me ita rursum consolari dignatus es, quasi ego, vt me consolatione priuares, non meruissem. Quid retribuam tibi, o Domine, pro omnibus quae retribuisti mihi? Sufficere haec quidem mihi debuerant, vt tuas laudes nunquam intermitterem, sed mea me rursum iniquitas in aliud malum coniecit: cum enim frequenter experirer consolationes tuas, his, tanquam mihi deberentur vti coepi: cumque noua semper beneficia esse agnoscere debuisssem, atque in singulis consolationibus, charitatem tuam, & misericordiam renouatis laudibus confiteri, cum tu beneficia renouares, nouam ego ingratitude pro gratia referebam. Vsus es etiam hic, Domine, misericordia tua, lumenque quo malum istud agnoscerem, & agnito morbo remedium quaererem,

conces-

conceſſiſti: quo etiam viderem, quoties ipſe mihi impedimento fuiſſem, tuiſque vocationibus reſtiſſem; tu vero meam quanta cum charitate ſemper ſalutem quaefuiſſes. Intelligo id iam Domine, me mihi damnationis cauſam eſſe, atque id agere vt peream; te vero id velle, atque id quaerere, vt ſaluus ſim. Quod cum ita ſit, cur ſim tam caecus, tam vero mihi inimicus, vt a me non quam longiſſime abeam, teque vnum ſequar, quando ego mihi mortis, tu mihi vitae cauſa es? iuſtumque eſt, vt cum deſero voluntatem tuam, meamque facio, me creaturae tuae eo uſque perſequantur, dum perimant. Nam ſi tibi obediens ſum, omnia mihi ſcio eſſe dulcia futura, quando omnia ſeruiunt tibi, cui velim ego ad mortem uſque obedire. O immenſa bonitas, & vnicum peccatorum refugium, miſereat te miſeri huius, quem proprio ſanguine redemiſti. Scis, Domine, quam infirmus ſim, vtque ſatis non fuerit vocaſſe te, & propria manu cor meum tetigiſſe, ſed eſſe neceſſe, vt nunquam inſpirare intermittas, meque ſemper mouere, vt faciam voluntatem tuam: alioqui ſi taceac, ero ſimilis deſcenden- Pſal. 142. tib; in lacum; & ſimulac deſerueris, me ipſe perdam. Fac, Domine, agnoſcam, quid tibi debeam cum ſancta inſpiras, quantaque debeam diligentia exequi quod iubes: in eo enim frequenter pecco, quod tuas inſpirationes negligo, vel eis remiſſe admodum obtempero. Agnoſcam, inquam, Domine, quantaec miſericordiae ſit quod iubes, quantoque amore iubes.

iubes. Agnoscam etiam quam tuis praeceptis obedientiam, & diligentiam debeam: etenim si terrenorum Regum praeceptis tanta cum diligentia obeditur, tantoque honori ducitur eorum iussis parere; quanta par est & obedientia, & sollicitudine tua iussa capessere, qui es tu Rex Regum, & Dominus dominantium! Agnoscam te, cum inspiras, qui sis, & ego, cui loqueris, qui sim: agnoscam, inquam, te, qui iubes, creatorem esse, me vero, cui iubes, puluerem esse, & cinerē; finem autem praecepti nominis tui sanctificationem, cui gloria omnis, & honor debetur. Intelligam etiam praemium, quod iis qui humiliter, & diligenter tua mandata fuerint executi, in caelis praeparasti. Video quidem, o caelestis Pater, indignum me esse qui exaudiar: sed si respicis Filium tuum vnigenitum, per quem id peto, si eius merita, & quod pro me soluit sanguinis pretium attendas, exaudies orationē meam: cum praesertim ille nobis ita promiserit iamnam moriturus, quidquid in nomine eius, a te peteremus, nos esse consecuturos. Aequum est itaque, Domine, ut fiat quod ille promisit: cum praesertim, nisi ita fiat, nos, ut debemus, voluntatē tuam facere non possimus.

Deut. 20.

Ioan. 16.

PRAEPARATIO AD SACRAM EUCHARISTIAM.

QVIBVS diuina misericordia concessum est, ut sacrosanctum Sacramentum frequentent, hos tribus ante diebus habitationem tanto hospiti
praepa-

praeparare non pigeat. Et primo quidem die supplicandum erit aeterno Patri, ut per eam charitatem, qua sic dilexit mundum, ut Filium suum vnigenitum daret, sic etiam mouit Patrum sanctorum, Patriarcharum, & Prophetarum corda ut Filij sui charissimi aduentum magnis precibus flagitarent: quippe qui diuino lumine illustrati, intelligerent in illo vno suam esse salutem positam, perque horum etiam merita, lacrymas, & desideria, nostra dignetur ad hoc sacrosanctum sacramentum corda praeparare, quando veritatis ore dictum est: Nemo Ioan. 6
potest venire ad me, nisi Pater, qui misit me, traxerit eum: atque ad id, vtendum erit sequenti oratione, tempore matutino.

Oratio.

Excita, Domine, corda nostra ad praeparandas Vnigeniti tui vias, ut per eius aduentum purificatis tibi mentibus seruire mereamur. Qui tecum viuít, &c.

Excitatorium.

Emitte agnum, Domine, dominatorem Esai. 16.
terrae, de petra deserti ad montem filiae Sion. Petet autem, cum haec dicit, a Domino augeri sibi sancta desideria, eamque mentis munditiem concedi, qua Filij DEI templum fieri possit.

Aliud Excitatorium.

Quis poterit cogitare diem aduentus eius, & quis stabit ad videndum eum?

Vespero vero ad Angelorum Reginam eundum

b

erit,

erit, eique flexis genibus supplicandum, nobis praeparationis gratiam impetret: offerendae autem ei nouem Angelicae salutationes.

Prima quidem, commemorando eius desiderium, quo tanquam peccatorum mater Domini aduentum, adeoque humani generis remedium tantopere expectauit: simul etiam supplicando, ut ipsius meritis, & DEI, & salutis animarum feruentia desideria consequamur.

Secunda vero, illam ipsius praeparationem commemorando, quam habuit semper ad diuinam gratiam; simulq; supplicando, ut nobis a DEO dignam ad Sacramentum hoc praeparationem impetret.

Tertiam vero offeremus cum humilitatis eius memoria, qua DEI Filium in incarnatione suscepit: atque ut itidem nos eum humiliter recipiamus supplicabimus.

Quartam autem, in eius amoris memoriam, quo sine dolore natum complexa est, supplicantes ut eum nos itidem charitate amplectamur.

Quinta erit in doloris memoriam, qua de cruce depositum suscepit in gremio: petemus vero, ut cum passionis CHRISTI sensu eum recipiamus.

Sexta vero, in eius fidei memoriam, qua eum, quem resurrecturum sperabat, in sepulchro posuit: petemus vero, ut cum incremento fidei CHRISTVM suscipiamus.

Septimam offeremus, supplicantes ut per praeparationem quam ad Spiritus sancti aduentum pro
se, &

se. & Ecclesia tota fecit, nobis a DEO gratiae incrementum obtineat, quo digne CHRISTVM suscipere valeamus.

Octauam autem, vt per deuotionem, qua CHRISTVM ipsa in Sacramento suscipiebat, nos etiam deuote suscipiamus.

Denique nonam cum offeremus, supplicabimus, vt per gaudium & laetitiam, qua a Filio in die Assumptionis recepta est in caelum, nos iidem CHRISTVM cum spiritali gaudio recipiamus.

Dies secundus.

Secundo die supplicandum CHRISTO, vt qua charitate dignatus est in mundum venire, eumque morte aeterna eripere, nos suo aduentu viuificet: quando ipse dixit nos, nisi eius carnem manducemus, vitam habere non posse.

Oratio matutina.

Excita, quaesumus, Domine potentiam tuam, & veni: vt ab imminentibus peccatorum nostrorum periculis te mereamur protegente eripi, & te liberante saluari. Qui viuis, &c.

Toto hoc die in eo ponenda est opera, vt CHRISTI sanguine conscientia nostra mundetur: eaque causa meditandae erunt septem sanguinis CHRISTI effusiones, videndumque quid nobis ornamentis desit, atque id omne a CHRISTO petendū, quem sumus ipsi hospitio suscepturi: supplicandumque ei, vt suis diuitiis, diuinoque cordis sui thesauro pau-

perati nostrae subueniat. Inde enim expectandum
cuique est, quod ad ornandum domum nostram fue-
rit opportunum. Petemus vero id his verbis, quae
excitatorij loco esse poterunt.

Excitatorium.

Esai. 28. O Rex gentium, & desideratus earum,
Genes. 2. lapisq; angularis, qui facis vtraque vnum,
veni, salua hominē, quem de limo formasti.

Aliud Excitatorium.

E fursum Agnus mittitur,
Laxare gratis debitum,
Omnes pro indulgentia
Vocem demus cum lachrymis.

Vesperis adeunda eris mater DEI, cuius nobis
manibus hic panis datus est. orandumque vt quando
hoc sacrum conuiuium in crucis mensa apparatus
est, per eos quos sensu ad crucem dolores, nobis hanc
a DEO gratiam impetret, vt Filij sui passionis
participes simus.

Offeremus vero ipsi quinque orationes Domini-
cas, tondemque salutationes Angelicas, supplicantes,
efficiat suis precibus apud DEVM, vt CHRISTI
quinque vulnera in cordibus nostris imprimantur.

Dies tertius.

Die tertio supplicandum Spiritui sancto, vt qua
charitate Apostolorum corda & ad se recipiendum
praeparauit, & adueniens die Pentecostes repleuit,
nostra corda inflammet, atque ita praeparet, vt
eum toto corde, totisque viribus amemus, qui se
nobis

nobis ex tanta dedit charitate. Id vero hisce verbis petendum.

Oratio matutina.

Mentes nostras, quaesumus Domine, Paracletus, qui a te procedit, illuminet, & inducat in omnem, sicut tuus promisit Filius, veritatem. Qui tecum vivit, &c.

Hoc die conandum est, ut eo sint feruentiora desideria, vehementioresque affectus, quo propior est solemnitatis dies: eorumque more, qui ostia claudunt, quo possint domū commodius ornare, claudendi erunt sensus, & animae potentiae ad interiora reuocandae: vocandus autem hospes saepe his verbis.

Excitatorium.

Veni creator Spiritus,
Mentes tuorum visita,
Imple superna gratia
Quae tu creasti pectora.

Aliud Excitatorium.

Hierusalem surge, & sta in excelsu, *Baruch 5.*
& vide iucunditatem, quae veniet tibi a
DEO tuo.

Vesperis oranda erit sponsa Spiritus Sancti, & peccatorum mater, perque eam Spiritus sancti gratiam obtestanda, qua templum sanctissimae Trinitatis facta est, nostrae ut paupertati succurrat, cui ille suum ita aduentum promisit: Si quis diligit *Ioan. 14.*
me, sermonem meum seruabit, & Pater meus diliget eum, & ad eum veniemus, &

manfionem apud eum faciemus.

Recitanda vero septies, Ave Maria, quo dona Spiritus sancti impetremus.

*Ne vero post communionem in ingratitude viti-
tium incidamus, in gratiarum actione tres item dies
consumemus.*

Primus dies.

*Primo die agenda gratiae Patri aeterno pro
creationis beneficio, quod in communione renouatum
est: quos enim sua bonitate ad imaginem, & simili-
tudinem suam creat, eadem nos in Eucharistiae
sacramento renouat, suamque, quae in nobis fuerat
peccato deformata, imaginem reformat.*

*Recitabimus autem versus hos nouem, & caele-
stes creaturas ad patris nostri, qui in caelis est, laudes
in hunc modum inuisabimus.*

Daniel. 3. Benedicite omnia opera Domini Domi-
no, laudate, & superexaltate eum in secula.

Benedicite Angeli Domini Domino,
benedicite caeli Domino.

Benedicite aquae omnes quae super cac-
los sunt Domino, benedicite omnes virtu-
tes Domini Domino.

Benedicite Sol, & Luna Domino, be-
nedicite stellae caeli Domino.

Benedicite imber, & ros Domino, be-
nedicite omnis spiritus Domini Domino.

Benedicite ignis, & aestus Domino, be-
nedicite frigus, & aestas Domino.

Bene-

Benedicite rores, & pruina Domino,
benedicite gelu, & frigus Domino.

Benedicite glacies, & nives Domino,
benedicite noctes, & dies Domino.

Benedicite lux, & tenebrae Domino,
benedicite fulgura, & nubes Domino.

Hoc, inquam, modo creaturas inuitabimus, ut pro nobis DEO gratias agant, pro illis, inquam, beneficiis in Sacramento praestitis, quorum nos vel verba ista Cantici admonent. Fecit enim nos ex hominibus Angelos, ex terrenis caelestes; effususque in nos gratiae, & lachrymarum aquis, admiranda suae charitatis opera declarauit; illuminauit Sole iustitiae, ut praesentis vitae lunam, id est, inconstantiam contemneremus: conuertit cordis nostri frigus in suae charitatis ardorem, nostrasque luce sua tenebras depulit: grandinem denique, fulgura, & nubes affectuum nostrorum remouit. Ita versus praedicti, non tantum gratiarum actiones, sed etiam monumenta quaedam erunt beneficiorum DEI in Eucharistiae sacramento acceptorum: si videlicet per singula verba, singula DEI beneficia in Sacramento praestita recolamus.

Interdiu excitanda mens erit, & hoc subinde exercitium ita renouandum.

Excitatorium.

Benedicimus DEVM caeli, & coram *Tob. 12.*
omnibus uiuentibus confitebimur ei, quia
fecit nobiscum misericordiam suam.

Pfal. 102. Benedic anima mea Domino; & omnia quae intra me sunt, nomini sancto eius. Qui propitiatur omnibus iniquitatibus tuis, qui sanat omnes infirmitates tuas.

Vesper ad Reginam nostram, & DEI Patris filiam adeundum, recitataque ter salutatione Angelica, agenda ei gratiae, de praeparatione ipsius ad incarnationis mysterium, quo tanquam medio ad nos caelestis hic panis peruenit: maximum vero id est beneficium, quod quam ederimus caro, & quem bibimus sanguis ex virgine acceptus sit; quodque eius meritis, & precibus, & ad CHRISTVM suscipiendum digne praeparemur, & nostra nobis a DEO peccata remittantur: quare pro omnibus Virgini agenda sunt gratiae.

Dies secundus.

Diei secundi matutino tempore, CHRISTO DEI Filio, & Domino nostro, de redemptionis beneficio, cuius hoc Sacramentum monumentum est, gratiae agenda: inuitandaque terra ad DEI laudem, quam sibi DEI Filius tanta benignitate factus homo coniunxit; dicendumque, Benedicat terra Dominum, laudet, & superexaltet eum in secula: ascendit enim ipse, assumpta terra nostra, in Calvariae montem, ut germinaret terra nostra, quae ex se tribulos, & spinas post Adami maledictionem producere nouit.

Benedicite montes, & colles Domino.

Bene-

Benedicite vniuersa germinantia in terra Domino. Benedicite fontes, *id est, lachrymae,* Domino. Benedicite maria, *dolorū scilicet,* & sanguinis flumina Domino, qui pro nobis tantis cum doloribus sanguinem sudit. Benedicite cete, *id est, maximi quique Sancti,* & omnia quae mouentur in eiusmodi aquis, *id est, reliqui iusti,* Domino. Benedicite omnes volucres caeli Domino, *id est, contemplaturi, qui in supremo cordis nidificant.* Benedicite omnes bestiae, & pecora, *id est, peccatores,* Domino, qui eorum peccata remittit. Benedicite filij hominum Domino, *per quem facti sunt filij DEI.* Hoc, inquam, modo agenda erunt DEO gratiae, recitatis illis quinque versibus Cantici, quorum iam hic fecimus mentionem.

Excitatorium ad DEI laudem.

Benedicimus DEVM caeli, &c. *ut supra.*

Aliud animae Excitatorium.

Benedic anima mea Domino, & noli *Psal. 102.* obliuisci omnis retributionis eius. Qui redimit de interitu vitam tuam, qui coronat te in misericordia, & miserationibus.

Vesperī adeunda Regina & Domina nostra DEI mater, recitataq; ter Ave Maria, agenda ei gratiae, quod lacte proprio, magnisque laboribus panem hunc nobis ad victum dederit, in crucis ara pro nobis tanquam propositionis panem, atque in altari in nostrum & remedium, & leuamen, aeterno patri

offerendum, atque in sacrario ad solitudinis nostrae consolationem reponendum. De his, inquam, atque aliis nobis in Sacramento eius intercessionem collatis beneficiis, erunt Virgini agenda gratiae.

Dies tertius.

Tertio die agenda gratiae de beneficio adoptionis, & regenerationis eiusque in sacra communione confirmationis. Est enim hic vere panis filiorum, non mittendus canibus, id est, iis qui ad peccatorum vomitum reuertuntur. Est, inquam, panis, quem cum comedimus, augetur in nobis adoptionis spiritus, in quo clamamus, Abba pater. Est etiam fons, in quo renouatur animae, sicut aquilae, iuuentus sua, id est, quam in baptismo accepit pulchritudo, atque innocentia: augetur enim huius panis vigore virtutes, & fides, & dona reliqua, quae animae in baptismo infusae faciunt eam esse Israël.

Benedicat igitur Israël Dominum, laudet, & superexaltet eum in secula. Cumque anima se totam cum hac hostia, & sacrificio, Sacerdotum more DEO offerat, eiusque virtute ex illorum numero serui simus, quibus dicitur: Euge, & intra in gaudium Domini tui (est autem Domini gaudium, se nobis in Eucharistiae sacramento tantopere communicare: sunt enim ipsius deliciae, esse cum filiis hominū.) Benedicite Sacerdotes Domini Domino. Benedicite serui Domini Domino. Benedicite etiam spiri-

spiritus, & animae iustorum Domino: facit enim hoc Sacramentū veros adoratores, qui DEVM in spiritu, & veritate adorent, vnumque cum DEO sint charitatis vinculo, eorumque animae vt sint sedes sapientiae efficit. Benedicite sancti, & humiles corde Domino, per quem sancti sunt, quique ad ipsos tanta cum humilitate descendit. Benedicite Anania, Azaria, Misaël Domino, id est, tres animae potentiae, quas tanquam tres illos pueros ab incendio liberauit suae gratiae rore: intellectum quidem ab ignorantia, & errore; memoriam autem ab iniquitate, & obliuione, à tepiditate vero, & malitia voluntatem Laudate ergo, & superexaltate eum in secula Benedicamus Patrem, & Filium, cum sancto Spiritu, laudemus, & superexaltemus eum in secula. Benedictus es Domine in firmamento caeli, & laudabilis, & gloriosus, & superexaltatus in secula.

Excitatorium ad laudem.

Benedicimus DEVM caeli, &c. vt supra.

Excitatorium animae.

Benedicite Domino omnia opera eius, *Psal. 102.* in omni loco dominationis eius.

Benedic anima mea Domino, qui replet *Psal. 102.* in bonis desiderium tuum, renouabitur, vt aquilae, iuuentus tua.

Vesperae misericordiae Reginam, & Spiritus sancti sponsam adibimus: eique recitata ter salutatione

Ange-

Angelica, gratias agemus, quod charitate maxima, redemptionis nostrae causa, Filium Patri in cruce obtulerit. Quod si homines his quorum opera redempti sunt, & seruitute liberati, magna se intelligunt obligatione deuinctos; matri huic misericordiae, quae pro libertate nostra carnem suam, suum sanguinem, amorem, vitam, bonum denique omne pro nobis dedit, quantum, quaeso, debemus! aut pro his, atque aliis in nos ab ipsa collatis beneficiis, quas possumus quaeso, grates persolvere? non id quidem opis est nostrae, sed quas possumus tamen (nam quas debemus, non possumus) & sanctissimae Trinitati, & beatissimae Virgini, & Sanctis omnibus referamus. Amen.

TRACTA-

TRACTATVS

QVINTVS.

QVO SPIRITVALIS QVAE-
dam exercitatio, ad nostri cognitio-
nem comparandam, in septem dies
hebdomadae distributa continetur.

PROLOGVS.



E ex illis sumus, qui accepe- *Psal. 61.*
runt in vanum animam suam,

duo sunt nobis frequenter
consideranda; quid vide-
licet DEVS erga nos fece-
rit, quid etiam nos erga

DEVM faciamus: vt diu-

turna meditatione istarum rerum ad cor
conuersi, cum vtilitate infirmitatem no-
stram agnoscamus, & ingentia quae quoti-
die a DEO accipimus beneficia; & eundem
Dominum totis viribus, omnique conatu
diligamus in hac vita, vt eodem postea in
perpetua illa perfruamur. Haec exercitatio
in septem partes distribuetur, vt singulis
hebdomadae diebus singulae etiam partes
respondeant. Ad calcem item cuiuscunque
partis,

partis, brevis quaedam oratio proponetur: aliquot praeterea scripturae verba, quorum frequenter memoria reuocata, toto illo die ad meditationem excitemur, illi exercitationi in materiam proposita adiungentur: quae propterea verba, posthac *Excitatore* nuncupabimus. Qua ex re fructum ille sane percipiet, qui in eadem se diu exercebit. Vt enim incalefcit qui ad ignem accedit; sic qui ad diuini amoris flammam orando pie, vel meditando accedit, inflammatur necesse est. Age ergo anima deuota, **D E O** excitare: id enim tibi proponitur, quod beatorum Seraphim officium est, hoc est, sine intermissione diligere: id nobis concedat Dominus. Amen.

PRAEPARATIO ANTE EXERCITIUM.

CONFESSIONE interna conscientiam examinet, dolorem peccatorum pro viribus habere studeat, sacram confessionem proponat, coniungat oratione Dominicam cum Angelica salutatione: preceturque **CHRISTVM** Dominum, vt diuinae cognitionis lumine, igneq, sui amoris animam suam ita collustret, atque inflammet, vt suis viribus diffidens, diuina bonitate nitatur. & eo etiam quod hanc suam miseriam Redemptori nostro praesentem, & ab illo aeterni Patris oculis oblatam fuisse intelligat.

Et ita

*Et ita ad orandum sibi gratiam concedi humiliter
postulabit his verbis: Quia non possumus co- 2. Cor. 3.
gitare aliquid ex nobis tanquam ex nobis,
sed sufficientia nostra ex DEO est,*

Veni creator Spiritus,
Mentes tuorum visita,
Imple superna gratia
Quae tu creasti pectora.

Die Lunae.

*Quid DEVS erga nos? perpendam me ante-
quam essem nihil fuisse, ab eo me fuisse procreatum,
ab eodem ut essem accepisse.*

*Quid nos erga DEVM? ut a tanta illa gratiae
dignitate mea culpa exciderim, & quod ipsius mani-
bus constructum fuerat, meis destruxerim.*

*Quid DEVS erga nos? ut me ad suam innagi-
nem, & similitudinem conformauerit.*

*Quid nos erga DEVM? ut ipsius imaginem ac
similitudinem infecerim; vique vili pretio adductus,
tanta rei fecerim iacturam.*

*Quid DEVS erga nos? ut quod me creauerit,
nullū aliud tanti operis pretium a me exigat, quam
ut se mihi donet.*

*Quid nos erga DEVM? cum id quod a me ex-
igit, tam sit mihi utile, ego tamen nihil ab eo volui,
nisi ipsum fugere, ab eodemque discedere, quasi sepa-
ratus ab eo viuere possem.*

Consideratio.

*Ultimo loco perpendam eius benignitatem, qui
cum*

cum nosset qualis futurus essem, humanam naturam induit, vt mea crimina ipsius sanguine luerentur. Atque ita finem impones meditando hoc incarnationis mysterium, gratias agens pro tanto beneficio.

Oratio.

Agnoscam, quæso, Domine, creator caeli & terræ, quam bonus mihi tu, quam malus ego ipse mihi sim: vt videns me destruere quod construis, delere quod in me depingis, eo nomine perpetuas mecum geram inimicitias, quousque tua misericordia me constringat, & ab omni crimine coerceat: sic enim fiet, vt tu omnia in me opereris. Ergo, Domine, cum tu ipse dicas, Pater meus vsque modo operatur, & ego operor; operentur, obsecro, in me manus tuæ, & manus peccatoris non moueat me, vt clarificent te opera tua, & ex illis in cælesti curia Angeli glorificent te.

Ioan. 5.

Psal. 35.

Excitator.

Osee 13. Perditio tua ex te Israël, auxilium autem tuum ex me.

Die Martis.

Psal. 69.

Quid DEVS erga nos? vt me ex terra procrearit, quo me puluerem, & cinerem agnoscerem, iustusque essem meae indignitatis aestimator, & ideo vere egenus, & pauper a Domino misericordiam semper efflagitarem.

Quid nos erga DEVM? vt hoc beneficio abusus, consulto a meae indignitatis aspectu oculos remouerim; viuens quasi immortalis, a meae imbecillitatis mem-

memoria animum auocarim: cum tamen ab eius recordatione tantus fructus proueniat.

Quid DEVS erga nos? Quid in meo est capite? quid ex ore, oculis, naribus effluit? Stomachus vero quid est, nisi sentina quaedam? quid amaritudo sellis, & vniuersi corporis corruptio, vt haec iusto iudicio aestimem, & meam conditionem agnoscam?

Quid nos erga DEVM? vt capiti puluinos molles subiecerim: hanc mei corporis foeditatem, quam delicate, quam solcite tractauerim, quanta temporis iactura, quo fructu, vt vermibus pararem escas.

Quid DEVS erga nos? quid post mortem futurus sim, vt corpus in foetorem vertetur, vt ab omnibus deseretur. Quae omnia DEVS fecit, ne in re tam vili, & caduca amorem meum collocarem.

Quid nos erga DEVM? iniquus fui, qui pulcherrimam animam male tractauerim, vt foetido corpori indulgerem: qua ex re quibus stimulis in mortis articulo compungi debeo: denique quam male in mortali corpore amorem fixi, & immortalem animam neglexi.

Consideratio.

Perpende tanta hac naturae nostrae foeditate benignissimam DEVM non fuisse deterritum, quo minus eam susciperet, & ad tot labores, & acerbitates nasceretur Et ita in meditatione mysterij Natiuitatis finem facies, ob tantum beneficium gratias agendo DEO.

Oratio.

Iob 7.

Domine, quid est homo, quia magnificas eum? aut quid apponis erga eum cor tuum? Si tua beneficia ille non cognouit, quia nec suam miseriam: cognoscat tandem, quaeso, mala quae gefsit, quia suae fuit oblitus miseriae. Intelligat se non intellexisse falsi honoris specie deceptum. Quapropter a te, clementissime Domine, peto suppliciter,

Iob 17.

ut, tua ope adiutus, putredini dicam, pater meus es tu, & soror mea vermibus; & vere intelligam, te ipsum mihi adiutorem, te refugium esse, qui caeli, & terrae verum es bonum; cuius manibus opus manuum tuarum me totum committo: ne me, quaeso, despicias, Domine. Fac ut vere possim dicere, Pater meus, & mater mea dereliquerunt me, Dominus autem assumpsit me: cui debetur omnis gloria in secula seculorum, Amen.

Psal. 26.

Excitator.

Iob 13.

Quasi putredo consumendus sum, & quasi vestimentum quod comeditur a tinea.

Die Mercurij.

Quid DEVS erga nos? perpendam quanto amore meam animam tribus potentiis ditauerit, ut mihi memoriam concesserit, ut tot beneficiorum recordatione ipsum diligerem, & tantae bonitatis memoria repetita delectarer.

Quid nos erga DEVM? quibus in rebus meam memoriam versari sim passus: quam sit oblita suscepti beneficij: quam deberem erubescere, quod res tam
turpes

turpes in eam condiderim: quodque tam sum diligens, ut ea in hoc vas stultus inferam, quae mihi post afferant interitum.

Quid DEVS erga nos? ut menti lumen praetulerit, ut veritatis lux tenebras depelleret, semperque diuinae misericordiae immensū petagus contēplarer.

Quid nos erga Deum? ut defectu cognitionis intellectum excaecauerim, diuino rebellis lumini: ut vere possim cum David dicere: Comprehenderunt me iniquitates meae, & non potui ut viderem. Psalm. 39.

Quid DEVS erga nos? ut voluntati eam facultatem inferuerit, qua percipiebat diuini amoris dulcedinem: ut ea mihi quasi arrha quaedam sit aeternae felicitatis, & mei arbitrii libertate, ac CHRISTI meritis DEVM amans, DEVS quodammodo fiam.

Quid nos erga DEVM? ut meam voluntatem passus sim esse mancipium rerum, quae tam mihi sunt acerbae, & molestae: & quidem quam vili me ipse vendidi, quid perdidi, quid obtinui: perdidit vitam, lucrifeci mortem; consors diuinae naturae esse desij, & daemonis feci me vile mancipium.

Consideratio.

Perpendam CHRISTVM voluisse circumcidi, & in tam tenera aetate pretiosissimum sanguinem fundere, propterea quod ego nolui in meis potentis superflua rescare. Et ita in meditatione istius mysterij finem imponere orationi debeo.

Oratio.

Quid, Domine, in caducis rebus reperire potuit mea memoria, vt illis tuum locum daret? quid praeter te assequi potuit mea intelligentia dignum, quod intelligeret? quid praeter te voluntas mea reperire potuit dignum, quod amaret? Dolor vere est, non amor, quicquid praeter te diligitur. Ergo quando ex praepostero voluntatis amore, & intellectus obscuratus est, & memoria oblita tui: tu, Domine, propter te ipsum, amaritudinem, quaeso, infunde omnibus iis quae praeter te diligo, vt sic ea refugiam, teque solum diligam, qui meus amor esse voluisti. Amen.

Excitator.

Psal. 34.

Retribuebant mihi mala pro bonis, & odium pro dilectione.

Die Iouis.

Quid DEVS erga nos? vt mihi oculos dederit, vt ex creaturarum pulchritudine, eius, qui eas donauit, amorem elicerem, eumque in omnibus, quae oculis sese offerunt, perpetuo diligerem.

Quid nos erga DEVM? vt oculis meis hostibus eius aditum patefecerim, & creaturarum pulchritudine abusus, quasi quidam basiliscus aduersus me, & contra proximum meum, habenas concupiscentiae laxauerim.

Quid DEVS erga nos? vt mihi aures concefferit; vt vocis sponsi audita dulcedine, anima mea quodammodo liquefieret.

Psal. 57.

Quid nos erga DEVM? vt tanquam aspis furda

surda cauda aures obstruxerim, ne sanctas inspirationes audirem, quas tamen aures murmurationibus aperui.

Quid DEVS erga nos? vt mihi odoratum concesserit, quo odorum suauitate, qui afflantur e floribus, excitatus, ipsum laudarem, & in odorem currerem vnguentorum eius: florum suauitas me potius ad terrenas voluptates illexit, & cum peccatoribus dixi: Coronemus nos rosis, antequam marcescant: deserui vestigia pedum Domini, & rerum foetore captus erraui. Sapient. 2.

Quid DEVS erga nos? quanta liberalitate varios, suauissimosque cibos suppeditarit; quorum dulcedine expleto gustu, donatoris amorē cognoscerem, & spiritualiter gustarem quam suavis est Dominus.

Quid nos erga DEVM? immensa gula voracis draconis naturam indui, & tantum beneficium in perniciem meam conuerti: ex quo verum spirituum rerum gustum amisi, & fel peccatorum melle dulcius sum arbitratus.

Quid DEVS erga nos? dedit manus, vt ea operarer, quae gaudium, atque laetitiam Angelis afferrent, quae in ipsa morte me sequeretur, nec prius desererēt, quam in beatorū essem numerum cooptatus.

Quid nos erga DEVM? manus meae foeditatem operatae sunt: tantum abest, vt Angelis gaudio fuerint mea opera, vt iustos potius ingenti affecerint dolore: denique ea sum operatus, quorum consortium vereor, & quae me damnationis reum faciunt.

Consideratio.

Perpendam Dominum, vt meorū criminum poenas lueret, in deserto a spiritu ductum, pro mea gula ieiunasse. Et in hoc mysterio meditationem occupabo.

Oratio.

Domine, quid dicā de oculis meis, quibus tanquam foliis cum ex creaturarum aspectu accendere deberem ignem amoris tui, iisdem potius inferni in me ignem accēdi, tot videlicet deprauatis cupiditatibus?

Quid dicam de mearum aurium surditate, quas miserorū vocibus patere nolui? Considerabo cuius rei gratia concessa sit mihi lingua, & quibus in rebus eadem sim vsus. Quomodo recensere potero, quarum potissimum rerum suauitate me capi permisierim? quid dicam de operibus manuum mearum? quid respondebo, cum sim ego ipse qui feci? Quo me vertam nescio: nam licet solus ceciderim, non scio tamen solus exurgere. Vere amici & proximi mei deceperunt, & deseruerūt me, & propterea cor meum conturbatū est, & dereliquit me virtus mea. Respice ergo, Domine, vnicum refugium meum, afflictionem meam, & propter tuam bonitatē fer opem huic miseræ. Conforma, Domine, sensus meos ad tuam voluntatē, tuamq; gloriam, ad quam creasti eos. Amen.

Psal. 37.

Excitator.

Hier. 9.

Ascendit mors per fenestras, ne ambuletis in vanitate sensus.

Die Veneris.

Quid DEVS erga nos? vt mihi peccanti creaturatum

rarum obsequium non ademit: vt vitam, viresque tribuit, quibus ego tamen ipsum offendebar.

Quid nos erga DEVM? non modo non me creaturarium vsu cognoscebam indignū, sed potius si quid deerat conquerebar; nec ad aliud vitam optabam, & vires, quam vt meae indulgerem voluntati: nec mirabar terram meorum scelerum pondus sustinuisse.

Quid DEVS erga nos? sua protectione a visibiliū, & inuisibiliū hostium manibus eripuit me, in quo etiam, vt in Caim, suum posuit signum, ne vide- Genes. 4.
licet daemones ex me tot criminū poenas repeterent.

Quid nos erga DEVM? quos hostes vitare debui, eos ipsos quaesiui: illis me peccando tradidi, quibus mors mea cordi est: in eorum societate securum, in morte denique me viuum arbitrabar.

Quid DEVS erga nos? vt me per amicos admonerat, per concionatores docebat, instruebat per Angelos, aliorum funeribus excitabat: iudque vero offerebat, quod ego impetrare votis omnibus nunquam meruissem.

Quid nos erga DEVM? clausi aures amicorum consiliis; cor concionibus, & inspirationibus: oculos a memoria mortis auerti, vt ei parerem tyranno, qui neque aliud potest, neque aliud vult, quam me acerbissimis poenis afficere: & Regem caelestem deserui, qui vt me ab illis liberaret, eas ipse in se per-
tulit sponte.

Consideratio.

Perpende DEVM, vt te a morte liberaret,

acerbissimam crucis mortem pertulisse. Et hoc mysterium meditationis materia esto.

Oratio.

Quid, Domine, in te reperi, vt te persequerer? quid in me, vt me diligerem? Quid tu a me, cum peccantem tolerabas; vel quid ego a me sperare poteram, cum te offendebam? Vere infinita est tuae misericordiae multitudo. Haec me, obsecro Domine, ad tuum amorem alliciat: haec mihi vt in tuo obsequio permaneam persuadeat: haec me ad tuas laudes hortetur, vt creatione sum, ita sim totus tua gratia tuus. Amen.

Excitator.

Esaï. 5.

Quid est quod debui vltra facere vineae meae, & non feci? an quod expectaui vt faceret vvas, & fecit labruscas?

Die Sabbati.

Quid fuisset erga me faciendum DEO? Merito memoria, quae DEI oblita est, in inferno esset punienda, vt obliuionem sibi sempiternis poenis luendam fore recordaretur: vt intelligentia tot sceleribus commeruit poenam eandem, vt illo misero statu cognosceret remedia, quibus in hac vita se potuisset ab illis poenis liberare: quantus porro voluntatis dolor, quae hic noluit aliqua ex parte mortificari, si se vidisset in inferno penitus, ac sine fine mori.

Quid debuisssem facere erga DEVM? vt metuere deberet memoria, ne vnquam posthac in DEI obliuionem incideret: quam deberet in posterum esse
ad di-

ad diuinum obsequium solers, & perspicax mea intelligentia; quam voluntas in eiusdem amore ardens, & inflammata: me denique, vt cum deberem remedium adhibere, denuo tamen nouis sceleribus, nouis etiam poenis obligatum in inferno collocem.

Quid fuisset erga me faciendum DEO? quam graues oculis meis, & formidabiles tenebrae essent futurae, & aspectus daemonum: quam horribiles auribus gemitus damnatorum: quam intolerabilis naribus inferni foetor: quam amarus gustui calix tormentorum: quam crudelis tactui aeternus ignis.

Quid debuisssem facere erga DEVM? iis ad meam salutem perspectis, de nulla aduersitate, quae occurrat, mirari mei oculi iure poterunt: nullam aures infamiam, aut conuitium; nullum foetorem odoratus respuere; nullam gustus amaritudinem: manus denique hunc nostrum, si opus esset, ignem non extimescerent, vt illum sempiternum vitare possent: sed ego stultus labores omnes in illud tempus reijcio, in quo omnis labor aeternus est.

Quid fuisset erga me faciendum DEO? suae gratiae protectione a peccato me praeferuat, & consequente ab inferno, a quo me singulis momētis liberat. Quoties illi debeo hanc aeternae poenae liberationem! quoties de integro me ipsum mihi reddidit!

Quid debuisssem facere erga DEVM? sollicitus quaero illis me vinculis charitatis exoluere, vt ab illis liber in praeceptis ruam. Possum ne ego recensere, aut meminisse quoties hoc a Domino beneficium accepe-

410 TRACTATVS QVINTVS.
rum? & tamen denuo me eius hostibus trado.

Consideratio.

Perpende Dominum ad inferos descendisse, vt sanctos Patres inde educeret: eoq; tempore eius corpus in cruce pependisse, sub qua beatissima Virgo manebat. In quo mysterio finē impones meditationi.

Oratio.

Psal. 87. Vere possum, Domine, dicere, quia repleta est malis anima mea, & vita mea inferno appropinquauit. O quoties a mortis me faucibus reuocasti! quoties in easdem me miser induxi! Ergo, Domine, si mea omnia in meum spectant interitum, si tua omnia mihi vitam asserunt, cognoscam, quaeso, me, vt me ipse fugiam; cognoscam, quaeso, te, vt me totum tibi dedam, cuius sola clementia & me creauit, & toties ab interitu liberauit. Amen.

Excitator.

Psal. 93. Nisi quia Dominus adiuuit me, paulo minus habitasset in inferno anima mea.

Die Dominico.

Añ. 17. Quid DEVS erga nos? vt nobiscum ipse sit, in quo viuimus, mouemur, & sumus: vt nos dormientes tueatur, vt nullo tempore derelinquat.

Quid nos erga DEVM? quantum mouere me hoc debuit, vt eius paenitentiam susciperem, & eum diligerem, qui tam prope, & perpetuus mihi comes est: & tamen dum haec ipse facit, ego multa admisi scelera, & flagitia.

Quid DEVS erga nos? videt mea crimina is
qui

qui omnia videt, & remedium meis malis quaerit.

Quid nos erga DEVM? oblato remedio non vtor, quin mea cupiditati modis omnibus cupio satisfacere.

Quid DEVS erga nos? post haec tamen omnia suauiter disponit: vt virtutes inserat in animum, occasionem caprat.

Quid nos erga DEVM? tanta bonitate, & patientia quod ille plantauerat, ego momento temporis eradicaui, ac perdidi.

Quid DEVS erga nos? ne euellam iterum eas, DEVS conseruat humilitate, & confusione mei: vt iis quasi radicibus nixae virtutes, in me perficiantur, & perseuerent.

Quid nos erga DEVM? licet diuina misericordia eas non eradicauerim, permitto tamē arescere: & tot deprauatis cupiditatibus obruo, vt merito mirari debeam, si quādo eas post tot impedimēta in me reperio.

Quid DEVS erga nos? dum sum in gratia, amore se mihi tradit: & vt charitatem in me aleret sui, sanctissimum Eucharistiae sacramentum instituit: denique in omnibus se mihi donare vult, neque a me aliud exigit, quam vt se recipiam.

Quid nos erga DEVM? tot noxiis distractis rebus, in hanc vnā tam salutarem animum non intendo: ingrato animo Angelorum panem mihi oblatum respuo; vt nihil aliud facere videar, quam impedire bona eius in me collata.

Consideratio.

Perpende ipsum resurrexisse: & quantum debeamus

mus aeterno Patri, quod ea vulnera, quae nos fecimus, ipse glorificauit. Considera item ipsum ad Patris sedentem dexteram nostris operibus honorari, timendumque esse vehementer eius iudicium, si ea praua sint; permagni autem nostra referre, si ipsum semper praesentem habeamus. Atque haec meditationis esto materia.

Oratio.

O altitudo infinitae sapientiae, vere in mari via tua, & semitae tuae in aquis multis, & vestigia tua non cognoscuntur. Quam deberem mirari, cum in me bonum aliquod desiderium esse video! multo vero magis cum illud exercere incipio, summe denique si expletum. Mirum est te in tam sterilem terram iacere semina, & ex tam infructuoso solo fructus colligere. O si cognoscerem, Domine, me semen tuum perdere, quod in animam iacis; & cum primum germinat, illud conculcare pedibus, & cum iam albescit, & ad maturitatem peruenit, conuellere! vere in omnibus humiliarer, & ex tuis operibus bonis, quae in me video, summopere confunderer. Da ergo mihi, Domine, propter te ipsum, & propter tuam bonitatem, vt haec agnoscam, vt ex eo sanctissimum nomen tuum glorificetur in secula seculorum. Amen.

Excitator.

August. in
Confession.

In me eras, & ego te non cognoscebam: sero te cognoui, bonitas infinita, sero te cognoui.

TRACTATUS

SEXTVS.

SVPER CANTICO TRIVM
puerorum, cuius initium est:
*Benedicite omnia opera Domini Do-
mino.*

ARGVMENTVM.

MERITO quidem DEVM ob id laudamus, quod creauerit caelum, & terram, mare, & omnia quae in eis sunt: sed non minus pro his laudandus est, quae in se homo, tanquam in paruo mundo quodam, continet. Sunt enim, si quis diligenter aduertat, in hominis anima reliquarum creaturarum virtutes, atque operationes spiritualiter. Quamobrem in huius Cantici enarratione id agemus, vt ex animi interioribus eliciamus DEI laudes: non minus, vt speramus, DEO gratas futufas, quam si ex rebus exterioribus, quae nos, quod sint visibiles, facile ad DEI laudes excitat, ipsum laudaremus. Erit quidem res haec, quam suscipimus, satis difficilis: nec enim facile est reperire in anima dies, & noctes, lucem, & tenebras, caelum denique, & terram: sed nihil minus putamus fructus ex ea ad DEI gloriam, & laudem perceptum iri, si nos modo diuina gratia non destituat.

Bene-

Benedicite omnia opera Domini Domino.



Si non sufficis, anima mea, benedicere Domino, pro vno solo eorum, quae in te misericordia sua operatus est: quomodo possis eum pro omnibus operibus suis laudare, de quibus eos qui scribi possent libros nec ipse mundus capere posset? nec id mirum, quandoquidem operibus innumeris, innumerae & laudes debentur. Quid ergo facies, anima mea? aut quomodo tantas res tantula ipsa laudibus persequi possis? Incipe tamen, & **DEVM** in quinque saltem operibus lauda, quando omnia eius opera laudare pro dignitate non sufficis. Primum igitur lauda, quod tanta cum perfectione, tum pulchritudine mundum condiderit; eumque, quod magis laudare debeas, condiderit tibi; teque, quod illa beneficia superat, ad imaginem, & similitudinem suam fecerit. Deinde, quod non solum te tibi dederit ex nihilo creando, sed & se ipse pro te tanta ex misericordia redimendo tradiderit. Tertio, propter reconciliationem, sine qua parum reliqua profuissent, si te, inquam, ubi in peccatum incidisti, daemonum laqueis non exoluisset, praenemiendo gratia sua, & te mirabiliter liberando. Reputans igitur tecum, & animo sedulo versans, quoties tibi, atque aliis peccatoribus eiusmodi beneficium **DEVS** praestit-

præstiterit, incipe Canticum, & dic: Benedicite *Daniel. 3.*
omnia opera Domini Domino. Laudate, &
superexaltate eum in secula. Vere, ut scri-
ptum est, Magnificata sunt opera Domini, *Psal. 103.*
nimis profundae cogitationes eius. Quarto,
pro amore, quo animam impassibilem quodammodo
reddere solet. Videre enim est, qui DEVM perfecte
amarunt, quantum frigore, calore, laboribus, & va-
riis tribulationibus afflicti, non solum hæc usque ad
mortem passi sint, sed ea omnia magno etiam cum
desiderio, magnaq; cum incunditate tolerarint. Po-
stremo, pro sanctis desideriis, quibus facit plerumque,
ut qui martyres re ipsa non sunt, martyrii tamen
meritum consequantur. Tanta est sanctorum deside-
riorum vis coram DEO, qui voluntatem quandoque
acceptam fert sine operibus. Quis igitur possit, aut
sciat DEI laudes dicere, præsertim in terra alie-
na, in qua miseri exulamus? quis, inquam, possit ope-
ra Domini pro dignitate laudare?

Benedicite Angeli Domini
Domino.

Angelos possumus dicere superiores animae po-
tentias, quae reliquis magis sunt ad diuinas laudes
idoneae: ut potentiae in quibus sanctissimae Trini-
tatis imago sit. Laudet itaque anima mea memoria
sua DEVM suum, cuius, si quid in rebus dulce esse
potest, est certe dulcissima recordatio, quemadmodum
scriptum est: Renuit consolari anima mea, *Psal. 76.*
memor

memor fui DEI, & delectatus sum. Laudet intellectus relinquendo terrena, & caelestia sedulo quaerendo, ut abscondita sit vita nostra cum CHRISTO, & conuersatio nostra in caelis sit. Laudet voluntas toto corde, totisque viribus: nec enim in aliud creata est, quam ut DEVM amando quaereret, & inuento frueretur. Id quoties feceris, anima mea, tribusq; his potentiis DEVM laudaueris, (ut debes) eris tanquam Angelus DEI. Quod si te a DEO peccato separaueris, (quod tibi magnopere cauendum, & timendum est ne contingat) boni Angeli nomine, & dignitate amissa, in Luciferi societatem transibis, qui nunquam ad amissas DEI laudes est rediturus: tu vero dum viuis in carne, redire potes, merito sanguinis immaculati Agni, qui nobiscum multo aliter, quam cum Angelis, agere in hac parte dignatus est. O quam est aequum, omnes ut Angelos inuites ad DEVM, vel ob hoc vnum admirabile opus, pro quo ei infinitae gratiae debentur, aliqua saltem ex parte laudandum!

Benedicite caeli Domino.

Psal. 32. Quos alios dicimus caelos in anima, seu mundo isto minori, quam misericordias Domini? quibus ut caelum terram vndique cingit, & tegit, ita animam ipse protegit, sicut scriptum est: Misericordia Domini plena est terra: & quidem sicut caelos extendit ut pellem, ita in animas nostras, pellibus hisce corporum cinctas, misericordias suas diffundit.

dit: vtque cor laetificat, atque dilatat caeli aspectus,
ita confirmat animam, & consolatur memoria mise-
ricordiarum DEI.

Benedicite aquae omnes, quae
super caelos sunt, Domino.

Quaquam sunt multae super terram aquae,
non ascendunt tamen super caelos, nisi iustorum la-
chrymae, diuini amoris calore expressae. Hae sunt
namque quae Angelos laetificant, & de quibus scri-
ptum est: Posuisti lachrymas meas in con- *Psal. 55.*
spectu tuo. Sunt quidem & lachrymae aliae, quas
plerumque excutiunt sensualitatis amor, & terre-
narum rerum affectus: sed istae non modo non ascen-
dunt, sed in infernum vsque recta descendunt. Lauda
itaque, anima mea, Dominum, pro aquis his, quibus
iustos tanquam pane cibant, facitque vt ea cuncta
despiciant, pro quibus peccatores flere consueuerunt.
Sunt autem illae tanta consolationis causa his, qui
percipiendum a se sperant earum fructum in caelo,
cum absterget *DEVS* (vt est in Apocalypsi) *Apoc. 7.*
omnem lachrymam ab oculis ipsorum: vt
nec sine iis quietem capiant, nec cibum, aut somnum,
sed eis semper comitati, Dominum benedicentes, in
caelum spiritu ascendant.

Benedicite omnes virtutes Do-
mini Domino.

Vt magnum quiddam est, & admirabile, creasse
d caelos

caelos cum aquis, de quibus diximus; nec minus mirum atque laudabile, vini tantam, & ordinem talem posuisse in eorum motibus: ita nobis laudandus est DEVS pro ea virtute, qua ab ipso accepta, anima amoris affectibus se ipsa mouere potest: utque nobis non solum DEVS caelos dedit, sed & virtutem etiam iis quibus mouerentur; ita animae non tantum aquas dat, sed mouet etiam ut eas a se desideret illa, & petat. Id quod ut intelligas, anima mea, quanti faciendum sit, aduerte, quod ut neminem sanabant aquae piscinae, de qua est in Euangelio, nisi ab Angelo prius motae, ita nec lachrymis animas sanas reddi, nisi Spiritus sancti virtute illae exprimantur.

Ioan. 5.

Benedicite sol & luna Domino:
benedicite stellae caeli Domino.

Tres videre est in hoc versu clariates, solis nimirum, lunae, & stellarum: quae sunt certe omnes laude dignissimae. Intellige vero tu, anima mea, solis nomine, solis iustitiae IESV CHRISTI Domini nostri splendorem, ac lucem, qua te caecam, nascendo, & moriendo pro te, cognitionis suae luce perfudit. Claritatem vero lunae intellige Sanctorum exempla quae, dum in huius seculi tenebris agerent, nobis clarissima reliquerunt. Ut vero in luna est alias intensior lux, alias vero remissior: ita non omnes eade luce Sancti resplendent. nam caeteros, tanquam plena luna, beatissima Virgo virtutum magnitudine,
atque

atque splendore longe antecellit; estque in caeteris, prout videlicet Dominus illorum quemque illustrare dignatus est, splendor inaequalis. Laudandus praeterea est Dominus in stellis, id est, ea luce, qua peccatores ex inferni tenebris eripit. Multi enim sunt, quos, cum negligenter vixerint, morituros tamen, sua gratia ita illustrare dignatur, ut feliciter vitam claudant: tanta est DEI pietas erga indignos, quos, cum eorum tamen iniquitas supplicium mereatur, sua misericordia plerumque illustrat. Ut enim a sole isto visibili & luna, & astra reliqua lumen accipiunt: ita a sole iustitiae & iusti omnes, & peccatores etiam illustrantur.

Benedicite imber & ros Domino

Ut gignitur tum imber, ubi in mediam aeris regionem vapores eleuati fuerint: ita spirituales aquae tum demum generantur; cum eorum, qui in terris vitam degunt, desideria in caelum conscenderint. Laudabis vero in rore Dominum, qui quemadmodum solet mane rore demisso refrigerare terram, noctis calore depulso; ita post tribulationis noctem, tanquam mane diuinae consolationis rore spiritum, ut possit ascendere in montem Domini, reseat, atque laetificat.

Benedicite omnis spiritus Dei Domino

Intelliga per spiritus hos, id est, ventos, Spiritus sancti dona: sine quibus nec magis vivere potest

anima. quam sine respiratione corpus, nec in portum, nisi iis flantibus, animae nauis aliquando peruenire. Haec enim audaces nuntum animas timidas reddunt, faciuntque ex duris pias, sapientes ex rudibus, postremo ex debilibus fortes reddunt.

Benedicite ignis, & aestus

Domino.

Luc. 12.

Benedicat Domino anima, quam illius ignis flamma incendit, de quo a Domino dictum est: Ignem veni mittere in terram: diuini nimirum amoris ignem. Quod si vel pro scintilla una summe laudandus est: quantas, quaeso, laudes ei debemus, cum fuerit amor vehementissimus, nempe in morte, qua se charitatis vis maxime produit! Ut aestum hoc loco possimus intelligere vehementissimam charitatis ardorem, quo incensus Laërentius, & reliqui Martyres, ea fecerunt, pro quibus a nobis DEVS nunquam satis digne laudari possit.

Benedicite frigus, & aestas

Domino.

Vt non solum necessarius est calor ad fructus colligendos, sed & frigore opus est, quo compressa terra eos ferre possit: ita nobis non tantum opus est diuino amore, sed illud est interdum necessarium, vi nos frigidus etiam quandoque experiamur, quo non solum magis agnoscamus, quid differat status vterque, cum vnum incalescimus amore, & cum vniuo algore frigesce-

frigesimus; sed eo diligentius contendimus ad ignem accedere, quo magis frigemus: ut qui intelligamus, eo magis necessarium esse nobis calorem, quo fuerit frigus intensius. Ita omnipotens Dominus, qui omnia Sap. 8.1 suauiter disponit, & plerumque calorem dat, & interdum etiam frigidus nos esse permutat, idque ad gloriam suam, & rem etiam nostram, ut diximus.

Benedicite rores, & pruina Domino.

De verno rore, supra dictum est: nunc de hyemis rore, atque pruina, quae nox (utpote longior, adeoque frigidior) albiora reddit, dicendum est. Laudemus igitur Dominum, qui, quo est tribulationis longior, & laboriosior nox, eo spiritualem rorem candidiorem efficit, & purior em. Maius enim est eo meritum, quo fuerit dolor pro CHRISTO acerbior: ut beati merito dicendi sint, qui pro eo multa passi sunt, sic enim maiora in caelo praemia meruerunt.

Benedicite gelu, & frigus Domino.

Quae rigescunt frigore, si quidem animalia sunt, moueri non possunt: si vero arboris fructus, amittunt saporem. Similia patitur a peccato anima, nam & moueri ad bonum non potest, & diuinarum consolationum suauitatem non percipit. Cum videris ergo, o anima mea, quempiam frigore isto rigentem, laudabis Dominum, cuius nisi te ignis arder incenderet,

tu itidem rigeres. Cum tamen vides proximum tanto frigore premi, eius te misereat, ne, si non compariaris, te simile frigus itidem corripiat. Itaque ad
 3. 0. 7. DE I laudes fac, ut frigus exciret, & ut te, dum illum subueniēdo quasi calefacis, diuini amoris flammæ corripiant.

Benedicite glacies, & niues
 Domino.

Duo sunt glacies, & niuis velut propria: alterum, quod sunt valde frigida: alterum, quod post tempestatem tranquillo iam tempore pulcherima apparent. Simile quiddam reperire possis in peccati frigore: nam cum in id incideris, magna est tanquam oborta tempestas; at ubi humani affectus mitigati fuerint, & velut animæ tempus tranquillum redditam, DEVS bone, quam est pulchrum, & iucundum spectaculum, cum ea velut nix liquefit, diuinitus immisso gratiæ calore! Itaque dicit Propheta: Si fuerint peccata vestra tanquam coccinum, velut nix dealbabuntur.

Esai. 1.

Benedicite noctes, & dies
 Domino.

Noctes sunt aduersitatis tempora, prosperitatis autem dies: ut enim in prosperitate splendent omnia, ita in aduersitate contenebrescunt. Quod si velis euadere, anima mea, noctis huius pericula, quæ impatientia affert, tum etiam pericula diei vitare, in
 quæ

quae solet ingratitude, & superbia conijcere; nullum
 profecto praesentius remedium inuenies, quam si
 iustum Iob imitatus, Domini nomen, siue quod ille
 dederit, seu abstulerit, semper benedicas: ita imple-
 bitur in te quod ait Propheta: Per diem non te *Psal. 120.*
 vret sol, nec luna per noctem.

Benedicite lux, & tenebrae Domino.

Cum te videris, anima mea, aliqua gratiae, vel
 deuotionis luce persundi, & DEVM lauda, quando
 idcirco dat, vt se laudes; & operam da, vt ea quae
 recepisti, maiora reddas, quo possis magis benedicere
 Domino: nec cessare tamen debes a laudibus DEI,
 si te videas in tenebris esse, & velut sensibili gratia
 destitutum: tum enim tanquam aurum in fornace
 probaris, facitque de te Dominus periculum, sis ne
 ei fidelis seruus, an vero se tantum laudes orationis
 dulcedine captus. In eiusmodi ita iue tenebris posita,
 confirma fide viua orationem tuam. Et quidem si
 non animum in ea tribulatione despondes, nec laudes
 DEI intermittis, nihil est quod dubites futurum, vt
 de hac nocte dici possit: Nox sicut dies illumi- *Psal. 138.*
 nabitur, itemque sicut tenebrae eius, ita &
 lumen eius.

Benedicite fulgura.

Quae dicimus fulgura, nisi sanctas inspiratio-
 nes, quae fulgurum more, & ea quae tangunt corda

veluti comburunt, & quocunque accedunt, timorem incutiunt? emittuntur enim a DEO, & ad caelestia negotia, tanquam DEI legati, cum animas sanctas conuocant, tum vt possint videre DEVM Deorum in Sion, suauiter disponunt.

Et nubes Domino.

Nubes dicere possumus iustitiae desideria: sic enim sancti Patriarchae, & Prophetæ olim a DEO petebant: Pluant nubes iustum. Quoties ergo videris in te, anima mea, eiusmodi nubes, id est, desideria, Dominum lauda, quia scriptum est: Beati qui esuriunt, & sitiunt iustitiam, quoniam ipsi saturabuntur.

Esai. 45.

Matth. 5.

Benedicat terra Dominũ, laudet,
& superexaltet eum in secula.

O quantum debet benedicere DEO pulvis, & cinis, qui in fictilibus vasis tantum thesaurum reponere dignatus sit! Considera vero, anima mea, duabus de causis praecipue tam admirandas res in luto nostro Dominum facere voluisse: altera, quo eius magnitudo, potentia, atque clementia magis agnoscerentur, adeoque ei gratiae infinitae haberentur, qui vilitatem nostram respicere dignatus sit: altera, quo nos in humilitate conseruaret, ne videlicet donorum suorum magnitudo, & multitudo extolleret. Nam & ea causa voluit nos terram istam gestare, vt qui agnosceremus quam viles simus, non solum

eum

eum benediceremus, sed & laudaremus etiam, & superexaltaremus in secula.

Benedicite montes, & colles Domino.

Mantes intelligamus hoc loco eos, qui perfectionis montes ascenderunt: de his enim scriptum est, quod beneplacitum est DEO habitare in eis. Psal. 67. Laudent tamen etiam colles, id est, qui ascendere desiderant; etenim de iis etiam scriptum est: Beati Psal. 81. qui disponunt ascensiones in cordibus suis. Ut enim colles sunt quasi montes, ita qui perfectionem (vt par est) desiderant, ab ea non longe absunt.

Benedicite vniuersa germinantia in terra Domino.

Dici non potest, quae, & quanta creauerit Dominus in mundo hoc visibili, nec quae, aut quanta in hominis inuisibilem spiritum soleat infundere. Quis enim dicat spirituales animae flores, & fructus, quaeque facit oriri in nobis Dominus, alias quidem amore eliciens, alias vero timore perterrens? aut quis tribulationum, & consolationum fructus? quis merita? quis DEI amoreni admirabilem, & eam, quae animas nostras tractat, (quibus cum esse suas dicit delicias) sapientiae profunditatem possit enarrare? Quando ergo non sufficis singula persequi, anima mea, benedic (quemadmodum est in Cantico) pro vniuersis Domino.

Benedicite fontes Domino, benedicite maria, & flumina Domino.

Fontium aquas, eas intellige lachrymas, quas videndi DEVM desiderium vehemens solet exprimere, de quo ait Propheta: Quemadmodum deliderat ceruus ad fontes aquarum, ita desiderat anima mea ad te DEVS. Maris vero amaras aquas, eas dicere possumus, quas contritio, & de peccatis dolor solet excutere, iuxta illud
Psal. 42. *Prophetae: Recogitabo tibi omnes annos meos in amaritudine animae meae & illud*
Esa. 38. *Iob: Loquitur in amaritudine animae meae. Denique fluminum aquae Apostoli sunt, & item*
Iob 10. *Sancti reliqui, de quibus scriptum est: Eleuaerunt flumina vocem suam: quorum exempla imitandi, aut conuersatione, & societate fruendi, cum nos desiderium vehemens accendit, tum vero*
Psal. 92. *tertijs generis lachrymas effundimus.*

Benedicite cete, & omnia quae mouentur in aquis, Domino.

Admirabile quidem est spectaculum, cum pisces, & cete in mari moueri conspiciuntur sed non minus est admirandum, si quis ea, quae in contemplationis aquis mouentur, aspiciat. Hic enim non solū malum deferendi, bonumque prosequendi, atque eiusmodi
alia

alia vota multa conspicias, sed & charitatis vehementia quaedam desideria, quibus nec immensa cetera conferri possint. Iis impulsus Moyses dicebat Aut Exod. 32. dimitte illis, aut dele me de libro vitae. Optabat etiam Apostolus anathema esse pro Rom. 9. fratribus suis secundum carnem: & alibi, Quis nos, inquit, separabit a charitate DE I? tribulatio: an gladius? an mors? Lauda ergo, anima mea, Dominum pro his quae mouentur in aquis istis, id est pro amoris affectibus, quos Spiritus sanctus tanquam in aquis deuotionis in nobis excitat.

Benedicite omnes volucres caeli

Domino.

Admirabilis quidem est auium tam varia multitudo, tantaque varietas: sed non sunt minus admirabiles considerationes illae virtutum DEI, quae auium more solent in contemplatione in caelum ascendere: utque itineris sui nullum aues vestigium derelinquunt, ita plerumque accidere solet iis, qui in contemplatione positi in sublime tolluntur. Fiunt enim adeo extra se spiritus virtute, & considerationis bonitatis DEI, sapientiae, potentiae, atque clementiae dulcedine in altum sublatae, ut nullum videantur itineris sui vestigium reliquisse. O quantum debent ū benedicere Domino, qui, cum in carne sint, perinde agunt, ac si Angeli essent! Beneducant ergo aues caeli Domino, quas nihil dubium est in caelum esse admittendas, quando in se habent eum inhabi-

inhabitantem Spiritum, eumque columbina simplicitate referunt, qui in specie columbae aliquando voluit hominibus apparere.

Benedicite omnes bestiae, & pecora Domino.

Duo bestiarum genera intelligimus in hoc versu, fit enim hic mentio domesticarum, & ferarum: domesticas intellige carnis nostrae passionēs, inimici enim hominis, domestici eius: feras autem reliquos hominis hostes, mundum nimirum, atque daemonem. Quoties ergo se anima ab his videt diuina gratia liberatam, toties benedicat Dominum: eoque vehementius laudet, quo se ab his saepius male tractatam esse meminit. Ne vero iterum in eorum manus incidat, praesentissimū putet esse remedium, assiduam orationem: hac enim & debiles redduntur hostes, & nos efficiamur fortiores: in hoc item ex consideratione peccatorum nostrorum, quae bestiae merito dici possunt, magnus solet & amoris DEI, & diuinarum laudum fructus percipi ab his, quibus, cum diligant DEVM, omnia cooperantur in bonum. Lauda itaque, anima mea, Dominum, qui te ab his bestiis sua misericordia eripuit, & dic cum Propheta: Anima mea sicut passer erepta est de laqueo venantium: benedictus Dominus, qui non dedit me in captionem dentibus eorum.

Bene-

Mich. 7.

Rom. 8.

Psal. 123.

Benedicite filij hominum Domino.

Vbi ventum est ad creaturarum finem, admonentur filij hominum benedicere Domino: quandoquidem ea causa & creaturae supradictae creatae sunt, & quae per illas superius significari diximus, sunt hominibus a DEO spiritualia dona infusa, ut laudet his Dominum: quippe qui, ut eius gratia reliqua facta sunt, ita est ad DEI laudes cantandas creatus. Vnde in Psal. non petit ab homine DEVS Psal. 49. nec vitulos, nec hircos, sed laudis potius sacrificium. O filij hominum, vsquequo graui corde? Psal. 4. cur non aduertitis ea causa creaturas omnes vobis esse a DEO datas, ut ipsum laudaretis? nec pro tanto beneficio aliud a vobis postulari, quam id quod est adeo per se dulce, ut & eo se Angeli magnopere oblectent, & Sancti sibi gloriosum ducant? Benedicite filij hominum Domino, nec committatis, ut vos a Creatore creaturae abducant: id potius videte, quemadmodum creaturae reliquae a conditione sua DEO semper sunt obsecutae. Cur igitur solus homo ingratus sit? & qui tanta est dignitate, ut dictum sit de hominibus a DEO, Dij estis, se sinat in hac parte Psal. 81. a creaturis reliquis superari?

**Benedic Israël Dominum, lauda,
& superexalta eum in secula.**

*Israëlis nomine intelligitur, qui DEVM videt:
vident*

Matth. 5. vident autem DEVM, qui mundo sunt corde. sicut scriptum est: Beati mundo corde, quoniam ipsi DEVM vidēbunt: & quidem hi eo magis debent DEVM laudare, quō ab illo maiora beneficia receperunt: tantoque diuinum nomen maiori studio sanctificare, quanto sunt ab eo puriores, sanctiores/ve effecti. Quod nisi ita faciant, timere debent, vt a quibus sit exacte talenti ratio exigendi.

Benedicite Sacerdotes Domini Domino.

Sacerdotū munus est, DEO sacrificia offerre: qui ergo in se sentiūt eiusmodi desideria, vt se non putent satisfacere, si se ipsi DEO offerant, nisi etiam alios huc adducant; idq; ponūt in maximo DEI beneficio, si aliorum saluti possunt consulere, benedicant Domino pro tanto munere, atque in eo perseuerent. sunt enim tanquam Angeli, qui in cōspectu DEI incensum adolent, fragrantemq; sacrificiorum odorem in caelum vsque magno Sanctorū gaudio emittunt.

Benedicite serui Domini Domino.

psal. 133. Quo intelligatur quanta obligatione teneantur benedicere Domino serui eius, legatur quod ait Propheta: Ecce nunc benedicite Domino omnes serui Domini, qui statis in domo Domini: & quidem magnam piis affert consolationem non solum mansio in domo Domini, sed & cogitatio
etiam

etiam eo aliquando tandē perueniendi, sicut scriptum est: Quam dilecta tabernacula tua Domine! *Psal. 83.* concupiscit, & deficit anima mea in atria Domini: & alibi, Elegi, inquit idem Psalmista, *Ibidem.* abiectus esse in domo DEI mei magis, quā habitare in tabernaculis peccatorum.

Benedicite spiritus, & animae iustorū Domino, benedicite sancti, & humiles corde Domino.

In Sapientiae libro scriptum est: Iustorum ani- *Sap. 5.*
mae in manu DEI sunt: debent ergo iusti benedicere Domino, cuius pretiosi sanguinis merito iustificati sunt: atque iidem facere debent sancti, & humiles. Nam DEVS humilibus dat gratiam, *1. Pet. 5.* superbis autem resistit: nec horum ei laudes gratae sunt, sicut scriptum est: Non est speciosa *Eccli. 15.*
laus in ore peccatoris. dicitur etiam huic in Psalmo: Quare tu enarras iustitias meas, & *Psal. 49.*
assumis testamentum meum per os tuum? Benedicant itaque iusti Domino, rectos *Psal. 32.*
enim decet collaudatio.

Benedicite Anania, Azaria, & Misaël Dominum, laudate, & superexaltate eum in secula.

Si considerares, o anima mea, visibiles creaturas, benedices tu quidem Domino. inuisibilia enim, & aeter-

Rom. 1.

& aeterna per visibilia cognoscuntur. Nec vero minus, si consideres quid in te spiritualiter, quomodo, & quando operetur DEVS, laudabis eum, & superexaltabis in secula: idq; puritate, fide, & charitate ea, qua benedixerunt Domino tres isti pueri, qui nec minas timentes, nec ignis vim, DEI laudes (vt par erat) facile rebus caeteris anteposuerunt.

Benedicamus Patrem, & Filium, cū sancto Spiritu, laudemus, & superexaltemus eum in secula. Benedictus es, Domine, in firmamento caeli, & laudabilis, & gloriosus, & superexaltatus in secula.

Tu enim es DEVS noster, summisque laudibus dignus, qui creasti propter hominem caelum, & terram; vtque hominem DEVM faceres, homo fieri dignatus es: cui debetur gloria, & honor in secula seculorum. Amen.

FINIS.

EIVSDEM
P. FRANCISCI
BORGIAE
DE RATIONE
CONCIONANDI
SEV
PRAEDICATIONE
EVANGELICA
LIBELLVS.

INDEX CAPITVM.

CAP. I. Praeparatio ad concionandi munus, cum timore, & fiducia DEI	435
II. Quale studium concioni adhibendum	439
III. De meditatione ante concionem	441
IV. De dispositione concionis	444
V. Quomodo se ipse comparabit, & cum fructu alios iuuabit	449
VI. Suggestum ascensuro quid agendum	452
VII. Concionatoris officium in suggestu	453
VIII. Dimissa concione Concionatori quid agendum	600

P. FRANCISCI BORGIAE

DE

RATIONE CONCIONANDI

LIBELLVS.

CAPVT I.

Praeparatio ad concionandi munus, cum
timore, & fiducia DEI.

QVI ex officio, Superiorumque
iussu, de superiore loco ad popu-
lum de verbo DEI differere
student, y optimo iure cum Pro-
pheta dicere possunt, Timor; Psal. 54.
& tremor venerunt super
me. Timor quidem ob muneris
magnitudinem; tremor vero, quia me ipse probe ex-
plorans, quae doceo eadem re praestare debeo, ne
minacem illam vocem audiam: Quare tu enarras Psal. 49.
iustitias meas, &c. Ex altera parte, si taceo, &
talentum a Domino mihi creditum desodio, timor
quoque, & tremor erit, ne aliquando ad me quoque
pertineat illud: Vae mihi, quia tacui. Nec enim Isai. 6.
modicae culpae affinis est, qui vbera, & lac doctrinae
filiis DEI esurientibus negat. Quod crimen qui com-
mittunt, crudeles perinde sunt, atque Lamiae; de qui-
bus per Hieremiam Prophetam DEVS sic expostulat:

- Thren. 4.* Lamiae nudauerunt mammam, lactauerunt catulos suos; filia populi mei crudelis, quasi struthio in deserto. Si suggestum concionaturus ascendo, vereor, ne negligenter me comparauerim, careamque zelo honoris DEI, & salutis proximorum: timeo ne ambitione peccem, aut inanī gloriae studio: quae vitia vanum hominem, & sui amore occaecatum comitari solent. Si, vt boni Ecclesiastae, seu Concionatoris munus expleam, & diuino Spiritu, gratiaque caelesti opus est: quale nam hoc meum domiciliū est, quod DEI Spiritus inhabitare velit? cum cor hoc meum latronum spelunca sit, nidus serpentum, antrumque daemonum. Si Moyses, & Hierem. 1. Hieremias se coram DEO purgant, detrectantque legationem, quod se indignos, & ineptos huic muneri, Isai. 6. balbos item, & infantes cognoscerent: Si Isaias igne indigebat, quo Angeli manu vrerentur, & munderentur labia, prius quam caelestē nuntium proferret: Luc. 1. Si innocentissimae vitae CHRISTI Praecursor, iam inde a puero paenitentiam sectatus, solitudinis asperitatem amplectitur, vt hic mundi Redemptorem, Agnumque DEI digito melius commonstraret: Matth. 3. Si denique Saluator ipse antequam ad Euangelicam praedicationē aggredieretur, baptizari prius in Iordane voluit, & caelos aperiri, vnde potestas docendi a Patre caelesti accepta hac voce, ab omnibus Matth. 4. exaudiretur, Ipsum audite: Si desertum ingreditur, ieiunat, pugnat cum daemone, & vincit: quomodo non timebo, qui in desertum non abiit? quomodo non

non

non tremam, qui in mundi horto desideo, nec caelos mihi apertos video, sed infernum potius merito peccatorum? neque Patris aeterni vocem parendo audiui, sed daemonum potius sibila auscultavi? neque tentationes superavi, sed illis deditus captivum me tradidi?

Gentium Doctor Paulus humo affligitur, & oculorum lumen, ne mundum aspiciat, amittit: DEVS enim Euangelij praedicatorum humiliari vult, atque terrena haec aspicere prohibet. Quomodo ego superbus, & in terrenis rebus lynceus, in caelestibus, & aeternis caecus? qua fronte cathedram Sanctorum ascendam, & eloquar quae non satis intelligo? quomodo docebo, quae ipse non seruo? Humili hac sui cognitione, & pudore vilitatis suae se ipse concionator cognoscat, atque deiciat, magni mueris, quod sustinet, habita ratione. Verum, ne animo deficiat, cauendum, neque ignavus reddatur timore, ut dicendi, ac reprehendendi viribus, & nervis careat: neue amittat sanctam illam libertatem, auctoritatem, & zelum huic officio pernecessaria. Temperandi itaque, & corrigendi timores illi amore, & fiducia DEI: animumque addat suae imbecillitati, atque tristitiae, fortitudine, & gaudio Spiritus sancti necesse est. Quare in mentem illi veniat, quantam DEI oculis voluptatem adferant, omnibusque adeo caelitibus gaudium, pedes praedicantium Euangelion; sic enim per Prophetam Spiritus sanctus ait: Quam Isai. 9. speciosi pedes euangelizantium pacem,

euangelizantium bona. Diffusus itaque scientiae, & talento, sistat se DEO; petatque sapientiam, gratiam, virtutem, & fortitudinem; dicatque humili

Psal. 138. veritate: Domine, non est sermo in lingua

Psal. 50. mea: & Domine labia mea aperias, & os meum annuntiabit laudem tuam. Tu si,

DEVS, opem fers, vitam emendabo, & per senectas tuas ducam fratres meos; & ante actae vitae meae errata medicinam illis adferent, atque remedium.

Psal. 50. Docebo iniquos vias tuas, & impij ad te

Matth. 2. conuertentur. Et si tu, o DEVS, negas bonum esse; vinum noxium Euangelij tui mittere in vtres veteres, & laceros; qualis anima mea tot vitis inquinata digna erit, quam tu manu tua renoues, & adornes, ne in melior ille pereat, nec proximi misericordia tua priuentur? Cor mundum crea in me

Psal. 50. DEVS, & spiritum rectum innoua in visceribus meis. Et quanquam vitio meo manus habeo

Genes. 21. Esau, erit vox mea. Iacob, tractans magnalia tua, & misericordias; & acquiram mihi, & fratribus meis benedictionem tuam. Hac fiducia vade, o Ecclesiastes, gladioque accingere, quod est verbum DEI;

& spiritum sanctum ora, vt se verbis tuis insinuet, cordaque auditorum penetret; qui solus clauis habet, & aperit quando vult; vt detur tibi sermo,

Ephes. 6. quemadmodum Apostolus ait, in apertione oris tui cum fiducia, notum facere mysterium Euangelij, pro quo legatione fungeris, ita vt in ipso audeas, prout oportet, loqui. Lega-

tione

tionem enim fingeris, siue ex officio, quo teneris, siue ex obedientia, quae tibi hoc munus mandat.

CAPVT II.

Quale studium concioni adhibendum.

HAC praeparatione, oratione, & sui cognitione instructus Euangelium legat, quod explanandum suscepit, facto prius conscientiae examine, quam librum aperiat: pulvis enim peccatorum oculos spiritus impedit, quo minus possit a vilibus pretiosa discernere, ut oportet, teste Propheta, facere illum, qui *Hier. 15.* DEI ore, & lingua loqui vult. Lecto Euangelio, sanctorum Patrum, Ecclesiae Doctorum veterum expositionem consulat, & recentiorum eos, qui ingenio suo magis quadrant: petatque a DEO Spiritum, quem cum illis Sanctis communicauit, in explicando Euangelio. Nam sine illo Spiritu frigide saepe dicet Concionator, & fructum ex auditoribus non colliget. Caueat diligenter Ecclesiastes, ne formulis, & phrasibus haereticorum utatur. Sanctorum Patrum scripta attente legat, nec audacter, quae ab illis dicta sunt, proferat; illi enim saepe, ut tempora tum ferebant, cum scriberet, & quo fine scribebant, non errarunt: nonnulla dixerunt, quae, si in hoc saeculo incidissent, non erant dicturi. Nec illorum verba citet in suggestu, impugnandi gratia, vel refellendi; id enim esset Sanctorum auctoritati derogare, & populum offendere. Habeat illos potius humili sensu magistrorum loco, iisque addictus sit, gaudeatque se instru-

mentum esse gloriae accidentalis Sanctorum, renouando honorifica praedicatione sanctam, quam docuerunt, doctrinam, litterisque mandarunt ad DEI gloriam, & Euangelij incrementum, animorumque salutem. Vitabit tanquam scopulos, inuenta a se, atque excogitata temere plebi obtrudere: quin potius receptam Scripturae interpretationem libenter amplectatur, optimamque interpretandi rationem existimet, Scripturam per alia Scripturae loca interpretari, & Patrum loca inter se componere. Vulgatam Bibliorum lectionem religiose sequatur, sensum sequutus sanctorum Augustini, Hieronymi, Gregorij, Ambrosij, atque Chrysostomi: Glossam item, quam Interlinearem, & Ordinariam vocant, non fastidiat. Scripturae loca interpretari non audeat, nisi bene intellecta. Tanquam rem sigillo obsignatam reuerenter Scripturam, & humiliter tractet, praemissa precatione, adhibitoque diligenti studio: sic fiet, vt DEVS abdita resignet, & quasi tenebris obducta reuelet. Solet enim quae abscondit sapientibus huius mundi, reuelare ea paruulis; quod curiosi, & superbi non consequuntur, sed humilibus datur. Lectis iam diligenter interpretibus sacris, ruminet accurate, attenteque consideret, atque inuenta disponat. Animum inde sacrarij loco, & adytorum conseruet, haustis tanquam diuitiis ex thesauris DEI familiarium sanctorum Patrum. Meminerit eidem DEO clauem tradere, cordisque sui custodiam commendare, tanquam

capsu-

capsulam doctrinae caelestis; uti vere cum Propheta Regio dicere queat: In corde meo abscondi *Psal. 118.* eloquia tua, ut nunquam peccem tibi. Sic itaque munitus si interdum, ut sit humanitus, a daemone laedaris, pudeat te tui, paeniteatq, humiliter confugiens statim, tanquam ad anchoram, ad Confessionis sacramentū. Meminerit quoque thesaurum *1. Cor. 4.* se portare in vasis fictilibus, quae DEO commendet, ut thesaurus ille tutus sit a furto daemonis, & inanis gloriae. Quemadmodum fecisse accepimus beatum Franciscum, DEVM sic identidem appellando: Custodi, Domine, tuos ipse thesauros; cognoui enim furem me esse; alioqui eos ipse vel furto auferam, vel hosti tradam.

CAPVT III.

De meditatione ante concionem.

NEC satis ducat Ecclesiastes, legisse, studiumq, adhibuisse, memoriaque complexum esse dicenda; verum in mentem illi veniat Eliae Prophetae *3. Reg. 18.* exemplum, qui comparatis vis quae ad sacrificium necessaria essent, DEVM orauit, ignem de caelo mitteret, quo victima incenderetur: Et cecidit ignis Domini, inquit Scriptura, & vorauit holocaustum, & ligna, & lapides. Idem & ille precetur, oretque Dominum cum Hieremia: De *Thren. 1.* excelso misit ignem in ossibus meis, & erudiuit me. Credat itaque absque hoc igne mansurum crudum cibum, & insipidum, ut ne conuiuae

Psal. 38.

quidem concoquere possint. Hic vero ignis precando parari, & meditando solet, ut expertus ille, qui dixit, In meditatione mea exardescet ignis. Hac meditatione instructus Concionator, ex Evangelio, quod in manibus est, attributa hauriat diuinæ quidem potentiae in miraculis; sapientiae vero in doctrina Praeceptionum, & Consiliorum; bonitatis denique in misericordiae effectis. Sumat & inde virtutes Fidei, Spei, & Charitatis; humilitatem item, patientiam, fortitudinem, castitatem, misericordiam, & reliquas. Re enim explorata comperiet nullum esse Evangelium, ex quo spiritualis homo, nulla vi allata, non queat haurire id genus excellentis virtutis. Sententias expendat, & verba; a quo, & ad quem prolata; quo fine, tempore, & occasione dicta: in omnibus enim mysteria reperiet, si DEVS illi clauē intelligentiae Scripturarū dederit. DEVS enim aeternus, qui primum loquutus est in Prophetis, post nobis loquutus est in Filio. Et hic quidem sermo non est in Evangelio mutus, sed iis diserte, qui aures audiendi habent, loquitur.

Hebr. 1.

Tingat se praesentem sermonibus a CHRISTO habitis, & ad viuum auditoribus exprimat, voce potius quam gestu. Obseruet minas, ad terrorem incutiendum; misericordias vero DEI, & beneficia ad amorem DEI conciliandum. Timor enim animum a vitiis deterret, ut contra amor ad virtutem inflamat. Induat Ecclesiastes eas animi affectiones, quas auditorum animis imprimere vult: nec enim
alios

alios mouet, qui non se prius mouerit, incenderit, atque inflammari: vnde & quidam olim ait, si vis me flere, dolendum est Primum ipsi tibi. *Horatius in*

Consolationi erit futuro Concionatori in labori- *Arte Poët.*
bus, atque vigiliis considerare CHRISTVM
Dominum, cum illa verba, quae interpretanda sus-
cepit, diceret, Patrem in Verbo diuino spectasse, &
quasi iam coram esset praedicaturus, quaque atten-
tione auscultarent auditores: animaduertat quoque,
CHRISTVM hominem, pro illis se obtulisse, qui
illum audirent. Speret itaque, conciones tali patro-
cinio, ac praeparatione fructum allaturas, DEO que
Patri offerat, vt Filius obtulit; rogetque, vt verus
infirmorum animorum medicus auditoribus medici-
nam impertiatur Euangelij, quantum iis opus esse
non ignorat. Roget quoque medicum illum Doctri-
nae panem, quem ad suggestum inops affert, in
manibus suis multiplicari patiatur, & auditoribus
largiatur. Quod nisi fecerit, neque qui plantat, ne-
que qui rigat, adferent emolumentum; quin potius
damnum concionatori adferet praedicatio: quemad-
modum imperitus medicus nocet aegrotis, si igno-
rantiae culpa, aut negligentiae, pharmaca prae-
postere porrigat. Ad finem meditationis dolorem
expendat, quo DEVS offensus angitur; & zelum,
quo vri oportet, vt & illius amore, & in ouium
salutem mortem non detrectet. Qua quidem in re
si se profecisse sentit, argumento est, meditationem
bene spiritui suo cessisse: vt Euangelium meditatum
in libro

Apocal. 10. in libro Apocalypsis beati Ioannis quod amaritudinem affert ventri, etsi in ore tuo videatur dulce tanquam mel. Sciat quanto plures lacrymas effuderit, tanto melius gustare faciet populum myrrhae amaritudinem. Tandem dabit illi Dominus intelligentiae lumen spiritualis; scriptum est enim:

Psal. 118. Declaratio sermonum tuorum illuminat, & intellectum dat paruulis, modo humili gratiarum actione recipiatur, & donum gratuitum, nulliusq; meriti esse sui agnoscat. Et si nullum alium laborum fructum recipiat e lectione, ante meditationem, illo contentus sit, memor illam etiam esse gratiam, donumque DE I. Certus etiam sit, si his bene utatur, maiora se accepturum. Meminerit praeterea, praeceptorem non solere alteram discipulo lectionem dictare, donec priorem bene teneat. Denique, si in nihil recipiendo humiliare se nouit, non exiguum Concinator fructum capiet.

CAPVT IV.

De dispositione concionis.

QVAE legerit, meditatusq; fuerit Ecclesiastes, ordine digerat necesse est: qui ordo loco libri erit, quo memoriae causa quotidiana notamus. Dici enim non potest, quantum ordo, dispositioque memoriam iuuet: si enim multa collegerit, magnamque rerum copiam in suggestum attulerit, sed rudia omnia, & indigesta; & confuse omnia, perturbataq; dicet, & fastidium auditoribus sine fructu pariet.

Deinde

Deinde aut non intelligit auditor, aut nihil memoria retinet; & rerum permistio efficit, ut nihil persuadeas, voluntatemque non moueas. In vniuersitatis creatione ordo docetur, & in aedificiis exstruendis: ut mediis concionibus Spiritus sanctus in cordibus habitet fidelium. Primo creauit DEVS (ut imaginamur) materiam primam informem: hinc lucem, & terram, ceteraque, quae materiam & illustrarent, & adornarent, donec ad hominem creandum peruentum est; omniaque suo loco collocauit. Idem concionatori sentio faciendum; qui locum primo eligat Topicum, argumentum hinc ducet, materiamque doctrinae, quaeque sermone persuadere populo cupit: deinde conquiret, quid ea de re sancti Patres docuerint, meditabiturque Euangelium; hinc ornabit eleganti ordine, omniaque locis accommodis disponet, partes digerendo, donec intellectui factum sit satis. Ad haec habeat Locos multos communes in promptu, sententiarumque copiam, auctoritatum vim, rationum momenta, Metaphoras, seu translationes, tropos, & figuras sacrae Scripturae, exempla, historiae, & similitudines: qualia nostra memoria singulis libris collecta, & edita legimus; utilius tamen suis quisque vigilis, & lucubrationibus utitur. Caueat tamen, ne quid praeter rem adferat, sciatque, quae suo loco, & tempore placent, & iuuant; ea si loco suo moueas, neque utilia sunt, nec persuadent. Prophetarum loca recte explicata docent, & admiratione ipsa mouent, fructumque afferunt, praesertim

fertim cum DEVS expostulat cum hominibus, & eae prophetiae vehementer mouent, quas in lege gratiae impletas videmus. Interdum vile erit Euangelium dici explanare ordine, & ad verbum, hauriendo hinc, inde quae ad mores pertinent: quo potissimum concionantis referri labor debet. Nonnunquam vero, explicato paraphrasi quadam Euangelio, periodum aliquam, vel sententiam Euangelij sumat, quae luminibus illustrata, magnam dicendi, & amplificandi materiam suppeditabunt. Verum tanta in his varietas existit, quanta est ingeniorum, cum non solum quae vni placeant, alteri displiceant, verum etiam plerunque quae nobis hodie probabantur, postridie improbantur: vt quae hodie componens sibi placebat, die sequenti reijciat.

Conciones primum calamo scribere, prudentis est hominis, & periculum vitantis: per commodum item sequentibus annis. Verum scribendi rationem variam varij tenent: alij compendio quodam quae dicturi sunt, & summa capita notant: alij tribus, quatuorve folijs integram orationem diffuse scribunt; nec audent verba publice facere, nisi prius ea scripserint, memoriaeque de scripto mandarint: quod laboriosum est, & insipientium, meticulozorū potius, quam in concionandi artem expertium. Et vero his alligari verbis, dicentis vim (spiritū vulgo appellant) continere videtur, & refrenare; quo minus libere audeat Concionator obiurgare, & vehementius, diuino Spiritu suggerente, dicere. Sunt & qui
median

mediam viam, quam probò, tenent; vt vna pagina rem, de qua dicturi sint, summatim, & methodice complectantur: quin & verba apposita ad rem ipsam adiungunt, ordineque omnia disponunt. Sic fit, vt liberiore, cum res postulat, campo excurrere possint, ad amplificandum sermonem, & eloquentiae vim ostendendam; vtque affectus mouere possint, subitario dicendi impetu. Et haec quidem ratio, mea quidem sententia, tuta est, & frequens.

Phrases, dicendique modus, & verba, cauendum ne affectata adhibeantur, & plus aequo conquisita; haec enim & dicentis animum exsiccant, & audientis. Vitanda contra & verba sordida, rustica, & barbara, & obsoleta: sit itaque sermo castus, quem nemo aestimator aequus facile reprehendat. Descripta iam concione, repetat interdum, vt memoriae non solum insigatur, verum etiam vt decentibus verbis, gestuque, & actione exprimat, priusquam in publicum prodeat; praesertim si non magna dicendi venustate, naturae beneficio, & arte polleat, nec vsum concionandi habeat.

Sunt qui memoria locorum vtuntur, & artificiosa, quam ab Oratoribus, adhibitis imaginibus, didicerunt. Sed vidi his impediri saepenumero magis, quam iuuari. Mediam itaque viam hic quoque tenere iuuat: vt in margine orationis scriptae, sex, vel octo locis praecipuis notas pingat, vt crucis figuras, litteras, & numeros: quibus memoria comprehensis, fidere possit, si forte, vt saepe accidit, memoria exciderent,

derent, quae didicisset; vel inter concionandum turbaretur: ad quas Notas, tanquam ad anchoras, confugere queat.

Opportunum tempus concionis memoriae mandandae, est pridie vespertinis horis accurate ediscere, priusquam quieti se nocturnae, somnoque necessario tradat, ut a somno euigilans species impressae occurrant; cubitu vero surgens exigit a memoria quae pridie, tanquam deposita, tradidit. Orationem, quoque ad DEVM matutinam ea de re instituire poterit, de qua verba ad populum factururus est, ut sibi ipse persuadeat, quod aliis dicendo persuadere conatur. Facilius enim id consequetur, ut alios in suam sententiam rapiat, qui sibi primum persuaferit, quod ab aliis extorquere nititur.

Neque vero minus studium est adhibendum in iis, quae dicenda non sunt, quam in iis, quae dicenda videbuntur. Verba itaque de re controuersa, & graui expendat, ne quid excidat imprudenti, quod cum Scholastica pugnet Theologia. Et si forte humanitus, ut sit, aliquod verbum imprudenter excidisset, aut sententia, quae in malum sensum rapi posset, & periculose sonet; statim ipse, priusquam ad alia pergat, perspicue explicet necesse est: ne quod scandalum, aut offendiculum, quasi secius de religione sentiat Concionator, in auditorum animis relinquatur: nam, ut Propheta ait, Eloquentia Domini, eloquia casta.

Psal. 11.

CAPVT

CAPVT V.

Quomodo se ipse comparabit, & cum
fructu alios iuuabit.

MATER, vt lacte nutriat infantem, se alit
primum, curatque valetudinem, & solidos
cibos mandit, quos in infantis os ingerit. Ad eundem
modum Concionator, vt spiritualem escam populo,
quem filiorum loco habet, commode praebeat, prius
ipse cibum mandet, vt sic in os infantis ingerat.
Quare sacrificet pie, oret, ieiunet, vigilet, lacryme-
tur, flagellis se verberet, corpusque paenitentia subi-
gat spiritui, & domet. Sic fiet, vt peccata, quibus
tanquam a daemonibus multi occupantur, citius ex-
pellat; nam, vt CHRISTVS ait, Hoc genus *Math. 17.*
daemoniorum non eiicitur, nisi per ora-
tionem, & ieiunium. In precando DEVM,
eiusdem Domini exemplum imitetur, qui, cum ad
caelestem Patrem properaret, sic orabat: Pater, *Ioan. 17.*
cum essem cum eis, ego seruabam eos in
nomine tuo; nunc autem ad te venio, serua
eos, &c. His tanquam comendatitiis litteris, quas
nobis vita abiens reliquit, vt ad DEVM Patrem
oportet, qui eas preces, haud dubie, libenter accipiet.

Angelorum quoque subsidium imploret, a Sera-
phinis quidem amorem petat, a Cherubinis scien-
tiam, & lumen; de ceteris Hierarchiis sua dona
postulet, quae a DEO acceperunt. Praecipue vero
ab Angelo custode auditorum potestatem sibi fieri
f postulet,

postulet, docendi eos, tanquam discipulos, qui eius sunt custodiae commissi. Pudori quoque sit, eos docere ausum, qui tales nati sint & magistros, & custodes. Quorum si disciplina nihil profecerunt, quomodo tua, qui imperitus sis, & peccator, doctrina proficient? Roga item, ut inspirando ea suppleant, quae in te desiderantur, vel ob imperitiam, vel negligentiam tuam; vel denique ne ab Angelo tuo illud audias, Medice, cura te ipsum: ipse serua, quam fers legem; & fac ipse prior, quod iubes. Sic ex concionibus utile quid hauries animae tuae commodo. Da itaque operam, ut boni magistri officio fungaris, re ipsa exequendo, quae doces: ut de caelesti illo Doctore accepimus, qui coepit primum facere, quam docere.

Act. 1.

Cum aliquam virtutem persuadere studiose cupis, eius Sancti auxilium implora, qui in ea excelluit, dum in terris versaretur. Exempli causa, de Patientia verba faciens, commenda te, tuaque D. Iobo: si de Paenitentia ages, Magdalenam appella: si de Continentia, & Castitate, Iosephum: si de Caritate, eum discipulum, quem dilexit IESVS: ut horum apud DEVM intercessione singulas illorum virtutes consequaris, & meritis, per DEI misericordiam, ut cum fructu populus & verbum DEI simul audiat, & custodiat.

Verum cum ambitionis aestus oppugnare, atque utinam ne expugnare, concionantes soleat; praesertim si audientium frequens sit concursus: armet se ipse, pugnetq,

pugnetq; cum hoste illo, qui viperae instar cor ipsum,
& sanguinem bonum, tanquam veneno corrumpere
solet. Huic malo hoc esto remedium. Suggestum con-
sensus, verecundia ducatur, & pudore; quasi pa-
linodiam canere pergat, & quae dixit, retractare sit
iussus. Re vera enim, si recta rem ratione expendas,
hoc agis, dum virtutem laudas, atque commendas;
retractas ea, & reuocas, quae turpiter antea peccan-
do commisisti, cum toties DEVM offendebas. Se
itaque, suaeque opera accuset, & damnet; ipse sibi
praeco sit, & carnifex. Quae cum ita sint; quid, o
infelix cernis, si publice palinodiam canis, teque retra-
ctas, superbis? si tuam ipse vitam condemnas, cur
extolleris? Triduo ante concionem studium sit obse-
qui tribus Trinitatis personis: primo die DEO
Patri memoriam commenda, postero die Filio in-
tellectum, tertio die Spiritui sancto offer voluntate-
tem. Si quid forte memoria excidet, Patrem caele-
stem appella, si alicuius loci difficilis explanationem;
vel arcanum aliquid sacrae Scripturae inuestigas,
ad Filium confuge; cum te aridum, & sine deuotione
comperies, roga Spiritum sanctum, vt sui amoris
ignem in corde tuo accendat: vt sic omnes animae
potentiae instrumenti loco sint DEO acceptae;
quo illis bene ad illius laudem, & gloriam utaris.

CAPVT VI.

Suggestum ascensuro quid agendum.

CONSCENSVRVS ad dicendum animi puritatem in primis curet, & purae consciētiaē examen adhibeat, tanquam mox habita concione, rationem reddere debeat animae, & sistere se ante tribunal, iudiciumque iusti DEI. Qua de causa in mentem illi veniat, Filium DEI IESVM CHRISTVM suggestum, & cathedram Crucis conscendisse, vt mortem ibi oppeteret. Apostolū item sanctum Andream ex Cruce concionatum, eamque miris antea laudibus extulisse, in eaque exspirasse. Sic qui nunc verus est CHRISTI crucifixi Concionator, ita in suggestu stare debet, vt praeparatus sit, cruciatus perferre, imo & mortem oppetere, in testimonium, & defensionem verbi DEI, quod concionatur, & Ecclesiae Catholicae Romanae, matris nostrae, & magistrae.

Cogitet etiam Ecclesiastes, se esse instar machinae, seu bombardae bellicae, qua, tanquam ariete, muros superbos Babyloniae quatere vult DEVS, atque prosternere: se vero similem esse pulveri tormentario, & fictilem, & aeris instar grauem, frigidum: puluerem se esse nigrum, sordidum, foetidum, & ad inquinandum alios aptum, quos tetigerit; qui puluis, vt finem consequatur suum ignem illi applicare necesse est sancti Spiritus. qui illum incendat, vt olim, Pentecostes die, corda Apostolorum ignitis linguis

*linguis inflammavit. Quo dono ut potiarius, & luce,
& igne, humiliter, & cum fiducia recites Hymnum:*

*Veni creator Spiritus,
Mentes tuorum visita;
Imple superna gratia,
Quae tu creasti pectora. &c.*

CAPVT VII.

Concionatoris officium in suggestu.

IN suggestu non turbetur animo, neque sibi displiceat, si perpaucos ad concionem confluxisse viderit: quin potius mirari oportet, existere vnum aliquem, qui illum audire patienter non recuset. Consideret, tamesi pauci ad audiendum venerint, nihil meriti sibi detractum iri: imo tantum addet lucri, quantum adimit, ne inanis gloriae vitio tangatur. CHRISTVM itaque, magistrū summum, praesentem habeat, Concionatorem caelestem, qui paucis saepe discipulis, & vni mulierculae infimae Ioan. 4. & conditionis praedicare non erubuit, summo etiam & 8. labore, & lassitudine longae viae.

Paratus sit etiam silere, dato iam a comite silentij signo, tamesi vix dimidium dixerit eius, quod attulit: praestat enim per obedientiam silere, quam sine illa diserte loqui. Erit tamen prudentiae ita sermonem temperare, ut vna hora absolui concio queat; neque enim extendi vltius debet: nec proficit auditor, imo taedio afficitur, nauseamq; concipit etiam de auditis, si horam Concionator excedat.

Gestus, motusque corporis, personae & decoro conueniant, & officio: respondeant vero rei, de qua agitur. Cauendum ne in gesticulando nimius sit, vt Histronis personam in scena agere videatur; nec contra ita quietus stet, atque immobilis, vt statua, non homo, videatur. Meminerit, actionem, & pronunciationem principem esse Oratoris partem, teste Demosthene, & velut orationis vitam.

In Historiis narrandis vitanda prolixitas: fastidium enim pariet, tempusque, quo docendus potissimum populus est, amittet.

Cum peccatorem reprehendet, cogitet se ipsum reprehendere. Se enim peccatorum maximum aestimet necesse est. Id erit persfacile, quando nullius, imo ne omnium quidem auditorum, tot errata agnoscit, quot ipse se commississe conscius nouit. Sic docendo, fructumque auditoribus adserendo, ne ipse quidem expers eiusdem fructus erit.

Non pigeat, pudeatque sententias, & praeclare dicta ab aliis concionari, licet sint aequales, & sui temporis scriptores: resficiens in exemplum CHRISTI, qui cum Sapientia esset Patris, eadem tamen praedicare non erubuit, quae ante illum Praecursor Ioannes, nimirum de Paenitentia, in deserto concionatus erat. Hinc etiam discat Ecclesiastes, saepe verba facienda publice, priuatimque, exhortandumque populum esse ad paenitentiam. Ille enim sensuum ductu, & deprauata consuetudine, ruit in delicias, mundique voluptates. Animaduertat, DEVM per
Hierem.

Hieremianus falsos appellare Prophetas, qui non praedicent paenitentiam. Prophetas, inquit, tui viderunt tibi falsa, & stulta, nec aperiebant iniquitatem tuam, ut te ad paenitentiam prouocarent. Thren. 2.

Si concionanti forte quis rumor obstrepat, patienter ferat, neque animo turbetur, vel iracundiam ostendat: ne dum patientiam alios docet, se ipse palam resellat, quod ea virtute careat. Meminerit, se maiori antea impedimento aliis fuisse, quo minus DEI vocem audirent, quam sibi nunc obstrepunt. Si quid dicto opus sit, ut rumor conquiescat, modeste id fiat, absque animi perturbatione, ut auctoritatis simul, & humilitati locus sit.

In reprehendendis moribus, & vitiis, prudentiam adhibeat, & modestiam: si enim verba animos offendunt, vel aspere, & acerbe id fiat, maius erit offendiculum, & detrimentum, quam emolumentum, & emendatio. Prudentis est medici, cataportia inaurare, ut a debili stomacho suauiter accipiantur: & quamuis inaurata sint, nihilominus operantur. Correctio fraterna sit cum candore, & in caritate; ut facile appareat, proficisci ab animo pio, vereque Christiano, & commiserante, quique eius, qui reprehenditur, salutem quaerat; ostendat item, se neminem improbum existimare, aut notare, tantum cauere velle, ne huiusmodi peccata committantur, vel improbus sit. Verba ita temperabit, ut si quis laesum se suspicetur, molesteque ferat, vere dicere Concio-

nator possit, non eius causa dictum esse. Temperari autem correctio fraterna potest, & mitigari; allato aliquo loco, vel exemplo sacrae Scripturae, vel ex SS. Patribus, quibus eadem vitia reprehendantur. Vt enim non tu es qui loqueris, sed Spiritus sanctus; ita nec se iure laesos esse doctrina tua conqueri poterunt. Denique reprehensio commiserationem ostendat, non indignationem, aut odium cuiusquam. Habeat & personarum delectū, quas reprehendit: sic

1. Timot. 5. enim docet, iubetq; Apostolus Paulus, senes vt patres, anus vt matres reprehendēdas. Incredibile dictū est, quanto studio daemon Euāgelico melli fel admiscere in reprehendendo conetur, vt multos hac ratione ab audiendis concionibus deterreat, vel inuidiam, & odium zelotis Ecclesiasticis conciliet. Si quando visum erit necessarium saluti, & conseruationi eius, qui corrigitur, vt vulnus detegatur, & cauterium adhibeatur, & oleum etiam suauitatis addendum esse

Exod. 8. meminerit: sic enim DEVS olim durum Pharaonem accepit, quem & plagis multis affecit; mox flagellum auertit, vt ad se rediens resipisceret, moreq; placide emendaret. Si inter concionandum loca occurrant, quae tamen domi non cogitasset, non temere proferat, tanquam non satis matura. Solet enim daemon saepenumero haec suggerere, vt concionantem turbet, vel auocet a re aliqua, de qua agebatur, cogitatione rei non magni momenti: nisi forte spiritus sui robur agnoscat, lumenque ingenij, & ad rem ipsam facere videatur, vt vel silentio rem praeteriisse, scrupuli

puli religionem injicere posset. Quod si accidat, redeat statim ad ea quae domo meditata attulit, habito respectu caelestis doctrinae: ne nimia sui fiducia, vt fit, in errorem labatur.

Haereses, & errores, qui cum Catholica pugnant veritate, ne temere, & sine delectu tractet in suggestu Concionator: propterea quod eorum rudes, & imperiti, nihil his proficiant; & quamuis doceri possint, praestari tamen non attingere. Scimus enim maiorem esse daemonis astutiam, quam humanam prudentiam, & vigilantiam. Prudentis itaque Ecclesiastae officium erit, robur addere argumentis Catholicae fidei, & cum ea pugnans mendacium refellere alia via: vt verbi gratia, cum se occasio offeret, confirmabit obedientiam Romanae Ecclesiae debitam; firmabitque Scripturae locis, & rationibus virginitatis donum, caelibatum Sacerdotum: enumerabit fructus Religionum, Religiosorumque hominum: exaggerabit meritum bonorum operum, & paenitentiae: hortabitur ad obedientiam Principum, & Antistitum Ecclesiasticorum, & secularium: item de fructu indulgentiarum, tam pro viuis, quam pro vita sanctis: & intercessionis utilitatem, & inuocationem Sanctorum commendabit, vt & cultum reliquiarum, & memorias illis consecratas. Et haec quidem omnia prudens Ecclesiastes sancto zelo ita temperabit, vt qui nouerit contrarios esse errores, intelligat qua ratione refelli possint: qui vero non nouerit, in sua permaneat simplicitate,

& se ipse consoletur, habeatque ad manum, si forte intus, exteriusque tentaretur in fide, quo se tueatur. In prouinciis vero haeresi contaminatis, non opus est hac cautione, sed aperte, tamen in caritate, & visceribus doloris, haereticorum fraudes, caecitatem, & errores detegat. Quod tamen non aggradiatur in suggestu, nisi omnibus neruis ingenij, doctrinae vi, & spiritu, & argumentorum pondere adhibito: ne, dum sanare vult, plus noceat, vsus infirmis argumentis.

Vitandum & illud, ne in corona hominum indoctorum agat de gradibus perfectionis spiritus, & de Orationis, & Contemplationis sublimitate: pauci enim intelligent, & multi animum in tanta luce despondebunt. Si enim videat se scopum non attingere, qui proponitur, vulgus se errare putat, suaeque opera bona nullius esse meriti, & quae coeperant, modica. Alij vero carnis serui illa irrident, nec facile assentiuntur huiusmodi Orationis, & Contemplationis sublimitati. Sic fit, vt & Concionator inanis gloriae vitio periclitetur, & auditor vacuus domum, & aridus redeat. Consultum itaque fuerit, vt doctrinam ad auditorum captum temperet, ac moderetur.

Vitabit Auxeses, hoc est, exaggerationes nimias, & Hyperbolas, & laudes sine exceptione, & comparationes odiosas de praestantia Sanctorum inter se: nec virtutes, vel opera, temere ita extollat, vt ceteris omnibus anteponat. Nam praeterquam, haec
sine

sine auditorum fructu dicuntur, si ad examen, & trutinam vocarentur, negotium concionanti saccessere posset huiusmodi exaggerationes. Tutius itaque fuerit candide loqui, & moderate.

Non satis sit virtutes laudasse, & Sanctos, sed & media ostendat, & viam, qua inuitari queant auditores: ostendens interea spinas, quae viam illam ad aeternam salutem impeditam reddūt. Viae, quas ad virtutem patefaciet, multae sint, & faciles: alij enim alias ingrediuntur.

Quo populum libentius se audire videt, & attentius, atque frequentius, eo audacius veritatem, in iis quae oportet, exponat: vitia item, & abusus non taceat, memor illius Saluatoris nostri, qui quo die ab Hebraeis honorificentius cum applausu, & ramis acceptus fuit, cantantibus illis, Benedictus *Math. 21.* qui venit in nomine Domini, eo ipso die eiecit e templo summa seueritate, & flagellis ementes, & vendentes.

Vitabit & illud, ne humano respectu, aut spe commodi adductus, & lucri, munus exerceat suum: nisi volet lepram peccatorum, quam a populo aufert, in se recipere, ut Gieso auaro accidisse legimus, qui lepram in se suscepit, quam Nabamo diuina gratia conuerso abstulerat. *4. Reg. 5.*

CAPVT VIII.

Dimissa concione, Concionatori quid
agendum.

FINITA concione ubi se in cubiculū Ecclesiastes
receperit, gratias ager DEO, quod opera sua
in tam sublimi ministerio, vtilique fine, vti voluerit.
Repetat memoria errata, quae concionādo commisit,
vt se ipse humiliet, vtq; alias eadem fugiat. Sic fiet,
vt munitus sit aduersus laudes, & adulationes alio-
rum, & contra caecum sui amorem, & inanem glo-
riam: quae apertis mendaciis fallunt. & excaecant,
nisi spiritus sit humilis, atque subactus. Vt autē se ipse
humiliter cognoscat, suamque miseriam, effugiatque
adulationes, dicat: Summe DEVS, quoties ho-
die contra me miserum peccatorem sen-
tentiam dixi! Quantum inter se pugnant
apud me. dicta, & facta! Tepidus ego, &
delicatus, quam in alios seuerus sum ex-
citando, & reprehendendo! contra in me
quam mollis sum, & blandus! Mihi ipse
quam facile ignosco, ceteris vero minime!
Vide quo modo de Euangelica perfectio-
ne differere audeat, qui tam longe ab ea
distat, violator praeceptorum tuorum.
Equidem leoni similis videor, qui cauda
sua pedum vestigia delet: sic ego operibus,
& vitae vestigiis obscurare videor eam,
quam verbo doceo, doctrinam.

Si forte

Si forte dicent amici, fructum te concionando referre, dic cum humili Virgine Maria: Magnificat *Luc. 1.* anima mea Dominum. & cum Propheta Regio: Dico ego opera mea Regi. Regis enim *Psal. 44.* caelestis sunt omnia. quae caeli ambitu continentur, ipsique omnis gloria debetur. Et hic quidem fructus est grani in terram cadentis, & mortui, cum ipse *Ioan. 12.* vult, & quantum ei placet. Nos vero serui inu- *Luc. 16.* tiles sumus: & cum omnia fecerimus, quae oportet, nondum satisfecimus. Si forte contra dici inaudieris, nullum ex tuis concionibus fructum apparere satis tibi sit morem gessisse imperanti, quae res non modici quaestus est. Et dicas: Saltem, Domine DEVS, quando nulli rei fatis idoneus sum, testis esse possum, & praeco diuinae tuae voluntatis, praedicans legem tuam ore meo hominibus: vt iustificeris in ser- *Psal. 50.* monibus tuis, & vincas cum iudicaris. Illud quoque consolationis sit cogitanti, tamen si fructus non appareant hominibus, saepe tamen DEVM solere clam percipere, corda auditorum mouendo, quae solus ille scrutatur, & videt. sub hominum vero aspectum non cadunt. Memineris & Apostolos, & discipulos IESU CHRISTI Euangelium praedicando per totum terrarum orbem, paucos saepe mouendo, modicum fructum retulisse, quem post mortem illorum, tanquam ex semine natum, colligi DEVS voluit..


Audis fortasse murmur de te natum esse, caue-
turberis, si causam non dederis: immo gratias DEO

age,

age, qui audit detractiões & blasphemias, quas & ille concionatus in terris audiuit, postquam & docendo, & aegrotos sanando omni bono de Iudaeis meritis esset. Et quamuis alij per te non profecerint, saltem tibi profuisse videare concionando. Vide quantum te praedicatione Euangelica obstrinxeris, ut eadem quae alijs praeceperis, seruanda tibi esse scias. Si enim contra atque docueris feceris, similis eris sepulcris dealbatis, foris quidem albis, & ornatiss, intus vero ossibus, & foetore plenis.

His, & similibus meditationibus humilem se Concionator seruet necesse est: & quanto erit humilior, tanto etiam maiores fructus reportabit, eritque gravior DEO Opt. Max. qui perfectissimus est Euangelicae praedicationis magister, & vnicus humilium Concionatorum Doctor: cui cum Patre, & Spiritu Sancto laus, & gloria in secula seculorum. Amen.

FINIS.



Emendanda in aliquot exemplaribus.

Pagina 261. linea 12. beneficio, lege, benefico.
 pag. 446 lin. 14. componens sibi placebat, lege. componenti placebant. lin. 24. insipientium, lege. incipientium. lin. 25. artem expertium, lege. arte experientium.
 pag. 448. lin. 7. euigilans, lege, euigilanti.

FRANC. BORGIAM
IOANNES VERZOSA
CAESARAVGVSTANVS.

QUALIS ab arce fluat stellantis gratia caeli
In nostras & quanta animas, cum poscimus, ut nos
Respiciat CHRISTI bonitas, faciatque beatos:
Exemplum, Francisce, exstas hoc tempore rarum
Borgia: qui donis Fortunae ingentibus auctus,
Et titulis, summisque opibus mirabilis olim:
Ut tua diuino sunt corda impulsa fauore,
Ducebas quae pulchra, fugis; mentemque operosam
Virtute ignota priscis Sapientibus ornas.
Nec gustas quod dulce, nisi alnum nomen IESV,
Incuruat cui se omne genu: quantosque libenter
Ponebas in venatu, hippodromoque labores;
Aeterna vnde ferunt victores praemia, penis:
Nec positos ante esse doles: ex quo tibi rectum
Nosse datum, sanisque oculis discernere verum.
Nunc Praeses post Loiolam gregis, atque Lainem,
Tertius electi, lata pietate, seueris
Doctrinis, vitaeque rudi ad caelestia tutum
Christicolis ostendis iter, dubiaque in arena
Stare mones vnum contra tres quemlibet hostes.
Certe ego seu te contemplor, seu verba ferentem
Ausculto sacra e suggesto: protinus omnis
In partes feror inde tuas, mutorque repente;
Ut vox amotum terris excelsa sub oras
Sublimem leuat aethereas: sic consona factis
Verba tua, & verbis sic sunt tua consona facta.

APPROBATIO.

Libellus hic *De ratione concio-*
nandi, & praedicatione Evangelica,
R^{di} Patris FRANCISCI BORGIAE,
Ducis Gandiae, & Societatis IESV
Praepositi Generalis Tertij, do-
ctus, ac pius est, utilisque futurus
omnibus diuini verbi praeco-
nibus. Quare praelo committi
tuto posse iudico. Datum Ant-
uerpiae, Nonis Nouemb. 1597.

Silueſter Pardo, S. Theologiae Licentiatus,
Cathedralis Ecclesiae Antwerp. Cano-
nicus, librorumque Censor.







